

D. SAMUELIS SCHELGUIGII,

elbs. MANUDUCTIO *1711*

AD

AUGUSTANAM
CONFESSIONEM,

QUÆ

IN TABULIS EXPLICATUR,
QUA CONTROVERSIAS POTIORES
DEMONSTRATUR,

ET

AB ADVERSANTIUM CALUMNIIS
VINDICATUR:

CUM PROLOQUIO
AD VENERABILE COLLEGIUM
THEOLOGORUM,
IN ACADEMIA WITEBERGENSI.

GEDANI,

Typis & Curâ JOH. ZACHARIÆ STOLLII,
ATHENÆI TYPOGRAPHI. 1711.

Bibliotheca Elbingensi publicae.


misit

Autor.



2592

Pol. 8. II. 883



VIRIS
Summè Reverendis, Magnificis & Excellentissimis,
DOMINIS,
DECANO, SENIORI
AC PROFESSORIBUS
THEOLOGIÆ PUBLICIS,
IN ALMA WITEBERGENSI,
De Universâ Ecclesiâ Meritissimis.

ac nominis immortalitate celeberrimis,

Dominis, Fautoribus, atq; in Iesu Christo Fratribus,
debito cultu atq; affectu prosequendis;

Gratiam ac Pacem à Deo pacis, per Christum gratiæ re-
stauratorem, in Spiritu S. gratiæ ac pacis sigillo; cum devotâ
salutis apprecatione, sincerâq; officiorum contestatione!



I oblitus fuero tui, Jerusalem, oblivioni
detur dextra mea: Adhæreat lingua mea faucibus
meis, si non meminero tui. (α) Hi cæ verbis
Judæi, patriâ extorres, gratum erga metro-
polim antehac suam animum testabantur. Cum enim
(α) Ps. CXXXVII. 5. 6. (A) = Ieru-

Ierusalem adificata fuisset, ut civitas sibi invicem sociatorum
esset: quo ascenderent tribus, ad confitendum nomini Domini:
ubi sedes figerentur ad iudicium, sedes domus David, (β)
h. e. ubi publicus Dei cultus in templo, justitiæque, suum
cuique tribuentis, exercitium in tribunalibus floreret;
tantum abest, ut eorum, quæ magno suo commodo ibi
audiverant, quæ viderant, quæ experimento didicerant,
memoriam alibi deponerent; ut potius si fortè posthac
unquam ista meminisse desinerent, malum sibi ipsis im-
precarentur. Non equidem ego conjecturæ illi, quod
Iudæi in exilium migrantes, Hierosolymam annulis armil-
lisque insculptam, ut manus suas intuentes perpetuò di-
lectissimæ recordarentur civitatis, secum exportarint, quic-
quam tribuo. Quis enim militaris rapacitatis non omnino
ignarus, Chaldæos à se devictis, quos seminudos vinculisq;
constrictos in servitutem abducebant, annulos & armillas
reliquisse, crediderit? At manus tamen suas, ex quibus
dextram sinistræ haud abs re præferebant, & linguam, quâ
cum Ieremiâ de miseriæ magnitudine conquerebantur, De-
umq; pro remissione peccatorum & averfione malorum ar-
dentibus precibus implorabant, adhuc retinentes, se justis-
simo Numini devovent, ut sicubi Hierosolymæ apud ipsos
subreperet oblivio, cœlestis Pater nec dextræ eorum ad ne-
goria feliciter perficienda extentæ, amplius recordetur,
linguamque faucibus faciat adhærere.

Hæc Iudæorum verba jure meritoque mea nunc facio,
de Witebergâ, studiorum meorum Matre, Academiarum in
Germa-

Germaniâ oculo, ejusq; collatis in me beneficiis, *dicturus*
 Recipiebar in istud pietatis, orthodoxiæ & omnigenæ eru-
 ditionis domicilium, â reparatâ per Christum salute anno
 MDCLXI. Rectore Magnifico, Jctorum apice, D. Caspare
 Zieglero, adventantem d. 5 Maji Albo civium Academico-
 rum inferente. Ibidem verò triti illius, quod *lapis sæpè vo-*
lutus musco non obducatur, probè memor, usq; ad 26. Nov.
 MDCLXVII. non sine fructu, commorabar. Tametsi enim
 intereâ vicinas quoq; Academias, Lipsiensem, Ienensem,
 Helmstädiensem, Francofurtensem, Erfurtensem, diversis
 temporibus, visitaverim; paucissimas tamen septimanas iti-
 neribus illis, impendi; semper quantâ fieri poterat velocitate
 Witebergam meam revisens. Hic primum biennium præ-
 cipuè Philosophicis studiis impendebam atque Ethicam
 â D. Michaelē Wendelero, Historiam & universum Mathe-
 seos cursum â Lic. Ægidio Strauchio, Professoribus publicis:
 Logicam â M. Ernesto Backio, Metaphysicam â M. Henr.
 Baumanno, Physicam â M. Samuele Hentschelio, Facult.
 Philos. Adjunctis: Politicam â M. Iohanne Friderico Hornio
 & Hebraica, in primis, quas tum aperiebat. scholis, â M.
 Augusto Pfeiffero, cum quo ab eo tempore, usq; ad extremum
 vitæ ejus, intemeratam amicitiam colui, audiebam. Præce-
 ptores autem meos, amplioribus muneribus postea admotos,
 iis nunc compello titulis, quibus cum ab illis docerer, gau-
 debant. Inter illos Lic. Strauchius, abhinc Theologiæ Doctor
 & Facultatis hujusce Assessor, quo Præside duos ex Senariis,
 quos edebat, historicis, alterum 16 Augusti MDCLXII. &
 alterum 14. Februarii MDCLXIII. respondendo defendi, fin-

gulari me amplectebatur favore, librisq; in Dissertationibus scribendis, exemplo non ubiq; obvio, promptè adjuvabat. Reliqua paterni animi in me documenta sicco pede transeo, istud unum exprimens, beatum Virum à Deo commotum videri, ut futurorum licet ignarus, quem Gedani deinde Collegam tandemq; Successorem habuit, ad Spartam decenter ornandam, maturè præpararet. Eodem præprimis monitore factum est, ut quinto post Disputationem M. Danielis Spiegelii, quam de *Sabbatho dierum*, pro Præsidio, me feliciter per Dei gratiam respondente, ventilaverat die, qui 22. Aprilis erat, Magisterii philosophici insignia, decenter prius expetita, ab Andréâ Sennerto, Linguarum Orientalium Professore Publ. Facultatis suæ Decano, atq; tum Hospite etiam meo, capefferem, ac in Academicum illud eruditionis testimonium, quicquid ex paternâ hæreditate supererat, erogarem. Temerarium videri poterat consilium, ut incerta per privatas Scholas emergendi spes, certissimo, quod pro honoribus novis solvendum erat, pretio emeretur: Parui tamen, Deo confisus, qui difficillima rei tentatæ primordia exoptato progressu clementissimè ita coronabat, ut me pecuniam in loco neglexisse, tandem magno cum emolumento experirer. Nam alterâ statim, ab impetrato gradu, septimanâ, Logicum, quod vocant, Collegium aperiēbam, legendoq; & disputando, gratis absolvebam. Quo ad Colophonem perducto, cum mense Septembri sub D. Wendelero pro Habilitatione, ut vulgò dicitur, seu pro facultate præsidendi, de *Boni Politici requisitis* disputassem, paulò post, nempe 3. Octobris, indulgente Amplissimo Philosophorum Ordine, supe-

superiorem cathedram primâ vice conscendebam. Novum istud, pro consueto Academiae more, quasi Examen erat, cuius rigor ex sententiâ Auditorii superatus, haud parum fortunæ meæ augmenti conferebat. Crescebat enim ex eo non modò amor Studiosorum, sed & Professorum erga me favor. Ex Professoribus quidem præ cæteris nominari meretur, Vir à Musis & Gratiis factus, OTTO PRÆTORIUS, Poët. Prof. P. & Historicus Electoralis, cui pro benevolentia mihi exhibitâ satis gratiarum exsolvere nequeo: Illius doctrinæ & exemplo debere me profiteor, quod rationem prudenter, cum diversis hominum generibus, conversandi, maturè didici: Ille in mensæ domûsque contubernium recepto, de ephoriâ, ex quâ commodius viverem, prospexit: Ille ad Buchnerianam Bibliothecam, sibi dotalem, mihi liberum accessum librorumque usum concedebat: Ille, ut paucis dicam, nihil petenti negabat, & quo animi secreta panderet, 1. Novembris 1664. Philothecæ, in quâ me *Convictoris* & *Contubernalis dilectissimi* nomine dignabatur, sequentes versiculos inscribebat:

*Schelguigi, quem Phæbus amat, quem Pallas honore
Maerat, & ad meritum Svada diserta colit.*

*Accipe, noster amor, sincera pignora mentis,
Semper & affectu me fore, crede, tuum.*

Quod verò ad Studiosos attinet, quàm cupidè illi docentem me secuti sint & auditoria, quæ conduxeram, etiam capacissima, impleverint, alienis celeberrimi D. IOHANNIS DEUTSCHMANNI. Theologi de Ecclesiâ Evangelicâ indefessis laboribus multò meritiissimi, verbis, quibus
in

in programmate inaugurali, anno MDCXXCV. utebatur, quam meis, exponere malo: Ita autem vir religiosissimus & ab adulatione alienissimus: *Impetratâ docendi privatim, & disputandi publicè potestate, talem se gessit, ut apud Superiores favorem, apud æquales amorem, apud inferiores & auditores honorem, apud externos famam non vulgarem mereretur.* Scholas enim utiles & fructuosas aperuit, & universam Philosophiam sapius Auditoribus suis ita proposuit, ut & methodi dexteritate, & proponendi facilitate, & sermonis perspicuitate & fructuum ubertate, se cunctis commendaret. Inde factum, ut non modò frequens Auditorum numerus ad Scholas Ejus privatas, discendi Philosophiam ergo, concurreret; sed etiam Disputandi desiderium multorum animos accenderet, ut à SCHELGUIGIO potissimum artificium Disputandi sibi compararent. Frequentiores igitur Scholas Disputandi privatim Comilitonibus suis instituit, & vicies novies, quod exempli rarioris est, de materiis arduis, publicas in utroque Auditorio Disputationes Præses habuit. Et quia non modò studiosam juventutem ad solidiorem Philosophiæ cognitionem, felici successu manucebat, sed elegantiores etiam literas, & liberaliora studia, quæ vocant, excolebat, ideo Nobilissimorum etiam Juvenum Ephorus non semel constitutus est; in quâ functione talem se probavit, ut nunquam deessent, qui nostrum Candidatum ad Ephorias ejusmodi vocarent. Ejus enim erat diligentia, ut indefinenter sibi Commisissis sapientiæ doctrinam inculcaret; ejus sapientiæ, ut difficilia quæque verborum perspicuitate, docendique facilitate, cunctis explicaret; ejus prudentiæ, ut unicuique suum destinaret, & in omnibus laboribus fuctum non contemnendum suis Auditoribus

tibus conciliaret. Hucusq; Decanus Facultatis suæ spectabilis,
 qui si ex affectu, in laudibus Candidato Theologiæ tribu-
 tis, præter opinionem fortè alicubi modum excessit, ne id
 mihi fraudi sit, oro; cui hoc Witebergensis in me favoris
 specimen, silentii involvere sipario, haudquaquam licuit.
 Verissima autem esse, quæ de numero Disputationum pu-
 blicarum, in inclutâ Academiâ me Præside ventilatarum,
 in dicto Programme traduntur, eâ etiam de causâ expo-
 nendum esse reor, ne amoris, quo me Respondentes com-
 plectebantur, memoria intercadat. Sic igitur, me Duce,
 in cathedrâ partes suas egerunt Ao. MDCLXII. (1.) 3. Oct.
 Iohannes Clausenius Dithmarsus, *de Seditionum causis* (2.)
 MDCLXIV. mens. Febr. Godofredus Loescherus, Chem-
 nicio Misnicus, in primâ Dissertationum Ethicarum (3)
 16. Julii, Christianus Gedicus, Fürstenwaldensis Misnicus,
 in secundâ earundem (4.) mens. Augusti Iohannes Fride-
 ricus Profius Siles. *de Amore Patriæ* (5) mens. Sept. Ioh.
 Andreas Noethe Witebergensis, in III. Dissert. Ethicar. (6)
 10. Novembr. Benjamin Loescherus, Chemnicio-Misnicus, *de*
Neutrâ parte, quam Neutralitatem vulgò vocant; MDCLXV.
 (7. & 8.) 22. Aprilis, Carolus Augustus à Neitzschitz, Eques
 Misnicus, horis matutinis *de Principe;* & horis pomeridia-
 nis *de Tyranno:* quarum utraq; insolito alioqui, apud Ma-
 gistros, Collegio nondum adscriptos, exemplo, ex gratiâ
 Philosophicæ Facultatis, in Auditorio Majori habebatur.
 (9) 3. Maji M. Godofredus Loescherus, Chemnicio-Misn.
de Formâ Physicâ (10) 23. Augusti, Hartwichus Holste, Ra-
 tzeburgensis Saxo, *de Societate nuptiali.* (11) 30. Augusti,

Johannes Gvilielmus Hilligerus, Chemnic. Misnic. *de Belli-*
sario. (12) 4. Oct. Carolus Augustus Neitzschitz, Eqves Misn.
 super Pronunciatorum Politicorum Senarium I. (13) 11. Oct.
 Daniel Thebesius, Lignitio - Siles. super Senar II. (14) 4.
 Nov. Nicolaus Lindholtz, Chilonienfis Holsat. super Senar.
 III. (15.) 8. Novembr. Ioh. Abraham â Sebottendorff, Eqves
 Siles. super Senar. IV. (16.) 11. Nov. Christophorus Esserus,
 Friedebergâ Marchicus, *de Virtute Heroicâ.* MDCLXVI.
 (17) 17 Martii, Iohannes Godofredus Moerlinus, Lignitio-
 Siles. *de Terræ motu* (18) 21. Martii, Ernestus Fridericus Katte,
 Eqves Magdeburg *de Iuribus Majestatis* (19) eodem die, horis
 pomeridianis, Nicolaus Langius, Iessenâ Saxo, super Pro-
 nunciatorum Polit. Senar. V. & VI. (20) 15. Septembr. Ioh.
 Affenburg, Gräfenhein. Saxo, super Senar VII. & IIX. (21)
 28. Nov. Hermannus Hagge, Huls Holsatus, super Senar.
 IX. & X. MDCLXVII. (22) 11. Maji, Joh. Joachimus Francke,
 Lipsienfis, *de Bello* (23.) 22. Iunii, Casparus Doering, Silesius,
de Legatione (24) 14. Septembr. Joh. Georg. Lehmannus,
 Luccaviâ Lusatus, *de Spectris, quæ pro Substantiis mediis inter*
Spiritum & Corpus, habentur. (25) 31. Oct. Maxæmilianus â
 Mauschwitz Eques Silesius, in ipsâ quæ pro Loco, ut vocant,
 â me suscipienda erat, excercitatione, *de Modis consequendi*
Majestatem (26) 2. Novembris Andreas Helwigius Gorlicensis,
de Magiâ naturali (27) 20. Novembris, Johannes Schelguigius,
 Gurâ Siles. Frater meus germanus, *de Magnificentiâ* (28)
 23. Novembr. Wolffgangus Abrahamus â Gersdorff, Eques
 Lusatus, *de lure Linguae* (29) eodem die, horis pomeridianis,
 Godofredus Eberschbach, Hirschbergâ Siles. *de Juribus*
Maje-

Majestatis Ecclesiasticis. Numerus igitur ille Disputationum mearum, à nonnullis in dubium vocatus, exactè sibi constat, atq; ex eo pariter, qui tibicines favorem amplissimi Philosophorum ordinis, post Disputationem XXIV. me Collegii sui Adjunctum 18. Sept. MDCLXVI. gratiosè declarantis, sustinuerint, videre est.

Nec tamen Philosophiæ ita me impendebam, ut paterni voti, quo in primâ infantia, cum lethali morbo coluctans, Theologiæ, si reconvalerem, consecratus fueram, immemor, sanctissimi hujus studii culturam negligerem. Hocce enim jam Anno MDCLXII. quo D. Joh. Deutschmannus, D. Andreæ Kunado in Professione ordinariâ succedebat, Philosophiæ propitio Numine conjungere incipiebam. Maximæ autem felicitatis loco à me habetur, quod Præceptores nactus sum, ab omni hæreseos labe, imo & suspicionem immunes, videlicet, Abrah. Calovium (ô quantum nomen!) D. Joh. Meisnerum, D. Joh. Andream Quenstedium, & D. Joh. Deutschmannum, Professores Theologiæ ordinarios; quibus jure meritoque duos extraordinarios, D. Michaellem Wendelerum, & quem, propter singularem in docendo perspicuitatem, intentiori studio sequebar, D. Ægidium Strauchium, adjungo. Publicæ Lectiones & Disputationes, in quibus plurima me, præsertim in Exegeticis, ex Calovianis super Grotiana Biblia commentationibus & recitationibus, itemque ex Wendeleri explicatione Paulinarum Epistolarum didicisse, gratus profiteor, in tanto aliorum confluxu, negligere religioni duxissem. Privatim D. Calovio, Socinianorum errores in auditorio domestico pro-

fliganti, constanter adhærebam, atque â venerabili Præside,
cum arduum *de Personâ Christi* Articulum respondendo de-
fendissem, non elogio solum, sed quod longè majoris
facio, devotâ benedictione, pioque, quod Deus OPT.
MAX. postea ratum esse jussit, omine, mactabar. Apud
D. Meisnerum scholas Anticalvinianas frequentavi & cum
Magistris quibusdam aliis, Conciones ipsi in templo Arcis.
Feriâ sextâ cujusvis septimanæ assignatas, quoties ordo me
rangebat, vicariâ operâ obivi. A D. Quenstedii, Antiquita-
tes Ecclesiasticas proponentis, ore sedulus pependi. In D.
Deutschmanni disputationibus aliquoties opposui. Sub D.
Strauchio primùm Lectionibus Antipontificiis, deinde &
in magno, quod sic appellabant, Collegio, videlicet The-
tico, Polemico & Casuistico, lectorio, disputatorio & con-
cionatorio, â capite ad calcem, quâ fieri poterat atten-
tione, interfui. Ex quo factum est, ut Decanus venerandæ
Facultatis Theologicæ suprà laudatus, sed nunquam satis
laudandus, D. Deutschmannus, Programmati, quo ad Ora-
tionem pro Licentiâ habendam, aditus mihi parabatur,
sequentia insereret: *Amor erga Theologiam Candidato nostro
non adscitus, sed natus erat. Hunc amorem â Majoribus, ex
hereditatis jure, possidebat: hunc â parentibus piis sibi com-
mendatum norerat: hunc etiam animi proposito firmissimo sibi
decernebat &c. Audiuit ad hunc scopum suum sedulo Veneran-
dum Dn. Seniore, Virum & meritis in Ecclesiam, & famâ
celebratissimum, Dn. D. Abraham. Calovium, B. Dn. D. Joh.
Meisnerum, Summè Reverendum Dn. D. Johannem Quenstedt,
Collegam conjunctissimum, & in privatis & in publicis Lectio-
nibus,*

mus, & ex Ipsorum accuratissimis Disputationibus, non modò
varios eruditionis Theologicæ thesauros collegit; sed etiam ac-
curatam cum Adversariis congregandi potestatem inde conce-
pit. Meos quoque labores, publicos & privatos, & frequentis-
simas Disputationes non neglexit, sed ex iis etiam profectuum
Theologicorum successum quasiivit &c. Neq̃ minus sibi gra-
tulatur, quod olim B. Dn. D. Ægidii Strauchii, Professoris an-
te hac apud nos Historiarum celeberrimi, post autem in Rectoratu,
Professione Theologicâ & Pastoratu ad Ædem S. S. Trinitatis,
Antecessoris optimè meriti, fidelissimâ manu ductione privatâ,
non minus in Theologâ, quàm in Historiâ Ecclesiasticâ mirificè
sit adjutus. Hæc quidem non solum pietas erga Præceptores
quondam meos, æternum suspiciendos; sed vel maximè
insuper impietas eorum, qui cum ut *avēdū nē* alios sibi similes
esse vellent, quicquid libuerit, de iis comminiscuntur &
spargunt, paulò prolixius enarrare cōēgit.

Atat Witebergæ quodammodò affixum & de nullâ re
minùs, quàm de loci mutatione cogitantem, provida Nu-
minis dispositio, suavissimæ studiorum Matri, improvise
valedicere jubet. Thorunium enim, ubi ne locum quidem for-
tunis meis ullum vacare noveram, ad Conrectoratum Gym-
nasii, à Magnifico Civitatis Senatu vocatus, ex voto, quo
me ad acceptandum munus, undecunq̃; divinitus offerretur,
coelesti Patri obstrinxeram, Witebergâ 26. Novembris, anno
MDCLXVII. testimonio honorifico, autoritate Rectoris
Magnifici, D. Conradi Victoris Schneideri, Medicinæ Pro-
fessoris, pridie discessus mei signato, viaticatus, abibam;
Thorunii autem per quinquennium ferè Deo servivi, usq̃;
(B) 3 dum

dum Gedani anno MDCLXXIII. ad finem declinante, ex
voluntate Amplissimi Scholarcharum Collegii, penes quos
eo tempore jus vocandi erat, ordinariæ Professioni Logicæ,
Metaphysicæ & Philosophiæ Practicæ; ac anno MDCLXXV.
jubente Magnifico Senatu, simul extraordinariæ Professioni
S. S. Theologiæ præficiebar. Quomodò â Philosophiâ quasi
manumissus, anno MDCXXCI. Ministerio Ecclesiæ ad
D. Catharinæ, eâ lege, ut Theologiam nihilominus in
Athenæo docere pergerem, admotus fuerim, hîc dicere non
attinet. Istud verò haud reticendum, quod sub initium anni
MDCXXCV. Magnificorum, Consultissimorum &
Spectatissimorum Reipublicæ nostræ Ordinum suffragiis,
Rector Athenæi & Pastor Ecclesiæ ad S. S. Trinit. legitimâ
vocatione constitutus fuerim. Pridem antè Reverendissimus
D. Calovius 17. Augusti MDCXXCIII. cuidam, ex præ-
cipuis inter Proceres nostros, per epistolam quasi in aurem
dixerat: *De Rectoratu supplendo non arbitror necessarium,
ut operosè scribam; quum egregius ad manus sit Professor ex-
traordinarius, cujus fides sincera, eruditio insignis & dotes præ-
claræ orbi notissimæ sunt; quem si huc mittere dignemini, cum
applausu totius Academiæ, honoribus Doctoralibus, quos pridem
meritus est, afficiemus. Neque enim facilè digniorem, ad Spartam
eam exornandam invenire licebit. Precor autem devotè, ut
dirigat omnia felicissimè divina clementia, ad sui nominis gloriam
ac Athenæi vestri salutem & incrementum.* Consilio huic di-
vini Viri satisfiebat, quando â Magnifico Senatu literis
systaticis 9. Aprilis MDCXXCV. instructus, Witebergam,
ad gradum Doctoratûs petendum, dimittebar. Sic igitur,
ipso

ipſo Paſchatis Feſto, portâ ex ſingulari benevolentia, ante
tempus ordinarium, apertâ, Witebergam, quam ante annos
XII. cum lachrymis reliqueram, denuò lætus ingrediebar
& quod diſceſſurus Philothecis offerentium, ignarus futu-
rorum, inſcripſeram, lemma: *Quo me fata trahunt, retra-*
buntque: non caruiſſe omine, animadvertēbam. Plurimos
adhuc ex Præceptoribus quondam meis, Fautoribusq; ac
Amicis, inveniebam vivos. Inter ordinarios Theologiæ Pro-
feſſores ſolus D. Meiſnerus diem obierat, de cujus ſucceſſore
veriffima iſthæc in Programmæ, ad quod binis jam vici-
bus provocatum eſt, inaugurali leguntur: *Gratulatur ſibi*
(Candidatus) vehementer, quod modò cum Magnifico huius
Academiæ Rectore, Dn. D. Johanne Friderico Mayero, con-
ferendi converſandiq; exoptatiſſimam occaſionem inveniat. Quid
multis? Hoſpitio & menſâ à D. Calovio, receptus, neq;
ipſum, neq; D. Quenſtedium, aut D. Deutſchmannum, à
paterno, quo me Auditorem antehac proſequebantur
amore, quicquam intereà remiſſiſſe, ex luculentis documen-
tis perſpiciebam. Quàm verò cum incomparabili D. May-
ero & dulcis & proficua mihi interceſſerit conſuetudo, ac
quàm arctum, præſertim poſt depositam ab eo Academiæ
purpuram, ex quotidianâ ferè converſatione, inter utrumq;
amicitiæ vinculum cealuerit, tacere malo, quàm paucis
enarrare. Abſit autem, ut ſingularia planè, nec in aliorum
promotionibus facile obvia, propenſiſſimi in me affectus
indicia, ſilentii peplo obtegā. Mirabantur certè ipſi etiam
Theologi, quòd cum ad Orationem de *Præſcillianismo Syn-*
cretiſtarum, habitam, ſolenni ritu deducerer, atque locum
multò

multò inferiorem, ex more recepto, occupare deberem, Philosophi me, *ex merito*, ut publicè agebant, *erga Facultatem*, ultrò in medium ordinis sui cooptrarent: itemq; quod Collegii laudati Decanus spectabilis, Georg. Caspar Kirchmajerus, in proximo abhinc die, ad actum promotionis Magisterialis invitatum humanissimè exciperet & tractaret. Nec reticendum, quod ut tempus aliquod pro acidulis Egranis, quas adire decreveram, lucrarer, ex gratiâ Facultatis Theologicæ, lectionibus, ut vocant, cursoriis, quibus ipsi Professores interesse solent, & quas ex decreto Superiorum, super Hof. XIII. 14. instituebam, duas pro unâ horas, singulis diebus, consecrare licuerit. Deveniebatur hinc ad Disputationem pro Licentiâ, *de Statu Ecclesiæ Evangelicæ, post beatam Theandri Lutheri mortem*, Præside D. Quenstedio, à me pro virium modulo defensam. Majoris verò opellam meam qualemcunque, quam merebatur, à spectabili Decano D. Mayo æstimatam esse, illud celeberrimi viri pronuntiatum prodebat; cum finitâ velitatione, ex orchestrâ surgens, coram assidentibus & circumstantibus exclamaret: *Ecce Licentiandum, qui pro sex aliis sufficeret!* Cæterum nec reliquis Facultatis venerandæ membris responsionem meam displicuisse, ex eo colligebam, quia nomine totius Collegii, remissio Examinis rigorosi, quod supererat, mihi gratiose offerebatur: id quod tamen modestissimè deprecabar, orans, ut, quæ verba mea erant, *omnem justitiâ Academiæ mihi implere*liceret. Instituebatur ergo Examen per quadrihorium; quo finito & juramento, ut par est, religiosè præstito 8.
(18) Maji, à D. Mayo S. S. Theologiæ Licenciatus re-
nuncia-

anciabar. Altero statim die ad acidulas, quas dixi, Egranas, atq; hinc etiam ad thermas Carolinas proficiscebam; cum interea Competitor meus, Ieremias à Sütphen, Ecclesiæ Grimenfis Pastor vicinarumq; Superintendens, in Christo jam rebus mortalium exemptus, solitis exercitiis Witebergæ defungeretur. At nec favor Academiae dilectissimæ erga absentem cessabat: Rector enim, qui D. Mayo succedebat, Magnus, D. Godofredus Straußius, Jctus famigeratissimus, qui, more consveto, Disputationi meæ eruditissima argumenta obverterat, priusquam idem officium Sütphenio præstaret, in gratulatione ad Theologos de nupero Candidato, prolixè in laudes meas excurrerat: & Theologi ipsi, nullâ omnino præsentatione illecti, 30. Junii ultro, ad Magnificum Senatum Gedanensem, literas, quibus ob rem optimè, ut censebant, gestam, Patronis enixissimè commendabar, expediebant. Revertebar verò Witebergam statò tempore & 25. Julii, ipso Augustanæ Confessionis natali, Doctor creabar: quæ præcipua causa extitit, ut Gedanum redux, munus ordinarium, lectionibus his in Augustanam Confessionem, quæ nunc leviter interpolatæ, lucû publicæ exponuntur, auspicarer.

Sic itaq; denuò à Matre studiorum meorum divellebar; quæ autem post triennium, si providentissimo Numini visum fuisset, me benevolè repetebat. Nam consummatissimo Theologo, D. Quenstedio, ad meliorem vitam translato, non solum Theologica Facultas in suo probulevmate, sed & Academia universa, per præsentationem, me vacanti muneri successorem destinabat. Nec Serenissimo & Potentissimo Electori, JOHANNI GEORGIO IV. gloriosæ memoriæ, hæc
(C) displi-

displicebat denominatio: quippe qui cum Professioni & Ephoria super Alumnos, insuper Assessoratum in Consistorio, sine ambitu omni, imo sine expectatione meâ adjunxisset, clementissimis literis 30. Iulii MDCXXCIX. ad Senatum nostrum datis, dimissionem meam flagitabat. Sed obstitit fati reluctatio, quo minùs mihi, multitudine beneficiorum irretito, abnuentibus Patronis, cum eorum ingratiis, abire liceret, locumq; adeo repetitâ vice obtinuit, quod de me anno MDCXXCI. Gryphiswaldiam expetito, in Programme Witebergensi, aliquoties allegato, legitur: *Nihil Deo sic volente & dirigente, recusantibus illis, in quorum Ministerio versabatur, Ipse definire vel potuit, aut voluit: Athenæo Gedanensi divinitus datus & cœlitus consecratus erat.*

Tametsi autem attentata corporum conjunctio, haud succederet, mansit tamen intemeratus almæ Academiæ in me meosq; favor: cujus uterque Filiorum meorum participem se factum esse, & verbis & opere gloriatur: quippe ex quibus alter Ecclesiæ, quæ Deo ad D. Iohannis apud nos colligitur, sanam, quam Witebergæ didicit, doctrinam, nunc proponit; alter verò in Athenæo Philosophiam, quâ ibidem imbutus est, coram studiosâ juventute proficitur. Quod ad me ipsum attinet, non solùm cum meis quondam Præceptoribus, post fata perpetim devenerandis; sed etiam cum iis, qui in defunctorum & locum & merita surrogati sunt, fidele literarum mihi commercium intercessit: de quo frequentissimæ literæ Theologorum exquisitissimorum, in cœlesti patriâ jam triumphantium, D. PHILIPPI LUDOVICI HANNEKENII, & D. JOHANNIS GEORGII NEUMANNI, in

in scriniis meis asservatæ, testantur. Vobis verò qui etiam-
num vivitis & quibus longam posthac ætatis prorogationem
devotè apprecor, Viri meâ laude majores, fortissimi veri-
tatis assertores, puræq; religionis statores, Academiæ tanto-
pere â me adamatæ lumina & columnina, gratias exsolvo
decentes, quod vel per Epistolas colloqui mecum hætenus
dignati, vel transmisfis lucubrationibus, propensum in me
affectum contestati, plus simplici vice estis. Sequar ordinem
temporis, ex quo benevolentia vestrâ frui mihi licuit. Sic
igitur primæ Tibi debentur, verende Senex, Domine D.
CASPARE LOESCHERE, Theologe primarie, Ecclesiarum
in Electorali circulo Superintendens generalis, cui gratam
polliceor memoriam, quod cum de me Witebergam ac-
cerfendo consilia agitarentur, unâ cum summo JCto CAS-
PARE ZIEGLERO, aliquoties Protosynedrii Dresdensis in-
terpres esse volueris, nec quicquam, quod promovendo
operi conducere, quantum in te erat, intermiseris. Pro-
ximum Tibi Filium Tuum, Dn. D. VALENTINUM ERNESTUM
LOESCHERUM, Theologum ipsâ etiam invidia, si quod
reverâ sentit exponere per naturæ vitium valeret, iudice,
ob mirandam lectionis varietatem, insigne iudicii acumen,
accuratamque docendi ac disputandi rationem, laboranti
Ecclesiæ divino beneficio concessum, inter fautores Wite-
bergenfes ponerem; nisi iustissima virtutum remuneratrix,
divina ordinatio, illum Academiæ ademptum, Dresdam
stranstulisset, ubi veluti in speculâ constitutus, salutem uni-
versæ Ecclesiæ, præsertim Saxonicæ, suis consiliis moderatur.
De quo Filio, Pater felicissime, ut superstes diutissimè gau-
deas,

deas, lætus opto. In Te autem, celeberrime Dn. D. GOTTLIEBE WERNSDORFFI, qui vivente NEUMANNO, amorem in me calamo aliquoties testatus es, mortuo autem, illum quasi redivivum, ut in commilitio adversus hostes genuinæ pietatis, nefarios Pietistas; ita etiam in frequentatione literarii colloquii, si diræ luis tempora excipiam, perpetuò stitisti; verum esse experientiâ magistrâ didici, illud Poëtæ: *Non deficit alter*. Porro cum ad Te mease convertit oratio, Magnifice Dn. D. JOH. HENRICE FEUSTKINGI, gratum Principibus nomen, qui jam sceptrâ Witebergenfis Academiæ gloriosè tractas, prima amicitia inter nos fundamenta *Gynæceum*, quod extra Academiam adhuc constitutus, applaudente Ecclesiâ, publicæ luci exposuisti, *Heretico-Fanaticum* jecit: Eandem quoque posthac continuatum iri, ex communi heterodoxia odio, utriqûe per Dei gratiam indito, ominor & confido. Denique nec silendus es, excellentissime Dn. D. MARTINE CHLADENI, qui *salutis & felicitatis voto*, doctissimis, quas me adire jussisti, chartis inscripto, proni erga lecturum affectûs evidentissimum documentum edidisti. Quandoquidem igitur æterna esse Collegia rectè traduntur, utpote in quibus decedentium abitus, continuâ eorum, qui vacantem locum occupant, successione restauratur; in vobis, Viri consummatissimi & religiosissimi, meos quondam Præceptores & Benefactores videre mihi præsentelque habere videor. Jure igitur meritòque, quemadmodum fluvii in mare, unde originem sumere, refluunt; ita ego illi Collegio, has in Confessionem Augustam commentationes do, dico & dedico, à quo doctrinæ, quam aliis

aliis tradere etiamnum senex capularis satago, primordia
hausi. Servet eam Deus, ad finem usque mundi, incorru-
ptam & contra portas inferorum tueatur: Inclinet omnium
quotquot idem sapimus corda, ad tenendam unitatem
Spiritus, in vinculo pacis Benedicat apud vos sanctis occu-
pationibus, quibus in commodum Ecclesiæ dasatigamini.
Progredi vos faciat de virtute in virtutem, de victoriâ in
victoriam, ut Deus Deorum conspiciatur & glorificetur
in Zion. Tandem verò nobis utrinque, qui nunc pre-
cando, laborando, patiendo, militamus, triumphalem
coronam in cœlesti patriâ imponat. Interea quod ve-
ritatis hostes in opprobrium verterè consueverunt, gloriæ
mihi duco, *Witebergensem Theologum* dici, propterea que
malevolos, sive minimos, sive medioximos, sive etiam
maximos, minus faventes experiri. Quod superest, iisdem
verbis, quibus sum orsus, mutatâ voce tantum unicâ,
proloquium claudio: *Si oblitus fuero tui, Witeberga, obli-
vioni detur dextra mea. Adhæreat lingua mea faucibus
meis, si non meminero tui.* Scrib. Gedani, die, cum mensis,
tum hebdomadæ, ipsiusque etiam festivitatis recurrentis,
quo ante annos LXIIX. in lucem edebar, nempe 8.
Martii, Dominicâ Oculi, MDCCXI.



Is fluxere duo præsentì tempore lustra,
 Trinaq; ad hæc messis nostris surrexit in arvis,
 Cum *Venerande Tibi Quenstedius*, ille celebris
 Et canis meritisq; gravis, multiq; laboris,
 Imposuit lauros, toto plaudente theatro,
 Sedulus in laudesque Tuas, monitûsque fideles,
 Strenuus ut gereres sanctissima bella Jehovah.
 Sacratas eadem tradebat dextera chartas,
 Ad quas gemma nihil, pretii quoque nullius aurum,
 Numinis æternas Leges, & Symbola lecta,
 Queis vetus, & lapsi scripta est Confessio seculi,
 Inque his eximio tabulæ splendore coruscæ,
 Quas Augusta dedit totum radiare per Orbem.
 Quippe Heroum Princeps *Carolus*, celsusque *Senatus*
Imperii, has quondam placato admittere vultu
 Haut dedignati; quibus & Pax alma Salusque
 Unius haut gentis, sed quâ diffunditur Orbis
 Germanus, gremio gentes complexus & Urbes
 Innumeras, purâ hâc sacrorum luce beatas,
 Sanctaque religio, non vili sanguine parta,
 Tanquam Palladio longo jam tempore perstant.
 Exultat sacer hoc Domini plauditque tropæo
 Æternaturo populus, quod nulla Acherontis
 Impugnare potens vis expugnare valebit.
 Has tabulas, fideique typos celebrata GEDANUM,
 Olim jam magno meritoque recepit honore,
 Suspendique tholis iussit, figique cathedris.

Hanc

Hanc docuere viam meritis annisque verendi
Theologi Eusebii Oracla, tubæque SIONIS
Qui cupidam Gedani ritè expoliere juventam,
Quorum nunc animæ super æthera & altra receptæ,
Sedibus æternis fulgent, coeloque triumphant,
Hi duraturis inclamant Sæcula chartis:
Ite pii hunc callem, non hinc discedite, quis est
Cura salutiferi spes & custodia verbi!
Ite pii sanctumque Patrum servate nepotes
Ingenui morem, legite hæc vestigia recti!
Hanc Venerande Tibi PATRUM conscripta corona
Lampada commisit; castris his ritè præstes
Dux vigil. Haut frustra: quippe hanc ornare cathedram
Tot titulis claram multis jam sedit ab annis.
Hinc dictas fidei tabulas iterumque, iterumque
Pectoribus juvenum viridantibus inscribendas,
Communis Gedani Doctor, Rectorque Lycæi
Sollicitus repetis. Sed ut hæc industria duret
Posteritasque etiam rectos cognoscere sensus
Symbolici libri, quo non præstantior alter,
Te Doctore queat, promissum meditata per annos.
Gratulor huic, plaudoque pio dignoque labori,
Annuat Omnipotens, viresque horasque ministret,
Ut coeptam utiliter possis pertexere telam,
Teque *Senem haut Segnem* docta hæc monumenta loquantur.

Ita Viro Maximè Reverendo Domino Collegæ, Compatri &
Fautori, olim v. Præcept. Honoratissimo, ipso primæ
Disputationis die, cujus præfatio & hanc carminis sug-
gestit materiam, animatus gratulatur

SAMUEL VERCHIUS,

Eccles., ad S. Cathar., Minister.

VOTUM AUTORIS
AD HANC
MANUDUCTIONEM.

*Apprecor ut sine me qui nunc liber
ibis in orbem,
Progignas Christi commoda multa
gregi.*

I. N. I.

PROLEGOMENA.

I.

CONFESSIONEM AUGUSTANAM ex-
posituri, præmittimus quædam, & de nomine
& de re ipsâ.

RESPOND.

Gottlieb

Richter/

Gedan.

II. Circa nomen occurrit Etymologia, Homonymia & Synonymia.

III. Ut ab Etymologiâ incipiamus, cum Thema hoc non solum quoad rem, sed etiam quoad vocem complexum sit, de utrâque voce seorsim agendum erit, videlicet primum unde CONFESSIO, atque hinc etiam unde AUGUSTANA dicatur.

IV. CONFESSIO appellatur in Præfatione. Vid. Lib. Concord. p. 8. (6.) Sic enim Majores nostri: *Habitâ de liberatione responsum est, nos Articulos nostræ CONFSSIONIS pro nostrâ parte oblaturus esse: ideo offerimus in hac religionis causâ nostrorum Concionatorum & nostram CONFSESSIONEM; cujusmodi doctrinam ex Scripturis sanctis & puro Dei verbo hactenus illi in terris nostris tractaverint.* Et in Præf. Apologiæ p. 75. (47.) *Postquam Confessio Principum nostrorum publicè prælecta est &c.* Vox autem isthæc descendit à *Confitendo*: ubi observandum, quod Augustino *Homil. 8. de Verbis Evangelii*, Confessio duplex sit, *frandis & laudis*. Illa locum habet, cum peccator se ipsum accusat: ita enim Joh. Altenstaig, in *Vocabulario Theologico* non malè explicat. Exempla habemus Matth. III: 6. *Baptizabantur in Jordane, consistentes peccata sua.* Jac. V: 16. *Confitemini mutuo peccata vestra.* Hæc verò, cum Christianus (de iis, quæ ad gloriam Dei promovendam faciunt, testatur, Exempla suppetunt

tunt. Pf. CV. 1. *Confitemini Domino & predicate nomen ejus.*
 1. Tim. VI. 12. *Confessus bonam confessionem coram multis
 testibus.* Hujusmodi est Confessio nostra, in quâ cum do-
 ctrinæ & religionis orthodoxæ rationem reddamus, eo ipso
 proni in laudem Dei excurrimus. Græcis vocatur ὁμολογία,
 ἡξομολόγησις. ἑξαγόρευσις.

V. AUGUSTANÆ cognomen nostra Confessio ac-
 cepit, ab Augustâ Vindelicorum, nobilissimâ Sveviæ urbe:
 non (1) *tanquam à loco natali doctrina*, in Aug. Conf. con-
 tentæ; quasi ea Augustæ demum cœperit: multò enim illa
 antiquior est; quippè quæ jam in Paradiso egit radices. Gen.
 III. 15. (2) *tanquam à necessariâ sede doctrina*; quasi desitura
 esset, nisi Augustæ Vindelicorum vigeret. Inanis hæc spes
 fuit Jesuitæ cujusdam, qui in Epistolâ, ex urbe Româ Au-
 gustam perscriptâ, cujus meminit Mylius, syadet, ut *unde ini-
 tium erroris, inde principium reformationis oriatur: id quod
 Catholicis* (i. e. Pontificiis) *magnæ consolationi, hereticis verò
 (i. e. Evangelicis) terrori futurum esse, multosq; principes ac
 civitates excitatum iri ad imitationem*, vanus Augur prædi-
 cit. Nos è contrario cum Davide profitemur ex Pf. XLVII.
 3. seq. *Non timebimus, dum turbabitur terra & transferentur
 montes in cor maris* (3) *tanquam à primis Confessoribus do-
 ctrina*. Eo enim tempore cives plerique Augustani, vel Papæ,
 vel Calvinii erroribus erant infecti, ut iterum testatur Mylius:
 Sed *tanquam à loco solennis exhibitionis, prælectionis & acce-
 ptationis*; non aliter atque Symbolum Nicenum à Niceâ Bi-
 thyniæ urbe, Ephesinum ab Epheso, Chalcedonenſe à Chal-
 cedone &c. nomen acceperunt. Non tamen displicent, quæ
 D. Joh. Schmidt, in Disp. I. de Aug. Conf. Th. 11. Argen-
 tinæ 1630. habitâ ominabatur, videlicet indicatum esse, Au-
 gustanam Confessionem augustâ suâ sanctitate auctoram Eccle-
 siæ vires, auctoram fidelium cœrum, auctoram sincerum pietatis
 studii.

studium, aucturam ipsum beatorum calis civium numerum. Istud prouti hactenus impletum est, ita ut imposterum quoque, ad finem usque seculi, impleatur, devotè precamur.

VI. Homonymiæ explicatio cavet, ne æquivocatio, errorum mater, cuiquam imponat: Sciendum proinde, quod Augustanâ Confessio dicatur tripliciter (1) *proprie*, quatenus illam notat Confessionem, quæ Augustæ, ut diximus, solenniter exhibita, prælecta & acceptata, tandemque etiam per Pacem religiosam in Imperio Romano-Germanico atque alibi passim, ut in ipsâ etiam Prussiâ nostrâ fuit approbata. (2) *improprie*, quatenus illam notat Confessionem, quæ Augustæ quidem exhibita, non tamen solenniter prælecta, neque ab Imperatore acceptata, aut unquam approbata fuit: Cujusmodi erat Confessio Zwingliana quatuor Civitatum, Argentinensis, Constantiensis, Memmingensis & Lindavien-
sis, autore Martino Bucero composita & per Casparem Hedionem, Doctorem Argentinensem, oblata, sed rejecta: quæ præsertim in Articulo de Cœnâ, à genuinâ Augustanâ Confessione dissentiebat, & nonnullos alios articulos, in gratiam Pontificiorum, aut planè omittebat, aut subobscurè tractabat. In Articulo de Cœnâ dissensum suum, non tam quod loquerentur contra nos, quam quod nobiscum loqui nollent, testatum faciebant: Subdolè enim veram animi sententiam occultabant, ne palam fieret, quod oralem manducationem impugnarent. Contra quam tamen jam publica scripta ediderant, refutata à Luthero in Tractatibus *wieder die himlischen Propheten 1525. daß die Worte Christi noch feste stehen. 1527. im Bekenntniß vom Abendmahl 1528.* Articulum ipsum de Cœnâ ex Zwinglianâ isthâc Confessione exhibet Chytræus in Hist. A. C. p. 6-8. (3) *improprissime*, quatenus illam notat Confessionem, quæ Augustam nunquam vidit, cujusmodi est *Confessio*, ut vocatur,

B. 11. 2

A 2

Variata

variata, quam Philippus Melanchton propriâ autoritate, in-
scîis, certè non consentientibus Imperii statibus Evangelicis,
in multis locis mutavit, nempe in Art. 2, 3, 4, 5, 6, 7
& 8, 9, 10, 11, 12, 13, 15, 16, 20. & in Abusu 5; quæ
omnia suo tempore plenius & accuratius persequemur. Cal-
viniani, qui se Socios Augustanæ Confessionis, à Confes-
sione *variata* vocant, eo ipso confitentur, se non esse socios
Augustanæ Confessionis; quia Confessio *variata* non est,
neque unquam fuit Augustana. Negatâ autem Definitione,
negatur etiam Definitum. Sed de his Gedani pluribus dispu-
tatum fuit, inter D. Johannem Borsaccum & D. Georgium
Pauli.

VII. Ad *Synonymiam* quod attinet Augustana Confessio;
cum adhuc inter manus conscribentium, hæreret, vocabatur
Apologia, à Philippo in literis ad Lutherum d. 10. Maji scri-
ptis, & ab ipso Luthero, in literis ad Electorem Saxonicum;
sed postea nomen *Apologiæ* in sensu specialiori, tributum
fuit *Defensioni Augustanæ Confessionis*, quæ refutationi Ponti-
ficiorum in Augustanis comitiis opponebatur. Alioqui ab
ipsis Confessoribus nominatur *Summa doctrina apud nos*, nempe
doctrinæ inter nos & Pontificios controversæ: Sic enim ex-
plicatur in Epilogo Aug. Conf. per illa: *Hi sunt præcipui ar-
ticuli, qui videntur habere controversiam* p. 72 (45.)

VIII. A nomine progredimur ad rem ipsam, acturi de
Confessionis Augustanæ Causis, Adjunctis, & Essentiâ. Inter
Causas quatuor, eminet Efficiens, quæ in summam & in-
termediam distinguitur.

IX. Causa summa & maximè principalis, Augustanæ Con-
fessionis æquè ac alterius *cujuscunq; boni*, est Deus trinunus.
Jac. I. 17. Præ reliquis personis S. S. Trinitatis sese exeruit
Spiritus S. (1) Autores secundarios movendo, Luc. XI, 13.
(2) dicenda & scribenda suppeditando: non quidem immer-
diatâ

diatâ suggestionē; sed tamen mediante Scripturâ. Act. V, 32. (3) alacritatem & animi magnitudinem largiendo Act. IV. 29. (4) constanter in veritate firmando. Joh. XVI, 13 (5) gratiam in oculis Cæsaris aliorumque Principum & Statuum conciliando (6) Successores contra diabolū ejusque instrumenta, ad hunc usque diem, protegendo. Hæc adferuntur propter Pontificios, qui de Luthero ex incubo nato, per Satanam informato, assistentiâ Cacodæmonis, quem Maximilianus Imperator humeris ejus incumbentem viderit, confirmato & sexcenta alia impiè comminiscuntur. Quibus obvertimus illud Christi Matth. V, 11. 12. Refutavit autem impudentissimas calumnias, præter multos alios, prolixissimè Johannes Müllerus in *Luthero defenso*, itemque in *Defensione Lutheri defensi*.

X. Causam efficientem intermediam subdividimus in moventem & agentem. Movens seu impulsiva duplex est, *πρωθυμμένη* & *προναιτιετική*. Illa movebat ab intra, nempe amor veritatis & studium bene de Ecclesiâ, Pontificiis abufibus nimium quantum deformatâ, merendi. Nec ipse enim Papa inficiabatur, in plurimis emendatione opus esse; de quo legatur *Instructio Legati Pontificii* 1522. ad Noribergensia Comitata missi, quæ extat apud Hortlederum *de causis belli Germanici*. L. I. c. 1. p. 6. Hæc erat ex parte Imperatoris, citatio Statuum Imperii ad Comitata Augustana, 1530. d. 21. Januarii data, in quâ expressè significabatur, de Religione actum iri. Ex parte autem Statuum Evangelicorum respondebat debita reverentia & subjectio. Utriusque mentio fit in Præf. Aug. Conf. p. 8. (6) his verbis: *Cum perinde, ut alii Electores & Principes & Status ad prædicta Comitata evocati sumus, ut Casareo mandato obedienter obsequeremur, maturè venimus Augustam, & quod citra jactantiam dictum volumus, inter primos assumimus.*

XI. Causa agens se exerebat in totius operis directione, in Augustanæ Confessionis conscriptione, & in ejusdam solenni exhibitione. In directione totius operis strenuam navarunt operam Principes & Magistratus, qui certiores facti de Comitibus, religionis causâ habendis, (1) Ditionum suarum Theologis mandabant, ut breves fidei summas conscriberent (2) in ipsis comitiis, conventui Theologorum, ordine de singulis articulis sententias suas conferentium, intererant. (3) Confessioni propriis manibus subscribebant, & ut solenniter publicaretur, curabant.

XII Nomina eorum in libro vitæ scripta, ut in terris etiam, piâ memoriâ recolantur, in calce Aug. Conf. extant. p. 73. (46) Inter eos eminent (1) JOHANNES, Dux Saxoniae, Elector. Hic cum periculum sibi & suis ex adversariorum odio atque irâ impendere videret, Theologos ad se vocatos ita alloquebatur: *Videtur, mei Domini, quo perductum sit religionis negotium. Quod si stat vobis sententia, tueri & rationem reddere eorum, quæ & docuistis hæcenus & mutastis; bene: sin minùs, videte atque cavete, ne periculum creetis terris nobis subjectis.* Ad quæ cum respondissent Theologi, nolle se, ut Illustrissimus Princeps ipsorum causâ in discrimen veniret, permitteret saltem, ut ipsi coram Cæsareâ Majestate rationem redderent. Tum Elector, zelo ardens, perrexit: *Hoc avertat & prohibeat clementissimus Deus! Vosne vultis me ex vestro numero excludere? Minimè verò gentium: Namq. & ego unâ vobiscum Christum Dominum confitebor.* Idem Augusta Vindelicorum protestabatur: *Nisi causa fidei in comitiis his diligenter ageretur, definiretur & componeretur, corruptela repurgarentur, abusus emendarentur ac tollerentur, se omnibus illis Protestationibus & Appellationibus, superiori anno in Comitibus Spirensibus factis, adhaerurum.* Cœlest. in Hist. A. C. T. 2. p. 189. & Rosinus de vitâ Johannis Electo.

Electoris. Fortissimum huncce Christi Athletam Andreas Fabricius, Harmon. August. Conf. in Epistolâ Dedicat. ad Duces Bavarîæ, scribit, ante mortem, *hæresin Lutheranam damnâsse, Filioq; suo imperasse, ut religionem* (quam vocat) *Catholicam, in suis ditionibus, pristina dignitati restitueret.* Quod putidissimum mendacium, ut alia. taceam, ipse Bzovius ad annum 1532 refutavit, quando testatur: *Agonem Johannis Electoris dinturnum fuisse & valde durum, eundemq; ad tribunal summi Judicis eantem, horrendos edidisse rugitus, quos forsân negotium Lutheranum expresserit.* Hæc quamvis & ipsa falsa sint, nihilosecius cum narratione Fabricii, de Apostasiâ Electoris, conciliari nequeunt. Quod Johannes Elector, in Confessione Augustanâ obdormiverit, Lutherus expressè scribit, & quidem in Responsione ad Georgium Ducem Saxonîæ, qui si res se habuisset aliter, procul dubio Lutherum mendacii arguisset. Vide *die kleine Antwort auff Herzog Georgen nächstes Buch*, edit. anno XXXIII. T. 6. Jen. Germ. f. 30. a (2) GEORGIUS, Marchio Brandenburgensis. Hic cum ab Imperatore ad apostasiam sollicitaretur, constanti animo profitebatur: Malle se flexis coram Cæsareâ magestate genibus spiculatori cervicem ferendam statim præbere, quam Deum & sacrosanctum ipsius Evangelium abnegare, & falsam doctrinam recipere & approbare: Ad quæ Imperator placide respondit: *Chare Princeps, non de capite agitur.* (*Leber Fürst/nit Kopp ob/nit Kopp ab*) (3) PHILIPPUS Landgravius Hassiæ. Is in Comitiiis Augustanis ad Regem Ferdinandum dicebat: *Cæsareâ Majestati dominium conscientie ipsius haudquaquam competere.* (*Käys. Maj. hat über mein Gewissen nichts zugebieten*). Cumque prior reliquis subito Augustâ discederet, Theologis Politicisque suis ibi relictis, talem instructionem dabat, *ut etiam si omnes ceteri de confessione suâ cederent, ipsi tamen ne huius quidem*

se.

se in gratiam adversariorum dimoveri paterentur. Selneccerus in orat. de vitâ Lutheri. (4) JOHANNES FRIDERICUS Dux Saxoniae, Johannis, Electoris prælaudati Filius, crucem colore velut aureo fulgentem, ex alvo maternâ secum attulit, de quâ Sacerdos quidam senex accersitus vaticinabatur: *Hic puer crucem gestabit, toti orbi conspicuam.* Dictum, factum. Is enim in infelici prælio ad Mülbergam à Carolo V. captus inque diuturnâ captivitate variis pollicitationibus minisque tentatus, Electoratum amittere, quàm Interimisticum cothurnum approbare maluit: quâ de causâ inter suos nomen *Constantis* promeruit. Taubmannus, quando illum cum vulnere, quod in Mülbergenfi prælio acceperat depictum cernebat, ita cecinit:

*Vulnus in hac facie pro religione receptum,
Plus decoris, Saxo, quam tua torques habet.*

XIII. De conscriptione Augustanæ Confessionis, cura Theologis demandabatur atq; ab iis suscipiebatur. Consistebat autem, prouti nervosè distinxit Dn. D. Calovius Exeg. Aug. Conf. Proleg. cap. 3. §. 6. (1) in Confessionis delineatione Ubi primum variæ formulæ, à singulis vel Theologis, vel Theologorum Collegiis, ad Principum ac Civitatum mandatum conscribebantur, quæ cum Augustæ Vindelicorum in Theologorum conventu reviderentur & examinarentur, placuit unanimi omnium suffragio, ut XVII. Articuli, quos jussu Electoris Saxonici, Lutherus Torgæ à 14. Maji intra paucos dies consignaverat, *ἑκκατὼς* instar essent, ad quam ipsa conformaretur Confessio (2) in delineatâ elaboratione. Ubi Philippo committebatur, ut Articulos Lutheri, & quæ alii Theologi annotaverant, in ordinem redigeret, planius explicaret & debitè concinnaret; adhibitis tamen in consilium aliis insuper Theologis, inprimis Joh. Brentio, Justo Jonâ, Erhardo Schnepfio, & Georgio Spalatino, ut Selneccerus refert *Orat.*

de Luthero. Ex quo patet, Melanchtonem præstitisse multa, sed non omnia: ac in iis quæ præstitit, nil suo nomine egisse; sed omnia in alieno: neque solum, sed cum aliis (3) in elaboratæ approbatione. Ubi Confessio operâ Philippi concinnata à Theologis præsentibus examinabatur, & Luthero absenti mittebatur, qui tandem unâ cum illis totum ratihabebat. Nihil enim nisi conscio & probante Luthero gestum esse, patet ex Epistolâ Electoris Saxonici ad Lutherum, d. 11 Maji perscriptâ, apud Cœlestinum Hist. Aug. Conf. f. 40. b. Inter alia ibi legimus: *Postquam vos & alii nostri Theologi Witeberge, nobis clementer mandantibus & petentibus, articulos de religione nostrâ controversos, scripto brevi delineastis; non volumus vos celare, jam M. Philippum Melanchtonem, denuò eos hic Augusta revidisse, & in formam redegissee, quam vobis unâ mittimus & clementer petimus, ut eosdem articulos accuratius revidere & expendere non gravemini. Et seu ita, ut scripti sunt, vobis placebunt; seu addendum aliquid aut adimendum esse cogitabitis, scripto sententiam vestram annotare velitis.*

§. XIV. In solenni Augustanæ Confessionis exhibitione, triplices occurrunt actus (1) antecedentes. Principes & Civitates 24 Junii feriâ 6. quam Veneris appellant, ipso S. Johannis festo, Confessionem exhibituri coram Imperatore comparebant; sed cum obtinere non possent, ut statim in eorum præsentia Confessio recitaretur, ideo nec exemplar ejus Imperatori, licet petenti, porrigere volebant (2) formales, ut sunt Porrectio & Prælectio. Die 25 Junii, proximè festum S. Johannis sequente, feriâ 7. five Sabbati, tandem Status imperii impetrant, ut Confessio solenniter publicaretur. Adsunt ergo circa horam tertiam pomeridianam, unâ cum Principibus & Civitatibus protestantibus, duo Electoris Saxonie Cancellarii, Georgius Pontanus & Christianus Beic-

rus, quorum ille Latinum, hic Germanicum exemplar Aug. Conf. in manibus gerebat. Germanicum per bihorium clarè & distinctè à Christiano Beiero prælegebatur, hinc utrumq; exemplar, ipse Imperator ex Cancellariorum manibus accepit & Latinum sibi retinuit, Germanicum verò Archi-Cancellario Germaniæ, Electori-Moguntino, porrexit (3) consequentes. Exhibita Aug. Confessione Pontanus sonorâ voce dixit: *Divinâ cooperante gratiâ ac Deo causam suam agente, hac Confessio etiam contra Inferorum portas prævalebit.* Ipsum verò Confessionis genuinum exemplar, in Archivum Imperii depositum fuit, ubi hodiernum custoditur.

XV. Efficientem causam excipit Materia, cujus locum in Augustanâ Confessione sustinent literæ, syllabæ, voces, phrasæ &c. ex quibus textus integer constat. Cum autem Augustana Confessio multoties edita fuerit, & editiones partim in verbis nudis, partim etiam in sententiâ & rebus inter se discrepent, ideo placet cautelas D. Joh. Bened. Carpzovii ex ejus Ilagoge in libros Symbolicos p. m. 122. seq. compendiosè adducere & in nonnullis magis illustrare. Sunt autem sequentes: (1) Quod genuinum exemplar Augustanæ Confessionis sit, judicandum est ex collatione cum ipso Prototypo, quod in Archivo Imperiali fideliter custoditur. (2) Cum illo Prototypo exactè, quoad omnia verba, imo syllabas, convenit exemplar Germanicum, quod Anno 1580. Libro Concordiæ fuit insertum. Vid. in Libro Concordiæ Germanico p. 16. Præfat. (*6) *Damit sich durch unserer Wiedersacher / usque ad ea: eine neue Confession machen solten.* (2) Similiter exemplar Latinum in Libro Concordiæ Latino convenit cum Prototypo, quod in Comitii Augustanis, Imperator sibi retinuit, cujus Apographa aliquot in Archivis Principum Evangelicorum custodiuntur. Vid. Præf. in Libro Concord. Lat. p. 6. (b. 1.) (4) Exemplaria genuina Lati-

Latinum & Germanicum, in verbis modisque loquendi, non per omnia conveniunt; in fidei autem dogmatibus nulla vel minima dissonantia inter utrumque occurrit. (5) Reliqua exemplaria, quæ ab anno 1530 ad annum 1580 excusa sunt, tantò accuratiora esse dignoscuntur, quantò propius ad exemplar in Libro Concordiæ exhibitum & consequenter ad Prototypum accedunt. (6) Exemplari, quod anno 1530. sine nomine loci & Typographi prodiit, parum ab initio statim tributum fuit. (7) Exemplar quod anno 1531 in 4to Witebergæ prodiit, pro puro habitum fuit, quoad rem; sed non quoad omnia verba. Unde cum ei à Protestantibus in Conventu Numburgensi anno 1661 die 20. Januarii subscriberetur, idque Ferdinando exhiberetur, in subscriptione sequens clausula adjuncta est: *Status non aliter subscribere exemplari huic, quam prout & in quantum cum Instrumento* (i.e. Prototypo) *conveniat.* (8) Exemplar Latinum, quod Melancthon inscio Luthero & invitis Statibus anno 1540 Witebergæ edidit, quoad ipsum sensum in multis mutatum & corruptum est. Idemque sentiendum de exemplari, quod in Corpore Philippico Lipsiæ anno 1578. edito habetur. (9) Exemplar Augustanæ Confessionis variatæ Latinum, magis depravatum fuit, quàm Germanicum. Unde si Reformati ostendere volunt, exiguum esse differentiam inter Augustanam Confessionem variatam & invariata, necesse est ut Latina exemplaria inter se conferant, non (prout in Marchiâ fecerunt) tantum Germanica.

XVI. Sequitur inter **Causas Forma**, quo nomine denotamus Augustanæ Confessionis sensum, de quò primariò ex Scripturâ S. secundariò autem ex perpetuo consensu Theologorum, qui Aug. Conf. indubitato & constanter adhæserunt, imprimis ex scriptis Lutheri, Apologiâ Aug. Conf., Articuli Smalcaldicis & Formulâ Concordiæ, judicandum est. Idcirco

sequentia Porismata observentur. (1) *Quàm latè in unoquoque Articulo Aug. Conf. nos Scriptura S. ducit, tam latè articulus ille intelligendus est.* Axioma hoc à B. D. Calovio proponitur Exeg. A. C. Proleg. c. 3. §. 8. (2) *Parum refert, siue dogma aliquod in Aug. Conf. explicitè & quoad verba, siue implicitè & quoad sensum contineatur.* Nihil igitur Pontificii & Calviniani obtinent, quando scribunt, nova dogmata à nobis proponi, e. gr. de Antichristo, de Omnipræsentia carnis Christi &c. Quod enim ipsa etiam Aug. Conf. Papam implicitè pro Antichristo habeat, ad oculum ostendit Dorscheus, in peculiari Dissertatione, quæ annectitur Tractatui ejus, *de Singularibus & mirandis documentis Providentiæ Divinæ, circa Aug. Conf.* Similiter & omnipræsentiam carnis Christi in Aug. Conf. adstrui, demonstrant Theologi Saxonici, in *Apologiâ des Christlichen Concordien-Buchs*, c. 9. f. 169. sqq. Addatur *Beurtheidigung des Aug. Apfels* cap. 3. p. 312. cap. 5. p. 354. cap. 6. p. 389. (3) *Per errorum, post Augustanæ Confessionis oblationem natorum, refutationem & veritatis contra Adversarios defensionem, non mutatur Augustana Confessio; sed illustratur.* Bene Petavius T. 2. Theol. Dogm. L. 7. c. 19. p. 774. *Non est vetitum ullo Ecclesiæ decreto, ad Fidei professionem aliquid addere; sed eatenus duntaxat, si professio nova condatur, h. e. à veteri dissidens eiq. contraria.*

XVII. Ex Causis restat Finis A. C. distingvendus in *ultimum & subordinatum*. Finis ultimus *absolutè talis*, est gloria Dei; *secundum quid talis*, est salus æterna animarum Augustanæ Confessioni adhærentium. Finis subordinatus est multiplex (1) Fidei rationem reddere, juxta monitum 1. Petr. III. 15. Ideo vocatur *Summa doctrina*: scilicet non doctrinæ omnis; sed ejus, quæ inter nos & Pontificios tum temporis, quo Confessio exhibebatur, maximè controversa erat. (2) *Cœtum orthodoxum ab heterodoxo distingvere.* Idèd habet

habetur pro *Symbolo*, quo nomine aliquoties in Form. Concord. insignitur. Cedit quidem Oecumenicis Symbolis antiquitate, & usûs amplitudine; nequaquam autem veritate: *Æque* enim ac illa cum Scripturâ S. convenit. (3) Calumniatores confundere. Ideo priùs dicebatur *Apologia*, quàm nòmine hoc peculiare scriptum pro Aug. Conf. elaboratum, denotabatur. De calumniis Pontificiorum vide Lutheri *praf. in Articulos Smalcaldicos*, quæ extat in Libro Concordiæ p. 473 (298.) Addatur in ipsâ Aug. Conf. *Art. 20. p. 23. (16.)* & *Conclusio post artic. 21. p. 29. (20.)*

XVIII. Adjuncta Augustanæ Confessionis præcipua sunt, **I**ntegritas, **C**ertitudo, **A**ccuratio, **S**inceritas, **P**erpicuitas, **S**oliditas, **A**utoritas, **C**elebritas & **A**mabilitas.

XIX. Integra dicitur Augustana Confessio, quia adhuc perstat, expers variationis. Distingvimus enim inter conatum & eventum: Tentavit eam depravare Philippus; sed Principes Theologi quæ Evangelici resisterunt, ut nihil effecerit, de quo legatur Calov. *Exeg. A. C. in Proleg. c. 6.* Hutterus in Locis, Proleg. c. 1. seq. Colloqu. Altenb. Edit. Jenens. f. 463. seq. Quod autem variata Confessio propriè dici nequeat Augustana, monuimus in evolutione Homonymiæ. Reliqua pro nobis solidissimè tractavit D. Valent. Alberti, in *der Wiederlegung eines Pâpstischen Buches / so auff Befehl Leopoldt von Kollonitsch / Bischoffs zur Neustadt herausgegeben / und Augustana & Antiaugustana Confessio genandt ward*; Ita enim Titulus se habet. Addatur *Vertheidigung des Aug. Apffels* cap. 2. p. 296.

XX. Cetta dicitur Augustana Confessio, quia quæ talis sit, indubitato scitur: de quo merentur evolvi, quæ contra Jesuitarum machinationes à Saxonis Theologis edita sunt, in *der Vertheidigung des Aug. Apffels*, cap. 8. p. 424. seq.

XXI. Accurata dicitur Augustana Confessio, quia debita diligentia in ejus conscriptione adhibita fuit. Falsum enim est, quòd in diversorio præcipitanter, non expensis rectè articulis, aut (quibus articuli proponebantur) verbis, in chartam conjecta, atque sic Imperatori oblata fuerit. Integris certè quatuor mensibus ei elaborandæ & expoliendæ, celeberrimi eo tempore Theologi operam impenderunt Vide *Vertheidigung des Aug. Apffels* p. 224. proximè post Aug. Conf.

XXII. Sincera dicitur Aug. Conf. quia in eâ nihil ex metu dissimulatum; sed quicquid necessarium erat, apertè prolatum fuit. Unius Melanchtonis timiditas impedire non potuit, quò minus tot Theologi & Politici præsentés, causam Dei intrepidè agerent. Accedebant animosæ & reliquos animantes epistolæ Lutheri, quæ legantur in Chytræi *Hystor. A. C. p. 135. seqq.* In unâ earum p. 139. equidem scribit Lutherus: *Promèa personâ plus satis cessum est, in illâ Apologiâ*: sed non loquitur de dogmatibus, verùm de phrasibus, quibus in refutandis adversariorum erroribus utebatur Melanchton: Hæ enim molliores erant, quàm alioqui in scriptis Lutheri adhibentur.

XXIII. Perspicua dicitur Aug. Conf. quia nec obscuritate, nec ambiguitate laborat, secus atque Reformati eam accusant. Nam & thesis ibi & antithesis verbis clavis & intellectu facilibus proponitur; nisi quis præconceptâ opinione fasciatus ad eam legendam accedat, ut Synergistis in articulo de Libero Arbitrio accidit.

XXIV. Solida dicitur Aug. Conf. quia contrariis Scripturæ testimoniis infringi nequit: quod ipsi adversarii, in Comitibus Augustanis, à Principibus suis interrogati, fatebantur. Unde Gvilielmus Bavarix Dux ad Eccium ita respondentem, aiebat: *Ergo, quantum audio, Lutherani sedem habent in Scripturis sanctis, & nos extra eas (So hbre ich wol/die Lutherischen sitzen*

sigen in der Schrift / und wir neben der Schrift). Tentata quidem est Confutatio & die 3. Augusti in publico confessu lecta; sed eandem ex diffidentiâ causæ, Pontificii nostris, licet vehementer petentibus, tradere recusabant, nisi sub durissimâ illâ conditione, *ut jurarent, se nec quicquam responsuros*: in quod nostri consentire recusabant, contenti iis, quæ Theologi ex prælectione perceperant. *Vid. præf. Apologia in Libro Concord. p. 75. (47)*

XXV. Autoritas adscribitur Augustanæ Confessioni: quia in Ecclesiis nostris pro norma habetur: non tamen pro normâ independente, qualis sola Scriptura est; sed pro dependente; quæ non gignit fidem, sed genitam conservat, & propagat: quæque non *πρώτως*; & per se meretur assensum; sed *δευτέρως*; & propter aliud, nempe propter consensum cum Scripturâ S. Vide D. Jo. Schmidt Arg. Diff. de Aug. Conf. Theol. 19. p. 29.

XXVI. Celebris dicitur Aug. Conf. quia in totius cultioris orbis notitiam pervenit: si non hominum singulorum; saltem populorum. Simulac enim Imperator solenniter eam acceptâisset, in varias linguas translata, ad externos Reges; Principes & Respubl. mittebatur; ut taceamus, quæ postea ad hæc usque tempora acciderunt.

XXVII. Amabilis dicitur Aug. Conf. quia multorum hominum, ipsorumque etiam adversariorum animos, in amorem sui pertraxit, de quo legatur Præf. Apologiæ in Libro Concordiæ p. 77. (49) Testimonia autem historica petantur ex Gerhardi Conf. Cathol. L. 1. P. 1. c. 8. Quanti Augustanam Confessionem Sigismundus Augustus Poloniæ Rex fecerit, patet ex privilegio Religionis, quod anno 1570. d. 9. Julii Mevensibus in Borussia concessit: *Significamus, inquit, tenore presentium, quorum interest universis & singulis, expositum esse nobis gravi in querelâ, nomine Famatorum Præf. totiusq. Communitatis Civitatis nostræ Mevensis, mul-*

zum illis molestiarum exhiberi, in negotio religionis, propter puram Christi & Apostolorum doctrinam ac Sacramenta, quibus in Ecclesiâ suâ juxta Aug. Conf. sine omni hereſeos labe, piè fruuntur. Proinde promittimus, ex gratiâ & benignitate noſtrâ Regiâ, Civitati noſtrâ prædictæ liberam prædicationem & Mi-
nisterium Evangelii, ac verum & integrum Sacramentorum, Baptismatis & Cænæ Dominicæ, usum, secundum institutionem Christi. — Concedimus insuper potestatem, ad sacrosanctum Mi-
nisterium viros doctos, in Christi & Apostolorum doctrinâ sin-
ceros, omni labe hereſeos carentes, liberè vocandi, adhibendi, vocatosq; retinendi &c.

XXVIII. Essentia Augustanæ Confessionis exprimitur in Definitione & Divisione.

XXIX. Definitio ex hætenus dictis emergit talis: Augustana Confessio est liber Symbolicus Ecclesiæ, de primariis fidei capitibus & Pontificiorum abusibus agens, ex verbo Dei, communi Protestantium consensu scriptus & Carolo V. in Comitibus Augustanis, anno 1530. solenniter oblatus, ab eodemque receptus, ut fidei ratio redderetur, Orthodoxi ab Heterodoxis distinguerentur, & calumniatores confunderentur.

XXX. Ad Divisionem quod attinet, si Præfatio & Epilogus amputentur, ipsa Augustana Confessio dividitur in duas partes: Prior exponit Fidem, continens Articulos XXI. Posterior perstringit Pontificiorum abusus, continens Articulos VII.

In tractatione noſtrâ ita procedemus, ut in singulis Articulis ordine tria proponantur,

I. EXPLICATIO, quæ exhibet (1) Collationem Aug. Conf. invariatae cum variatâ (2) Analyſin textus (3) Brevissimas notas ad loca, quæ iisdem præ cæteris indigere videbuntur (4) Apologiæ succinctam enucleationem.

II. DEMONSTRATIO, quæ exhibet Controversias, pertractatas juxta (1) ΘΕΣΤΗ, (2) ΕΚΘΕΣΤΗ, (3) ΒΕΒΑΛΩΣΤΗ, (4) ΑΝΤΙΘΕΣΤΗ.

III. VINDICATIO, quæ exhibet criminationes & calumnias (1) in ipsam Augustanam Confessionem (2) in Evangelicos, sub respectu qualicunque ad Augustanam Confessionem: Singulæ autem succinctè repelluntur.

PARS PRIOR AUGUSTANÆ CONFESSIONIS

ARTICULUS I.

DE DEO.

I. EXPLICATIO.

In hoc articulo nihil à Melanchtone mutatum est.

Agitur autem de DEO

I. Θεοῦ ὁμῶς, & quidem

{ 1. generatim, cum profitemur, nos inhærere Nicenæ Synodo, cujus Symbolum extat p. 2. (21) Hic observandum (1) quod doceamus, quæ Nicæna Synodus docuit; sed non *propterea*, quia Nicæna Synodus docuit, verùm quia Nicenæ Synodi doctrina cum Scripturâ convenit. Vid. Apol. p. 79. (50) (2) Nicæna Synodus, non est fidei generandæ principium; quamvis fuerit fidei ad posteros propagandæ medium (3) Causa allegationis non est, quod Concilia credamus infallibilia, aut quod solâ traditione nitamur; sed ut schismatis & novitatis calumnias à nobis amoliamur.

a b

C

2. spe-

a b

2. speciatim, per Confessionem doctrinæ, de Dei
 { α essentiā, quod una sit essentia, quæ appellatur & est
Deus. His verbis Deus verus à Diis λεγομένοις discernitur
 1. Cor. VIII. 5. Ille appellatur, & est: hi appel-
 lantur, sed non sunt.
 { β attributis, quod Deus sit *aternus, incorporeus* (seu
 substantia spiritualis) *impartibilis*, (propter simpli-
 citatem suam) *immensā potentiā, sapientiā, bonitate*.
 { γ Operibus, quod Deus sit *Creator & Conservator*
omnium rerum, visibilium & invisibilium.
 { δ Personis. Hæ
 (1) enumerantur, quod sint *Pater, Filius & Spi-
 ritus S.*
 (2) describuntur, quod sint *ejusdem essentia & po-
 tentia, & coeterna*.
 (3) ab ambiguitate, quæ in vocabulo Personæ latere
 posset, liberantur: *Et nomine Personæ subsistit*.

II. ΑΥΤΙΘΕΤΙΚΩΣ. Ubi damnantur

1. generatim, *omnes hereses, contra hunc articulum exorta*.
 2. speciatim illi, qui negant

- { α Essentiæ Unitatem, ut *Manichæi & Valentiniiani, qui
 duo (prima, coeterna) principia ponebant*.
 { β Personarū pluralitatem, qui Filium & Sp. S. fingebant
 (1) *ερεγστiov*, ut *Ariani, Eunomiani, Mahometista*.
 (2) *ειυποδιστοι*, ut *Samosateniani veteres & neoterici*
 (à Michaële Serveto orti) *qui cum tantum — in
 rebus creatum*.

Apologia p. 79. (56) proponit

I. Sen-

- I. Sententiam Pontificiorum de primo articulo, quod eundem probarint. *Primum articulum—& Spiritus Sanctus.*
 II. Sententiam nostram,

1. de hoc articulo: quod semper ita docuerimus & docaturi simus, quia *habet certa & firma testimonia in Scripturis sanctis*, tanquam unico fidei nostræ principio.
 2. de Adversariis: quod *aliter sentientes extra Ecclesiam Christi & Idololatrias esse & Deum contumeliâ afficere censeamus.*

II. DEMONSTRATIO.

Thesis I. *DEUS est.*

Ενδειξις. Hæc Thesis in A. C. non ponitur, sed præsupponitur, juxta Canonem Logicorum: *Ab est tertii adjecti, ad est secundi adjecti, valet consequentia.* Qui igitur statuunt, Deum esse unum, æternum &c. iidem quoque statuunt, Deum esse. *Βεβαιωσις.* Probatur

1. ex libro Naturæ, per Theologiam insitam Rom. II. 15. & acquisitam Rom. I. 19. seq. Plura videantur in libris Pneumaticis. Ex iisdem huc spectant argumenta ((1) Dantur res quæ movent & moventur, itemq; quæ moventur & non movent. Ergo dari debet, quod movet & non movetur: Hoc verò Deus est, nisi in subordinatione moventium & motorum, progressum in infinitum statuere velimus. (2) Subordinatio causarum secundarum non tendit infinitum. Ergò substitit in causâ primâ, quæ est Deus. Aut ita: Mundi partes sunt à causâ, quod experientia & sensus docent. Ergò totus mundus ex partibus illis constans est à causâ; non autem à causâ particulari, quia hæc est mundi pars: pars verò nec sui, nec totius causa est. Ergò à causâ universali, quæ est Deus (3) Deum esse patet, ex significationibus futurorum contin-

gentium, quæ intellectus finitus prævidere nequit. Huc Deus gentes ablegat Es. XLI. 23. & Cicero concludit: *Si est divinitas; sunt Diæ.* (4) Pavores conscientiae in impiis, qui sensum divinitatis extingvere laborant, probant, esse Deum (5) Ad-
dimus argumentum svasorium Ciceronis, allegante Iano Cœ-
cilio Frey in *Mente*, Axiom. 23. p. 33. *Omnis homo debet cre-
dere esse Deum, siue Deus sit, siue non sit. Nam si Deus non
est & tu credas esse Deum, quid mali tibi eveniet? Si vero est
Deus & tu non credas eum esse, infallibiliter te punit.*

2. ex libro Scripturæ. Inde innumera testimonia pro exi-
stentiâ Dei allegari possent; cùm nullus versiculus, imo nulla
vocula in Scripturâ occurrat, quæ non ad minimum per id,
quod *Θεός* est, de Dei existienciâ testetur. 2. Tim. III.
16. Sufficiat autem attulisse iudicium spiritus S. de iis, qui
existentiâ Dei negant, ex Ps. XIV. 1. & LIII. 1. *Stultus dicit
in corde suo, non est Deus.* Ex quo elicimus (1) dari Atheum
non modò practicum, qui ore vel opere existienciâ Dei ne-
gat; sed & theoreticum, qui Deum inficiatur בלתי בלתי *in corde
suo.* Non obstat, quòd Theologia naturalis insita omnibus
hominibus competere traditur, Nam ut hoc verum est, de ho-
minibus in statu ordinario spectatis; ita aliter censendum, de
hominibus propter contemptum vel abusum luminis natura-
lis, iusto Dei iudicio, occæcatis, & in statum extraordina-
rium reductis, qui extinctis notitiæ connatæ scintillis, Diabolo
ipso redduntur inferiores. (2) Negationem Dei non solum-
modo peccatum esse, sed & voluntariam insaniam. Homo
enim talis vocatur כפול *Stultus, Fatuus*, siue etiam *Nebula &
Flagitiosus.*

Ανθεός est Atheorum, quos inter excelluit ex recentio-
ribus apud Turcas Muhamet Effendi, qui illo imprimis ar-
gumento existienciâ Dei impugnabat, quòd Deus in ipsum,
tanquam hostem suum nullâ adhuc poenâ animadvertisset,
teste

teste oculato Ricautio Anglo, de Satu Imperii Ottoman. L. 1. c. 14. Ex Italis Cæsar Lucilius Vaninus, cujus extrema, quomodo Tholosæ exustus sit, descripsit Gramondus Histor. Gall. L. 3. p. m. 209. seq. Apud Germanos Matthias Knutzenius, Hofatus, in Academiâ Jenensi Studiosus, qui cum Deum negaret, stultissimo tamen conatu Conscientiariorum (*der Gesessener*) novam scholam moliebatur, refutatus â D. Johanne Musæo, in peculiari tractatu. Plura petantur ex Theophili Spizelii, Johannis Mülleri Hamburgensis, aliorumque scriptis de Atheismo, nec non ex *Relationibus innocentibus*, celeberrimi Dn. D. Valentini Ernesti Læscheri, cui pro utilisimâ hujusce operis editione, immortales gratiæ debentur.

Theſis II. *Deus est unus in essentiâ, sive naturâ.*

"ΕΝΘΕΟΥ 1. Natura Deo in sacris adscribitur 2 Petri I. 4. Essentiæ autem vocabulum in abstracto Scriptura non habet: Concretum tamen legitur. Exod. III. 14. Ap. I. 8.

2. Deus unus est, non solum propter consensum voluntatis, inter tres personas; sed vel maximè etiam propter rationem entitatis.

3. Unitas Dei non est generica, nec specifica; sed summè singularis.

4. Singularitas Dei tantum excludit universalitatem essentiæ; nequaquam verò prædicationis. Nam Deus prædicatur de Patre, Filio & Spiritu S. non tamen ut de diversis essentiis; sed ut de diversis personis, quarum quælibet habet unam illam & totam essentiam.

5 Unitas Dei non est quantitativa; sed eminens & transcendentalis.

ΠΕΡΙΛΗΨΙΣ. Probatur

1. ex Ef. XLV. 5. 6 7. Ubi Deus (1) ut Individuum se sistit, per pronomen *EGO*, quod ter repetitur (2) sibi nomen proprium

prium יְהוָה quod singularitatem essentiae infert, itidem ter adscribit, (3) ut omni exceptioni viam præcluderet, postquam se Dominum dixerat, diserte adjicit אֵין עוֹר *non amplius*, vel *non adhuc* scilicet datur alius: id quod brevi post hisce explicatur וְלֹא־אֵין אֱלֹהִים Præter me non Deus v. 5. quod denuo repetitur v. 6. (4) sibi actiones certas vendicat, nempe *inctionem* Esaia v. 5. *formationem lucis, creationem tenebrarum* &c. v. 7. Actiones autem sunt singularis essentiae (5) hæc tanquam scitu necessaria, *ortui solis & occidenti* commendat v. 6.

2. ex 1. Cor. VIII. 4. 5. 6. ubi (1) expresse legimus: *Nul-
lus Deus alius, nisi unus* v. 4. (2) cæteri *multi Dii*, qui vel fin-
guntur, vel propter officium sic appellantur, ut Exod. XXI.
6. non nisi λεγόμενοι θεοὶ *nominales Dii*, seu ut Philosophico
termino exprimamus, *Dii secundum dici*, non *secundum esse*,
declarantur v. 5. (3) tanquam peculiaris fidei articulus, quo
Christiani à gentilibus discernuntur, doctrina de unitate Dei
inculcatur: *Nobis unus Deus Pater, à quo omnia & nos in illo. &
unus Dominus Jesus Christus per quem omnia & nos per ipsum.*
v. 6. In quibus verbis Jesus Christus à Deitate non excludi-
tur; sed potius eadem Deitas ipsi, quæ Patri tribuitur: Sen-
sus enim est: Unum esse Deum, scilicet Patrem & unum il-
lum Jesum. Dices: Opponi Patrem *ut Deum, à quo omnia,*
Jesu ut Domino, per quem sunt omnia. Resp. negando: Op-
positorum enim est incompatibilitas: at eadem quæ Jesu hic
adscribuntur, alibi Pater sibi adscribi patitur. Nam & Pater
appellatur *Dominus*. Matth. XI. 25. & *per eum omnia esse* per-
hibentur. Hebr. II. 10.

3. Dantur & alia Scripturæ dicta, in quibus vel asseritur
positive, quod unus tantum sit Deus, Deut. VI. 4. Marc XII.
29. 32. Rom. III. 30. Gal. III. 20. 1. Tim. II. 5 vel remo-
tive, quod non plures sint Dii. Deut. IV. 35. XXXII. 39.
Ec. XLIV. 6.

4. Ex

4. Ex ratione sic concludimus (1) Deus est naturæ infinitæ: At repugnat plura dari infinita; quia si plura essent, unum terminaretur ab alio & consequenter finitum foret. (2) Si plures Dii sunt, iidem essentialiter inter se distinguuntur atque ita unus habebit, quod alter non habet: Hoc ipso autem everteretur Dei absoluta perfectio.

Ἀντίθεος est (1) Gentilium in Indiâ, Sinâ, Tartariâ magnâ, Japoniâ, Terris suppolariibus, Americâ à Christianis nondum subactâ &c. qui plures Deos colunt. Vid. Vossius de Idololatriâ & Alexander Rofs *von unterschiedlichem Gottesdienst der Welt*. Ex computatione Brerewodi, in Scrutinio Relig. c. 5. p. 58. Christiani possident terræ habitatæ partem circiter sextam, Muhamedani quintam, Idololatræ duas tertias.

2. Basilidianorum à Basilide & Valentinianorum à Valentino Ægyptio sic dictorum. Hi duo summa rerum omnium principia finxerunt, *βύθον & σὺν Profundum & Silentium*, ex quibus deinceps XXX. Æonas, ut novos Deos deduxerunt. Prodierunt ex hac scholâ Secundiniani, Ptolemiani, Heraclonitæ, Marcitæ, Colarbasiani, Floriniani &c. qui omnes à communi, quem fovebant, errore, Æonistæ vocari solent.

3. Cerdonianorum, à Cerdone Syro nomen gerentium, qui itidem duo summa rerum omnium principia sibi invicem adversantia, commentus est, alterum *bonum* & alterum *malum*. Propagarunt hæc deliria Marcionitæ, Manichæi & (nisi, quod verisimile est, per calumniam hujus æquæ ac aliorum errorum incusantur) Albingenses, qui seculo XIII. exorti sunt.

4. Tritheitarum, qui tres Spiritus infinitos essentialiter differentes statuebant.

5. Pontificiorum (non quidem in thesi, sed tamen in hypothesis) quando Sanctis, imprimis Mariæ ea adscribunt, quæ soli Deo competunt. Ut de Mariâ aliquid adferamus, docent, Baptismum in ejus nomine administratum esse verum baptismum:

ptisimum: In calce librorum, fatentur, eos elaboratos esse in maiorem Dei & B. Virginis gloriam: Salazar Mariam complementum SS. Trinitatis vocat: Vega super Apocal. c. 12. Sect. 2. n. 9. Mariæ tribuit nomen Jehovæ, scribens: *Tetragrammaton est nomen sacerrime Virginis*: Ibidem addit: *Dedit tibi Maria tota Trinitas nomen, quod est supra omne nomen, ut in nomine tuo flectatur omne genus cælestium, terrestrium & inferorum: nomen tanta virtutis, ut ad ejus invocationem cælum rideat, infernus conturbetur*. In psalterio Mariæ à Bonaventurâ elaborato, eadem verbis totidem à Dominâ petuntur, quæ David à Domino petiit; qui liber à Sixto IV & Innocentio VIII Pontificibus approbatus, antorque illius canonizatus est. Albertus *Biblia Maria* conscripsit, in quibus, ut titulus habet, *omnia ferè, quæ in sacris Bibliis continentur, beatissima Deiparenti Mariæ pulchrè & breviter adaptantur*; quod opus aureum ac Marianis cultoribus pergratum vocatur. Et ne quid desideretur, non alii duntaxat minorum gentium scriptores, sed & ipse Leo X. in literis Papalibus ad Recanatenses, apud Bembum L. 8. Ep. 17 expressè Mariam *Deam* vocat. De religioso verèque divino Sanctorum cultu, legatur Joachimi Urfini liber, cujus titulus est: *Jesuitici templi stupenda*.

Thesis III. Deo attributa essentialia, quæ cum inter se, tum à subjecto suo, ratione rationatâ distinguuntur, verè & propriè competunt.

§κθςςς 1. Attributâ Dei aut sunt personalia, quæ in divinis, non quidem ut diversæ res, sed tamen realiter distinguuntur. v. gr. generare & generari, spirare & spirari: aut essentialia, quæ se habent ut conceptus secundi, essentiam divinam intrinsecè, sed inadæquatè, denominantes; de quibus impræsentiarum agitur.

2. Attributa hæc essentialia, à parte rei sunt ipsa Dei essentialia:

sentia: nihil enim est in Deo, quod non sit ipse Deus: at quæ nostrum concipiendi modum, differunt à Dei essentiâ, quæ se per attributa intellectui humano aliter atque aliter considerandam exhibet.

3. Cum igitur ut distincta concipimus, quæ in Deo unum idemque sunt, multiplicamus res in intellectu nostro; non autem in subiecto, circa quod intellectus versatur. Nam à distinctione conceptuum de re, ad distinctionem rerum ipsarum N. V. C. Sic in Sole idem est Lux & Calor, etiamsi diversimodè concipiantur à Physico.

4. Aliâ quæstio est, an attributa sint nomina? & alia, an sint nuda nomina? Priorem affirmamus; posteriorem negamus.

5. Quædam attributa, e. g. justitia & misericordia sunt contrariæ significationis: non sub respectu ad subiectum, nempe Deum; sed sub respectu ad objectum, nempe homines, erga quos Deus se diversimodè gerit; propemodum ac Sol simul contrarias actiones edit, liquefaciendo ceram & indurando lutum; ut nihilominus utraque potentia eodem tempore Solem verè denominet.

6. Modus denominandi Deum, qui à singulis ejusdem attributis petitur, imperfectus quidem est; neutiquam tamen improprius, seu falsus. Imperfectio autem indè oritur, quia intellectus noster cumulum tot perfectionum in Deo, non potest simul concipere; sed cogitur successe unam post aliam lustrare, quo fit ut circa unum occupatus attributum, interim omittat alterum, nec unquam uno actu omnia, quæ de Deo revelata sunt, perfectè exhauriat.

7. Quodlibet attributum in sensu identico est ipsa essentia: sed in sensu formali, intellectui sistitur ut diversum ab essentiâ & ab alio attributo, videlicet secundum nostrum concipiendi modum. Licet enim res eadem per omnia at-

tributa significetur, voces tamen illæ non se habent ut Synonyma Grammatica. Synonyma enim talia non modò eandem rem significant; sed etiam juxta eandem rationem. Attributa verò rem eandem, sed sub diversis rationibus exhibent, quia diversi in intellectum nostrum conceptus gignuntur.

8. Atque hæc ratione inter attributa agnoscimus distinctionem ordinis, qui observatur in demonstrando, v. gr. quando æternitatem deducimus ex infinitate; quamvis inficiemur distinctionem rei, quæ observatur in essendo; sic enim æternitas & infinitas simul, imò idem sunt, nec ulla locum habet prioritas vel posteritas.

9. Forma prædicandi hic est paronymica, seu concretiva; ita tamen ut non de paronymo vulgari, sed eminenti loquamur; unde & prædicatio ipsa rectius extræessentialis dicitur, quam accidentalis. Cum autem attributa quædam de Deo in abstracto efferuntur e. g. Joh. XIV. 6. *Christus est veritas & vita*: 1. Joh. IV. 8. *Deus est charitas*: tum locum habet Metonymia, atque ita prædicatio fit tropica, quæ nunc ad nos non spectat, de formâ prædicandi propriâ tantum sollicitos.

10. Quando attributa hæc dicuntur essentialia, respicitur ad subjectum, unde resultant: quando autem dicuntur prædicari extræessentialiter, respicitur ad modum enuntiandi; quia de Deo non prædicantur ut ipsa ejus essentia, sed ut aliquid de essentiâ.

11. Attributa Deo ante mentis nostræ operationem insunt; sed ante mentis nostræ operationem, actu nec à Deo, nec inter se distinguuntur. Idcirco cum de qualitate hujusce distinctionis queritur, respondemus, eam non esse realem, sed rationis: nec tamen rationis ratiocinantis; sed ratiocinatæ.

Beobachtung. Probamus ab experientiâ. Ubi enim rerum testimonia adsunt, quid opus est verbis? Evolvatur Psalmus CXLV. quem Rabbini tanti faciunt, ut ter quotidie reci-
tanti

tanti certò vitam æternam promittant. In illo totus quodammodò exercitus attributorum divinarum exhibetur. Agitur enim (1) de Immensitate, sub nomine magnitudinis v. 3. (2) de Bonitate v. 7. 9. (3) de Æternitate v. 13. (4) de Omniscientiâ v. 18, 19. (5) de Omnipotentiâ v. 4. 12. ad quam respicitur mentione factâ admirandorum Dei operum. v. 5. 6. 9. (6) de Justitiâ v. 7. 17. 20. (7) de Misericordiâ, v. 8, 9. 14, 15, 16. (8) de Omnipræsentia v. 18, 19. (9) de Majestate & gloriâ, v. 1, 2. 21. &c.

Arriani est 1, Ex Reformatis, Christophori Masfonii, sive ut vero eum nomine compellemus, Christiani Becmanni: qui idiomata seu attributa, Deo non nisi improprie tribui statuit, eo scilicet modo, quò organa corporis ei adscribuntur. Quæ hoc fine ab eo disputantur, ut idiomatum divinarum communicationem tantò securius impugnet: *Non entis enim nulla sunt affectiones.* Conf. Calov. Syst. P. 2. p. 239. Eisdem tibi ex Novatoribus hodiernis inflans D. Thomasius, ad M. Alberti Christiani Rotthii Qu. 2. respondet n. 4. *Quicquid predicatur de Deo, predicatur improprie. Neq. hac assertio solum procedit in predicatis à corpore desumptis, sed & à Spiritu. Unde quemadmodum Deus habet manus & oculos, improprie; ita improprie virtuosus, justus, verus &c. est: ita improprie intelligit & vult.*

2. Scholasticorum illorum, qui ideo Nominales dicuntur, quod ut universalia in Philosophicis, ita pariter attributa in Deo, nuda nomina esse contendunt. Inter Nominales & Reales, acerrima olim gerebantur bella, ut sæpe à verbis ad verbera descenderetur, quod Heidelbergæ, ubi contigua Collegia, seu ut tunc vocabantur, Bursas habebant, factum est; quò Aventini L. 6. Annal. Bojorum. p. m. 624. memorabilia verba spectant, scribentis: *Hiscæ temporibus fuisse reperio Ru- celinum Britannum, Magistrum Petri Abelardi, novi Lycei con- ditorem.*

ditorem, qui primus scientiam vocum sive dictionum instituit, novam Philosophandi viam invenit. Eo namque autore duo Aristotelicorum Peripateticorum genera esse cœperunt, unum illud vetus, locuples in rebus procreandis, quod scientiam rerum sibi vendicat, quamobrem Reales vocantur: alterum novum, quod eam distrahit, Nominales ideo nuncupati, quod avari rerum, prodigi nominum atque notionum, verborum videntur esse adfertores. In hisce duobus generibus dissidium, & bellum civile est: illius Thomas Aquinas Italus; & Joannes Dunso Scotus: Hujus Wilhelmus Occomensis Anglus (cujus sepulchrum marmoreum apud nos in Bojariâ Monachii in templo Franciscanorum monstratur) Marsilius Haidelbergensis Academia, Johannes Buridanus, Vienenfis Gymnasii institutor, Gregorius Ariminenfis Viennæ humanus, antesignani sunt &c.

3. Gilberti Porretani, Piëtaviensium Episcopi, qui attributa, à Deo per modum accidentium, distingvi tradebat. Hujus doctrinæ ab Eugenio Pontifice damnabatur in concilio Rhemenfi.

Thefis IV. DEVS est æternus.

ἐκθεσις. 1. Æternitas Hebræis עוֹלָם, quæ vox in utrâque lingvâ ambiguitate laborat: Nam latissimè tempus quodcunque diuturnum; strictiùs ævum; strictissimè durationem simpliciter indefectibilem significat, quæ videlicet nec initium habuerit, nec finem habitura sit, adeoque, ut cum Scholasticis loquamur, indefectibilis sit à parte ante & à parte post.

2. Hâc duratione Deus & opera ejus interna gaudent: Opera verò externa, quoniam à Deo quidem, sed tamen extra Deum sunt, tempus admittunt. Sic creatio tempore prior fuit redemptione.

3. Deus coëxistit tempori; sed non existit in tempore: quia æternitas omnia tempora absorbet. Rectè igitur Augustinus

stinus de Verâ Religione c. 49. *Æternitas tantummodo est: nec fuit, quasi jam non sit, nec erit, quasi adhuc non sit.*

4. Quando autem Deo tempus adscribitur, id non fit propriè; verùm impropriè & per συγκατάβασις: Modique tales loquendi tantùm affirmativè, nunquam verò negativè intelligendi sunt, juxta illud Hieronymi: *Deus fuit, hoc est: nunquam defuit: Deus est, hoc est, semper est: Deus erit, hoc est, nunquam deerit.*

Βεβαιώσις. Probatur 1. ex Ps. CII. 26, 27, 28. Quia Deus (1) indicatur fuisse ante cælum & terram v. 26. (לפני) *In facie*, i. e. cum ipse jam adesset, *terram fundavit* &c. Ante hæc verò fuit mera æternitas. Prov. VIII. 23. 27 (2) dicitur creasse cælum & terram v. 26. E. & tempus, quippe quod mensuratur per motum siderum cœlestium. (3) extra omnem motum *immobilis permanere* asseritur, h. e. sine successione prioris & posterioris, præteriti & futuri v. 26. 28. אתה הוּא *Tu ipse, & anni tui non consumentur* (4) denegatur ei principium v. 26. & finis v. 28. quæ sunt requisita æternitatis (5) in eo opponitur creaturis mundanis, quod hæc inceperint esse & interitura sint, v. 26, 27, quæ est descriptio temporis. Si igitur creaturæ mundanæ sunt in tempore, sequitur Creatorem eis sub hoc respectu oppositum, esse æternum: Oppositorum enim sunt opposita prædicata.

2 ex Apoc. IV 8. 9. Quia (1) Dei duratio est continua simulque tota, utpote omnes temporum differentias absorbens, juxta descriptionem æternitatis Aristotelicam: seu ut Boëtius de Consolatione L. 5. c. 6. inquit: *Deus est interminabilis vite tota simul & perfecta possessio.* Ideo enim describitur *ὁ ἦν ὁ ὢν καὶ ὁ ἐρχόμενος, qui erat, existens & qui venturus est.* v. 8. (2) disertis verbis vivere traditur *αἰῶνας τῶν αἰώνων in æternitates æternitatum*, seu ab æterno in æternum v. 9. quod respondet illi Hebræorū מְעוֹלָם עוֹלָם עוֹלָם Pl. XC. 2.

3. ex descriptione Dei, quando vocatur Deus seculi Gen. XXI. 33. Es. XL. 28.

4. ex aliis Scripturæ locis. Psalm. XC 3. Es. XLIV.

6. I. Tim. I. 17.

Aviðeios. est 1. Gentilium, qui Diis suis omnibus, ne summo quidem Jove excepto, initium adscribebant; quâ de causâ ab Arnobio, Athenagorâ aliisque falsè exagitabantur. Ridicula certè sunt illa Ovidii L. 2. Fast.

*Ante Jovem genitum terras habitasse feruntur
Arcades, & Lunâ gens prior illa fuit.*

2. Hæreticorum veterum e. g. Manichæorum, qui Deo bono aliud principium coæternum, sed malum, adjungebant: Item Hermogenianorum & Seleucianorum, qui materiam aliquam Deo coæternam fingeant, ex quo Materiarii ab Orthodoxis dicti sunt. Horum sputum nostro tempore Peterfenia lingit, cujus verba ex nugis muliebribus super Apocalypsin Observat. Rubric. 27. p. 443. adducuntur in Supplem. Synops. arr. 4. Th. unic.

4. Vorstii, qui negat æternitatem Dei esse omnino infinitam & totam simul præsentem, statuitque dari in eâ successionem præsentis, præteriti & futuri; quo ipso virtualiter impugnat Dei æternitatem.

Thesis V. Deus est Spiritus & consequenter incorporeus.

Ἐξθεος. I. Vocabulum Spiritus in sensu Physico etiam ad aërem aliaque subtiliora corpora extenditur; in sensu autem Pneumatico, qui solus hujus loci est, omni omnino corpori opponitur

2. Eadem vox, quando de Deo usurpatur aut ἐσσιωδῶς seu essentialiter, aut ὑποστατικῶς seu personaliter accipi solet. Posteriori modo, quatenus in ipso nomine ad æternam ineffabilemque spirationem respicitur, soli tertiæ Personæ SS. Trinitatis

nitatis competit, quæ ideo *Spiraculum Omnipotentis* vocatur. Job. XXXIII. 4. & *Spiritus labiorum Dei*. Ef. XI. 4. Priori autem modo quælibet Persona, respectu essentiae spiritualis, rectè dicitur Spiritus, ut tamen non sint tres Spiritus; sed tres Personæ, de quibus prædicatur una numero essentia, quæ est Spiritus. Atque ita expressè divina natura Filii vocatur *Spiritus*, in oppositione ad carnem, seu humanam naturam. 1. Petr. III. 18. Rom. I. 4.

3. Quando autem Deo in Scripturâ corpus & membra corporea tribuuntur, tum *quæ dicuntur αἰσθητὰ ὄντα*, intelligenda sunt *θεωρετὰς* v. g. ut tropicè oculi significant scientiam. Job. XIV 3. *aves* facilitatem suscipiendi preces. Ps. XXXIV. 16. *nares & odoratus* beneplacitum. Gen. VIII. 21. *os & loquela* revelationem voluntatis ejus Num. XII. 8. *vultus & facies* manifestationem per opera &c. Sic Deo etiam *ale* adscribuntur. Ps. XVII. 8. ad indicandam protectionem, quam suis præstat, non aliter ac gallina pullis.

4. Picturæ in templis nostris non exprimunt Dei essentiam; sed apparitiones: Enimverò nec in corpore sibi proprio apparuit; sed in assumpto. Unde distingvimus inter Dei naturam & revelationis *ἰκονοµίαν*.

ἑβραίων Probatum 1. ex Joh. IV. 24. *Deus est Spiritus*: Græcè *πνεῦμα ὁ θεός*: ubi subjectum propositionis est *θεός*, quod patet ex adjuncto articulo *ὁ*: Prædicatum verò est *πνεῦμα*, quod totus contextus indicat: Nam Christus ostensus, *Deum in spiritum*, hoc est spirituali ratione, *esse adorandum* v. 33. tali medio termino utitur, quia Deus ipse est Spiritus & consequenter corporalia non moratur, nisi quatenus profunt ad spiritualia. Illatio hæc nullius momenti foret, si Deus esset corpus, quamvis subtilissimum tenuissimumque.

2. ex loco parallelo, 2. Cor. III. 17.

3. per consequentiam. Quia idololatriæ accusantur, qui similitudi-

litudinem creaturæ Deo tribuunt Rom. I. 23. Pl. CVI. 20.
Jerem II. 11.

AVTHTHTC 1. Tertulliani, qui in libro adversus Praxeam Deum dixit *corporeum*: quem tamen Augustinus excusat, quod improprie locutus per Corpus intellexerit Substantiâ, quo sensu idem scriptor etiam Angelis & Animabus corpus attribuit.

2. Audianorum, ab Audio Mesopotamienſi sic dictorum, qui alioquiâ doctrinâ Antropomorphitæ vocabantur, quod Deo corpus humanum & corporis membra figuramq; affingerent.

3. Muhamedanorum quorundam, Deo essentiam corpoream animamque in sensu proprio adſcribentium: Sic enim de Arabibus Sephatiis narrat Abul Farajius, quod *in adstruendo auditu, visu & loquelâ Dei eousque progressi sint, ut corporeitatem assererent, & quæ in Alcorano de sessione in throno, creatione manu peractâ extant, secundum literam acciperent, dicti propterea Al Moshabhehi i. e. Assimilatores.*

4. Vorstii, ex cujus Hypothesibus deducitur, quod Deum statuerit *corporeum, visibilem, longum, latum & profundum, certoq; loco affixum.* &c. Vid. Gerh. Exeg. Loci de Deo §. 114.

Thesis VI. DEUS est naturæ simplicis adeoque impartibilis.

AVTHTHTC 1. Naturæ simplici opponitur composita: Simplex enim describitur, cui repugnat compositio realis.

2. Ex quo patet, Simplicitati non adversari distinctionem; sed tantum compositionem.

3. Distinguiamus verò inter compositionem realem & rationis. Posteriores in Deum cadere concedimus e. g. ex naturâ & supposito inseparabili; ex subiecto & attributo eminenti, ex conceptu contrahibili & contrahente: Priorem verò omnibus modis Deo denegamus, qualis est (1) ex actu & potentiâ, (2) ex naturâ & supposito separabili, (3) ex subiecto & accidente, (4) ex accidente & accidente, (5) ex partibus, seu essentialibus, seu integralibus.

4. Cum

RESPON.

MICH.

FRID.

Fischer /

Mariab. Bor.

4. Cum Deus dicitur coli, invocari, contemni, &c. ejusmodi prædicata quoniam non interna, sed prorsus externa sunt, idè nullam compositionem causantur. Nam compositio supponit unionem eorum, ex quibus compositum constat.

5. Locus vel motus localis, Deo in Scripturis improprie adscribitur, ut significetur peculiare opus, per quod se Deus eo in loco manifestavit.

6. In Myſterio S.S. Trinitatis proprietates personales essentiam nec dividunt, nec multiplicant; quamvis personas distinguant. Nam essentia divina tota est in Patre, tota in Filio, tota in Spiritu S. Proinde nulla hic est compositio: quia impossibile est, totum esse in aliquo eorum, ex quibus componitur; quemadmodum Divinitatem diximus esse totam in singulis Personis.

Beſchawung Probat^{ur} 1. ex nominibus Dei Exod. III. 14. seq. ubi appellatur יהוה à Rad. היה *Fuit* & אלהים à Rad. אל *ejusdem* significationis. Utroque nomine Deus indicat, se esse perfectè & absolutè essentiam, à nullo, neque per aliud, sed à se ipso & per se ipsum existentem, ut quicquid in Deo est, vel esse dicitur, nihil aliud sit, quam ipsa essentia, non aliquid essentiae, aut aliquid in essentia.

2. ex Spiritualitate Dei, utpote ex quâ Simplicitas, quemadmodum ex Simplicitate Impartibilitas fluit.

3. Ex aliis attributis Dei, nempe Perfectione, Independentia & Immutabilitate omnimodâ. Ubi enim compositio, ibi mutabilitas quædam, per illa & in illa ex quibus componitur. Compositum quoque dependet à partibus componentibus, nec absolutè perfectum est.

4. Ex ratione. Si Deus est compositus, ab alio priori compositus sit, necesse est: Nihil enim se ipsum componit. At Deus priorem non habet. Ef. XLIII. 10.

Art. 9^{us}. Est præter eos, quorum in præcedenti Thesi mentionem fecimus 1. Manichæorum, qui substantiam Dei frustratim in omnes creaturas diffusam esse sinxerunt.

2. Arminianorum in Examine Censuræ. c. 2. qui *de simplici Dei naturâ ne jota quidem in Scripturâ esse* scribunt, adeoque eam ex Theologiâ eliminatam cupiunt.

3. Zanchii L. 2. de tribus Elohim p. 7. qui tres personas statuit vocari posse *essentiales partes Dei*.

4. Vörslii, qui axiomata illa falsitatis accusavit: *In Deum non cadere compositionem: Nullum accidens esse in Deo: Quicquid in DEO est, esse ipsum DEUM* &c.

Thesis VII. DEUS est immensus.

Art. 9^{us}. 1. In Aug. Conf. Immensitas essentiæ, Deo non adscribitur expressè, sed tamen per consequentiam. Nam quia Deus asseritur esse immensus in potentiâ, sapientiâ & bonitate, præsupponitur esse immensus in essentiâ.

2. Immensitas autem hæc in eo consistit, quod ubi etas essentiæ divinæ interminabilis est; ita ut Deus non tantum sit in Ubi quod datur, sed etiam in Ubi quod cogitari potest. Posterius hoc Ubi à Scholasticis *spatium imaginarium* vocatur, sed in controversiis de Deo minus accuratè. Qui enim Ubietatem Dei per spatium concipit, idem ille Deum ut terminatum concipit; cum spatium sit terminus rei.

3. Ubietas Dei non est circumscriptiva, qualis competit corporibus; nec definitiva, qualis attribuitur Angelis; sed repletiva, implens omnia, continens omnia, excedens omnia.

4. Non tamen Ubietas ista dicitur repletiva in sensu physico, per essentiæ extensionem, aut per commixtionem, aut per sui multiplicationem; sed in sensu hyperphysico, per loci exclusionem Jer. XXIII. 24.

5. Deus in cœlo est. Pl. CXXIII. 1. sed non in solo cœlo.

Habita-

Habitare ibi traditur Pf. II. 4. non tamen propriè loquendo & propter inclusionem; sed impropriè & propter excellentiorem manifestationem.

6. Similiter Deus legitur ascendere & descendere. Gen. XI. 7. non essentiâ; sed operatione; non mutatione loci; sed declaratione justitiæ, vel misericordiæ.

7. Pro Immensitatis synonymo habetur Omnipræsentia; sed minus rectè: Nam Immensitas est attributum absolutum; Omnipræsentia respectivum: cum Deus omnipræsens dici nequeat, nisi sub respectu ad ea quibus præsens est: Immensus autem est, tametsi nihil præter ipsum addit.

βελαιων. Probamus 1. ex 1. Reg. VIII. 27. Ubi Immensitas Dei adstruitur (1) negativè: *Num verè Deus habitabit super terram?* Interrogatio hæc non est dubitantis; sed admirantis & rem de quâ quæstio est, negantis. Non autem negatur præsentia Dei super terris; sed duntaxat habitatio propriè sic dicta (שׁוּב אֶל־רָאד, שׁוּבָא *Sedit, Mansit, Habitatavit*) quippe quæ localem circumscriptionem infert. (2) positivè: *Ecce cæli & cæli cælorum non continent te.* מִי שׁוּבָא הֵמָּה sunt supremi cæli, uti *vanitas vanitatum* est maxima vanitas, Eccl. I. 2. *servus servorum* est servus abjectissimus. Gen. IX. 25. *canticum canticorum* est canticum excellentissimum.

2. ex aliis Scripturæ dictis. Job. XI. 8. 9. Jer. XXIII. 23. 24. Act. VII. 49. XVII. 27. 28.

Avri-deus est 1. Socinianorum, Remonstrantium, Anabaptistarum, Weigelianorum & Vorstii, qui simpliciter negant, Deum nobis præsentem esse substantialiter & naturâ suâ.

2. Ex Reformatis Calvini, Marnixii, Danxi &c. qui loca Scripturæ, in quibus Deus dicitur replere cælum & terram, vel creaturis adesse, de præsentia virtutis & potentia exponunt. Vide Calov. System. P. 2. p. 383. Menzerus Exeg. A. C. p. 35. §. 2.

Thesis VIII. *Deus est immensæ potentia, sive quod idem est, Omnipotens.*

ex Deo 1. Omnipotentia sic dicitur à potentiâ activâ; non passivâ, cum quâ nihil nobis nunc est commercii.

2. Immensa autem seu infinita vocatur Dei potentia dupliciter: cum extensivè, respectu effectuum: tum intensivè, respectu efficaciz ac virtutis in agendo. Nam Deus non modò efficere valet quæ effecit; sed etiam quæ non effecit: imò nec tantum quæ vult; verum insuper quæ non vult, dummodò contradictionem non implicant.

3. Interim potentia illa, quæ in se una est, ratione objectorum distinguitur in absolutam, quâ Deus simpliciter omnia potest; & ordinatam, quâ ea potest, quæ se velle manifestavit.

4. Absolutæ potentia objectum non sunt actiones Dei ad intra; sed tantum ad extra. Unde frustra Sociniani omnipotentiam Filii Dei ex eo fundamento impugnant, quod non possit generare alium Filium: Nam generatio est actio Dei ad intra.

5. Quæ contradictionem implicant, etsi quoad modum loquendi, videantur notare potentiam; quoad rem ipsam tamen potiùs indicant defectum potentia. Unde Augustinus scribit L. 1. de Symb. c. 1. *Deus ideo est omnipotens, quia mala facere non potest: & si posset facere, non esset omnipotens.*

6. Hæc igitur ab omnipotentia excipiuntur: non propter DEI impotentiam; sed propter sui repugnantiam. Unde magis pie dicimus, talia fieri non posse, quàm Deum talia facere non posse e. g. se ipsum negare 1. Tim. II. 13. peccare, mori, factum reddere infectum; &c. Huc pertinent illa Chrysostomi Homil. 14. in Joh. *Deus omnia potest, sed ita ut Deus permaneat.*

7. Ex dictis patet, quod Omnipotentia ab Omniscientiâ supere-

superetur quoad numerum obiectorum: quia quæ contradictionem involvunt, sunt Obiectum Omniscientiæ, nec tamen Omnipotentia: Enimverò non superatur, quoad proportionem obiectorum: Nam uti Omniscientia se extendit ad omnia scibilia; sic Omnipotentia se extendit ad omnia possibilia. Quæ autem contradictionem involvunt, possibilitatis ratione destituuntur.

8 Distingvimus etiam inter impossibilia naturæ & naturâ. Hæc ab Omnipotentia excipiuntur; non illa.

Προβλημα. Probamus, 1. ex Luc. I. 37. Quia *apud Deum, nullum verbum est impossibile*. Ubi observa (1) quod Angelus Gabriel, ut mandatarius Dei, nil locutus sit, nisi quod à Deo mittente ei mandatum fuerat. Deus autem mentiri nequit. Hebr. VI. 18. (2) quod per *Verbum*, juxta Hebraicum idioma intelligatur *Res*, seu omne quod Entis rationem habet, adeoque contradictionem non involvit. Conf. Jacob. II. 2. (3) quod actum fuerit de partu virgines, per naturam impossibili & rationis judicio repugnante. Unde Angelus innuit, quod impossibile est apud homines, non esse impossibile apud Deum.

2. Ex aliis Scripturæ dictis, Matth. XIX. 26. Luc. XII. 27. Eph. III. 20. Gen. XII. 14. Jer. XXXII. 17. 27. Zach. II. 6

Αντιθεσις est 1. Ex veteribus Abælardi, qui teste Bernhardo negabat, *Deum posse aliquid facere, præter illa quæ facit*.

2. Socinianorum, qui potentiam Dei simpliciter immensam esse negant; sed eandem, in Catechesi Racoviensi, ita describunt, *quod Deus omnia possit, quæ vult*.

3. Reformatorum, qui negant Deum posse, quæ rationis sibi relictae judicio repugnant. Unde est illud Petri Martyris, Bullingeri, Musculi, &c. *Deum omni sua potentia efficere non posse, ut Christi corpus simul & uno eodemq; tempore in pluribus locis essentialiter præsens sit.*

Theſis IX. Deus eſt immenſa ſapientiæ, ſive, ut uno vocabulo exprimamus, Omniſcius.

ἐνδεος. 1. Sapientiæ vocabulum aliquando generaliùs cenſetur vocabulo ſcientiæ, quatenus Philoſophi ſapientiam diſtingvunt in primam ſecundamque, & ſecundæ ſapientiæ nomine ſcientiam notant; aliquando anguſtius, quatenus nonnulli ſapientiam in conſiliis, decretis & effectibus ſeſe exercere, opinantur. Auguſtana autem Confeſſio pro ſynonymis grammaticis habet, æquè ac Dan. II. 20 & Rom. XI. 33. fit.

2. Scientia Dei diſtingvitur in ſpecialem & generalem. Illa verſatur circa ſolos Electos: Hæc ad omnia ſe extendit, quæ ullo modo cognosci poſſunt, id eſt, ad Deum ipſum Matth. XI. 27. 1. Cor. II. 11. & alia quæ non ſunt Deus, ad entia & non entia, ad poſſibilia & impoſſibilia, ad ſingularia & univerſalia, ad neceſſaria & contingentia, ad præſentia, præterita & futura, imo etiam ad futuribilia, id eſt, ad ea, quæ nunquam futura ſunt, futura autem eſſent, ſi conditio interpoſita impleteretur, e. gr. 1. Sam. XXIII. 12. Matth. XI. 21.

3. Horum, quæ diximus, alia Scientiæ Dei obverſantur poſitivè, ſecundum id quod ſunt; alia negativè, ſecundum id, quod non ſunt. v. gr. Deus non format Ens rationis, quamvis ab homine factum aut faciendum cognoscat: videlicet non quod ſit; ſed quod non ſit.

4. Mala moralia & mali apud Deum ſolammodò cadunt ſub ſcientiam theoreticam, ſive apprehenſionis; cui opponitur ſcientia, ut vocari ſolet, practica ſive beneplaciti & approbationis, quæ ſemper jungitur voluntati, & à quâ excipiuntur quædam Matth. VII. 23.

5. Quod ad futura contingentia attinet, eorum ut non eſt determinata veritas apud homines; ita tamen eſt apud Deum, à quo præſciuntur. Poteſt enim effectus in ſe eſſe contingens
propter

propter indifferentiam causæ, à qua fluere debet; quamvis ejusdem prænotio sit certa & infallibilis penes eum, qui scit, causam reapse aliquando operaturam esse.

6. Præscientia ista licet infallibilis sit à parte Dei, nullam tamen affert rebus contingentibus necessitatem: ed quod non circa rem duntaxat; sed & circa modum rei versatur: ita ut contingens cognoscat tanquam contingens, possibile tanquam possibile; futurum tanquam futurum, impossibile tanquam impossibile &c.

7. Distingvendum quoque inter has enuntiationes: Præscientia affert contingentibus necessitatem: & contingentia respectu præscientiæ sunt necessaria. Priorem rejicimus, quæ indicat, rem necessario fieri, quia Deus præseivit. Posteriorrem admittimus, quæ indicat, Deum necessario rem præseivisse, quia sic fit.

8. Observandum insuper, quod scientia Dei sit intuitiva. Gen. I. 31. Hebr. IV. 31, non discursiva. Hæc enim, ignotum ex noto colligit, adeoque Deo indigna est, tametsi ei ἐνθρονισμὸς adscribatur. Genes. XXII. 12.

9. Similiter Scientia Dei non est successiva; sed simultanea. Nam simul Deus cognovit Sodomam heri peccantem, hodie pœnas igne cœlesti luentem, cras novâ facie se viatoribus repræsentantem &c. quæ cum ab homine cognoscuntur, necesse est, intellectum successivè occupari.

10. Neque scientia Dei est habitualis, ut species intelligibiles præsupponat & ab habitu ad actum procedat; sed merè actualis.

11. Quando Deus cognoscit præterita aut futura; non tamen propterea vel ipse, vel scientia ejus, in tali temporis fluxu constituitur. Hinc distingvimus inter scientiam præteriti aut futuri, & inter existentiam scientis scientiævè in præterito vel futuro. Atqui & Homo in præsenti esse potest, cum

rem præteritam futuramque cognoscit: quantò verisimilius est, id competere DEO, qui *vocat* (τὸ μὴ ὄντα ὡς ὄντα) *non existentia, ut existentia.* Rom. IV. 17.

12. Deus ab æterno, præter se ipsum, etiam alia extra se cognovit: verùm hæc non juxta esse reale & entitativum; cum alioqui fuissent, antequam fuissent: sed juxta esse ideale & objectivum, quatenus à parte Dei illa etiam præsentia sunt, quæ à parte rei ut futura se habent.

13. Pro diversitate objectorum scientia Dei, in se una & simplicissima, dispescitur in necessariam, liberam & mediam. Scientia necessaria sive naturalis est, quæ ita præcedit decretum voluntatis, ut hoc nullo modo præsupponat; unde etiam scientia antecedens & indefinita dicitur. E. gr. cum Deus seipsum & res possibles, nec tamen futuras cognoscit, Scientia libera est, quæ sequitur decretum voluntatis, atque hoc adeo præsupponit: unde etiam Scientia consequens & definita dicitur. E. gr. cum Deus alia extra se, quæ præsentia, vel certò futura sunt, cognoscit. Scientia media est, quæ secundum se decretum voluntatis præcedit, & nihilominus ratione objecti idem istud decretum conditionatè præsupponit. E. gr. cum Deus futuribilia cognoscit.

14. Unde patet, scientiam mediam non appellari ita, sub respectu ad apprehensionem divinam, quasi Deus per eam exploraret ignota; quo sensu rectè exploditur ab Hülsemanno, Breviar. Extens. c. 4. §. 8. sed tantum sub respectu ad rem cognoscendam.

Bezaſalwms Probamus 1. ex Psalm. CXXXIX. 1. 2. 3. 4. 5. 6. 16. 23. 24. ubi Omniscientiæ objectum satis clarè exponitur, nimirum quod se extendat (1) non tantum ad necessaria; sed etiam ad contingentia, ut sunt *sedere, surgere, cogitare* v. 2. *ambulare, accumbere* v. 3. *loqui* v. 4. (2) non tantum ad præsentia; sed etiam ad futura: quia Deus intelligit cogita-

cogitationes מְרֹחֵק *è longinquo*, id est, priusquam ab homine concipiantur. v. 2. itemque verba, priusquam à linguâ proferantur. Hebraicè: *Non sermo in lingua meâ, ecce, Domine tu nosti* v. 4. nec non *hominem, priusquam in utero formetur*, illiusque futuros *vite dies* v. 16. (3) non tantum ad bona; sed etiam ad mala, ut est עֶצֶם רָרָה *via doloris*, nimirum, quæ dolorem affert conscientiis. Lutherus reddidit: *Abse Wege*. v. 24. (4) non tantum ad ea, quæ sunt; sed etiam ad ea, quæ non sunt. David enim Deum investigare & probare jubet id, quod non erat v. 23, 24. Hebraicè: *Proba me & vide, אִם-רָרָה עֶצֶם-בִּי* *si via doloris in me*: quasi dicat: invenies eam non adesse, ut Job. XXVII. 6. (5) non tantum ad manifesta; sed etiam ad occulta, ut sunt cogitationes cordis. Hebraicè: *Investiga me Deus & scito cor meum* v. 24. Inde Deus καὶ ἐδοκίμασάς με & quidem SOLUS esse dicitur 1. Regum VIII. 39. (6) ad ipsa quoque futuribilia. Nam Deus per scientiam *retro & ante obsidet* (צָרַתִּי à Rad. צור obsedit) *hominem, & ponit super eum volam suam* v. 5. Sensus est: Deum post factum & ante factum scire, quid agatur, & sæpius impedire, ne fiat, quod alioqui cum damno hominis fieret. (7) imo ad ea, quæ hominum scientiam fugiunt. Hebraicè: *Mirabilis scientia præ me, excelsa est לֵא-אֲבִירָה לִּי* *non potero ei*. Lutherus: *Solches Erkendniß ist mir zu wunderlich und zu hoch / ich kans nicht begreifen* v. 6.

2. Ex aliis Scripturæ locis Job. XXXIV. 21. 22. Proverb. XV. 3. Sirac. XXIII. 28. seq. XLII. 18. seq.

ΑΓΝΙΣΤΟΣ est 1. Gentilium, imprimis Ciceronis, qui tam in Deo, quàm in hominibus, futurorum notitiam inficiabatur.

2. Ex Muhamedanis Averrhois & Avicennæ, quorum uterq; negavit, Deum cognoscere singularia: Ille quidem ideò, quod infinita cognosci nequeant: Hic autem, quod sic divina scientia à rebus mutabilibus dependeret.

3. Socinianorum, qui negant, Deum peccata, imò quæcunque futura contingentia præscire, antequam fiant.

4. Vorstii, qui inficiabatur, Deum simpliciter omnia scire. Afferebat etiam, scientiam Dei à potentiâ transire ad actum & quandoque fieri per discursum.

Thesis X. DEVS est omnibonus, sive ut Augustiana Confessio loquitur, immense bonitatis.

ἐν Θεῷ. 1. Bonitas Dei non est accidentalis; sed eminens.

2. Competit autem ei cum *ἐστιαδὼς* sive entitative, quando bonus dicitur in essendo; tum *ἐνεργητικὴς* sive activè, quando bonus dicitur in volendo & operando.

3. Alii Deum vel simpliciter, vel respectivè bonum dici, rectè scribunt. Simpliciter bonus, imò ipsa bonitas fuit ab æterno: Respectivè se bonum declarat in creaturis, maxime quibus se in Ecclesiâ communicat.

4. Creaturis præter bonitatem moralem bonitas essentialis adscribitur: non tamen per essentiam & independentem, uti solus Deus est bonus Matth. XIX. 17. sed per participationem & dependentem, quatenus cætera dicuntur bona in ordine ad Deum, ceu causam bonitatis dependentis producentem, conservantem, finalem & exemplarem; ita ut quicquid bonum est, id tale sit à Deo, per Deum, propter Deum & secundum Deum.

5. Bonitas in volendo & operando speciali nomine dicitur sanctitas: cui adversantur mala culpæ; non pœnæ. Amos III. 6

6. Deus quidem, ut causa universalissima, ad omnia, quæ sunt, influit, atque adeo etiam ad mala culpæ, sive peccata: sed tantum quæ materiale, prouti sunt actiones; non etiam quæ formale, prouti sunt actiones *moraliter mala*: prorsus quemadmodum Cytharædus juxta leges artis canens, in *δυσφορίᾳ*, ex fidium qualitate ortâ, producit cytharæ sonum; non verò vitium soni.

7. Verum quidem est, quod creatura sine concursu Dei nihil agere queat; at propterea non sequitur, quod creatura concursu Dei adjuncta, necessariò benè agat: quia per bonitatem & malitiam jam specificatur ac determinatur actio, ut bona vel mala dicatur; id quod à causâ secundâ & particulari est; non à causâ primâ & universali.

8. Deus permittendo mala culpæ, sive peccata, strictè loquendo nec velle ea statuendus est, nec nolle; sed non velle. Permittit autem propter bonum, quod inde elicitur, ad minimum, propter declarandam misericordiam, aut iustitiam.

Προβαίως. Probatur 1. Generaliter & quidem (1) Positivè, quod Deus sit bonus, ex Psalm. XXV. 8. *Bonus & rectus est Dominus*; ubi שׁוֹב indicat bonitatem entitativam, ut Genes. I. 31 יָשָׁר; autem bonitatem activam seu sanctitatem: inde יְשָׁרִים, *sancti*, sive *iusti* Psalm. CXII. 2. (2) Negativè, quod nulla in eum cadat malitia Psalm. XCI. 16. *Rectus Dominus, & non malitia in eo*.

2. Specialiter (1) Quod sit bonus in essendo: quia ab eo est bonitas essentialis creaturarum. Genes. I. 31. Quicquid verò perfectionis est in creaturis, est etiam in creatore. (2) Quod sit bonus in operando. Deut. XXXII. 4. Psalm. XXV. 10. CXVII. 2. Jerem. XXXIII. 11. Spectant huc loca de Sanctitate Dei Levit. XIX. 2. 1. Sam. II. 2. Esa. VI. 3 seq.

Αντιθεως est 1. Gentilium, qui Diis suis detestanda facinora adscribebant, quo nomine apud Apologeticorum Scriptores in primævâ Ecclesiâ vapulant.

2. Hæreticorum veterum, ut Simonianorum, Valentinianorum, Florianorum, Marcionitarum, Seleucianorum, Manichæorum, qui malum à Deo, ut à causâ deduxerunt.

3. Reformatorum, qui Deum pro auctore vel causâ peccati venditant, vel verbis expressis ut Bucerus, Martyr. &c. vel per hypothèses suas, quales sunt, voluntatem creaturarum à Deo præ-

determinari ad omnes actus, tam malos quàm bonos: Deum ea quæ præscit, etiam velle: Deum ex absoluto decretò quosdam destinare ad exitium, imo etiam ad causam exitii: nihil evenire, nisi quod Deus velit. &c.

4. Syncretistarum, qui Deum causam per accidens peccati esse statuunt, quam phrasin Calixtus pro licità habuit; Dreierus autem pro utili & necessariâ, sine quâ commodè Scriptura explicari nequeat.

Thesis XI. *DEVS & quidem solus, est Creator omnium rerum.*

Ex Genesis. 1. Creatio improprie loquendo notat generationem Psal. CII. 19. renovationem Psal. LI. 12. poenarum immisionem Es. XLI. 20. cujuslibet rei in meliorem statum mutationem &c. Proprie autem loquendo significat productionem rei ex nihilo, vel negativo, vel privativo.

2. Productio ista est opus Dei trinunius, Patris, Filii & Spiritus S. quæ tres personæ influebant virtute unâ, indivisâ & infinitâ.

3. Propter unitatem virtutis, quælibet persona erat causa principalis; nulla instrumentalis.

4. Propter indivisionem virtutis, quælibet persona erat causa totalis; nulla partialis. Creatio communis erat tribus personis: sed non ut causis sociis; verùm ut causæ uni indivisa virtute influenti.

5. Propter infinitudinem, nulla inter personas locum invenit disparitas: datur ibi ordo in agendo; sed non potentiae inæqualitas.

6. Quod plures personæ concurrebant ad idem opus, non fiebat, propter singularum personarum insufficientiam; verùm partim propter identitatem essentiae divinæ, in omnibus personis: partim propter naturam huius actionis; quia est opus ad extra, adeoq; toti Trinitati commune.

7. Cum

7. Cum in Scripturâ opus aliquod Creationis uni vel alteri Personæ Trinitatis adscribitur, id non exclusivè intelligendum est; sed inclusivè: non de reliquarum personarum remotione; sed de singulari unius personæ appropriatione.

8. Creavit autem Deus omnia, quæ extra divinitatis essentiam sunt: ut proinde Filius & Spiritus S. excipiantur, utpote, qui cum Patre eandem divinitatis essentiam constituunt.

9. In agentibus necessariis, creatum potest coëxistere causa-
e. gr. lux soli, calor igni &c. non autem in agentibus liberis,
quemadmodum se habet Deus ad creationem. Impossibile
igitur est, creaturam esse Deo coæternam: Quia creatura
suum esse habet à creatione: Creatio autem ponit initium;
quod æternitas negat.

10. Ante Creationem Deus non fuit otiosus; sed egit, quæ voluit. Horum quædam nobis revelata sunt Eph. I. 4. 2. Tim. I. 9. quo etiam refertur decretum creationis. Reliqua autem Deus reticuit, quæ religioso silentio venerari decet. Proverb. XXV. 2. Rom. XI. 33. 34.

βιβλίου Probamus I. ex Esa. XLIV. 24 I. Deum esse Crea-
torem, quia (1) describitur ut Plasmator hominum: Sic dicit
יִצְרָא, Plasmator tuus ex utero. Hebraicum יִצְרָא significat Fin-
xit & propriè figulorum est. Quando autem de homine usur-
patur, juxta R. Kimchium notat formationem membrorum.
(2) Ei attribuitur extensio cœli & expansio terræ.

II. *Deum esse Creatorem omnium rerum, quia (1) fecit omnia: Ego Dominus faciens omnia. Nihil hic excipi, patet ex collatione Joh. I. 3. Omnia per ipsum facta sunt, & sine ipso nihil factum est, quod factum est. Ubi rō omnia ita explicatur, ut nihil eorum, quæ facta sunt, non comprehendat. (2) Ab eo est extensio cæli & expansio terræ. Cælum autem & terram intelligi cum contentis, evincitur ex loco parallelo Nehem. IX. 6. Tu fecisti cælum, cælos cælorum, & omnem exercitum*

eorum, terram & universa, quæ super eâ. Hisce igitur duobus, cælò & terrâ, juxta styllum Spiritus S. denotantur simpliciter omnia, quæ facta sunt. Conf. Genes. II. 1. 2.

III. *Deum solum esse Creatorem*; quia (1) *fecit omnia*: si autem Deus fecit omnia, sequitur nihil factum esse ab alio, in oppositione ad Deum: Quod enim ab alio factum esset, à Deo factum non esset. (2) expressè alios ab opere Creationis excludit. *Ego Dominus extendens cælos* אֲנִי הָאֵלֹהִים *solus ego, expandens terram* אֲנִי הָאֵרֶץ *à mecum*, id est, à me ipso. Lutherus ad sensum respiciens emphaticè reddidit: *Der die Erde weit machet / ohne Gehülffen.*

2. Ex aliis Scripturæ dictis Genes. I. p. t. Job. IX. 7. seq. Es. XL. 26. Actor. XVII. 24. 1. Cor. II. 9. Col. I. 16.

Antidotes est eorum, 1. qui negant, Deum esse Creatorem, ut Simon Magus & sequaces, imprimis Manichæi, qui cum duo principia comminiscerentur, bonum & malum; mundi creationem à malo principio deducebant. Hodie Sociniani huc referendi sunt: Nam cum Filium & Spiritum S. ab opere creationis excludant, per consequentiam convincuntur negare, Deum esse Creatorem: quia non solum Patrem, sed & Filium ac Spiritum S. esse Deum, Orthodoxi contra eos in-
victis argumentis demonstrarunt.

2. Qui negant, omnia à Deo creata esse; in quâ opinione hærent, qui materiam DEO coæternam crediderunt, cum Hermogene. Hos prisca Ecclesia Materiarios vocavit, quorum hypothesis Sociniani excusant. Verba Petersenæ *über die Offenbarung* Rubric. 27. p. 341. Materiariis consentientia, adduximus in Supplemento Synops. Articuli. IX. quæst. unicâ.

3. Qui negant, Deum solum omnia creasse; quippe cui socios adiungunt. Sic olim Archontici, ultima Valentinianorum proles & ex recentioribus Weigelius, *im goldenen Griffe*

p. 7. ubi ab Angelis astra & elementa profecta esse, somniat.

Thesis XII. DEVS per providentiam est
conservator omnium rerum.

ἐνθεός. Providentia Græcis *πρόνοια* dicitur. Vox hæc licet quâ sonum in libris Canonici non occurrat: extat enim solummodò Sapient. XIV. 3. sufficit tamen, quod ibidem quâ sensum reperiatur, videlicet sub aliis nominibus E. gr. *ῥίσιον*, Genes. XXII. 8. *Ordinationis*, Psal. CXIX. 91. *Dominii*, Actor. XVII. 24. *Cure*, 1. Petr. V. 7.

2. In explicandâ naturâ providentiæ, magis ad vocis usum, quàm ad nudum etymon attendimus. Ex usu igitur vox Providentiæ Deo applicata, bifariam accipitur, latè quidem ut *πρόγνωσιν* sive præscientiam, *πρόθεσιν* sive decretum, & *διοίκησιν* sive ordinationem complectatur: Strictè autem loquendo sola *διοίκησις* sive ordinatione absolvitur.

3. Hæc *διοίκησις* sive Ordinatio tribus modis se exerit, nempe per Conservationem, Concursum cum causis secundis & Gubernationem. Cum autem Augustana Confessio posteriores duos actus prætereat, nos similiter de primo solum agemus.

4. Conservatio illa non tantum consistit in permissione aliquâ Dei, dum finit creaturas vivere & esse, ita ut hoc ipsum, quod non intereant, indulgentiæ ejus debeant; verum etiam in actuali sustentatione, per quam Deus in esse creaturarum penetrat, non solum influxu generali, sed etiam speciali, imò singulari: neque solum mediâtè, per potentiam causis secundis impressam, vel relictam; sed etiam immediâtè, suâmet operatione.

5. Ex quo patet, conservationem non esse actum merè negativum; sed verè positivum, & quidem profectum à Deo, non modò immediatione virtutis; verum quoque immediatione

tione suppositi præsentē, cujus præsentia fundamentum est Immenſitas.

6. In modo conſervationis aliqua diverſitas occurrit, inter corruptibilia & incorruptibilia. Incorruptibiles enim creaturæ E. gr. Angeli, non niſi in individuis conſervantur, quorum eſſe, prouti in creatione iis conſeſſum eſt, perpetuò à Deo prorogatur. Corruptibiles autem creaturæ conſervantur in ſpeciebus quoad eſſentiam, & in individuis quoad exiſtentiam. Eſſentia enim per generationem in novis individuis propagatur, etiamſi vetera intereant.

7. Dividitur etiam conſervatio in ordinariam, cum Deus mediis conſuetis utitur, & in extraordinariam, cum Deus ſine mediis conſuetis agit, cujus exemplum habemus Deut. IX. 9.

8. Objectum Conſervationis & conſequenter Providentiæ ſunt res omnes, ne minimis quidem exceptis. Nam, quæ contempta & indigna videntur in oculis hominum, non propterea etiam talia ſunt in oculis Dei. Unde de Providentiâ non ex noſtro ſenſu iudicandum eſt; ſed ex Scripturæ testimonio.

9. Eſti autem Deus, ut expoſuimus, verſetur circa omnia; non tamen verſatur circa omnia æqualiter, verum obſervatis gradibus. Ita magis curat Eccleſiam, quàm reliqua: magis hominem, quàm bruta. Atque idcirco aſſertum Apoſtoli de *bobus, quaſi Deo haud cura eſſent*, non abſolutè; ſed comparatè intelligendum eſt. I. Cor. IX. 9.

Προβλεψίας. Probamus I. ex Matth. X. 29. 30. I. Quod deſtur Provipentia: Quia Deus creaturarum curam gerit. Nam ſcopus Chriſti eſt, animis ſuorum metum eximere: quod ut aſſequeretur, hic æquè ac in Pſalmo CXXI. 3. 4. argumentum à curâ Dei depromit. Providentia autem à Damalceno deſignitur, quod ſit Dei *in ea, quæ ſunt, cura*.

2. Quod Providentia ſe ad res omnes extendat. Quia (I) ne minima quidem ab eâ excipiuntur y. gr. *paſſeres & capilli*, licet
duo

duo passeress *asse minuto veniant*, id est, nonagesimâ parte fidei; capillis autem nihil abjectius sit, adeo ut in Græcorum Latinorumque adagio res nihili dicatur *ἀξία τριχὸς pilo digna* (β) Deus res in singulari curat: Nam cum de duobus passeribus sermo esset, additur (καὶ ἐν ἐξ αὐτῶν ἂν πεσέτω) *Et nec unus ex ipsis cadit in terram, sine voluntate vestri Patris*. Pro eo non minùs notanter Lucas XII. 6. cum Christus de quinque passeribus locutus esset, habet: καὶ ἐν ἐξ αὐτῶν ἂν ἔσιν ἐπιληλησμένον, *Et nec unus ex ipsis est oblivioni expositus*. De capillis autem dicitur, quod numerati sint; quâ phrasi ἀνθροποπαθῶς accuratissima cura describitur. (3) Quod Deus per Providentiam res conservet. Quia (α) facit, ne passer cadat super terram. Unde concludimus: Sine cuius curâ passer caderet in terram, ejus curâ conservat passerem, ne cadat. (β) Capillos numerasse traditur. Numeramus autem, quæ conservare volumus; uti ex adverso non numeramus, quæ abjicimus aut contemnimus Sir. XLII. 7. Jam à passeribus & capillis ad res cæteras, præsertim majoris momenti, tanquam à minori ad majus, validum ducitur argumentum.

2, Ex aliis Scripturæ dictis, quæ pariter docent (1) quod detur Providentia. Psalm. CIV. p. t. Job. XXXIII. XXXIX, XL. p. t. Eph. I. 11. (2) Quod providentia se ad omnes res, etiam viles, extendat. Psalm. CXLVII. 9. Matth. VI. 26. 28. seq. Psalm. LVI. 9. (3) Quod Deus per Providentiam res conservet. Hebr. I. 3. Actor XVII. 25. 28.

3, Ex ratione. Homo μικρόκοσμος regitur à mente. Ergo totus mundus non est sine rectore. Quis autem alius esset rector, nisi qui antea fuit conditor?

Αντίθεσις est eorum, 1. qui negant Providentiam, ut Athei & Epicurei, quorum impiæ voces recitantur Psalm. X. 13. LXXIII. 11. Job. XXII, 13. 14.

2. qui Providentiæ objectum nimis restringunt, inficientes,

Deum curare omnia. Ita Sadducæi docebant, *Deum extra sublu-
narium curam positum esse*, teste Josepho Lib. II. de bello
Judaico cap. 7. Majmonides similiter inter omnes res sublu-
nares solum hominem Deo curæ esse, existimavit. Ex recen-
tioribus Petrus Molinæus, Conradus Vorstius & Arminiani
dubitarunt, utrum Deus omnia, præsertim vilia & abjecta,
in particulari curet.

Thesis XIII. *In Divinitate tres sunt Personæ
ἐκ θεότητος, sive unius ejusdemq. essentia, & tamen realiter di-
stinctæ, nempe Pater, Filius & Spiritus S.*

ἐκ θεότητος. 1. Superiùs, Deum esse unum, professi sumus; non
in singularitate unius numero personæ, sed in trinitate unius
numero substantiæ. Cavendum ergo, ne à creaturis, quibus
competit unitas essentiaæ specifica, vel generica, argumentum
ducatur ad Deum, cui competit unitas essentiaæ numerica.

2. Vox Personæ aut abstractivè, aut concretivè sumitur. In
priori significatione, quatenus *personalitas* dici consuevit, no-
tat simplicem modum per se & incommunicabiliter subsi-
stendi; isque modus substantiæ singulari, completæ & intel-
ligenti vindicatur. In posteriori autem significatione Persona
præter modum illum, simul essentiam ita modificatam signi-
ficat. Cautè igitur dispiciendum, quomodò in Sophismati-
bus Antrinitariorum vocabulum Personæ adhibeatur.

3. Propter Adversarios observandum (1) quod quælibet
persona fundamenti loco requirât essentiam; nec tamen mul-
tiplicatis personis necessariò multiplicetur essentia. Nam ut
persona quævis habet essentiam; ita tamen in divinis non
persona quævis habet essentiam, ab essentiâ alterius personæ
distinctam. (2) quod à personis finitis ad infinitas, non pro-
cedat argumentum. In finitis enim quælibet persona habet
totam essentiam totaliter & exclusivè; ita ut eam non habeat
alia

alia persona: in divinis autem quælibet persona habet totam essentiam, sed non totaliter & exclusivè; cum eandem totam essentiam quoque habeat alia persona. (3) quod persona inferat incommunicabilitatem κατὰ μέθεξιν sive per prædicationem, aut multiplicationem superioris ad inferiora; non autem κατὰ συνδιασιν, sive per unionem; Sic enim secunda Persona Divinitatis se humanitati communicavit. (4) quod essentia non sit quantum in Deitate; quandoquidem tres illæ personæ & conjunctim & divisim sunt eadem numero essentia. (5) quod à tribus personis, Deum rectè dicamus trinum; non triplicem: ed quod, posteriori voce pluralitas essentiæ inveni videatur: Quo respectu Lutherus nec Germanicum nomen *Dreyfaltigkeit* satis commodum esse censebat.

4. Pro Personâ Græci dicunt ὑπόστασις: quæ vox similiter ambiguitate laborat; à quâ si liberetur, lis inter Orientales & Occidentales, post Concilium Sardicense nata, facilè componetur: Cum enim hi negarent in Trinitate esse tres hypostasies, quod ab illis affirmabatur, utrique tamen rectè sentiebant: quia ab his hypostasis sumebatur concretivè; quo sensu verum erat, in Trinitate non dari tres hypostasies, id est, essentias modificatas: Illi è contrariò accipiebant abstractivè, quo sensu pariter verum erat, in Trinitate dari tres hypostasies, id est, modos per se & incommunicabiliter subsistendi, in eadem essentiâ singulari, completâ & intelligenti.

5. Cum distinctionis in Thesi fiat mentio, sciendum, aliam esse quæstionem, quomodò Personæ distinguantur ab essentiâ? & aliam rursus, quomodò distinguantur à se invicem? Ad priorem mallemus remotivè respondere, dicendo, qualis non sit illa distinctio, ob sublimitatem mysterii hujus. Adversariis tamen etiam positivè nostram mentem explicare conabimur, ita concludentes. (1.) Dari aliquam distinctionem inter essentiam & personas: Quia essentia est commu-

nicabilis, & persona incommunicabilis: Essentia adscribitur unitas, & personis trinitas: Persona notat *τρόπον ύπαρξεως*, five modum existentia; Essentia verò notat fundamentum illius modi. (2) Distinctionem inter essentiam & personas non esse realem: Quia obstat Dei simplicitas, & personarum *ύμωσία*, imò & periculum, ne Quaternitas in Deitatem invehetur. (3) Distinctionem inter essentiam & personas esse rationis ratiocinata: quia secundum nos talis est, sed cum fundamento in re. Nam, ut rectè inquit Scharpius in Cursu Theologico p. 107, *Essentia significat id, quod persone sunt absolute & naturâ suâ: Persona verò significat id, quod sunt relative, secundum modum existendi.*

6. Ad posteriorem quæstionem pariter respondemus per certas conclusiones. (1) Personas à se invicem non distingui tantum verbaliter: Quia distinctio in re fundamentum habet. Proprietas enim Patris, non est proprietas Filii &c. (2) Personas à se invicem non distingui ratione: Quia illa distinctio ante operationem & citra operationem intellectus in Deo est. (3) Personas à se invicem non distingui essentialiter: Quia trium personarum una est essentia. (4) Personas à se invicem distingui realiter: Quia reverà alia est persona Patris, alia Filii & alia Spiritus S.

7. Notanda etiam sunt quædam alia, nimirum (1) quod personæ distinguantur proprietatibus; non relationibus. Nam proprietates tres sunt, pro numero personarum, videlicet *αγενεσία, γέννησις καὶ ἐκπόρευσις*: Relationes autem sunt quatuor, nempe Generatio activa, Generatio passiva, Spiratio activa & Spiratio passiva; nec tamen propterea sunt quatuor personæ. (2) quod distinctio Personarum à se invicem, non quærat sub respectu ad essentiam: Namque essentia unius personæ est ipsissima essentia alterius personæ; sed sub respectu ad characteres hypostaticos, ubi una persona non est alia perso-

persona. Unde oritur axioma : *Persona in Divinitate sunt IDEM; sed non EÆDEM*: seu ut alii efferunt : *In Deo datur ἄλλο καὶ ἄλλο (alius atq; alius;) non ἄλλο καὶ ἄλλο (aliud atque aliud.)* (3) Quod, tametsi personæ distingvantur realiter; non tamen differant ut distinctæ res. Distinctio enim realis dicitur ab habitudine extremorum ad se invicem; at distinctio rerum, ab ipsis extremis, sive subjectis. Hinc entia rationis, E. gr. Chymera & Cerberus realiter differre statuuntur; non autem ut distinctæ res.

8. Personæ in Divinitate non solum sunt ὁμοῖοι, sive similis essentiæ; quem terminum in primitivâ Ecclesiâ Ariani libenter substituissent; sed & ὁμοῖοι sive ejusdem essentiæ. Quod verò Lutherus ὁμοῖοι non crediderit, fœdisima est Pontificiorum calumnia: Nam de voce loquitur, non de re ipsâ, inquiens: *Quod si oderit anima mea nomen ὁμοῖοι, & nolim eo uti, non ero hereticus; modò rem teneam, quæ in Concilio per Scripturas definita est.*

9. Cum Personæ sint ὁμοῖοι, sive ejusdem essentiæ, sequitur, etiam esse ὁμοῖοις sive ejusdem majestatis & ὁμοῖοις sive ejusdem æternitatis. Hinc quando Pater dicitur prima persona, Filius secunda, & Spiritus S. tertia, solius ordinis diversitas indicatur; non dignitatis, vel etiam durationis.

10. Principii nomen aut notat generaliter id, à quo aliud procedit quocunque modo; aut specialiter id, à quo aliud sumit initium existentiae, cum antea non fuerit. Priori sensu Pater statui potest principium reliquarum personarum; non posteriori *Causam* verò, cave vocites, propter multiplicem termini imperfectionem; quamvis Græci olim per ampliationem vocis violentam, Principium & Causam promiscuè dixerint.

11. Filius & Spiritus S. non definit esse ὁμοῖοι ratione essentiæ; etiamsi ille à Patre, hic à Patre & Filio sit ratione personalitatis.

12. Quamvis in hoc mysterio multa non capiat ratio, sufficit tamen, quod ea suggerat revelatio. 2. Cor. X. 5.

Beßaiwng. Probamus I. *In Divinitate tres esse Personas, Patrem, Filium & Spiritum S.* 1. ex Esa. VI. 1. 2. 3. unde deducimus tale argumentum: Quot personis cultum religiosum exhibuerunt Seraphim, tot sunt Personæ in Divinitate: Atqui tribus, nempe Patri, Filio & Spiritui S. Ergo. Minorem confirmamus (1) ex inductione. De Patre nullum est dubium. Ad Filium locus ille applicatur Joh. XII. 41. ubi legimus, Judæos non credidisse in Christum, quemadmodum diuante Esaïas prædixerat, *cum videret ejus gloriam*: referuntur autem verba Esaïæ cap. VI. 9. quæ historiam hujus revelationis proximè sequuntur. Similiter Spiritus S. idem illud dixisse fertur, quod Esaïas Jehovæ in throno sedenti adscribit Actor. XXII. 25. 26. (2) Ex trinâ 78 *SANCTUS* in uno eodemque paragrapho repetitione; quod prædicatum præter Patrem & Spiritum, qui personaliter *Sanctus* audit, etiam Filio tribuitur Dan. IX. 24. (3) Ex parallelorum locorum collatione: *Quia gloria, cujus plena est terra*, Patri juxta Adversarios competens, alibi tribuitur Christo Es. LX. 1. Dan. VII. 14. 1. Cor. II. 8: & Spiritui S. 1. Petr. IV. 14.

2. Ex Matth. XXII. 19. unde deducimus tale argumentum: In quot personarum nomine baptizamus, tot sunt personæ in Divinitate. Atqui in trium. Ergo. Hic supponimus, idem esse, *in nomine ac in nomen* alterius baptizari, cum Scriptura promiscuè illis modis loquendi utatur. Conf. Act. X. 48. & XIX. 4. Addatur 1. Cor. I. 13. Quo præmissis, confirmamus Majorem: Quia in nomine alicujus baptizari infert (1) quòd ille sit auctor Baptismi. Sacramentorum verò auctor non potest esse nisi Deus; cum sint media, per quæ gratia divina hominibus offertur. (2) quod per eum consequamur regenerationem & salutem. Conf. Tit. III. 5. Actor. II.

38. Id quod denuò â nullo alio, nisi â Deo proficisci potest. (3) quòd ille invocandus sit super baptizandum. Nam in nomine alterius quippiam agere, est invocato illius nomine agere. 1. Sam. XVII 45, XX. 42. 2. Sam. VI. 18 (4) quod in ejus fœdus recipiamur 1. Petr. III. 21. (5) quod eum religiosè colere teneamur, juxta illud Basilii Epist. 78. *Ut baptizamus, ita adoramus: ut adoramus, ita credimus: videlicet in unum verum Deum, Patrem, Filium & Spiritum S.*

3. Ex testimoniis aliis V. T. Sic Genes. I. 1. 2. 3. in historiâ creationis legimus de Deo, Verbo & Spiritu, tanquam causa efficiente creationis. Idem Psal. XXXIII. 6. fit. Apud Esaiam verò XLIX. 12. 13. 16. Filius ut *Creator terra*, itemq; ut *primus & novissimus* mittitur â Deo (sc. Patre) & (quâ naturam humanam) etiam â Spiritu ejus.

4. Ex Testimoniis aliis N. T. 1. Joh. V. 7. 2. Cor. XIII. 13. Gal. IV. 6.

II. *Tres Personas in Divinitate esse õmõgites sive ejusdem essentia.* 1. Ex thesi II, quia Deus non nisi unus est. Si igitur cum Patre etiam Filius & Spiritus S. est Deus, sequitur, tres personas esse unum Deum, & consequenter unius ejusdemque essentia.

2. Ex Es. VI. 1. 2. 3. 19. Quia, cui una eademque majestas competit divina, is unius ejusdemque cum Patre essentia est. Es. XLII. 8. Atqui Filio & Spiritui S. Ergo. Minor constat, quia Filio & Spiritui S. cum Patre adscribitur (1) idem nomen *Jehova* v. 1. (2) eadem *sessio super solium excelsum & elevatum*, per quod Principatus super creaturas indicatur v. 1. (3) idem ministerium angelicum v. 2. (4) eadem sanctitas v. 3. (5) eadem gloria replens terram. v. 3.

III. *Tres personas in Divinitate realiter distingvi.* 1. ex Joh. XIV. 16. Ubi Filius pollicetur, se rogaturum Patrem, ut mittat *aliu*m paracletum. Differt ergo realiter Filius, qui ro-

gat, à Patre, qui rogatur, & à Spiritu S. tanquam alio, id est, diverso *Paracleto*. Addatur Joh. V. 32,

2. Ex origine æternâ: quia Filius esse suum à Patre habet; Spiritus autem S. à Patre & Filio. Uti ergo realiter distinguuntur accipere essentiam & dare essentiam; Ita etiam realiter distinguuntur accipiens & dans.

AvriDeois est Antitrinitariorum 1. Noëtianorum & Sabellianorum, qui unam tantum personam in divinis admittebant, cujus tria sint nomina: Ex qua hypothese fluebat, Patrem esse passum; quippe qui à Filio non realiter distingvatur. Hinc Patripassiani dicti sunt. Receperunt eundem errorem Samosatēniani, sive Paulianistæ, à Paulo Samosatis in Syriâ oriundo, ita appellati.

2. Tritheitarum, qui ut Sabellii hæresin vitarent, tres Deos essentialiter distinctos comminiscébantur.

3. Arianorum, qui solum Patrem esse summum Deum statuebant: Ex quibus pullularunt Aëtiani, Eunomiani, Eudoxiani, Eusebiani, Duliani, Theophroniani, Macedoniani sive Semiariani, Photiniani &c. in dogmatibus de Filio & Spiritu S. mirè & inconstanter variantes.

4. Judæorum, qui à dogmate de Trinitate ita averfi sunt, ut non nemo eorum, apud D. Müllerum in Judaïsimo Lib. II. c. 1. professus sit: *Si Christianus fieri debeat, se ad Photinianam propendere religionem, qua ut unam essentiam, ita pariter unam personam in divinis credat ac Judaïsimo maxime vicina sit.*

5. Muhamedanorum, quorum palmarium dogma est unitas personæ in Deitate. Unde Christiani ab illis *Associantes* vocantur, quod in eadem essentiâ Patri duas alias Personas associant. Vide Hackspan. *de Fide & Legibus Muhamedis*.

6. Socinianorum, qui Photini veteris vestigia premunt, atque *Unitarios* se nominant, in vasto illo opere, quod Faustius

&

& Lælii Socinianorum, itemque Crellii, Schlichtingii & Wolzogenii scripta conjunctim exhibet. Ex adverso nos iidem *Trinitarios*, & quod *Claudiopoli* in Transylvaniâ fiebat, Germanicè *die Drensfaltigkettler* / per contemtum, dicunt.

7. Mennonistarum, præcipuè eorum, qui se ipsos Puritanos (*Klarden*) vocant, vulgò *Feinstoff* / in quos apprimè quadrat illud: *Socinianum esse subtilem Mennonistam, & Mennonistam esse crassum Socinianum*. Reliqui, qui se Mœrentes (*Bekümmerte*) appellant, vulgò *Dred & Wagens* / vel ut alii, qui diversam vocis originem venantur, scribere malunt *Dred & Wagens* / imprimis quando urgentur, propius ad nos accedunt; in verbis tamen, priusquam se explicent, Sabellianis videntur viciniore.

8. Arminianorum, qui *quosdam* trium personarum in dubium vocant.

9. Quackerorum, ex quibus plerosque fovere Sabellianismum, adductis eorum verbis, demonstravimus in Quackerismo Confutato Artic. III. Hypothef. n. 7. p. 341. seq.

10. Pietistarum, quorum Patriarcha iis etiam, qui in Ecclesiâ Evangelicâ nati & doctrinâ Evangelicâ ex Catechismo nostro imbuti sunt, si in Confessione de Deo à Personæ vocabulo abhorreant, ut ab eo abstineant, indulget. Loca adduximus in Wigandianis de Trinitate n. 1. p. 25.

11. Hyperpietistarum, nempe Thomæsii, Arnoldi & Dippelii, quorum horrendæ hypotheses de Mysterio hocce ibidem adducuntur n. 2. seq. à pag. 25. usque ad pag. 32.

Thesis XIV. *Mysterium S. S. Trinitatis, uti in N. T. ad salutem creditu necessarium est, ita etiam in V. T. creditu necessarium fuit.*

Ex Deo. 1. Non sufficit Fides, quam sic vocant, implicita;

H

ut

ut quis dicat, se credere quod Ecclesia credit, quamvis quid credat Ecclesia, ipse ignoret: sed opus est Fide explicità, quæ notitiam, assensum & fiduciam includit, juxta Symbolum Athanasii: *Quicumq; vult salvus esse, ante omnia opus est, ut teneat Catholicam fidem. Fides autem Catholica hæc est, ut unum Deum in Trinitate & Trinitatem in Unitate veneremur.*

2. Notitia igitur S. S. Trinitatis non tantum ad bene esse fidelium utriusque Testamenti requiritur; sed etiam ad esse simpliciter: ita ut non solum negatio hujus articuli, verum etiam ignoratio utrinque damnet.

3. Maior equidem in expositione hujus mysterii lux est N. T. quam V. comparatè: at propterea non licet omnem lucem denegare V. T. absolutè. Nam magis & minus non variant speciem.

4. In V. T. & indeterminatè pluralitas & determinatè Trinitas Personarum in eadem divinâ essentiâ nobis repræsentatur: Si non formaliter, quoad terminos, quibus hodie in explicando isto mysterio utimur; tamen materialiter, quoad rem ipsam, terminis ejusmodi significatam.

5. Etsi nunquam in V. T. personarum conjunctim sumtarum, unâ cum characteribus hypostaticis, mentio fiat *נאִלְדָּה בְּיְהוָה*; sufficit eadem ibi proponi *נאִלְדָּה בְּיְהוָה*.

6. Accedit, quod quæ hodie minus clara videntur, absentibus Prophetis; eadem olim fuerint clarissima, præsentibus Prophetis, à quibus viva voce mysterium illud luculentius explicabatur.

7. Modernorum verò Judæorum cœcitas, non testatur de locorum V. T. inexplicabili difficultate; sed de iræ divinæ super gentem illam gravitate: cum ex justo Dei judicio veniuntur falsitati, qui credere nolunt veritati. Es. VI. 9. 10.

Προβαίνοντες. Probamus 1. Mysterium S. S. Trinitatis in N. T. creditu necessarium esse, ex Matth. XXII. 19. (1) quia in S. S.

Trini-

Trinitatem baptizamur. *Uti autem baptizamur, ita & credimus,* juxta regulam Basilii, in præcedenti controversiâ allegatam. (2) quia mandato de Baptismo præmittitur mandatum de doctrinâ, ut indicetur, in cujus nomine homines baptizandi sunt, de eo etiam informandos esse. (3) quia doctrina illa, juxta voluntatem Dei, non uni duntaxat vel alteri, sed omnibus gentibus impertienda est (*μαθητεύσατε πάντα τὰ ἔθνη*): ex quo necessitas ejus rectè colligitur.

2. Idem mysterium in V. T. creditu necessarium fuisse, ex Actor. XV. 11. Quia eadem via salutis est in V. & N. T. Vindicias hujus Dicti à Socinianorum corruptelis suppeditavimus in Exercit. de Concil. Hierosolym. cap. 18. n. 6. & 9.

Ἀντίθεσις est præter Antitrinitarios, qui Filii & Spiritus S. Deitatem expressè oppugnant 1. Arminianorum, quibus Athanasius vapulat, quod in initio symboli omnibus iis salutem denegaverit, qui Trinitatem non credunt. Hinc Arminiani Sociniani dextram fraternitatis denegare non audent.

2. Syncretistarum, qui negant hoc mysterium in V. T. tam clarè revelatum esse, ut ab omnibus cognosci potuerit, aut debuerit.

Theſis XV. Qui S.S. Trinitatem non credit, idololatra & extra Ecclesiam Christi est.

ἑιδωλον. 1. *ἑιδωλον* apud Græcos notat formam rei, non solummodò externam; sed & internam ac in animo conceptam: id quod Stephanus in Lexico suo, exemplis ex Homero & Plutarcho depromtis, ostendit.

2. Inde Idololatria nomen trahit, quæ bifariam committi potest, aut si colatur pro Deo quod Deus non est, aut si verus Deus aliter, quàm coli vult, colatur.

3. Missâ posteriori idololatriæ specie, de priori nunc tantum agemus: ubi de objecto cultus non judicandum est ex

generali professione colentis: e. gr. si dicat, se colere verum Deum; sed ex speciali descriptione ejus, quod colitur.

4. Neque etiam acquiescendum est descriptioni undecunq; desumptæ; sed ex ipsâ essentiâ Dei, prouti se in verbo suo revelavit, petiæ. Non igitur sufficit, si Judæus aut Turca dicat, se colere Deum, mundi creatorem: descriptio enim hæc non ab essentiâ, sed ab opere Dei accersitur.

5. Etsi Creator mundi sit verus Deus; non tamen necessariò is est Creator mundi, qui pro tali venditur e. gr. quando Judæus aut Turca pro Creatore eum agnoscit, qui non est trinus in personis unius essentiæ: Ita enim se Creator mundi revelavit. Psalm. XXXIII, 6.

6. Si Patres Idololatriæ vocabulo strictius usi sunt, propterea latior acceptio non definit esse propria. Nam significatio propria non opponitur significationi strictæ; sed impropriæ: uno propria significatio subdividitur in latam & strictam.

7. Concedamus, eos qui Trinitatem non credunt, esse intra Ecclesiam generalissimè sic dictam, quatenus quemcunq; cœtum notat, ut Actor. XIX. 39. Nihilofecius negare liceat, eos esse intra Ecclesiam specialiter sic dictam, quæ vocatur Ecclesia Christi.

8. Ut quis sit membrum Ecclesiæ Christi, non sufficit, si credat quædam, quæ de Christo revelata sunt; sed requiritur, ut credat omnia, imprimis autem Deitatem ejus, in quem credendum est.

Rebaptizans. Probamus, eum qui Trinitatem non credit 1. esse extra Ecclesiam Christi. Nam (1) Christo amorem competentem denegat, propterea quæ maledictionem Apostolicam incurrit. 1. Cor. XVI. 22. (2) Propter honorem Filio denegatum, nec Patrem debito honore afficit. Joh. V. 23.

2. esse Idololatram. Nam pro Deo eum habet, qui Deus non est, contra voluntatem veri Dei. Es. XLII, 8. XLIII.

II. Gal, IV. 8. Verus Deus est Pater, Filius & Spiritus S. pro quo cum colitur, qui Pater Filius & Spiritus S. non est, colitur qui Deus non est, atque sic *ponitur idolum in corde.* Ezech. XIV. 7.

Avrilsens est I. Antitrinitariorum, qui se Christianos esse jactitant, & libris suis speciosum Christi nomen præfigunt, e. gr. cum Osterodus videri vult scripsisse *Institutiones Religionis Christianæ*; Robert. Barclajus *Theologiam verè Christianam.* &c.

2. Arminianorum, de quibus in præcedenti quæstione dictum est.

3. Syncretistarum, ex quibus D. Zeidlerus, in Colleg. Controversiarum MS. Sect. 2. thesin octavam his verbis concepit: *Judæi hodierni & Muhamedani non sunt idololatra proprie sic dicti.*

III. VINDICATIO.

Accusamur

1. Quod cum Arianis colludamus. Nulla enim frequentior calumnia est, quâ nostri, præsertim in Poloniâ, premuntur. Hanc etiam Hackius Jesuita, *Scrutinio* suo inseruit *Præfat. ad Lectorem & in ipso libro p. 19. 106. 107. 110. 126. 194.* Respondetur. Pro nobis loquuntur Augustana Confessio, in hoc articulo p. 11. (9) ipsique Adversarii, qui nihil quod in eodem articulo carperent, invenerunt p. 23. (50) Cui volupe est, adhibere poterit, quæ scripsimus in *Examine Scrutiniis iteratis Thes. 3. & in Castigatione trutina ad N. 3, p. 37.*

2. Quod articuli hujus minimè controversi præmissione, Auditorum animos occupare & benevolentiam conciliare subdolè quænaverimus. Respondetur. Jesuitæ. quorum hoc telum est, ex ingenio suo æstimant alios. Causas certè habuerunt Confessores nostri multiplices, propter quas ab hoc articulo operas suas ordirentur. Stimulavit enim eos (1) Pietas, ut cum ipsi gentiles monuerint, à *Jove principium* fieri debere,

nec ipsi in initio statim ejus obliviscerentur, à quo omnis donatio bona & consequenter etiam constantia in tuenda veritate, descendit Jacob. I. 17. (2) Adversariorum malitia, qui jam tum non Arianisimi duntaxat, sed planè Atheisimi nostros peragere reos, moliebantur. Quo de superius, cum de causâ finali Augustanæ Confessionis ageremus, à nobis aliquid dictum est. (3) Metus futurorum, quem non inanem fuisse, ex præcedenti observatione dispalescit: Si enim Adversarii post Confessionem nos calumniantur; quid non fecissent, si nostri ex bonæ causæ fiduciâ hunc Confessionis articulum planè omisissent.

3. Quod irreverenter loquamur de Antiquitatē & Conciliis, vetustisque Ecclesiæ Patribus. Respondetur. Aliud patet ex Augustanâ Confessione, in cujus primo statim Article, Decretum Nicenæ Synodi allegatur. Quàm autem minùs decenter Pontificii piam antiquitatem tractent, docuit Jacobus Laurentius, *de Reverentiâ Ecclesiæ Romanæ erga sanctos Patres subdola*.

4. Quod à primo Article Augustanæ Confessionis recedamus, in Formulâ Concordiæ. Ibi enim statuitur unus omnipotens, unus omniscius, unus omnipræsens: Hic autem duo omnipotentes Ecclesiæ obtrudi videntur, nempe & essentia divina & propter communicationem divinorum idiomatum, humana in Christo natura &c. Respondetur: Nulla inde emergit contradictio. Unus quippe est manetque omnipotens, unus omniscius, unus omnipræsens, per naturam; quamvis humanitati in Christo omniscientia, omnipotentia, omnipræsentia, pariter attribuatur, propter unionis gratiam. Plura videantur in D. Alberti gründlicher Wiederlegung Augustanæ & Antiaugustanæ Confessionis, cap. 3. ad question. 2. p. 101.

ARTICULUS II.

DE PECCATO
ORIGINIS.

I. EXPLICATIO.

In hoc articulo, si primam exceperis lineam, nihil ferè, quod non mutaret, Melancthon reliquit; sensum tamen orthodoxum retinuit, nisi quod in Antithesi duas illas voculas: *ET ALIOS*: dolosè omisit, ne Calviniani, qui quod peccatum originis verè peccatum esse parùm sincere crederent, liberos fidelium à nativitate sanctos depradicabant, simul damnari viderentur.

Cæterùm in Conf. Aug. invar. de Peccato Originis agitur
p. 12: (9. 10.)

Θεσις. Proponitur enim ejus

I. Existentia, explicato

1. principio seu fonte, qui est *lapsus Adæ*. Rom V. 15.
2. subiecto, ut sunt omnes homines, *secundum naturam*, hoc est, ex concubitu maris & feminae, *prognatis*; quo ipso excipitur Christus. Luc. I. 34. 35.
3. modo propagandi, nempe per carnalem nativitatem. Psal. LI. 7. Joh. III. 6.

II. Essentia, mentione factâ

1. Generis, quod sit *Peccatū*, & quidem non nomine solum, sed etiam *verè*, seu propriè & strictè loquendo.
2. Differentiæ, quod ea consistat
 1. in privatione rectitudinis concreatæ, ita ut homo nascatur *sine Dei metu, sine fiduciâ erga Deū*.
 2. In positione vitiosi habitus, qui vocatur *Concupiscentia*, & in Germanico exemplari, *die inwendige böse Neigung*.

a b

- [III. Poena, quæ
 { 1. ponitur, nimirum *quod æternam mortem afferat.*
 { 2. limitatur, videlicet *nisi quis renascatur.* &c.
 [II. "Αἰτίαι τῆς ὀργῆς. Ubi damnantur *Pelagiani & alii*, qui quantum naturæ hominis adscribunt, tantum gratiæ Dei adimunt.

IN APOLOGIA p. 79. (23.)

- [I. Respondetur Exceptionibus Adversariorum, quarum petitur

[*Ima* ex Augustanâ Confessione, de definitione Peccati Originalis, quod in eâ *actûalia peccata, qualia sunt, sine metu Dei & fide esse, confuderim cum originali.* Respondetur: Per *to esse sine metu & fide*, non intelligi defectum ipsius motûs, tanquam actûs; sed defectum potentiæ, sive doni, ex quo resultant hi motûs, tanquam actûs. Quamvis & ipsi actûs tales ad Peccatum Originale referri queant, non tamen ut ejus formale, per quod constituitur; sed ut ejus effectus & signum, per quod cognoscitur. *Secundum Articulum——nature inclinationem* p. 23. sequ. (50. 51.)

[*Ida* ex scriptis Lutheri, de reliquiis peccati Originalis, quod videlicet hoc perperam statuatur *remanere post Baptismum.* Respondetur, distinguendo inter materiale & inter reatum istius peccati; Lutherum non de hoc intelliigi; sed de illo, atque ita nihil dicere, nisi quod ante eum ab Augustino & in Jure Canonico fuerit dictum. *Hic flagellant Adversarii——innocentem opprimant.* p. 91. 92. (56. 57.)

a

RESPON.

CON-
RA-
DUS
Käse-
berg/
Gedan.

a { 2. Immiscentur multa alia, ad illustrandam materiam præ-
sentem facientia,

{ 1. pro nobis,

{ 1. quod necessaria sit accurata cognitio Peccati Ori-
ginis. *Est autem necessaria — de Deo p. 90. (56.)*
Quaquam Scholastici utrumq. — sententias propo-
suerunt p. 95. 96. (58. 59.)

{ 2. Quod Concupiscentia in definitione Peccati Ori-
ginalis meritò exprimatur, nec Peccatum Origi-
nale pro merâ privatione habendum sit. *Sed po-*
steâ ostendimus — cum primâ tabulâ Decalogi p.
81 — 85. (51. 52. 53.) Id quod probatur au-
thoritate veterum: *Neg. novi quicquam diximus — de*
defectu loquentes. p. 85 — 90. (53. 56.)

{ 2 contra Adversarios,

{ 1. quod impiè asserant, Peccatum Originale
non esse vitium sive corruptionem in naturâ; sed
tantum servitutem sive conditionem mortalitatis,
quam propagati ex Adamo sustineant, sine proprio vi-
tio, propter alienam culpam p. 82. 83. (51. 52.)

{ 2. quod de fomite peccati ineptè disputent & circa
ludicra hærentes, graviora natura vitia non comme-
morent. p. 82. fin. seq. (52.)

{ 3. quod per hypothèses suas, justitiam originalem in
locum peccati substituant p. 83. (52.)

{ 4. quod Concupiscentiam malè adiaphoris accense-
ant, & pro pœnâ duntaxat, non autem pro
peccato habeant. *At disputant concupiscentiam — Pa-*
trum sententiam proposuerunt. p. 91 — 96. (57. 58. 59.)

{ 5. quod Philosophiam gentilem cum doctrinâ Chri-
stianâ commisceant p. 84. (53.) Inde enim hauriri
pronun-

- pronuntiata eorum (1) nos propter passionem nec laudari nec vituperari. (2) nihil esse peccatum, nisi voluntarium. (3) naturam non esse malam. p. 94 seq. (58 seq.)
6. quod ignorent, quid sit Iustitia originalis & Imago Dei p. 84. seq. (53 54.)
7. quod se ipsos non intelligant, & pugnantia loquantur. p. 83. (52.)
8. quod pueriliter cavillentur. *Hac arbitramur - diximus esse recitandam* p. 96. 97. (59.)

II. DEMONSTRATIO.

Thesis I. Peccatum Originale duo complectitur, nempe carentiam iustitiæ originalis, & concupiscentiam seu vitiosum habitum, ac consequenter non merè privativum, sed etiam positivum est.

Expositio 1. Bonaventura subtiliter, simulque verè scribit: Peccatum esse triplex, quoddam in quo Persona corrumpit naturam, quale est primum Adami: quoddam in quo natura corrumpit personam, quale est originale nostrum: quoddam in quo persona corrumpit se ipsam, quale est actuale. Præcescit nimirum malus actus in Adamo; sequebatur malus habitus in naturâ; atque inde proveniunt malæ actiones in personâ. Hæc quidem, tametsi in verbis à Theologiâ nostrâ discrepent; quoad rem tamen, cum eâ conveniunt.

2. Nos Peccatum distingvimus in originale & actuale: atque illud iterum in Originale originans, cujusmodi est actus primus Protoplastorum, Diabolo obsequentium; & Originale originatum, de quo nunc & in sequentibus agetur. Quando autem Melancthon originale peccatum vocat actuale: id in oppositione ad meram privationem sic dixit; nequaquam verò in oppositione ad habitum connatum.

3. Nomen Originalis Peccati in Scripturâ non occurrit,
quâ

quâ vocis sonum; fundatur tamen ibi quâ sensum. Usus eo est Augustinus contra Pelagium, in disputationibus: Quod verò ad etymon attinet, non dicitur ita ratione creationis, quasi cum origine mûndi, vel saltem humanæ naturæ cœpisset. Eccles. VII. 30; sed partim ratione subjecti, quia nunc cum origine hominis originem capit; partim ratione effectuum, quia actualibus peccatis originem præbet.

4. Peccatum hoc originale concedimus esse privationem veram; negamus verò esse privationem meram: quia præter carentiam justitiæ, simul etiam concupiscentiam involvit.

5. Concupiscentia autem duplex est, naturalis & accessoria. Illa notat potentiam naturalem appetendi aliquid, & per se bona est, inque statu integritatis locum habuisset: Hæc utpote ex lapsu Protoplastorum orta, semper mala est; sumiturque vel pro habitu, vel pro actibus ex habitu illo pullulantibus. Unde à Jacobo I. 14 in *διδασκαλία* sive *illicitem* & *ἐξέλυσαν* sive *abstrahentem* dispescitur. In posteriori sensu est peccatum actuale; in priori autem originale, ita ut suo comprehendat ambitu, quicquid in locum Justitiæ originalis succedit, si hominem à Lege Dei quomodocunq; abducat v. gr. stultitiam intellectus, perversitatem voluntatis, repugnantiam omnium virium, aversionem à bono, propensionem ad malum &c.

6. Privatio igitur illa, quam Peccatum Originale infert, non est simplex, quæ notet nudam carentiam, prouti se habent tenebræ; sed habitualis, quæ conjuncta sit cum opposita qualitate. Prouti enim morbus corporis non tantum est carentia sanitatis, sed simul positio indebitæ dispositionis; ita vitium hoc animæ, non tantum est carentia bonitatis, sed simul positio malitiæ.

7. Habitus mali, tam connati, quàm acquisiti, habitibus bonis non opponuntur duntaxat privativè; verum & contrariè: Oppositio autem contraria est inter duas qualitates.

8. Interim circa ipsas qualitates vitiosas, distingvimus inter rem & defectum rei. Defectus rei, de quo nunc potissimum quæstio est, in se, sive abstractivè, nunquam est positivus; sed concretivè, seu cum subjecto, cui jungitur, rectè positivus dicitur; quia subjecto verè competit, ita ut apertissimè erret, qui id pro nihilo habeat, à quo subjectum verè denominatur v. gr. si quis dicatur adulter, ebriosus, fur, Dei osor & contemtor.

9. Quandoquidem verò *τὸ* Positivum in creatum & increatum dispescitur; observandum, quod *τὸ* creatum sumatur in sensu strictiori, videlicet ut sub opposito, nimirum increato, non solum contineatur id, quod est à se e. gr. Deus; verum etiam id, quod est ab alio, citra creationem strictè sic dictam, nimirum & generatum & arte factum & introductum, cujusmodi est Peccatum. Rom. V. 12.

10. Quousque, uti ad reliqua mala, sic etiam ad Peccatum Originale, Deus salvâ suâ sanctitate concurrat, explicatum est in Artic. præcedent. Theol. X. n. 5. 6. 7. p. 42.

βεβαιωσις. Probamus

1. *quod Peccatum Originale, præter carentiam justitiæ, etiam complectatur Concupiscentiam*, ex Rom. VII. 7. ubi Apostolus Peccatum Originale describit, mentione factâ *Concupiscentiæ*, & quidem ejus concupiscentiæ, quam nisi ex Lege Dei, non intelligimus esse peccatum. Plura argumenta suppeditantur in ipsâ Apologiâ p. 81. usque ad 93. (51 usque ad 58.)

2. *Quod Peccatum Originale, præter privationem, connotes aliquid positivi* (1) Ex positione præcedenti: Quia complectitur Concupiscentiam, quam aliquid positivi esse, nemo sanus negabit. (2) Ex Rom. VII. 7. 21. 23. ubi Apostolus Peccato Originali adscribit (N) Positiva nomina. Vocat enim *Concupiscentiam* v. 7. & *Legem membrorum, vel peccatorum in membris* v. 23. quasi dicat, edictum sive imperium, cui diffculter

cnlter refistitur. (γ) Positiva attributa, ut sunt (α) *prohiberi à lege Dei* v. 7. (β) *adjacere homini, volenti facere bonum* v. 21. (γ) *esse diversum ab alio*: Dicitur enim (ἐστὶν ἄλλο) *ALIA lex* v. 23. (δ) *repugnare Legi mentis*, id est, firmo proposito fidelis animæ, de obedientiâ Deo præstandâ. v. 23. ubi in Textu Originali occurrit ἀντιστάσειν vox militaris (ε) *captivare reluctantem.* v. 23.

Αντίθεσις est 1. Pontificiorum, qui negant Concupiscen-
tiam esse peccatum & consequenter salvâ suâ hypothesi, nec
pro parte Peccati Originalis habere queunt. Ex iisdem Bel-
larminus Lib. V. de Amissione Gratiæ cap. 15. in Rubricâ
scribit: *Refellitur eorum Catholicorum sententia, qui Peccatum
Originale in quadam positivâ qualitate constituunt.* Ex quo patet,
etiam in Papatu aliquos facere nobiscum: Allegatum enim re-
perimus Driedonem, Gregorium Ariminensem, Henricum &c.

2. Syncretistarum, ut Calixti in Epitome & Dreieri in
der Erörterung p. 208. seq. imprimis p. 214. ubi approbat
eorum sententiam, qui statuerunt, Peccatum esse prorsus
NIHIL (sie hätte kein Wesen/und wäre für sich selbst nichts.)
Ad quod falsè, prouti meretur, responsum est à D. Calovio
ad Aug. Confessionem Artic. 2. c. 6.

3. Hadriani Beverlandi, qui per hypothésin, quod Pecca-
tum Originale sit actus Protoplastorum Venereus, quem in
Paradiso exercuerint, totam hanc doctrinam ludibrio expo-
suit. Liber anno 1678. sub hoc titulo prodiit: *Peccatum
Originale καὶ ἐξοχήν sic nuncupatum, philologicè μετὰ ἀκριβοῦς
elucubratum, à Themidos Alumno* 8vo. Proscriptus verò
prohibitusque est à Statibus foederati Belgii. Eidem Leonhar-
dus Reiffenius anno 1680 opposuit *Iustam detestationem
sceleratissimi libelli A. B. de Peccato Originali*, Gorinchemii 8vo.
Post annos XV. Beverlandus sententiam pristinam (utinam
seriò!) retractavit, edito Oxonii scripto: *De Fornicatione ca-
vendâ,*

vendè, sive Adhortationem ad Castitatem; quod in Belgio recudebatur 1698. 12mo.

Thesis II. Peccatum Originale verè & propriè sic dictum Peccatum est.

Ex Deo. 1. De quidditate Peccati Originalis dupliciter quæritur, tum absolutè, quid sit in se; tum respectivè, quid sit meritoriè. Priori modo nunc consideratur; posteriori in sequentibus.

2. Non negamus, Peccatum Originale meritoriè esse pœnam; sed negamus exclusivè ita esse pœnam, ut non simul culpa dici queat.

3. Pœna & culpa, utut formaliter, entitativè & in abstracto differant, nihilominus interdum materialiter, subjectivè & in concreto conveniunt. Conf Rom. I. 28. 2. Theff. II. 11.

4. Ita tamen ut non eodem, sed diverso respectu aliquid simul & pœna & culpa dicatur: pœna quidem ratione passionis; culpa autem ratione actionis, sive inhæSIONIS: ubi locum habet Prosperi versiculus: *Actio displicuit, passio grata fuit.*

5. Porro observandum, pœnam quæ culpa est, esse à Deo; sed non quatenus culpa est. Sive ut aliis verbis rem exprimamus: Id quod culpa dicitur, non est à Deo ratione causæ & in actu signato; sed ratione usus sive applicationis & in actu exercito, quando Deus justissimus pro tribunali decernit, ut *per quod quis peccat, per idem plectatur & idem.*

6. Ejusmodi pœna nunc per actum reflexum redundat in peccatorem ipsum; nunc per actum directum, redundat in alium. Posterioris generis erat rebellio Absolonis, per quam puniebatur David; prioris autem generis est peccatum originis, per quod puniebantur ipsi Protoplasti & nunc omnes eorum posterii.

7. Fomes peccati (scilicet actualis) potest esse peccatum (scilicet originale.)

8. Neque

8. Neque id quod morbus dicitur, propterea peccatum esse negatur. Intelligimus enim morbum moralem & quidem non morbum levem, sed ut Medicorum more loquamur, *morbum totius substantia.*

9. Prohibetur autem Peccatum Originale in ultimo Decalogi præcepto: non tam individuo; quam speciei: neque eo fine ne fiat; sed ne insit.

10. Idcirco de Concupiscentiâ in Decalogo bis agitur, ad indicandum, distinctas Concupiscentiæ esse species: Id quod tum in V. tum in N. T. nobis ob oculos ponitur. Ibi enim in repetitione Decalogi Deut. V. 21. *רצה desideravit*, actuali concupiscentiæ exprimendæ inservit: sed *נאף concupivit*, de pravis affectibus usurpatur, etiamsi consensus non accedat; præsertim in Hithpaël, quando significat se ipsum ad concupiscendum incitavit; quæ verbi forma nunc adhibetur, & originalem pravitatem pulchrè depingit. Hic autem Jacobus Apostolus I. 14. distingvit inter Concupiscentiam *ἐξέλκυσον*, sive *abstrahentem*, ut sunt motus actuales; & *δεδάξον*, sive *illicientem*, quæ est origo illorum motuum, nobis connata. Similiter Paulus, haud obscurè declarat, aliam esse concupiscentiam, & aliam rursus, quæ concupiscentiæ præstatur, obedientiam Rom. VI. 12. Obedientia autem concupiscentiæ originali non solum extra hominem per dicta & facta; sed etiam intra hominem per cogitata, quibus ille cum delectatione quadam inhæret præstari potest.

βεβαιοῖς. Probatur 1. ex Psal. LI. 7. *Ecce in iniquitate formatus sum & in peccato concepit me mater mea.* Unde concludimus: A quo David denominatur *iniquus & peccator*, illud est verè & propriè sic dictum peccatum. Atqui à Peccato Originis. Ergo. Observetur ad Majorem (1) quod David hæc verba in ipso pœnitentiæ actu protulerit, cum veniam à Deo peteret: Venia autem est veri & propriè sic dicti peccati. (2) quod

(2) quod peccatum, cujus nunc mentio fit, jungatur cum actualibus peccatis v. 5. 6. ita ut David non minus ab illo, quam ab his mundari desideret. v. 9. (3) quod Psaltes bis, variatis vocibus, de eadem impuritate suâ queratur, primò *Iniquitatem*, deinde *Peccatum* dicens, ne quis de proprietate sermonis dubitaret. (4) quod particula *Ecce* præmittatur, quæ dicentis affectum indicat, nimirum quod seriò & graviter, id de quo loquitur, deploret. Minorem probamus, quia David fatetur, se, *cum formaretur*, fuisse *iniquum*, & *cum conciperetur*, *peccatorem*, videlicet jam in mafsâ illâ, ex quâ fieri incipiebat. Quo respiciens Ambrosius in Apol. Davidis c. 2. inquit: *Maculam prius fuisse in Davide, quam vitam*. Ne quis scrupulus relinquatur, notandum (α) quod *יָהִי עֲוֹן* *formatus sum*, jam non exprimat activam generationem, sed passivam, ut Job. XV. 7. (β) quod *יָחַם מִתְּנִי* *concepit me*, sive ut propriè sonat, *calefecit me*, non genialem congressum, vel matris prurimum significet; sed illam caloris communicationem, quâ embryo in primis suis initiis fruitur. (γ) quod præfixum *כִּי* cum nomine substantivo stet pro adjectivo, ut *formari in iniquitate*, idem sit, quàm *formari iniquum* & *concipi in peccato* idem quàm *concipi peccatorem* (δ) quod ex scopo Davidis in toto Psalmo pateat, ipsum non de matris, sed de suâ impuritate loqui. Nam cujus veniam consequi laborat, de illo agit: Atqui proprii, non alieni, peccati veniam &c. Ergo.

2. ex Rom. VII. 7. *Peccatum non cognovi, nisi per legem. Nam concupiscentiam nesciebam, nisi lex diceret: non concupisces.* Quibus in verbis præsupponimus, non de actuali concupiscentiâ agi; sed de originali. Illam enim peccatum esse, ne quidem saniores Gentiles ignorarunt, utpote quam Plato in Gorgiâ, *inexplebile malum* vocat. Hanc verò aut ignorabant, aut si quid de eâ audirent, inficiabantur, imo irridebant. Paulus igitur,

igitur concupiscentiam istam (1) expressè Peccatum vocat, (2) ne quis distinctione inter peccatum propriè & impro-
priè dictum elaberetur, contra legem esse dicitur: quæ ipsa
peccati propriè sic dicti definitio est 1. Joh. III. 4 (3) se
ipsum, quod antea Peccatum esse nesciverit, refutat.

3. ex Rom. V. 12. 14. Mors pervasit in omnes, etiam qui
non peccant actualiter. Ergò peccatum originale est veri no-
minis peccatum: quia mors est *stipendium ejusmodi peccati*;
quod veri nominis tale est Rom. VI. 23.

4. Infantes baptizantur in remissionem peccati originalis:
Ergò peccatum originale est veri nominis peccatum; alioqui
enim remissione non indigeret.

5. Concupiscentia originalis *postquam concepit, parit pecca-
tum* propriè dictum Jac. I. 15. Ergo ipsa est peccatum pro-
priè dictum. Qualis enim filia, talis mater.

Avi Deor; est 1. Pelagianorum, qui originale peccatum non
peccatum propriè sic dictum, sed duntaxat fomitem esse, nec
posteritati, verùm primis tantùm parentibus nocuisse, pro-
indeque parvulos à parentibus nullum peccatum, nisi imita-
tione, trahere, docuerunt.

2. Anabaptistarum, qui in Colloquio Franckenthalensi &
alibi, peccatum originis simpliciter rejicientes, clamabant:
*esse figmentum Augustini, simile Mathematicorum hypothesebus,
de eccentricis & epicyclis.*

3. Socinianorum, qui in Catechesi Racoviensi c. 10. scri-
bunt: *Peccatum originis nullum prorsus est, nec è Scripturâ id
doceri potest.*

4. Arminianorum, sive Remonstrantium, qui in Apolo-
giâ suâ similiter negant, Peccatum Originale esse peccatum
propriè sic dictum.

5. Reformatorum, è quibus alii directè nobis adversantur,
ut Zwinglius, qui, cum in Epistolâ ad Urbanum Regium,

antehac negasset, Peccatum Originale esse peccatum propriè sic dictum; postea in Colloquio Marpurgensi Art. 4. sententiam mutasse visus est: sed mox ad vomitum rediit, in Confessione suâ anno 1530. scribens: *Velimus, nolimus, admittere cogimur, Peccatum Originale, ut est in filius Ada, non propriè peccatum esse.* Alii indirectè se orthodoxiæ opponunt, per hypothesin illam, quod infantes fidelium sancti nascantur.

6. Pontificiorum, è quibus equidem nonnulli de injuriâ conqueruntur, cum sibi antithesin hac in parte attribui animadvertunt; sed res in aprico est, propter hypotheses, quas foveat. de quibus vid. Apol. Aug. Conf. p. 81. sqq. 93. sq. (51. 52. 58.) Add. D. Menzer. in Exeg. A. C. p. 52.

7. Syncretistarum, quorum primipilus D. Georgius Calixtus sentit (1) naturalia post lapsum mansisse integra: quo admissio, Peccatum Originale rejiciat necesse est, utpote quod naturæ corruptionem infert. (2) ante lapsum habuisse locum rebellionem appetitus sensitivi adversus intellectualem, quæ tamen non fuerit peccatum: Unde sequitur; eandem neque nunc esse peccatum; cum eadem ipsius utrobique ratio sit. (3) Peccatum Originale nihil aliud esse, quàm reatum pœnæ: Sic enim scribit Disput. de Peccato Originali Th. 5. & 6. Ex quo fluit, non esse culpam & peccatum propriè sic dictum.

Thesis III. *Peccatum Originale meretur mortem, non solum temporalem, verùm & æternam, & quicquid mortis nomine in Scripturâ venit.*

æternæ. 1. Non quæritur, de Peccato Originali originante primorum parentum, qui plenâ voluntate mandatum Dei violaverant; sed de originato, quo posterius eorum, à primo conceptionis momento, polluuntur.

2. Peccatum hocce (quod etiam in præcedenti Thesi nominimus) pœna quidem est; sed non pœna mera; verùm simul

& culpa: ut adeo nihil obftet, quo minùs mereatur ulterio-
ram pœnam.

3. Mortis nomîne in facris omnes pœnæ denotantur, Gen-
nes. II. 17. non solum dissolutio animæ & corporis, quæ
in strictissimâ vocis acceptione Mors dicitur 2. Sam. XIV.
14. Hebr. IX. 27. sed & damnatio æterna, quam Spiritus S.
mortem secundam vocat Apoc. II. 11. XX. 14. imo quæcunq;
calamitates & miseriæ, Exod. X. 17. 1. Cor. XV. 31.

4. Gen. II. 17. intelligi mortem temporalem, concedi-
mus; sed eandem intelligi exclusivè, negamus. Neque ex
locis, in quibus agitur de morte corporis, quam homines
fontibus possunt & debent infligere. Exod. XXI. 15. 16. Lev.
XX. 2. 9. 1. Sam. XIV. 39. sequitur, non nisi de tali morte
agi, in loco, ubi Deus ipse pœnam minatur, qui mortem,
etiam animæ, impiis irrogat. Matth. X. 28.

5. Interim distingvimus inter damnationis meritum &
actum. Nam ut Peccatum Originale ex se & suâ naturâ sem-
per est damnabile; ita tamen, interveniente Christi gratiâ,
non semper hominem damnat. Ipse Adamus, etsi peccando
mortem æternam sit promeritus, non tamen videtur eam
esse perpeßus: cum Doctorum primitivæ Ecclesiæ, (si Tatia-
num Hæreticum excipias) communis sententia sit, Proto-
plastos fide in Protevangelium fuisse salvatos. Conf. Augustin.
Tom. 2. Epist. 92.

6. Quod ad liberos sine Baptismo, ut regenerationis Sacra-
mento, decedentes, attinet; illi vel à fidelibus Parentibus nati
sunt; vel ab infidelibus. Omnes propter Peccatum Originale
damnabiles sunt; sed non omnes damnantur.

7. De fidelium parentum liberis præstò sunt promissiones
Gen. XVII. 7. 1. Cor. VII. 14. Non obstat defectus Sacra-
menti: nam ut Baptismus est medium salutis ordinarium;

ita Deus sine medio agere potest: quippe qui per Sacramenta operatur; sed in operando Sacramentis non alligatur.

8. Hinc in Ecclesiis nostris docemus, necessitatem Baptismi non esse absolutam; verum conditionatam: ut contentus ejus damnet; non nuda privatio.

9. Etiam si igitur infantes fidelium, sine Baptismo decedentes, non sint Christiani per nativitatem; fiunt tamen Christiani post nativitatem. Via autem, per quam in Ecclesiam introducuntur, Christoque per fidem inserantur, singularis & soli Deo nota est; cum sine culpâ suâ impediantur, quod minus viam communem & in verbo revelatam terere queant.

10. Quod ad liberos infidelium, sine Baptismo mortuos, attinet, hos promiscuè nec salvos, nec damnatos audemus pronuntiare, deficiente Scripturæ testimonio, ipsoque Apostolo judicium de illis, qui extra Ecclesiam sunt, suspendente I. Cor. V. 12. 13.

11. Multa Deus ex justitiâ potest facere, quæ ex misericordiâ non vult facere. Ita igitur de justitiâ pronuntiandum est, ne misericordiæ obliviscamur. Num. XIV, 18. Rom. XI, 32.

βεβαιωσις. Probatum 1. ex Rom. V, 16. 17. *Judicium quidem ex uno, in condemnationem: gratia autem ex multis delictis in justificationem. Si enim unius delicto mors regnavit per unum: multo magis abundantiam gratiæ & donationis justitiæ accipientes in viâ regnabunt, per unum Jesum Christum. Ubi urgemus (1) quod ex uno nempe Adami delicto, dicatur judicium venire in condemnationem, & quidem uti in antecedentibus sequentibusque versiculis explicatur, in omnes homines & 18. etiam in eos, qui non peccaverunt in similitudinem pravaricationis Adæ & 14. (2) quod ex unius delicto tradatur mors regnasse & quidem illa mors, quæ vitæ æternæ, per Christum partæ, opponitur & 21. Qualis igitur est vita, quam accipimus, talis*

talis est mors quam meruimus. (3) quod Judicium cum Gratiâ conferatur, ita ut gratia aboleat, quod iudicium dictabat. Abolet autem gratia æternam mortem: ergo & iudicium dictabat æternam mortem v. 15. 16. Spectat huc illud Bernhardi Meditat. c. 2. *Secundum exteriorem hominem de parentibus illis venio, qui me ante fecerunt damnatum, quam natum.* Si verò (quod præstitum est) evicimus, Peccatum Originale mereri æternam mortem, jam simul evictum est, idem illud mereri alias leviores pœnas, quæ mortis nomine veniunt: Nam à majori & graviori ad minus & levius, valet consequentia.

2. ex aliis scripturæ locis Eph. II. 3. Joh. III. 5.

Arriæus est præter cæteros, qui peccatum originale vel planè negant, vel non nisi improprie peccatum esse admittunt, in specie 1. Pontificiorum, qui cum infantes fidelium, sine Baptismo decedentes, non audeant salvatos pronuntiare; ideo tamen, quod Peccatum originale non credunt sufficientem damnationis causam esse, eosdem in certum limbum relegant, ubi à visione Dei beatificâ remoti, pœnæ solius damni, non verò etiam sensûs exponantur.

2. Remonstrantium, qui in Declarat. Sentent. ob solunt Peccatum Originis neminem damnari asserunt.

Thesis IV. *Omnes homines, secundum naturam propagati, peccato originali inficiuntur, ita ut ne Mariam quidem Deiparam excipere liceat.*

Arriæus. 1. Subiectum Peccati Originalis aut est denominationis, aut inhæSIONIS. Illud in præsentî, hoc in sequenti Controversiâ expendemus.

2. Denominationis igitur subiectum sunt homines, sed sub restrictione. Distingvimus enim inter hominem secundum naturam & supra naturam propagatum. De illo agitur

in Thesi; hic verò excipitur. Alii distinguunt, inter hominem modo ordinario ex commistione maris & feminae, & modo extraordinario ex inumbratione Spiritus S. natum. Res verò eodem recidit.

3. Exceptione isthac patet ad Christum respici, qui tametsi fuerit verus homo; non tamen fuit merus homo, sed *Deus*. Unde sic defendenda est peccati universalitas, ne lædatur Domini ac Salvatoris sanctitas.

4. Alia igitur quæstio est: An Christus secundum carnem fuerit in Adamo, tanquam principio generis humani? quam affirmamus Act. XVII. 26. Et alia: an fuerit in Adamo tanquam peccatore? quam negamus. Nam in Adamo ut peccatore non fuerunt, nisi qui propter massæ, ex quâ formantur, propagatam corruptionem, similes parentibus nascuntur; cum Christus propter massæ, ex quâ formabatur, præviam purificationem, dissimilis matri in lucem prodierit. Purificatio enim hæc consistebat in peccati originalis plenariâ expulsiōe atque subiecti in primævam integritatem, qualis Adami ante lapsum fuerat, restitutione.

5. Massa autem hæc, è quâ corpus Christi formabatur, sanctificata est in supposito, nempe in Mariâ; quamvis interim eo modo non sanctificaretur ipsum suppositum, nempe Maria.

6. Mariam rectè sanctissimam beatissimamque prædicari agnoscimus & fatemur: non tamen propter omnimodam à peccato immunitatem; verum propter eminentem donorum, quibus præ aliis omnibus fulgebat, dignitatem Luc. I. 45. 48.

7. Quod à Maria voluit nasci Dominus, haudquaquam erat meritum Matris; sed beneficium Filii, hujusdemque Patris & Spiritus S. Vid. Luc. I. 30.

8. Non negamus, Deum præter Christum, aliis etiam hominibus privilegium immunitatis à peccato originali concedere

dere potuisse: At ex Scripturâ probari nequit, eum voluisse. Contrarium potiùs elicitur ex Rom. III. 19.

9. Qui igitur inter homines sancti prædicantur, non gaudent hoc titulo absolutè, propter inhærentis sanctitatis plenitudinem; sed comparatè & respectivè, tum quatenus comparantur cum peioribus; tum à sanctitate Christi, ipsis per fiducialem apprehensionem imputatâ. Act. IX. 13. 12. XXVI. 10. Rom. XII. 13.

10. Jeremias & Johannes, priusquam in lucem prodirent, sanctificati fuisse leguntur: sed per destinationem ad certum officium Jer. I. 5. Luc. I. 15. 16. non per præsertionem à Peccato Originali.

11. Sic & fidelium liberi vocantur sancti 1. Cor. VII. 14. i. e. juxta Tertulliani expositionem, *sanctitati destinati*: sive ut clariùs efferamus, non à sanctitate originis & propter jus in re, videlicet in fœdere Dei; sed à sanctitate ordinis, & propter jus ad rem, videlicet ad fœdus Dei, quia præ infidelibus, propiores sunt Ecclesiæ.

12. Hinc Deus promittens, se Deum seminis Abraham futurum esse, non absolutè loquitur, verùm conditionatè; si posterius mediante Sacramento Circumcisionis sibi gratiam fœderalem applicarent. Gen. XVII. 7. 10. Idem fit in N. T. Joh. III. 5.

13. Similiter quando infantes appellantur innocentes, Ps. CVI. 38. id non simpliciter intelligendum est; sed comparatè, ut pro innocentibus habeantur, qui minùs nocentes sunt, in comparatione ad adultos, præsertim ad parentes eorum, de quorum sceleribus ibi agitur.

14. Fuit Adam & in illo fuimus omnes: Perit Adam, & in illo perimus omnes. Etsi enim posterius in Protoplastis non extiterint realiter & quâ actualem essentiam; fuerunt tamen in illis seminaliter & quâ veram repræsentationem.

15. Atque

15. Atque hoc non tantum moraliter, uti Princeps civitatem repræsentat, quando ob resignationem voluntatis, à singulis civibus factam, tota civitas velle censetur, quod Imperans vult; sed etiam naturaliter, propter inclusionem effectus in suis causis, prouti Pater nobilitatem familiæ consecutus, omnes posteros, licet nondum natos, simul complectitur.

16. Distingvendum verò inter primum actum vitiosum & inter actus vitiosos reliquos, à Protoplastis profectos. Hos committebant pro se tantum; illum verò pro se & posteris: cum ut stirps totius generis humani pro se & posteris dona accepissent, eademque iterum pro se & posteris amitterent.

17. Ex quo patet, perperam ad singulare hoc peccatum transferri, quod de communibus peccatis intelligitur. Ezech. XIX. 20. Deut. XXVI. 6.

18. Non quidem negamus, primum peccatum Protoplastorum fuisse personale; sed negamus, fuisse tantum personale: quandoquidem Adamus peccans non modò ut individuum; verum simul, ut speciei humanæ principium considerabatur.

19. Idcirco peccatum Adami ad totam speciem humanam pertinet, nec in posteris censetur alienum, sed proprium; quemadmodum natura humana & mors ab Adamo in nos derivata, cuilibet propria est.

20. Hoc sensu Anshelmus inquit: *Peccatum quod in Adamo fuit personale, in nobis est naturale: non quod sit ab essentiâ natura; sed quia corruptio cum naturâ assumitur.*

Kard. Deo. Probat. I. Generaliter, omnes homines, secundum naturam propagatos, peccato originali infectos esse:

I. ex Gen. VI. 5. IIX. 21. *Vidit Deus, quod multa malitia hominis in terrâ, & omne figmentum cogitationum cordis ejus tantummodo esset malum, omni die. Item: Figmentum cordis homi-*

hominis malum à pueritiâ ejus. Ubi observandum (1) quod Spiritus S. loquatur de *homine* indefinitè, sine exceptione ullâ. (2) quod tamen restringatur ad hominem *in terrâ, sive super eâ* viventem. Nam mortuus, animâ ejus in cœlum susceptâ, justificatus est à peccato. Rom VI. 7. (3) quod Homo *multa* accusetur *malitiæ*, nempe & originalis & actualis. Dabantur verò tum temporis, cum Diluvium immitteretur, homines non pauci, quorum sola actualis malitia non erat multa, videlicet infantes recens nati. (4) quod *omne figmentum cogitationum*, describatur ut *tantummodò malum*. Hebraicum יצר descendit à יצר *finxit* sive *formavit*: quo ipso immediatè actus indicatur, ita tamen ut mediatè etiam ad peccatum originale, tanquam ad radicem ejusmodi actus respiciatur: Intelliguntur autem hæc in rege[n]itis, non secundum primitias novitatis; sed secundum reliquias vetustatis: alioqui de illis legimus, quod *non cogitent malum* 1 Cor. XIII. 5. (5) quod multa malitia & figmentum malum esse statuatur, *omni die*. Si omni die, utique & diebus primæ infantie, imo priusquam infantes in lucem prodeant; qui propterea æquè ac adulti, aquis diluvii perimebantur: Supplicium verò prærequirit culpam. Spectat huc additamentum illud כְּנַעַרִי *à pueritiâ suâ*. Nam נַעַר etiam infantem, adhuc à matre rubentem, significat Jud. XIII. 7. Exod. II. 6.

2. ex Rom. V. 12 *Per unum hominem peccatum in hunc mundum intravit, & per peccatum mors, & ita in omnes homines mors pertransit, in quo omnes peccaverunt.* Addatur locus parallelus 1 Cor. XV. 22.

3. Ex locis, in quibus exceptio à Peccato Originali, ad Christum solum restringitur, tanquam ad unicum Sacerdotem peccata nostra expiantem. 2 Cor. V. 21. Hebr VII. 16. In oppositione ad Christum, reliqui sine exceptione omnes, peccatoribus annumerantur Rom. III. 10. XI. 32. Gal. III. 22. Job. XIV. 4. XV. 14. Imprimis conferantur inter se. Rom. V. 15. & Eph. II. 3.

II. Specialiter, ipsam quoque Mariam Deiparam, peccato originali infectam fuisse.

1. Quia secundum naturam propagata est. Unde ad eam non minus, atque ad alios homines rectè applicatur illud Christi Joh. III. 6.

2. Quia actualiter peccavit Luc. II. 43. Joh. II. 3. 4. Luc. II. 20. 21. Agnoscunt hoc nobiscum Augustinus Qu. 73. in V. & N. T. Chrysostomus Homil. 12. in Matth. & in Psalm. 113. Theophylactus in c. 2. Lucæ, & ex Pontificiis, Salmero Tract. 43. Tom. 5. Ab actuali autem peccato, præsupponitur originale, ut illius fons ac scaturigo.

3. Quia mortua est. Mors verò *stipendium peccati* vocatur Rom. VI. 23. usque adeo, ut ne Christus quidem mori potuisset, nisi peccatis alienis onustus fuisset.

4. Quia Christum pro Salvatore suo agnovit. Luc. I. 47. *Sana* verò à peccato, *non opus habuisset medico*, Matth. IX. 12.

5. Quia baptizata est; Christo ipso, ex mente Pontificiorum, ipsi Sacramentum hocce ministrante. Baptismus autem in reliquis hominibus omnibus, exceptò solò Christo, est lavacrum regenerationis, in usum eorum institutum, qui in peccatis generantur, Tit. III. 15. Add. Act. II. 38. XXII. 16. ubi baptismus conferri dicitur, in remissionem peccatorum.

6. Quia preces concepit earumque gratiâ cum Apostolis convenit. Act. I. 14. Non igitur prætermisit quartam petitionem in Oratione Dominicâ. Adjungimus Glossam veterem Juris Canonici, de Consecrat. dist. 3. cap. Pronuntiantum super voce Nativitas: *De Feste Conceptionis nihil dicitur, quia celebrandum non est. Et hec est ratio, quia in peccatis concepta fuit, sicut & ceteri sancti, exceptâ unâ personâ Christi.*

Articulus est 1. Reformatorum, quotquot docent (1) Christianorum infantes à nativitate suâ Ecclesiæ membra esse, cum Zwinglio, contra illud Tertulliani Apol. c. 17. *Fiunt,*

non nascuntur Christiani. (2) Parentes sanctos ex gratiâ, *gignere sanctos ex eâdem gratiâ*, cum Calvinô : contra Joh. I. 13. (3) Liberos fide parentum sanctos esse, contra Hab. II. 4.

2. Ex Pontificiis, Jesuitarum & Franciscanorum, qui pro immaculatâ conceptione Mariæ pugnant atque eò infantiæ somniando procedunt, ut in Legendis suis, Mariam non ex congressu concubinali, sed ex osculo, quod Joachimus Annæ fixerat, natam contendunt. Cæterum in modo defendendi puritatem Deiparæ, Cadmæi illi fratres dissentiunt. Alii enim à debito peccati eam immunem faciunt; alii solummodò ex gratiâ à peccato ipso præservatam esse opinantur. Totam historiam certaminis in compendio exhibet B. D. Calovius Exeg. A. C. Art. 2. c. 2.

3. Aliorum ex Pontificiis, qui præter Mariam, etiam Jeremiam Prophetam & Johannem Baptistam, itemque Melchisedecum, à Peccato Originali immunes pronuntiant. Tritheimius de Alexandro Alensi refert, quod de Bonaventurâ solitus fuerit dicere; *In hoc fratre non videtur Adamus peccasse.*

Thesis V. Peccatum Originale in toto homine, primariò quidem in animâ, secundariò autem etiam in corpore residet; cujus propagatio nec explicari, nec intelligi potest, nisi in generatione utramq. partem essentialem hominis, è parentibus per traducem propagari statuamus.

Ex Deo. 1. A subjecto denominationis, juxta promissum nostrum, ad subjectum inhæsionis progredimur, quod ab Apostolo *Carnis* nomine describitur Rom. VII. 18. ita tamen, ut per Carnem non intelligatur solum corpus, aut tantum sensitivus appetitus; verum totus homo, cum omnibus facultatibus, quatenus ille è carne natus atque nondum regeneratus est. Joh. III. 6.

2. Cum verè duabus partibus essentialibus constet homo,
L 2 animâ

animâ & corpore: illa (πρώτον δεκτικόν) primum subjectum est, non tantum quâ inferiores facultates; sed etiam quâ superiores.

3. Concedimus igitur appetitum posse dici subjectum Peccati Originalis; quamvis inficiemur, hoc ei exclusivè competere.

4. Neque etiam de appetitu quocunque loquimur; sed duntaxat de humano, qui rationis fræno compesci debebat. In Bruta enim peccatum cadere nequit.

5. Secundarium subjectum est Corpus: non mortuum; ut à peccato justificatum; sed vivum: nec quatenus per se spectatur; sed quatenus in communicatione cum animâ est, & partem humanæ naturæ constituit.

6. Siquidem ergo Peccatum Originale se habet ut adjunctum, animæ corporique inhærens, non poterit propagari à parentibus, nisi cum subjecto suo adæquato, scilicet animâ & corpore. Quod agnoscens Augustinus Epist. 27. & 157. ait: *Neque legendo, neque orando, neque ratiocinando inveniri potest, quomodo cum animarum creatione, Peccatum Originis defendatur.* Quod neoterici quidam respondent: *animam corpori vitioso unitam, in illo & per illud inquinari, ut unguentum præsans in impuro vase corrumpitur:* id Lobeckius in A. C. Disp. 3. Th. 39. rectè ἀτοπον καὶ ἀσυλλόγιστον esse pronunciat, quia contra naturam est, rationalem & immortalem spiritum, à mortali & bruto corpore corrumpi & vitari.

7. In Disputatione igitur hac de origine animarum, aliis ad creationem, aliis ad propagationem per traducem inclinantibus, nos posterioribus accedimus: ut tamen non negemus, melius agere eum, qui de liberatione è tanto malo, quàm qui de propagatione ejus sollicitus est, monente Augustino Epist. 28. ad Hieronymum. Largiatur Deus, ut utriusq; debitam rationem habeamus.

8. Observandum verò, quod vox Traducis ad animam relata,

lata, metaphoricè accipiat: cum propriè plantarum fit, quæ hoc modo propagantur.

9. Traductio ista non fit transfusione, h. e. ita, ut tota anima relictis parentibus ad prolem transeat; neq; divisione, h. e. ita, ut particula aliqua ab animâ parentum divellatur, & proli inferatur; sed diffusivâ multiplicatione, h. e. ita, ut nova anima, specie eadem, sed numero diversa, sine jacturâ aut diminutione animæ parentum, proli communicetur, eo fortè modo, quo fax facem incendit.

10. Hinc Tradux ipsa, sub respectu ad Parentes, non est tradux abolitionis, aut sectionis, vel partitionis; sed nudæ deductionis & transplantationis.

11. Similiterque Communicatio illa non fit κατὰ μέλησιν, sive, per transgressionem; sed κατὰ ἀλλοποίησιν, sive per productionem.

12. Anima strictè loquendo non generatur; quamvis mediante generatione propagetur. Nam generatio est totius; non partis.

13. In generatione non producit corpus seorsim, aut anima seorsim; sed anima in & cum corpore.

14. Similiter anima non dicitur esse in semine; etiamsi propagetur seminando.

15. Atque ideo, quicæteroqui Tertullianum quoad sententiam de propagatione animæ per traducem, sequimur; nunc Tertullianum, quoad sententiam (verènè an falsò jam non disquirimus) ei adscriptam, de modo propagationis illiusce, deferimus; siquidem docuit, animas è corpulento semine provenire.

16. Rectiùs anima dicitur feri cum materiâ; quàm educi ex materiâ, hujusdemve potentiâ. Neque enim anima à materiâ dependet in feri; sed materia potiùs ab animâ dependet, tanquam ab actu, cujus est materiam ad perfectionem deducere.

17 Nec Patris solius semen animatum, & ut ita dicamus, animificum est; nec Matris solius: sed Patris & Matris conjunctim, quatenus in actu generationis spectantur, juxta Canonem: *Cause sociæ stant pro unâ.*

18. Nihil impedit, quo minus statim post conceptionem semen humanum dicamus hominem: si non integraliter; saltem essentialiter perfectum.

19. Primam animam à Deo creatam esse, largimur; quaeritur verò de reliquis animabus.

20. Hæ quidem mediatè nunc etiam à Deo sunt Eccles. XII. 7. Zach. XII. 1. Hebr. XII. 9. quod & in Catechesi agnoscimus, profitentes: *Credo, quod Deus creavit me &c. quodq; corpus & animam dedit &c.* non verò immediatè, pro-ut adversarii volunt.

21. Quando Eccles. IV. 2, non nati laudantur præ natis; id non fit ob præsentiam bonorum, quæ illis contingunt, ut existentibus; sed ob absentiam malorum, quæ gaudere concipiuntur, ut non existentes. Unde ex hoc dicto, præ-existentia animarum nequaquam demonstratur.

22. Liberi à parentibus accipiunt, quæ his competunt, ut communi speciei: etsi à parentibus non accipiant, quæ his competunt, ut individuis sub communi specie.

23. Generatio non est *Filiorum Dei*; sed *seculi*. Luc. XX.

34. Hinc peccator generat peccatorem; haudquaquam verò justus justum,

24. Loquimur autem de generatione communi & ordinariâ: non de singulari & extraordinariâ, qualis est Christi, sine peccato nati.

25. Per generationem vulgarem propagatur & natura & culpa: Illa est bona & Dei beneficium; hæc est mala & creaturæ vitium: *Illâ, juxta Augustin. de Gratia & Peccato Originali c. 33. de conditoris largitate sumitur; hæc de originis damnatione attrahitur.*

26. Propterea generatio, quatenus est medium propagandi Peccatum Originale, non spectatur ut actus conjugii divinitus instituti; sed ut actus naturæ: & quidem non naturæ integræ, vel naturæ ut sic, prouti volebant Manichæi; sed naturæ post lapsum corruptæ.

27. Concedimus, quod Parentibus fidelibus, antequam liberos generent, peccatum omne, etiam originale, remittatur; sed quâ reatum; non actum Rom. II X. 1. Unde mirandum non est, si à Parentibus, in quibus *nihil condemnationis est*, per gratiam; nascantur liberi damnationis merito infecti, per naturam.

Psalmis. Probamus I. *Peccatum Originale in toto homine i. e. animâ & corpore & omnibus utriusq. facultatibus ac membris reperiri* I. ex descriptione hominis animalis Paulinâ Rom. III 10—18. ubi corruptio in animâ & corpore esse indicatur. Hinc mentio fit (1) generaliter defectuum ad utramq. partem essentialem pertinentium: *Non est justus v. 11. declinavit, inutilis factus est, non facit bonum. v. 12, infelicitas in viis ejus v. 16.* (2) specialiter (a) Intellectus: *Non est intelligens v. 11. viam pacis non cognovit v. 17.* (β) Voluntatis: *Non requirit Deum v. 11 non est timor Dei ante oculos ejus v. 18.* (γ) Membrorum corporis: *Sepulchrum patens est guttur ejus: lingua dolose agit: venenum aspidis sub labiis ejus v. 13. os maledictione & amaritudine plenum est v. 14. veloces pedes ad effundendum sanguinem v. 15.*

2. Ex aliis Scripturæ dictis Rom. VI 6. VII. 18. 25. Eph. II. 1. 5. 1 Cor. II. 14.

II. *Uttramq. partem essentialem hominis, nempe & animam & corpus è parentibus per traducem propagari* I. ex Gen. I. 28. *Benedixit illis (primis parentibus) Deus & dixit ad eos Deus: Crescite & multiplicare vos & replete terram.* Ubi urgemus I. finem benedictionis, qui erat virtutem tribuere humano generi,

generi, se propagandi, secundum speciem. Nam ante benedictionem istam Deus ipse corpus hominis formaverat, eique animam inspiraverat. Gen. II. 7. à quo imposterum quiescere volebat. (Ibid. 2.) concessâ nimirum per benedictionem tali virtute, quâ in locum & formationis & inspirationis succederet. Hinc argumentamur: (α) Quibus eò fine benedicitur, ut genus suum propagent secundum speciem, illi non tantum propagare se debent quâ corpus, sed etiam quâ animam, utpote nobiliorem speciei partem. Atqui hominibus. Ergo. (β) Quicquid succedit in locum formationis & inspirationis, illud non tantum pertinet ad corpus; verum insuper etiam ad animam. Atqui virtus ex benedictione. Ergo. (γ) Post quod Deus quiescere voluit ab omni opere ordinario, *quod fecit*, illud necesariò propagationem animæ complectitur: cum alioqui Deo, si animas creare debeat, quotidie novum opus esset faciendum. Atqui post benedictionem Gen. II. 2. Ergo. (δ) Quem finem habuit benedictio in cæteris animalibus, eundem finem habuit in humano genere. Atqui in cæteris animalibus hunc finem habuit, ut sese propagarent quâ corpus & animam Gen. I. 22. IIX. 17. Ergo & in hominibus. Alioqui Deus benedicendo minus contulisset in hominem, quàm in cætera animalia, quibus tamen homo ut Dominus præficebatur. II. Vocabulum פָּרַר *Crescite* à Rad. פָּרַר *fructum edidit*, sive *sætificavit*: quod in hominibus notat generationem Exod. I. 7. Gen. XLI. 52. Generatio autem propriè loquendo non est partis, sed totius, nec sine formæ introductione fieri potest, de quo vid. Gregor. Nysenus Lib. *de Opif. hominis* c. 28. Hinc argumentamur: Qui jubentur generare, illi jubentur totum essentiale i. e. materiam & formam propagare. Atqui homines. Ergo III. Repletionem terræ, cujus mentio fit. Neque enim solis inanimatis corporibus replenda erat terra, sed hominibus animâ & corpo-

corpore constantibus, ita ut anima potior pars hominis esset; à quâ in sacris totus homo passim denominatur. Conf. Gen. XLVI. 26. Hinc argumentamur: Qui jubentur generando replere terram, jubentur totum illud propagare, quo repletur terra, nempe naturam animâ & corpore constantem. Atqui homines. Ergò, III. Præceptum multiplicationis, ubi in textu originali extat רבו *multiply vos*; non duntaxat corpora vestra, in oppositione ad animas: Favorabilia enim restringere haud decet. Hinc argumentamur: Qui non corpora duntaxat, sed se, h. e. naturam suam multiplicare jubentur, illorum multiplicatio malè restringitur ad sola corpora, in oppositione ad animas. Atqui homines. Ergo.

2. Addimus alia Scripturæ dicta. Legimus enim Genes. XLVI. 26. *Animas esse egressas de femore Jacobi*. Ps. LI. 17. *Hominem* (non tantum corpus hominis) *de peccaminoso semine concipi*. Rom. V. 12. *Omnes* (scilicet animâ & corpore constantes) *in Adamo peccasse*, & consequenter etiam in eo tanquam peccatore fuisse.

3. Sententiam nostram confirmat productio animæ apud Evam. Gen. II. 21. 22. Hæc enim non immediatè creabatur; sed è costâ Adami animatâ promebatur.

ΑΥΤΙΘΕΤΙΣ est eorum 1. qui Peccatum Originale quomodo-cunque extenuant & naturalia in homine integra mansisse profitentur. Sic Scholastici, qui Peccatum Originale in inferiore tantum animæ facultate, nempe sensitivâ collocandum esse censent; superiores verò animæ vires, nempe intellectum & voluntatem, ab eo immunes pronunciant.

2. Qui creationem animarum defendunt vel (1) simultaneam, ut præextiterint, suo tempore in corpus infundendæ: quæ Origenistarum opinio erat, interpolata, nostris temporibus, à Christophoro Sandio & alio quodam Anonymo, quos in peculiari libello refutavit D. Balthasar Bebelius. (2.) suc-

cessivam, in quâ opinione, præter Pontificios, etiam nonnulli ex nostris hærent, sapius repulsi. Autores veteres, qui Traducem defenderunt, collegit & exhibuit Andreas Senertus, Prof. Wittebergensis, (Hospes quondam atque hinc etiam Brabeutes meus, post vata devenerandus, à quo Magister Philosophiæ 25. Novembris MDCLXVII. renunciabar) in libello quem inscripsit: *Assensus de Traduce.*

Thesis VI. Peccatum Originale, etiam post Baptismum, ad mortem usque remanet, regentisq. negotium faciescit.

ἀν. 9. εἰς. 1. Distingvimus inter hominem regentum & ir-regentum. De regenito jam quæritur: Nam quod irrogenitus Peccato Originali infectus sit, ex antecedentibus constat.

2. Aliud est loqui de Peccati Originalis existentia; aliud de reatu. Hic per Baptismum aboletur; non illa.

3. Idem indicatur in isto Augustini: *Peccatum in Baptismo remittitur, non ut non sit; sed ut non imputetur.*

4. Inde peccata actualia fluunt, quorum respectu Peccatum Originale dicitur esse colluvies omnium peccatorum: si non formaliter; saltem causaliter.

5. Neque aliâ ex ratione Peccatum Originale statuitur actuosissimum: videlicet non immediatè; sed mediantibus peccatis actualibus.

6. Regeniti acceperunt primitias novitatis, per spiritualem regenerationem; sed præter eas adhuc in illis supersunt reliquæ vetustatis, propter carnalem generationem. Unde in Scriptura mentio fit carnis & spiritus, veteris & novi hominis. &c.

7. Tritum quoque est, quod in Peccato, quando de duratione ejus quæritur, spectanda sint quatuor, nimirum Reatus, Dominium, Fomes seu Radix & Sensus. Reatus quidem, ut diximus, tollitur in regeneratione; Dominium

verò

verè in renovatione; Sensus denique ac Fomes in ipsâ animâ à corpore solutione, vel morte.

Βεβαιωσις. Probatur 1. ex Rom. VII. 14–25. *Ego carnalis sum* &c. usque *carne autem legi peccati*. In his verbis Paulus, jam regeneritus, conqueritur de reliquiis Peccati Originalis. Quod verò non alterius, sed suomet nomine ista proferat, patet ex toties repetitis pronominebus (1) *Ego*, quod omitti potuisset v. 14. 20. 24. 25. (2) in carne *meâ* v. 18. (3) habitat in *me* peccatum v. 20. (4) malum *mihi* adjacet v. 21. (5) video aliam legem in membris *meis*, rebellantem legi mentis *meæ*, v. 23.

2. ex absurdo, quo Antithesis premitur. Si enim per Baptismum tolleretur ipsum Peccatum Originale, sequeretur Baptizatum non solum absque peccato, sed etiam impeccabilem fore: Nam obstructâ scaturigine tollerentur rivi: succisâ radice tollerentur rami: sublata causâ, tolleretur effectus.

Αντιθεσις est 1. Pontificiorum, à quibus Lutherus propter Thesin hanc vapulabat. Conf. Apolog. p. 91. (56.)

2. Pietistarum, qui, tametsi directè Thesin principalem non oppugnent, indirectè tamen & per cuniculos eam adoriuntur, statuentes, hominem in hac vitâ ejusmodi statum obtinere posse, in quo extra sensibilem luctam adversus peccata constitutus, cum Christo, ut victor & triumphator, regnet. Vid. Supplement. Synopses Art. 13. Th. 1. lit. 5.

Theſis VII. *Vera cognitio Peccati Originalis necessaria est.*

Ενδειξις 1. Distingvimus inter Theologiam medicinalem & paradisiacam. In illâ Peccatum Originale peculiarem articulum constituit; non in hac, quæ nec de morbis spiritualibus, nec de medicinâ adversus morbos illos, quicquam tradidisset.

2. Cognitio autem de peccato originali vel ex libro Naturæ, vel ex libro Scripturæ petitur. Ille quoad hunc articulum, si non falsa, saltem imperfecta Rom. VII. 7. hic vera & quantum nobis sufficit, perfecta suggerit.

3. Necessaria dicitur hæc cognitio: non propter peccatum; sed propter peccati remedium: quia *non potest intelligi magnitudo gratiæ Christi, nisi morbis nostris cognitis*. Apol. p. 90. 96. (56. 59.)

βεβαιωσις. Probatur ex Hebr. VI. 1. ubi qui de pœnitentiâ ab operibus mortuis docet, *fundamentum jacere dicitur*. Pœnitentia autem ab operibus mortuis doceri non potest, nisi quæ sint opera mortua & unde proveniant, doceatur. Hinc ita colligimus: Quicquid est radix mortuorum operum, illius cognitio necessaria est, fundamentum de pœnitentiâ ab operibus mortuis jacenti. Atqui Peccatum Originale. Ergo. Spectat huc illud Augustini l. 1. contra Julian. c. 2. *Omnes homines primorum illorum hominum peccato nascuntur obnoxii. Hoc qui negat, ipsa Christiane fidei subvertere fundamenta conatur*. Et, L. 4. ad Bonifac. contra duas Pelag. Epist. c. 8. *Absit, ut aliquando fides Catholica dubitaverit, utrum nascentes traherent originale peccatum, quod renascendo diluerent*.

Αντισέως est Pelagianorum & qui Pelagianos secuti sunt, Syncretistarum: utrique enim controversias de Peccato Originali rem quæstionis esse, non fidei, existimant. Conf. Calixt. Episcr. ad Colloqv. Thorun. præsertim Th. 27. 30.

III. VINDICATIO.

Accusamur

I. Quod in Ecclesiâ Evangelicâ, circa doctrinam de Peccato Originali, dissentiamus, ex quo Flacius Peccatum Originale pro substantiâ habuit. Resp. Evangelicis imputari non posse, quæ Flacius ab Evangelicis recedens & ab iis rejectus, tua esse voluit. 1. Joh. II. 19. Quod enim Flaciana hac in parte

commu-

communi Evangelicorum calculo improbentur, constat ex Form. Concord. p. 810. 898. (573. sq. 639. sq.)

II. Quod Architectus confessionis nostræ Melanchton sibi in articulo hoc non constiterit, dum in posteriori editione solos Pelagianos damnaverit; cum in priori alios etiam ferisset: ex quo elicitur, Evangelicos à Confessione suâ recessisse. Sic Andr. Fabric. Harm. f. 17. Resp. Melanchtonem non rectè haberi pro Architecto Confessionis nostræ, quatenus Confessio est; de quo vid. superius Proleg. n. 13. p. 8. Neq; factum illius, utpote privati hominis, quicquam ei derogat, quod communi calculo receptum probatumque est. Conf. denuò Prolegom. p. 9.

III. Quod in hoc Articulo ab Aug. Conf. defecerimus: quia A. C. Baptismi necessitatem adstruit, statuendo, *Peccatum Originale asserre iis aternam mortem, qui non renascuntur per Baptismum*; cum è contrario Ægidius Hunnius, in Colloquio Ratisponensi, alique Doctores Ecclesiæ nostræ, infantes sine Baptismo decedentes, damnare non audeant. Ita in *Antiaugustanâ Confessione Episcopi Kolonisch* Resp. Augustanam Confessionem propugnare Baptismi necessitatem, ex parte hominum, ad medii divinitus ordinati usurpationem obligatorum: Hunnium verò & alios disputare contra Baptismi necessitatem ex parte Dei, in extraordinariâ gratiæ dispensatione, nullis mediis alligati Vid. D. Alberti *Refutat. Antiaugustanæ Conf. qv. 3. p. 108.* Add. quæ superius docuimus Th. 3. p. 74.

IV. Quod in Apologiâ injuriam faciamus Scholasticis, tales de viribus liberi arbitrii sententias iis affingendo, de quibus nunquam cogitaverint. Sic enim conqueruntur Fabricius in Harm. f. 15. & Bellarminus *L. s. de Amisſ. gratiæ & statu peccati c. 6.* Resp. Sententias illas reperiri apud Durandum, Bielem, Cajetanum &c. adeò ut ipse Bellarminus *L. s. de Gratiâ &*

Lib. Arb. c. 13. §. Tertius error: fateatur Scholasticos quosdam scripsisse, hominem ex parvis naturalibus posse Deum diligere super omnia. Vid. plura in Carpzovii Isagoge ad Libros Symbolicos p. m. 157.

V. Quod Augustino per calumniam in Apologiâ tribuatur, quasi senserit, *peccatum in Baptismo remitti, non ut non sit, sed ut non imputetur.* Objectio hæc proposita est in Colloq. Wormatiensi anno 1540. & repetita deinde à Bellarmino *L. 5. de Amis. gratia c. 6. & L. de Baptism. c. 13.* Resp. verba allegata expresse in Augustino reperiri, *L. 1. de Nupt. & Concupisc. c. 25. T. 7.* Quà sensum eadem repetuntur *c. 26. ejusd. Libri.*

ARTICULUS III.

DE FILIO DEI.

I. EXPLICATIO.

Postquam de Peccato, ut morbo, actum est, jam Christus tanquam medicus nobis proponitur, ut, quæ Lobeckii verba sunt in A. C. Disp. IV. th. 1. *eum desideremus, desiderando queramus, querendo inveniamus, inveniendò amemus, amatum retineamus.*

In Articulo hocce Melanchthon nonnulla tum addidit, tum ademit. Ademit quidem, post verba illa, *missio in corda eorum Spiritu S. quæ porro sequuntur, nempe, qui regat, consoletur ac vivificet eos ac defendat, adversus Diabolum & vim peccati.* Eorum verò in locum substituit: *& sanctificatis det vitam æternam.* Deinde & post ista: *ut judicet vivos & mortuos: addidit: resuscitatos.* Hæc tametsi Orthodoxiæ non derogent, heterodoxis tamen calumniandi nostrisq; inconstantiam obijciendi ansam præbuerunt.

Cæte-

Cæterum in Confessione invariata, de Jesu Christo ita agitur, ut p. 13. (10) describantur ejus

I. Persona,

1. tanquam simplex ante incarnationem, quando tantum erat *Verbum*, h. e. *Filius Dei*. Verbum verò intelligitur, juxta Fulgentium serm. de Nativitate: *non quod desinit prolatum; sed quod permanet natum: non transitorium; sed aeternum: non factum à Deo Patre; sed genitum: nec solum genitum; sed & unigenitum.*

2. tanquam composita, post incarnationem, quando *assumpsit humanam naturam, in utero B. Mariae Virginis*. Tum igitur Verbum carni unitum est, cujus Unionis observentur.

α Extrema, quæ sunt *duæ naturæ, divina & humana.*

β Fundamentum, quod est actualis unio, à quâ naturæ dicuntur *conjunctæ.*

γ Modus unicâ voculâ denotatus, quando naturæ traduntur esse conjunctæ *inseparabiliter*, videlicet juxta Canonem: *Quod verbum semel* (personaliter) *assumpsit, nunquam deponit.*

δ Terminus, qui est una numero persona. Hinc legimus, naturas conjunctas esse *in unitate persone*, ipsæque Unio hæc vocatur personalis, inferens scilicet (1) præsentiam naturarum artissimam, mutuam & inconfusam (2) *ἁπλοῦς* live immeationem earundem profundissimam. (3) communicationem veram & realem naturarum ac hypostaseos.

ε Consequens, quod innuitur, mentione factâ *unius Christi, verè Dei & verè hominis*. Quâ occasione deflectendum esset ad communicationem Idiomatum, nisi de hac æquè ac de plerisque aliis, ad in-

tellis

telligendam plenius unionem personalem facientibus, perspicuè disereretur in Formulâ Concordiæ Art. 8. p. 854. (605) sqq. itemque p. 1054. (701) sqq.

II. Status distincti,

I. Exinanitionis, in quo Christus consideratur, ut

α *Natus ex Mariâ Virgine*, de quo vid. Qu. 2.

β *Verè passus*, adeoque non tantum putativè, κατὰ δόκησιν καὶ φαντασίαν, uti olim Marcionitæ & Manichæi delirabant. Passionis verò nomine complectimur omnes misérias, quas Christus, à primo conceptionis momento, usque ad mortem sustinuit, interque eas etiam infirmitates naturales, quas Græci πάθη φυσικά καὶ ἀδιάβλητα vocant. Imprimis tamen huc referuntur passiones, quæ mortem proximè antecesserunt, & κατ' ἐξοχὴν passiones appellantur. Distingvi autem possunt in internas, quales sunt tristitia, angor animi, lucta cum tentatione &c. ac externas, quales sunt ludibria, calumniæ, convitia, irrisio, proditio, verbera, vulnera, condemnatio injusta, potus ingrati porrectio &c.

γ *Crucifixus*, juxta typum serpentis ænei. Joh. III.

14. nec non sacrificiorum in altum sublatorum, priusquam super ligno comburerentur. Ideo autem manibus expansis pependit, ut Judæos ac Gentiles accurrentes amplecteretur. Joh. XII. 32.

δ *Mortuus*, ubi anima quidem sejungebatur à corpore; sed nec anima, nec corpus, sejungebatur à Deitate, in cujus hypostasi utraque humanæ naturæ pars, etiam post mortem totius, remansit.

ε *Sepultus*, propter typum Jonæ Matth. XII. 39. & 40. itemq; ut se verè mortuum ostenderet, sepulchraq; nostra sanctificaret.

2. Ex-

2. Exaltationis, ubi

(a) *Descendit ad inferos*, de quo vid. Form. Concord. p. 864. 1088. (613. 788.)

(β) *Verè resurrexit tertiâ die*, & quidem virtute propria, de quo in Thesi 5.

(γ) *Ascendit ad cælos*, de quo in Thesi 6.

(δ) *Sedet ad dextram Patris*, de quo in Thesi 7.

(ε) *Palam rediturus est, ut judicet vivos & mortuos*, de quo vid. in Aug. Conf. Art. 17.

RESPOND.

ÆGI-

DIO

GLA-

GAU,

Gedan.

[III. Officium, quod uti triplex est, nempe Propheticum, Sacerdotale & Regium, ita hic omisso Prophetico officio, tantum proponitur

[1. Sacerdotale, quando Christus statuitur

(α) *reconciliasse nobis Patrem.*

(β) *hostia fuisse non tantum pro culpâ originis; sed etiam pro omnibus actualibus hominum peccatis*, de quo in Thesi 3. & 4.

[2. Regium, quando Christus memoratur

(α) *perpetuò regnare & dominari omnibus creaturis.*

(β) *sanctificare credentes in ipsum, misso in corda eorum Spiritu S. regente, consolante ac vivificante eos.*

(γ) *defendere adversus Diabolum & vim peccati.* Hæc enim verba denuò ad Christum referenda sunt; quemadmodum proximè antecedentia, quasi parenthesi inclusa, ad Spiritum S. pertinebant.

IN APOLOGIA

Afferitur, quod totum hunc Articulum Adversarii probaverint p. 97. (59) Quâ de causâ nec Antithesis adjecta est; cum securos se crederent nostri ab omni hæreseos suspicione.

II. DEMONSTRATIO.

Thesis I. *Jesus Christus, ut Filius Dei, ex essentiâ Patris ab aeterno genitus, verè Deus est.*

Eκθισ. I. Cum JESUS CHRISTUS Filius DEI dicitur, non intelligimus Filium quomodocunq; acquisitum; sed genitum: non per adoptionem; sed naturâ talem, qui nimirum dici possit (*ιδιὸς υἱὸς*) *proprius Filius* Rom. II. 9. 32.

2. Idèd rectè Filius appellatur naturalis, non sub respectu ad modum generandi, quasi secundum leges & consuetudinem naturæ natus sit; verùm sub respectu ad principium generationis, quia ex naturâ Dei natus est.

3. Præterea circa Filiationem, distinguendum inter principium cognoscendi, sive medium manifestationis; & inter principium essendi, sive fundamentum relationis. Illud est multiplex e. gr. missio in tempore. Joh. X. 36. resuscitatio à mortuis. Rom. I. 4. collocatio ad dextram. Hebr. I. 3. Hoc non nisi unicum, videlicet generatio.

4. Non autem intelligimus generationem physicam, quæ essentiæ multiplicationem infert; sed hyperphysicam, quæ ineffabilem essentiæ, numero ejusdem, communicationem notat: quoad totam quidem essentiâ; sed non quoad totum essentiæ.

5. Generavit Pater Filium volens h. e. non coactus: nequaquam verò, quia voluit, vel quando voluit: Sic enim generatio nec voluntatis est, nec necessitatis; sed naturæ. Actus voluntatis est cum generatione; non ante generationem, tanquam actionis hujusce principium.

6. Nec generatio hæc dependentiam strictè sic dictam infert: cum & Deus genitus sit *αὐτὸθεός*, respectu essentiæ, etiamsi ab alio sit, ratione personalitatis.

7. Ex essentiâ suâ genuit Pater: non hanc alienando, aut dividendo; sed totam communicando. Patris enim essentia, sub respectu ad Filium, non habuit rationem materiæ; sed principii producentis.

8. Inde communicatio essentiæ ad Filium, respectu Patris negatur esse abdicativa; statuitur verò esse cumulativa. Ita enim communicavit, ut & ipse retineret, quod communicavit.

9. Quæri solet, an ipsa essentia in divinis generet? Respondemus: Essentiam sumi dupliciter, vel absolute, prouti tribus personis communis est; quo sensu negamus essentiam generare: vel relative, prouti sub certo subsistendi modo Patri appropriatur; quo sensu concedimus essentiam generare, quatenus scilicet essentia, quæ in Patre est sine generatione, opponitur essentiæ numero eidem, quæ in Filio est, per generationem.

10. Sic essentia generat & generatur: non per sui multiplicationem; neque per personarum confusionem; sed per prædicatorum inter conceptum subalternantem & subalternatum communicationem: unde fit, ut quicquid prædicatur de Personis, etiam suo modo prædicetur de Essentiâ.

11. Quando Generatio ab æterno facta dicitur, vox æternitatis, juxta strictissimam acceptionem, notat durationem simpliciter indefectibilem. Non obstat locus Prov. IIX. 22. quippe in quo Sapientia Dei ab æterno *possessa* legitur; nequaquam verò creata. Nam ab æterno creari, implicat. In originali textu habetur verbum קנה *Possedit*; quod non animadvertens Arius & à versione, aut rectius perversione deceptus, teste Epiphanio, hinc primam erroris sui occasionem decerpit.

12. Sic & Filius, qui genitus dicitur, ad designandam geniti perfectionem; nihilominus semper gigni statuendus est, ad denotandam actûs istius æternitatem, in quo nihil in-

cipit, nihil definit, nisi quâ nostrum concipiendi modum.

13. Cum Filius verè Deus esse traditur; hâc ratione à Deo improprie sic dicto distingvitur, cui scilicet solum nomen competit, non ipsa veritas rei e. gr. à Magistratu, Angelis &c. itemque à Deo, cui ejusmodi prædicata adjiciuntur, quæ Deitatis veritatem tollunt; ut si perhibeatur esse Deus *factus, inferior, ex gratiâ, per exaltationem* &c.

14. Nec quicquam proterea Thesi nostræ decedit, quod Pater *SOLUS* dicitur esse Deus Joh. XVII. 3, Tum enim non excluduntur personæ reliquæ ejusdem essentia; sed duntaxat creaturæ, quæ sunt extra eandem essentiam: Quia exclusiva non tangit, quæ sub communi prædicato continentur; verum extranea.

15. In loco Matth. XIX. 17. Christus non se negat esse bonum absolutè, seu quoad suam essentiam; sed tantum relativè, seu quoad aliorum de ipso opinionem, quod nimirum, si merus homo foret, qualis ab interrogante esse credebatur, bonus non foret. Sensus igitur verborum est: Aut me bonum non voca; aut Θεάνθρωπον agnosce.

Βεβαίως Probamus I. *Jesum Christum esse verum Deum*,
1. ex Joh. I. 1, 2, 3. ubi Spiritus S. de Jesu Christo, tanquam verbo ὑποστατικῶ sequentia testatur (1) ἐν ἀρχῇ ἦν ὁ λόγος. *In principio erat Verbum.* Principium verò intelligit rerum omnium, à Deo creatarum: Nam initium hujus Evangelii respondet initio Geneseos; quare & vox principii absolutè ponitur, quemadmodum in loco parallelo Prov. IIX. 22. Si igitur in isto rerum omnium principio jam erat Verbum, sequitur quod non sit creatum; sed æternum: quia ante principium rerum omnium mera fuit æternitas Ab æternitate autem argumentamur ad Deitatem. (2) Θεὸς ἦν λόγος. *Deus erat Verbum.* Hujus enunciationis extrema sunt

sunt transposita: Subiectum enim est ὁ λόγος, quod articulus indicat, uti in illo Joh. IV. 24. πνεῦμα ὁ Θεός. Prædicatum est Θεός, quâ voce verum Deum indicari, ex contextu totius capitis liquet, in quo vox eadem multoties ita sumpta repetitur, ut v. 3, 12, 13, 14, 18. Quod verò idem λόγος, qui Deus fuisse statuitur, nihilominus ibi duabus vicibus legitur fuisse apud Deum; hoc ipso manifestè, unitas essentiae & diversitas personæ indicatur. Nam λόγος erat Deus, essentialiter accepto Dei vocabulo; quâ ratione cum Patre idem est: Erat tamen etiam apud Deum, personaliter accepto vocabulo, quatenus Deum Patrem, tanquam fontem totius divinitatis significat; sic enim λόγος est distinctus à Patre. (3) πάντα δι' αὐτοῦ ἐγένετο, καὶ χωρὶς αὐτοῦ ἐγένετο οὐδὲ ἓν, ὃ γέγονεν. *Omnia per ipsum facta sunt, & sine eo non factum est quicquam, quod factum est.* Hic Scriptura, ut omnem exceptionem removeret, id quod initio simpliciter affirmaverat, mox oppositi negatione fortiùs confirmat, uti Esaïa XXXIIX 1. XXXIX. 4. Fieri autem nunc est creari, prout patet ex locis parallelis Eph. III. 9. Col. I. 16. Ne quis colligat, Filium non nisi instrumentum creationis fuisse, quia PER eum omnia leguntur facta; sciendum, quod eadem propositio etià etiam de Patre creatore adhibeatur. Heb. II. 10. Hinc Filium non esse creaturam demonstramus: Nam sine quo nihil factum est, quod factum est, ille non ipse factus est, & consequenter nec creatura est: alioqui factus esset per se ipsum; quod absurdum: cum nihil causa sui ipsius esse queat. Si autem Filius creatura non est; necessariò Deus est.

2. ex aliis Scripturæ dictis. Psal. XLV. 8. Joh. XX. 28. Rom. IX. 5. 1. Joh. V. 20.

II. Jesum Christum ex essentiâ Dei Patris esse genitum. 1. ex Joh. I. 14. ubi gloria Verbi, quod Deus est, visâ esse legitur ὡς μονογενὴς ὢν πατὸς quasi unigeniti à Patre, vel ut

pote unigeniti. Nam particula *ὅς* impræsentiarum non indicat nudam similitudinem; sed veritatem & certitudinem, uti Eph. V. 8. Conf. Num. XI. 1. Nehem. VII. 2. Job. XXIV. 14. Hinc alibi à nostro Evangelistâ expresse *μονογενής* vocatur Joh. I. 18. III. 16, 18. 1 Joh. IV. 9 in quibus omnibus ad generationem ex essentiâ Patris respici, patet; quia aliàs Filii adoptivi plures sunt Job. XXXIIX. 7. Joh. I. 12.

2. Ex aliis Scripturæ dictis Ps. II. 7. Hebr. I. 5. V. 5.

III. *Jesum Christum ab æterno esse genitum*, ex Mich. V. 2. ubi *egressus ejus ab initio & à diebus æternitatis* fuisse legitur.

Αρτιθεσις est I. Antitrinitariorum, cùm veterum, tùm recentium, de quibus vid. Art. I. Th. 13. p. 50. Observandum, quòd ex antiquis hæreticis Arius docuerit, Christum extitisse ante omnes creaturas reliquas; Photinus verò, eum primò existentiam accepisse in Matre. Illum hodie sequuntur nonnulli ex Quackeris, de quibus vid. Quacker. Confut. Art. 3. Hypoth. 8. p. 334. & Art. 4. Hypoth. 8. p. 366. Hunc autem Sociniani.

2. Quackerorum promiscuè omnium, qui cum per Jesum Christum intelligant Lumen omnibus hominibus congenitum, salvâ hâc hypothese credere nequeunt, Jesum Christum ex essentiâ Patris, ut Filium, ab æterno esse genitum. Dolendum in abominandâ hâc hypothese Hyperpietistas cum Quackeris convenire, de quibus vid. Wigandiana nostra p. 33. sq.

3. Hermannii Alexandri, Röel D. & Prof. Franequerani, qui generationis veritatem in divinis anno 1689. impugnavit, statuens: *Vocibus Filii & generationis, significari in emphasi, quod secunda persona habeat eandem cum primâ essentiam & naturam illig, ab æterno coëxistens.* Refutatus autem est à Campegio Vitringâ.

Thesis II. *Jesus Christus, in utero Mariæ Virginis, ex substantiâ matris suæ, assumpsit humanam naturam, veram atq; perfectam, quæ divinæ naturæ personali-
ter unita est.*

Inscos. I. Divinitas & Humanitas non contradistinguntur sibi invicem contrariè; sed disparatè, ut aded hæc ab illâ assumi potuerit: Id quod tantò justius creditur, quantò longiùs potentia Dei humanum captum excedit. Eph. III. 20.

2 Christus igitur, uti & verus Deus & verus Homo est; ita nec merus Deus, nec merus Homo est, sed Θεὸς ὁμοῦ καὶ ἄνθρωπος. Hinc quæ de Christo dicuntur secundum alterutram naturam, malè adhibentur ad evertendam alteram naturam.

3. Assumptio illa humanæ naturæ aliàs dicitur Incarnatio; quæ ut opus ad extra, omnibus S.S. Trinitatis personis, diverso tamen respectu, tribuitur. Nam Patri & Spiritui S. competit inchoativè: illi propter missionem Filii; huic propter fœcundationem Virginis Matris: Filio autem terminativè, propter ipsam carnis in unitatem personæ apprehensionem. Idem indicatur in illo Augustini: *Filius suscepit carnem in proprietate; sed tamen & Pater & Spiritus S. non defuit majestate.*

4. Ita sola persona Filii dicitur esse incarnata: nimirum in oppositione ad Personam Patris & Spiritus S.; nequaquam verò in oppositione ad naturam Filii. Nam & natura divina rectè statuitur incarnata esse: non juxta considerationem absolutam, prouti omnibus personis communis est; sed juxta considerationem limitatam, prouti in certo (ὡρισμένως ὑπόστασις) subsistendi modo ad personam secundam restricto, spectatur. Huc pertinent illa Concilii Toletani: *Solus Filius suscepit humanitatem, in singularitatem personæ; non in unitatem divinæ naturæ*, h. e. in eo, quod proprium est Filii; non quod commune est Trinitatis.

5. Cum

5. Cum tota Deitas sit in qualibet personâ, sequitur unâ personâ incarnatâ, incarnari totam Deitatem; sed respectu illius personæ. Quod Thomas Part. III. qu. 3. art. 4. hunc in modum declaravit: *Tota natura divina dicitur incarnata: non quia sit incarnata in omnibus personis; sed quia nihil de perfectione nature divina deest persone incarnate.*

6. Humana natura trifariam consideratur (1) in statu ideali, seu $\psi\lambda\eta\ \theta\epsilon\omega\rho\epsilon\acute{\iota}\alpha$, prouti ab omnibus individuis præscindit & in solo animo contemplante reperitur. (2) in statu universali, seu $\epsilon\upsilon\ \tau\omega\ \epsilon\acute{\iota}\delta\epsilon\iota$, prouti in omnibus individuis conjunctim sumtis spectatur: (3) in statu fundamentalis, seu $\epsilon\upsilon\ \alpha\lambda\omicron\mu\omega$, prouti in uno tantum individuo est. Atque hoc ultimo sensu $\Lambda\omicron\gamma\textcircled{\text{S}}$ humanam naturam assumisse dicitur.

7. Veram appellamus naturam humanam, in oppositione ad naturam imaginariam & phantasticam.

8. Perfecta dicitur, propter præsentiam partium; cum essentialium, tum integralium. Quod autem natura humana in Christo, propriâ personalitate destituebatur, non infert defectum rei ad perfectionem humanæ naturæ pertinentis; quia participatione eminentioris personalitatis compensatur: propter quam non quidem $\alpha\upsilon\tau\omicron\upsilon\pi\acute{o}\tau\epsilon\alpha\lambda\textcircled{\text{S}}$, neque tamen etiam $\alpha\upsilon\tau\omicron\upsilon\pi\acute{o}\tau\epsilon\alpha\lambda\textcircled{\text{S}}$; sed $\epsilon\upsilon\upsilon\pi\acute{o}\tau\epsilon\alpha\lambda\textcircled{\text{S}}$ dicitur.

9. Eadem natura Christi humana nobis est $\acute{o}\mu\omicron\iota\omicron\sigma\textcircled{\text{S}}$: quamvis formatio illius facta sit miraculosè, juxta hymnum Ecclesiasticum: *Non ex virili semine, sed mystico spiramine, Verbum Dei facta est Caro, Fructusq; ventris floruit.*

10. In utero Mariæ, à Christo assumebatur humana natura: non propter Virginis dignitatem, atque meritum; sed propter Dei erga Virginem gratiam atque beneficium. Lucæ I, 30.

11. Neque tantum in Mariâ, verum etiam ex Mariâ h. e. ex substantiâ ejus, assumptio ista contigit: ita tamen ut

Spiri-

Spiritus S. massam sanguineam, ex qua corpus Christi originem traxit, prius à peccati originalis contagio liberaverit; de quo vid. Art. 2. Th. 4. p. 77. lqq.

12. Unio inter naturas in Christo, non terminatur ad unam naturam; sed ad unam personam, quæ à duabus naturis denominatur.

13. Persona igitur Filii Dei, quæ ante incarnationem fuit ἀνολογησάτη & simplex; per incarnationem facta est συνθετός seu composita: non quidem compositione vulgari, ex partibus strictè sic dictis: quippe quæ semper sunt entia incompleta: sed tamen compositione singulari, ex extremis, quorum alterum ante compositionem in subsistendo erat completum, nempe natura divina; alterum verò incompletum, nempe natura humana.

14. Interim propter hanc compositionem, non statuitur mutabilitas esse in Deo; sed tantum in modo subsistendi, qui secundæ personæ in Deitate competit. Ubi hypostasis, quæ ante incarnationem fuit unius naturæ; per incarnationem facta est duarum naturarum: ita, ut hypostasis numero una eademque divinæ naturæ competat essentialiter & per se; humanæ autem personaliter & per unionis gratiam.

Βεβαίως. Probatur ex Luc. I. 26. seqq. 1. quod Iesus Christus ex substantiâ Matris suæ assumeret humanam naturam. Nam (1) *conceptus est in utero ejus* v. 31. Conceptio autem fit ex substantiâ Matris (2) *natus* dicitur, non tantum per Mariam; sed & *ex Maria* v. 35. (γεννώμενον ἐκ σῆς) Add. Matth. I. 20. Gal IV. 4. (3) *Filius* vocatur & quidem propriè dictus, utpote propter partum v. 31 Hinc & eâdem de causâ Maria salutatur *Mater ejus* v. 43. Filius autem naturam suam ex substantiâ Matris accipit. (4) *est fructus ventris Mariæ*, v. 42. Fructus verò ex substantiâ ejus pullulat, cujus est fructus. Conf. Gen. III. 15. (5) *Davidem agnoscit Pa-*

trem v. 32. nimirum mediante Mariâ Matre, quæ *de domo Davidis* erat v. 27. (6) non minùs verè ex Mariâ, ac Johannes ex Elifabethâ, conceptus ac natus est v. 36.

2. quod JESUS Christus Virginem habuerit Matrem. Nam (1) Maria expresse *Virgo* vocatur v. 27. (2) ipsa coram Angelo, *quod virum non cognoverit*, gloriatur v. 34. (3) ideo miraculosâ *superventione Spiritus S.* opus erat, ut conceptio, quæ aliàs è Virgine fieri nequivisset, perageretur v. 34, 35.

3. quod in JESU Christo divina natura humanæ personæ unita sit. Nam una eademque persona, proprio nomine *JESU* denotata v. 31. describitur à duabus naturis (1) *Divinâ*, à quâ dicitur (α) *Filius altissimi* v. 32. (β) *Virtus altissimi, obumbrans Mariam* v. 35. (γ) *Filius Dei* v. 35. (δ) *Dominus Elifabethæ*, v. 43. (2) *Humanâ*, cujus idiomata sunt (α) *concipi*, v. 31. (β) *nasci*, v. 31, 35. (γ) *Patrem Davidem* habere. v. 32.

Aviðsonis est eorum 1. qui Christum, carnem suam è cœlo attulisse & per Mariam, veluti canalem transiisse, fingunt, ut ex veteribus Valentiniani & Marcionitæ, ex recentioribus Schwenckfeldiani, Anabaptistæ, Weigeliani &c.

2. qui in Christo non agnoscunt vel mentem humanam, cum Apollinaristis; vel voluntatem humanam à divinâ distinctam, cum Monotheletis; vel corpus verum phantastico oppositum, cum Marcionitis & Quackeris. De postremis vid. Quack. Confut. Art. 4. Hypoth. 10. p. 368.

3. qui Christi Matrem negant fuisse Virginem, ut Judæi, quorum blasphemias D. Augustus Pfeifferus pridem in peculiari Disputatione *de Obrectore Apellâ*, summariè comprehensas, exhibuit.

4. qui unionem personalem duarum naturarum in Christo impugnant, ut Sociniani, Mennonistæ, Quackeri. De his vid. Quacker. Confut. Art. 4. Hypoth. 11. p. 370.

5. qui

5. qui Christum non in utero; sed in corde Mariæ conceptum esse somniârunt, ut Monachus quidam Franciscanus anno 1431. Thorunii fecit, refutatus à Monacho Dominicano, ex quo lites inter utrumque Ordinem exarsêrunt, teste Hartknochio Hist. Eccles. Borusf. L. I. c. 5. §. 4. p. 241. Similia tradidit Ptolomæus Lucensis, anno 1505. cui contradic-
tum est à Mantuano.

6. qui Christum verè & propriè loquendo etiamnum ita in nobis concipi, formari ac nasci contendunt, ut caro de carne ejus fiamus. Sic Pietistæ, quorum verba exhibentur in Supplemento Synopsæ nostræ Art. 7. Th. 1. Figmentum hoc conceptionis, formationis ac nativitatis in aliis hominibus, derogat conceptioni, formationi ac nativitati ex Matre sanctissimâ, de quâ nunc egimus.

Theſis III. *Jeſus Chriſtus, pro hominibus ſolis atque omnibus in mundum venit, ut eos Deo reconciliaret.*

ἐκ θεοῦ 1. In hac Theſi de cauſâ finali incarnationis Chriſti agitur, ubi ſtatuiſmus Finem *cui*, eſſe homines; Finem verò *ejus* eſſe reconciliationem cum Deo.

2. Venit igitur Chriſtus propter homines & quidem ſolos atque omnes. Homines autem intelligimus alios, ſeu diverſos à Chriſto: quippe, qui propter ſe non eſt incarnatus; ſed propter nos: Quemadmodum & obedientia Patri præſtita, non reſultavit ex præſtantis debito; ſed ex ſuſcepto pro aliis vadimonio.

3. Neque meruit ſibi quicquam Chriſtus: Tametiſi enim Exinatio antecesſerit Exaltationem Luc. XXIV. 26. non tamen fuit cauſa Exaltationis. Conf. 1. Tim. III. 16. Haud obſtant particulæ (*διὸ*) IDEO Phil. II, 8, 9. & (*διὰ*) PROPTER Hebr. II. 9. Namque hæc alihi etiam conſequens non-cauſale notant, ut Act. XIII. 35. Hebr. XIII. 12.

4. Cum SOLOS homines dicimus, eo ipso excluduntur Angeli; qui sicuti sub Christo sunt, ut capite Eph. I. 6. ita Christo non nituntur, ut mediatore.

5. Conservantur quidem Angeli à Christo, per concursum generalem Providentiæ; nequaquam verò per concursum specialem mediatorii officii. De hoc enim Scriptura fileat, quâ tacente, in tanto mysterio, etiam nobis tacendum est.

6. In locis Col. I. 2. Eph. I. 10. per eos, *qui in cælis sunt*, non intelliguntur Angeli; sed Ecclesia triumphans.

7. Cum OMNES homines dicimus, hoc ipso indicamus, neminem excludi. Venit enim Christus propter eos, qui cum veniret, erant, quique fuerant & qui futuri erant. Ubi de iis, qui fuerant, notetur Canon: *Meritum Christi profuit, antequam fuit*. Hi enim salvabantur per fidem in Christum, qui venturus erat; quemadmodum nos salvamur, per fidem in Christum, qui venit. Vid. Matth. XI, 3.

8. Nisi homines Deo reconciliandi fuissent, Christus non venisset, juxta illud Augustini Serm. 9. de Verb. Apost. *Nulle fuit causa veniendi Christo, nisi peccatores salvos facere: Tolle morbos, tolle vulnera, & nulla causa erit medicine*. Reconciliatio autem in eo consistit, quod Filius Dei naturalis, nos fecit Filios Dei adoptivos Joh. I. 12 cum è statu iræ, in quem peccando incideramus, Eph. II. 3. restitueret in statum gratiæ, è quo excideramus. Rom. V. 15.

9. Ut igitur Christus in mundum veniret, necessarium fuit: non tamen absolutè, quia Deus hominem lapsum, æquè ac Angelos lapsos æternum damnare potuisset; verum conditionatè, nimirum, si homo cum Deo in gratiam redire debet.

10. Hoc enim, absque præviâ satisfactione, fieri haud poterat: non propter Dei impotentiam; sed propter justitiam & veritatis constantiam. Conf. Gen. II. 17.

11. Be-

11. Beneficium hoc reconciliationis est universale; etsi apprehensio beneficii sit particularis: atque hoc quidem non Dei; sed hominum culpâ, qui beneficium istud sibi fide applicare recusant.

12. Venit ergo Christus propter electos. Rom. IIX. 33.
34. sed non propter solos electos.

βεβαιωσις Probamus I. quod Christus non venerit, ut sibi aliquam perfectionem mereretur, ex Thesi 2. Quia in primo conceptionis momento, divina natura humanæ naturæ personaliter unita fuit, ut Christus rectè diceretur esse (ἐν μορφῇ θεοῦ) *in formâ Dei* Phil. II. 6. seu quò clarius exprimamus, ille ipse, *in quo tota plenitudo Divinitatis habitabat corporaliter* Col II. 9. Unde colligimus, cum perfectio hæc summa sit, eundem non potuisse sibi ulteriorem perfectionem mereri.

II. quod Christus non venerit Angelorum gratia, ex Hebr. II. 16. Quia non assumpsit Angelos, sed semen Abraham: Quod verò Christus non assumpsit, illud nec curavit.

III. Quod Christus venerit, ut homines Deo reconciliaret, 1. ex Es. LIII. 5. Quia *pacis nobis concilianda gratiâ castigabatur*. Hebr. מוֹסֵר שְׁלִימִיטִי עָלֵינוּ *Castigatio pacificationum nostrarum super ipso*. Quibus verbis indicatur (1) quod cum *pacificationum* in plurali fiat mentio, multiplex sit *pax nostra*, quam à Christo accepimus: Aliam enim habemus nobiscum ipsis Rom. XIV. 17. aliam cum proximo. Eph. II. 14. aliam cum Deo per peccata offenso Es. LIX. 2. (2) quod pretium reparatæ pacis fuerit castigatio Christi. Nam מוֹסֵר derivatur à Rad. יָסַר *castigavit*, sumiturq; etiam pro *castigatione pœnali*, ut Prov. III. 11. Hinc concludimus: Super quem fuit castigatio pœnalis, pro pace cum Deo nobis impetrandâ, ille venit, ut homines cum Deo reconciliaret. Atqui super Christo &c. Ergò

2. ex Rom. V. 10. Quia *cum inimici essemus*, dicimur re-

conciliati esse Deo, per mortem Filii. Filius ergo venit, ut nos reconciliaret: Observandum, quod expresse mentio fiat (1) *inimicitie* inter Deum & homines: (ἐχθροὶ ὄντες) Unde *ira Dei* ibid. v. 9. & *condemnatio* ibid. v. 16 (2) *reconciliationis* (καταλλάγημεν). Reconciliare autem est irā divisos in gratiam reducere. Conf. 1. Cor. VII. 11. 2. Macc. I. 5. VII. 33. (3) *modi*, quæ reconciliatio peracta est, nempe *per mortem Filii*, quam ut Filius Dei oppeteret, idēd venit in carnem. Rectē enim Augustinus: *Mortem nec solus Deus sentire, nec solus homo superare potuisset.*

IV. Quod Christus venerit pro omnibus hominibus. 1. ex Es. LIII. 5. 6. Quia pro omnibus passus est: Pro quibus autem passus est, pro iis etiam venit. Notetur inprimis triplex universalitatis signum (1) *omnes* tanquam oves erravimus, (2) *unusquisq;* ad suam viam conversus est: quæ via apud multos fuit infidelitatis v. 1. (3) *Dominus fecit occurrere* in Christum *iniquitatem omnium nostrum.*

2. ex 1. Joh. II. 2. Quia Christus est *propitiatio pro peccatis nostris*; non autem *pro nostris tantum*; sed etiam *pro totius mundi.* Ubi Apostolus initio de se & fidelibus loquitur: deinde ne quis intra tam angustos cancellos meritum Christi coarctaret, longius progreditur, nempe *ad mundum*, & quidem *totum.* Idem repetitur Joh. I. 29. III. 16. 1. Joh. IV. 14. Sed & in versiculo præcedenti, Christus pro peccantibus sine exceptione omnibus, asyllum constituitur: *Si quis peccaverit, advocatum habemus apud Patrem, Jesum Christum.*

V. Quod Christus non venisset, si homines non peccassent ex Rom. V. 12. seq. & 1. Cor. XII. 45, 47. seq. Si enim homines in Adamo primo non fuissent mortui; nec Adamus secundus venisset, ut eos vivificaret,

Aviſeors est eorum, qui statuunt, I. Christum venisse ut sibi aliquid promereretur. Sic 1. Pontificii. Lombard. L.

3. Sentent. Dist. 18. & sequaces. Becanus censet, Christum hæc quatuor sibi promeruisse (1) *gloriam corporis & exaltationem nominis* (2) *unionem hypostaticam* (3) *beatitudinem, seu visionem Dei* (4) *gratiam habitalem.*

2. Sociniani, qui, tametsi à vocabulo meriti abstineant, Christum tamen suæ exaltationis causâ passum esse, contendunt.

II. Christum etiam venisse Angelorum gratiâ. Sic 1. Pontificii, Svaretz T. 1. Disp. 42. Sect. I. Gregor. de Valent. &c.

2. ex Reformatis, Calvinus ipse super Eph. I. 10. Bucerus &c.

III. Christum non venisse, ut homines Deo reconciliaret. Sic Sociniani.

IV. Christum non venisse pro omnibus hominibus. Sic

1. Calviniani communiter, ne Hypotheticis quidem exceptis e. gr. Amyraldo, Bremensibus, Camerone, Joh. Berghio &c. qui Christum pro omnibus venisse videri volunt concedere, sed sub illuforiâ hypothese, si omnes crederent.

2. Weigeliani, qui Christum pro solâ Ecclesiâ venisse docent.

3. Sociniani, qui Christum duntaxat pro hominibus N. T. venisse opinantur.

V. Christum venturum fuisse, etiamsi homines non peccassent. Sic Scholastici, præsertim Scotistæ, qui decretum de Missione & Incarnatione Filii in signò rationis divinæ prius fuisse decreto de creandis hominibus, contendunt. Scholasticos secutus est hæc in parte Osiander in Tract. de Imagine Dei, item ex Reformatis Bucerus, Willetus, Zanchius. Sed & Sociniani in eadem sententiâ hærent.

Thesis IV. *Christus indebitâ suâ obedientiâ non tantum pro originali; sed etiam pro actualibus peccatis eorundemque pænis, temporalibus & æternis, iustitiæ divinæ plenè satisfecit.*

"Ex Sectis. I. Satisfactionis terminus formaliter, seu totidem syllab-

syllabis, equidem in Scripturâ S. non reperitur; virtualiter tamen, seu quoad rem & voces æquipollentes, pluribus in locis occurrit, c. gr. Matth. XX. 28. 1. Tim. II. 6. 1. Joh. II. 2. &c.

2. Juxta acceptionem vocis generaliore, Satisfactio dispescitur in compensatoriam & emendatoriam. Illa locum habet, cum pro debito æquivalens redditur, juxta rigorem justitiæ: Hæc, cum signum voluntatis pro compensatione accipitur, juxta abundantiam gratiæ.

3. Utraque, aut Deo, aut hominibus præstatur. Sub respectu ad Homines, emendatoriæ satisfactiōis species sunt satisfactio privata & ecclesiastica, Privatam dicimus satisfactiōem, cum offensam coram proximo læso deprecamur, antequam remissionem peccatorum à Deo expetamus; quæ etsi coram Deo non sit compensatio pro peccatis; nihilominus necessaria est propter ejus mandatum. Matth. V. 23, 24. Quæ autem Ecclesiastica appellatur Satisfactio, ea pars Disciplinæ est, olim usitatio, quàm hodiè; cum quis in atrocia scelera, maximè abnegationem fidei, prolapsus, Ecclesiam scandalizavit, eique propterea certæ castigationes imponuntur: non ut per illas peccata coram Deo expiet; sed ut pœnitentiæ veritatem publicè ostendat, cæterosque exemplo suo à peccando deterreat: de quâ satisfactiōe sæpius intelligendi sunt Patres, quando dicta eorum à Pontificiis perperam ad satisfactiōem Deo præstandam torquentur.

4. Sub respectu ad Deum, satisfactio emendatoria præstatur per Pœnitentiam: De satisfactiōe verò compensatoriâ pluribus erit agendum.

5. Observetur ergo hujusdem Principium, Objectum, Medium & Finis.

6. Principium est Jesus Christus Θεὸς υἱός Θεοῦ, qui non propter proprium debitum; sed propter susceptum pro alienis debi-

debitis vadimonium hic operatur. Ipse enim omnis peccati expers est. Hebr. VII. 26.

7. Objectum occurrit duplex, CUI & PRO QVO.

8. Objectum CUI, vocamus Justitiam divinam. DEUS enim unitrinus jam non considerandus est ut nudus Creditor, juxta figmentum potentiae cum justitiâ pugnantis, quasi videlicet debitum absque satisfactione condonare potuerit; sed simul ut severus Judex, juxta rigorem immutabilis justitiae, quatenus scilicet propter legis transgressionem, aut debitam poenam, aut satisfactionem irremissibiliter exigit.

9. Objectum PRO QVO, sunt peccata omnino omnia, unâ cum poenis peccatorum quibuscunque. Satisfecit ergo Christus pro peccato originali; sed non pro eo solo, verum & pro peccatis actualibus. Satisfecit idem pro culpâ; sed non pro solâ culpâ, verum etiam pro poenâ.

10. Post remissionem peccatorum, Satisfactione Christi partam, fideles nihilofecius cruci & morti temporariae sunt obnoxii: non tamen amplius ut poenis, quae immittuntur ab irato Iudice; sed ut exercitationibus, quae magno nostro commodo proficiuntur à placato Patre. Spectat huc illud Augustini L. 2. de Peccat. Merit. & Remiss. c. 34. *Calamitates ante remissionem sunt supplicia peccatorum; post remissionem sunt certamina & exercitationes iustorum.*

11. Medium, cujus interventu satisfactio praestabatur, est pretium obediendiae Christi. Haec autem Legem respicit, cujus cum duae partes sint, altera quidem definitiva, exprimens, quid faciendum, vel omittendum; altera autem vindicativa, decernens, quae poena immineat transgressori: sciendum, quod utroque respectu, Christus obedientiam legi praestiterit, nempe quâ partem definitivam, faciendo, quod ab hominibus erat faciendum, & omittendo, quod ab hominibus erat omittendum; quâ partem verò vindicativam, poenas pro hominibus sustinendo.

P

12. Hinc

12. Hinc obedientia Christi dispesci solet in activam & passivam; non tamen satis accuratè: quia ipsa etiam passiva obedientia fuit activa, quatenus per eam Christi dilectio in satisfaciendo se maximè exeruit. Rom. V. 8.

13. Ut ab infernalibus pœnis liberaremur, Christi obedientia usque ad infernales pœnas se dimisit: quas etsi Christus non perpeffus sit extensivè i. e. quoad durationem; perpeffus tamen est intensivè i. e. quoad gravitatem. Alii ita: Christus sustinuit æternos dolores; sed non æternum: Vel etiam: Sensit mortem æternam; sed non mortis æternitatem.

14. Concedimus, ab homine renato proficisci aliquam legis impletionem; sed negamus eam esse talem, quæ in iudicio Dei consistere queat. Unde distingvimus, inter impletionem legis perfectam & imperfectam. Illam habemus per imputationem; hanc per inhæssionem: illa est justificationis; hæc renovationis: illam Christus præstitit pro nobis; hanc Spiritus S. efficit in nobis.

15. Obedientia Christi indebita fuit: Nam uti lege obligatur nuda Creatura; ita à lege soluta est Creatura Creatori suo personaliter unita.

16. Finis satisfactionis est plena hominum cum Deo reconciliatio. Unde & satisfactionem ipsam oportuit esse plenam: non solum juxta qualemcunque acceptionem; sed etiam juxta adæquatum valorem.

17. Nil obstat, cum infinitum Numen ad iram commovissimus, quo minus & satisfactio statuatur infinita esse: si non ratione actuum, in quibus se obedientia exeruit, utpote qui finem habuerunt, Christo in cruce exclamante: *Consummatum est.* Joh. XIX. 30, saltem ratione efficaciz.

18. Ex dictis patet, reconciliationem hominum cum Deo gratuitam quidem dici, respectu conciliatorum; non verò respectu conciliantis, utpote quem satisfacere oportuit. Conf. I. Cor. VI. 20.

19. Satisfactio & Meritum Christi differunt (1) ordine. Illa enim est hujus causa. (2) fine. Illa enim respicit injuriam compensandam; hoc verò mercedem promerendam. (3) objecto Non enim nobis satisfactum est; sed Deo: at non Deo Christus aliquid meruit; sed nobis. (4) qualitate subiecti satisfaciens & promerentis. Christus enim in statu exanitionis simul & satisfecit & promeruit; at in statu exaltationis non amplius satisfaciit; sed tantum promeretur.

Βεβαίως. Probamus I. quod Christus propriè loquendo satisfecerit, ex locis §. 1. ἔκδοσ. allegatis, nempe I. Matth. XX. 28. Quia Christus dicitur dedisse *animam suam* (λύτρον ἀντὶ πολλῶν) *pretium redemptionis pro multis*. λύτρον enim est captivum pretio dato liberare. Hoc autem, qui facit, ille propriè loquendo satisfaciit. Particula ἀντὶ notat surrogationem in locum alterius. Matth. V. 38. Luc. XI. 11. I. Thessal. V. 15.

2. I. Tim. II. 6. Quia Christus dicitur semetipsum dedisse (ἀντὶ λύτρον ὑπὲρ πάντων) *vicarium solutionis pretium pro omnibus*: in quo dicto urgeatur præprimis vox ἀντὶ λύτρον, quæ ad exprimendam satisfactionis proprietatem, convenientissima est: Notat enim pretium loco alterius solutum.

3. I. Joh. II. 2. Quia Christus dicitur esse (ἱλασμός) *propitiatio pro peccatis nostris*. Quam propitiationem præstitit patiēdo Ef. LIII. 6. *sangvinem fundendo*, Col. I. 20. *moriendo*. Rom. V. 10.

4. Ex locis, in quibus Christus legitur peccata hominum portasse Joh. I. 29. I. Petr. II. 24. Sic enim pœnam peccatis jure debitam sustinuit, & consequenter justitiæ vindictivæ satisfactionem pœnalem præstitit.

II. Quod Christus non tantum pro originali, sed etiam pro actualibus peccatis satisfecerit I. ex Ef. LIII. §. 6. ubi non tantum mentio fit peccatorum in genere; quando Christus descri-

describitur, ut (1) *verè ferens langviores nostros.* (2) *portans dolores nostros.* (3) *attritus propter iniquitates nostras:* sed etiam in specie peccatorum actualium, quando siltitur ut vulneratus (כחשעיר) *propter pravaricationes nostras.* Nam עשׂה juxta Kimchium ad Ps. XXV. 7. notat *peccatum, quod scienter & contumaciter committitur.*

2. ex Hebr. IX. 14. ubi *sangvis Christi, qui semetipsum obtulit immaculatam Deo, conscientiam nostram purgasse* legitur, *ab operibus mortuis:* quæ ipsissima peccatorum actualium descriptio est. Conf. Ephes. II. 1. seqq.

3. ex aliis Scripturæ locis, ut Joh. I. 29. 1. Petr. II. 24. Ephes. I. 7. Col. II. 13,

III. *Quod Christus pro pœnis peccatorum, temporalibus aequè ac æternis, satisfecerit.* 1. ex Gal. III. 13. ubi *Christus nos redemisse* legitur, *à maledictione legis.* At legis maledictio pœnas tam temporales, quàm æternas complectitur. Conf. Deut. XXIX. 15. seqq.

2. ex Ef. LIII. 6. ubi *castigatio pacis* dicitur *super Christo fuisse.* i. e. pœna, quæ nobis pacem, adeoque liberationem à pœnâ hostili præstitit.

IV. *Quod Christus justitiâ divinâ rigori plenè satisfecerit* I, ex Col. I. 19. 20. Quia (1) *per Christum reconciliata sunt omnia* (ἐς αὐτὸν) *in ipsum, sive erga ipsum.* Reconciliatio autem, præsupponit hostilitatem, ex rigore Justitiæ puniendam, 2. Cor. V. 19. coll. Ephes. I. 10, (2) *Porro reconciliata sunt omnia,* ut nihil excipiat, quod reconciliatum non fuerit. (3) *Præstita est reconciliatio, pacificatis per sanguinem crucis, quæ in terrâ & quæ in cælis sunt,* i. e. omnibus fidelibus, sive jam in triumphante, sive adhuc in militante Ecclesiâ constitutis. (4) *Pacificatio ista nititur virtute infinitâ, humanæ naturæ communicatâ, propter inhabitantem in Christo plenitudinem Deitatis.* Conf. Col. II. 9. Ex quo colligi-

ligimus, expiationis ipsius virtutem esse infinitam & rigori justitiæ divinæ accuratè respondentem.

2. ex Rom II X. 1. Quia (*ὅθεν κατὰνευκα*) nulla *condemnatio superest his, qui in Christo Jesu sunt.* Nisi autem à Christo Jesu justitiæ divinæ rigori plenè satisfactum esset, utique damnatio superesset. Conf. 2. Cor. V. 21

V. *Quod Obedientia Christi, à parte satisfaciens, fuerit indebita,* ex Matth. XII. 8. Quia Christus, quā ipsam quoque naturam humanam describitur, ut *Dominus legis.* Dominus autem legis non obligatur ad obedientiam legi præstandam.

Avr^{re}geon fovent, I. qui Christum negant propriè loquendo satisfecisse, ita 1. Sociniani communiter. Horrenda est vox Socini: *Ego quidem, etiamsi non semel, sed saepe id in sacris monumentis scriptum extaret, non idcirco tamen rem ita se habere crederem.*

2. Thomas Müntzerus, attestante Botfacco in Anabapt. cap. 3. §. 33.

3. Hyperpietistæ, præsertim Dippelius, qui sub Democriti nomine, edidit *Hodegum Apostolicum ad veram justitiam Dei* (*Den Apostolischen Wegweiser zur wahren Gerechtigkeit*) Theses ejus I X. Socinianæ prorsus, Latinitate donatæ reperiuntur in Wigandianis p. 34. sq.

II. Qui Christum pro originali duntaxat, non etiam pro actualibus, peccatis satisfecisse contendunt. Ita Pontificii superiorum temporum, ut Thomas de Sacram. Altar. c. 1. Catharinus de Incruento N. T. sacrificio, Bonaventura &c. Hac hypothesi tantò majorem auctoritatem Missæ conciliare nitentur, utpotè quā pro actualibus peccatis satisfieri docebant.

III. Qui Christum pro culpâ quidem satisfecisse admittunt; non verò pro pœnâ; asserentes, hominem ipsum pro pœnâ, vel in præsentî vitâ, vel in purgatorio, operibus suis satisfacere teneri. Ita Pontificii communiter.

IV. Qui Christum iustitiæ divinæ rigori plenè satisfecisse inficiantur: Ita præter Socinianos, satisfactionem omnino rejicientes, de quibus n. 1. Antith: actum est, Pontificii haud pauci, statuentes, Deum acceptatâ qualicunque satisfactione, reliqua ultro remisisse, quod ita placuerit. Sic Thomas, Scotus, Durandus, Phil. de Valentia, Vasquez &c: Causa autem hujus dogmatis est, partim ut ostendant, insufficienciam non obviare humanis meritis, quo minùs à Deo acceptentur; cum nec Christi satisfactio sufficiens fuerit: partim ut prædestinationis gratiam pro causâ salvationis præcipuâ venditare queant; quâ effectum esse asserunt, ut Deus semiplenam satisfactionem Filii pro electis acceptârit.

V. Qui Christum, ut Creaturam, ad obedientiam activam obligatum fuisse, adeoque solâ obedientiâ passivâ satisfecisse censent. Ita ex Reformatis Piscator & asseclæ Tilenus, Wendenlinus, Ursinus, Scultetus.

Thesis V. *Jesus Christus, tertio die, virtute propriâ resurrexit, & ex clauso sepulchro, cum corpore glorificato, egressus est; ut proinde secundum humanam naturam se ipsum excitasse, rectè statuatur.*

Ἐκθεσις. 1. In Thesi hac proponuntur Resurrectionis Subjectum, Principium agendi & Circumstantiæ, temporis ac loci.

2. Subjectum *Quod* est Christus Θεῶς καὶ ἄνθρωπος: Subjectum *Quo* est corpus, quod per mortem ceciderat. Ἀνάστασις enim præsupponit πλῶσιν.

3. Principium agendi est virtus infinita, quæ divinitati competit per naturam; humanitati per unionis gratiam.

4. Tametsi ergò Christus resuscitatus esse dicatur à Patre Act. XVII. 31. Rom. IV. 24. 1. Cor. VI. 14. non tamen sequitur, quod resurrexit virtute alienâ, sed virtute sibi cum Patre communi, adeoque propriâ.

5. Quo-

5. Quoad circumstantiam temporis, resurrectio contigit tertio die; non verò post tertium diem: Nam cum Christi corpus feriâ sextâ circa vesp̄eram, sepulchro imponderetur, in eoque XXXIX. circiter horas quievisset, feriâ primâ, summo mane rursus egressum est. Ut proinde in sepulchro tantum duas noctes atque unum diem integrum exegerit.

6. Non obstat Matth. XII. 40. in quo Salvator, juxta typum Jonæ, prædicitur in ventre terræ *tres dies & tres noctes* futurus esse: Sciendum enim, quandoquidem Hebræi nullum vocabulum, quo Græcorum more *νοξ & ἡμέρα* exprimitur, habent, eos substituere duas voces *כקר ערב vesp̄eram & mane*, sive quod eodem recidit, *noctem atque diem*: prætereaque regulam hanc fovere: *Dies legalis non computatur de tempore ad tempus* i. e. non requiritur, ut *νοξ & ἡμέρα* sit integrum; sed sufficit, si aliquid duntaxat, ex die illo legali, præterierit, ut vel unica hora pro toto die stet, & *νοξ & ἡμέρα*, sive Hebræorum idiomate, *nox atque dies* dicatur.

7. Circumstantiam loci nobis inculcat mentio facta sepulchri & quidem clausi: quod ita dicitur in statu, quia tum clausum erat, cum Christus egrederetur; non in ampliatione, quasi clausum fuerit, antequam egrederetur, apertum verò, cum egrederetur, vel ut egrederetur.

8. Amotum legimus fuisse lapidem Luc. XXIV. 2. non tamen ante resurrectionem, sive actu antecedenti & propter Christum; sed post resurrectionem, sive actu consequenti & propter mulieres.

9. Penetratio dimensionum, ut repugnat corpori, in statu naturæ; ita consistere potest cum corpore, in statu gloriæ.

10. Corpus enim glorificatum, tametsi idem sit, quod ante glorificationem fuit, in essentialibus & quoad substantiam; mutatur tamen in accidentalibus & quoad qualitates,

11. Sic itaque & corpus Christi in Resurrectione habuit priorem essentiam; at dotibus gloriosis instructam e. gr. invisibilitate, illocalitate & impalpabilitate: non quod planè non potuerit videri, locari & palpari; verùm quod ubi & quando vellet, potuerit non videri, non locari & non palpari.

12. Distinguimus etiam inter conditionem glorificati corporis ordinariam & extraordinariam. Ordinariè immune est ab accidentibus corpori naturali magis propriis; extraordinariè autem, propter revelationis *οικονομίαν*, ejusmodi accidentia assumere potest. Hinc de Christo legimus, quod cum Apostolis ederet & biberit, atque ab iis contrectari se permisit, post resurrectionem Luc. XXIV. 43. Joh. XX. 27. 1. Joh. I. 1. sqv.

13. Similiter, quamvis glorificatum Christi corpus deposuerit omnes infirmitates; liberè tamen retinuit & fortasse retinebit infirmitatum characteres e. gr. *cicatrices manuum, pedum & lateris*, quæ inserviunt veritati resurrectionis manifestandæ, piis solatio afficiendis, impiis terrore percutiendis. Conf. Zach. XII. 10. Apoc. I. 7.

Βεβαίως. Probat ex Joh. II. 18. seq. Inde deducimus I. *Christum resurrexisse.* De resurrectione enim disertè agitur v. 22. Addantur Matth. XXII. 6. Rom. I. 4.

II. *Christum resurrexisse die tertio.* Nam & hæc circumstantia expressè determinatur. v. 19. 21. Add. Matth. XII. 40.

III. *Christum resurrexisse virtute propriâ.* Hoc indicat (1) Scopus orationis Christi, quâ Judæis responderetur, documentum potestatis postulantibus v. 18. Argumentamur ergo: Quocunque Christus potestatem suam asseruit, illud proveniebat ex virtute ejus propriâ; Atqui resurrectione. Ergo. (2) Manifesta declaratio: *Suscitabo templum corporis mei* v. 19. 21. Ubi non ad Patrem rejicitur suscitatio; sed Christo

Christo

Christo ipsi vendicatur; Actus autem præsupponit potentiam, ut adedò rectè concludamus: Qui semetipsum suscitavit, ille habuit virtutem semetipsum suscitandi & consequenter virtute propriâ resurgendi. Atqui Christus. Ergo. Conf. Joh. X. 18. (3) Corporis Christi descriptio. Vocatur enim templum v. 19. 21. Cujus autem templum sit, patet ex collatione Col. II. 9. nimirum *Deitatis inhabitantis*. Ex quo sic procedimus: In quo habitavit Deitas, ille resurrexit virtute propriâ. Atqui in Christo. Ergo. Conf. Rom. I. 4. ubi Christus per resurrectionem se Filium Dei demonstrasse legitur. Demonstratio autem non succederet, si virtute alienâ resurrexisset. Addatur 1. Perr. III. 18. ubi Christus legitur vivificatus esse *Spiritu* proprio, qui carni, i. e. humanæ naturæ opponitur, Rom. I. 3. 4. item Joh. X. 18. Addimus rationem, quod cum Christus resuscitaturus sit alios. Ioh. V. 28. non potuerit non habuisse virtutem resuscitandi semetipsum.

IV. *Christum, etiam juxta humanam naturam, semetipsum resuscitasse.* Urgemus (1) statum controversiæ inter Christum & Judæos: non enim quærebatur, quid Deus facere posset; sed quid homo, pro quo Christum Judæi agnoscebant. Consentaneum igitur erat, ut Christus de naturâ humanâ responderet, quod ut homo non tantum possit ementes & vendentes ex templo ejicere v. 15. sq. sed & plura præstare, videlicet semetipsum è morte suscitare. (2) Pronomen demonstrativum *Ego* v. 19. quo tota persona denotatur: neque enim cum Judæis tantum ut Deus, sed ut *Θεῶν* loquebatur. (3) Descriptionem corporis Christi, quod ut jam docuimus, *templum* vocatur Deitatis, & quidem tale, in quo Deitas habitet *corporaliter*. Col. II. 9. Hinc fluit communicatio Idiomatum, inter quæ & virtus vivificatrix numeratur. Joh. V. 26.

V. *Christum è clauso sepulchro resurrexisse.* Istud enim credebant Discipuli, utpote quod in Scripturâ & verbis Christi fundatur v. 22. Spectant huc (1) narratio de Resurrectione Matth. XXII. 9. 2. sq. quæ lapidem demum post terræ motum, in quo Resurrectio contigit, amotum esse indicat. Vid. Gerh. Harmon. cap. 207. p. 2089 (2) descriptio corporum glorificatorum, quæ vocantur *spiritualia*, 1. Cor. XV. 44. & *similia angelis* Matth. XXII. 30. (3) actus similis, cum Christus evanuisse perhibetur Luc. XXIV. 31. ex quo propter paritatem causæ ad minimum fluit, quod è clauso sepulchro resurgere potuerit.

Antithesis est 1. Socinianorum & Anabaptistarum, qui Christum propriâ virtute resurrexisse negant.

2. Reformatorum, qui credere renuunt (1) humanam naturam se ipsam excitasse (2) Christum è clauso sepulchro egressum esse. Id quod tamen nobiscum agnoscit ipse Calvinus in Harm. Evang. & Marloratus in c. 28. Matthæi. Cujus verba prorsus orthodoxa apponemus: *Qui suâ virtute potuit corpus suum excitare in sepulchro, potuit eâdem virtute sepulchrum egredi, ocluso ostio, grandi illo saxo; ut miraculo sit excitatus & miraculo egressus, nullâ operâ Angeli.*

Thesis VI. *Jesus Christus ita ascendit ad cælos, ut tota persona, secundum humanam naturam, ex monte Oliveti sese in sedem beatorum, virtute propriâ, initio sensibiliter, hinc absq. locali successione & motu, nube tanquam vehiculo sublata, elevarit, nuncq. adeo, cessante in terris visibili præsentia, conspectum corporis glorificati Beatis indulgeat, ac nihilominus omnia in omnibus impleat.*

Exthesis. 1. Ascensionis Christi proponuntur Subjectum, Terminus, Modus & Consequentia.

2. Subjectum *Quod* fuit tota Christi persona: Subjectum *Quo*

QUO mediatum fuit humana natura; immediatum verò corpus, quod per mortem ceciderat, & ex sepulchro resurrexerat.

3. Corpus Christi quod cecidit & quod resurrexit, atque hinc ascendit, planè unum idemque est essentialiter; non verò accidentaliter. Nam post vivificationem, in locum qualitatum naturalium, successerunt qualitates spirituales, ut adeò sine densitate, crassitie, gravitate &c. extiterit.

4. Terminus duplex est, A QVO & AD QVEM. Illud statuimus esse montem Oliveti; hunc autem nō sive sedem Beatorum.

5. nō beatorum non locale; sed illocale est. Unde cum in sacris describitur ut *tabernaculum* Luc. XVI. 9. *domus* Joh. XIV. 2. *civitas* Hebr. XII. 22. *regio* Pl. CXVI. 9. verba illa metaphoricè accipienda sunt: Nam Scriptura felicitatem alterius vitæ describit verbis hujus vitæ.

6. De modo Ascensionis generalia novimus; specialia ignoramus, neque tutum est nimis curiosè in ea inquirere. Rectè enim Augustinus de Fid. & Symb. *Ubi & quomodo corpus Dominicum in cælum ascenderit, curiosissimum & supervacaneum est querere. Tantummodò in cælo esse credendum est. Non enim est fragilitatis nostræ cælorum secreta discutere; sed est nostræ fidei, de Domini corporis dignitate, sublimia & honesta sapere.*

7. Illud ex Spiritus Sancti revelatione novimus (1) quod Christus se elevarit, (2) sensibilibiter, (3) nube tanquam vehiculo sublati (4) virtute propriâ.

8. Elevationis mentione factâ, indicamus, Ascensionem non constituisse in disparitione, ut Luc. XXIV. 31. sed in locali motione: quam Christus non ex necessitate naturæ; sed ex liberâ dispensatione, voluntariè ad tempus assumebat.

9. Sensibilis & localis erat Ascensio, quoad usque visus

spectantium terminabatur; in cæteris autem insensibilis & corpori glorificato conveniens.

10. Ut nubes per naturam inepta est ad vehendum corpus pondere gravatum; ita jubente naturæ Domino, apta fieri potest, ad vehendum corpus glorificatum & à naturali pondere liberatum.

11. Neque propterea adhibita est nubes, ut vehendum juvaret, impelleret, aut casurum sustineret; sed ut actum Ascensionis testatiorem redderet, & reditûs qualitatem adumbraret. Magis certè nubes à Christo; quàm Christus à nube sustentabatur.

12. Hæc quidem omnia Dominus peregit virtute propriâ, videlicet verè infinitâ, quæ divinæ naturæ per se; humanæ autem per unionem personalem competeat.

13. Consequentia Ascensionis sunt (1) quod conspectum corporis sui Beatis indulgeat, (2) quod præsentia ejusdem visibilis in terris cesset, (3) quod nihilominus omnia in omnibus impleat.

14. Observandum ergo, quod à corpore meri hominis, ad Corpus Θεανθρώπου, non liceat argumentari.

15. Corpus Θεανθρώπου esse in cælo, concedimus; includi & circumscribi à cælo, negamus, utpote quod simul omnia implet.

16. Proinde verba Act. III. 21. ὃν οἱ ἄγγελοι δεξάμεναι, ad Christum non referenda sunt passivè; sed activè, tali sensu: necesse erat, ut Christus caperet i. e. occuparet cælum; nequaquam verò, ut caperetur à cælo, sive ut cælum includeret Christum.

17. Nec impedit, quò minus Christi corpus sit ubique, quâ essentiam; etsi aliquando in certo loco conspiciatur, quâ apparitionis οἰκονομία, ut Act. XXIII. 11. Atqui & DEUS aliquando videtur in terrâ, vel in cælo; quamvis semper repleti,

repletivè sit & in terrâ & in cœlo Genes. XII. 22.
XXII. 13.

18. Sic cum Christus se revelaret Stephano Act. VII. 55.
56. visio illa non fuit corporalis; sed spiritualis: nam quod
Stephanus in domo judicii non viderit Christum localiter
cœlo inclusum, ex locorum inter videntem & objectum vi-
sus distantia, patet: ut de tecto nihil dicamus, quo visus,
ne in cœlum usque penetraret, impediatur.

Βεβαίως. Probamus ex Act. I. 9. & Ephes. IV. 10.

I. *Quod Christus in cœlum ascenderit secundum humanam naturam.*
Nam (1) secundum eam naturam ascendit, secundum quam
loquebatur discipulis: Atqui hoc fecit secundum humanam
naturam. Act. I. Ergo & illud (2) Secundum eam naturam
ascendit, secundum quam impletio omnium, fuit finis ascen-
sionis. At hoc ei secundum humanam naturam tribuitur.
Ephes. IV. Ergo & illud: Nam secundum divinam naturam
Christus indefinenter implevit omnia, neque opus habuit,
ut propterea demum ascenderet.

II. *Quod cœlum, in quod Christus ascendit, non fuerit locale.*
Quia Christus legitur ascendisse (ὑπερῶς πάντων τῶν ἑαυῶν)
(1) *supra cœlos* (2) & quidem *longè supra cœlos* (3.) non
quosdam, sed *omnes cœlos*. Conf. Hebr. VII. 26 Cum igitur
alibi legatur ascendisse *in cœlum* Act. III. 21. Hebr. IX. 24.
patet, cœlum hoc ut illocale, omni cœlo locali opponi.

III. *Quod ascensio, postquam visus spectantium terminaba-
tur, desierit esse localis* Quia ascendit *supra omnes cœlos* Eph.
IV. Si autem localiter & successivè ascendisset, ne nunc qui-
dem cœlum æereum sidereumque permeasset, propter sum-
mam à terrâ distantiam. Ut nihil de cœlo Beatorum dica-
mus, quod cum illocale sit, nec Ascensio in illud localis sta-
tui potest.

IV. *Quod Christus hodiernum adhuc omnia in omnibus impleat.*

Quia hic fuit finis Ascensionis Ephes. IV. Observandum, de ejusmodi impletione agi (1) quæ se extenderit ad omnia Christo subjecta, in cœlo & in terrâ. Ephes. I. 21. 22. (2) quæ adhuc durer Eph. I. 23. (3) quæ simultanea sit, non successiva. Qui enim successive est in pluribus locis, non dicitur ea implere, sed pervadere.

Αντὶθεσις esteorum (1) *Qui negant, Christum ascendisse secundum humanam naturam.* Sic Reformati, qui humanæ naturæ nullam actionem, sed nudam evectionem passivam concedunt.

2. *Qui Christum alio corpore ascendisse fingunt, quàm quod in terrâ habuerit.* Ita Sociniani.

3. *Qui ascensionem usq; ad summum cælum fuisse localem & successivam tradunt.* Sic pariter Reformati.

4. *Qui cælum, in quod Christus ascenderit, habent pro locali.* Sic (1) Veteres quidam hæretici, qui corpus Christi inter fidei-
ra hæreere opinabantur. (2) Pontificii, qui de cælo empyreo plurima nugantur. (3) Reformati, qui in hisce cum Pontificiis ferè conspirant.

5. *Qui Christum hodie secundum humanam naturam negant ubique præsentem esse.* Sic Pontificii, Reformati & superiorum annorum Syncretistæ.

Thesis VII. *Jesus Christus ad dexteram DEI Patris sedere dicitur, quatenus post ascensionem in cælos, secundum humanam naturam, exercitio majestatis divinæ, dominoque in omnes creaturas, plenariè ac in æternum gaudet.*

Ἐκθεσις 1. Cum Deo **Dextra** non nisi (ἀντιθετικῶς) modo humano adscribatur, consequens est, ut illa loquendi ratio (θεοποιητικῶς) modo divinæ naturæ conveniente, exponatur: quod fit, si per **Dextram** intelligamus Majestatem divinam, per quam Deus omnia operatur ac gubernat. Conf. Matth. XXVI. 64. Luc. XXII. 69.

2. Sic

2. Sic Dextra aut denominatur à Deo absolutè, seu essentialiter; aut relatè, seu personaliter spectato. Priori sensu omnibus personis S. S. Trinitatis communis est. Exod. XV. 6. posteriori autem ad solum Patrem restringitur, uti fit in præsentì controversia.

3. Cautè etiam distingvendæ sunt phrasès sequentes (1) habere dextram: quod & Filio competit, ad cujus dextram dicitur stare Ecclesia Pl. XLV. 10. Add. Matth. XXV. 33. seq. (2) habere Deum à dextrâ: quod nihil aliud notat, quàm defendi, & de Filio in statu exinanitionis usurpatur. Pl. XVI. 8. (3) stare ad Dextram Dei; quod & hominibus aliis attribuitur 1. Reg. XXII. 19. (4) Sedere ad dextram Dei Patris, de quâ nunc disquiritur.

4. Sessionis igitur hujusce Subjectum Quod est tota persona, juxta Aug. Confessionis verba: *Christus verè Deus & verè homo ascendit ad cælos, ut sedeat ad dextram Dei.* Subjectum Quo est natura humana.

5. Alia autem quæstio est: An Sessio aliqua ad Dextram Dei, possit adscribi Christo, secundum divinitatem? Et alia, an Sessio ista ad Dextram Dei, quæ à Scripturâ statui exaltationis accensetur, possit adscribi Christo, secundum divinitatem. Priorem concedimus, intelligendo Sessionem, quæ Christo competit ab æterno: Posteriores negamus, intelligendo Sessionem, quæ Christo concessa est in tempore.

6. Quod per Sessionem ad Dextram, divinitas Christi manifestata fuerit, largimur; quod verò in illa Sessione divinitas formaliter constiterit, inficiamur.

7. Sedere ad dextram Dei, non solum notat, habere divinam Majestatem; verùm quoque exercere. Nam & inter homines per Sessionem, exercitium Majestatis denotatur. 1. Reg. I. 13. Jer. XIII. 13.

8. Cæterùm Sessio ad Dextram Dei, respectu humanæ naturæ, in Christo non est causa Majestatis communicatæ; utpo-

utpote quam humana natura in primo incarnationis momento, per unionem personalem accepit; sed duntaxat exercitii majestatis universaliter, plenariè & uniformiter usurpati.

9. Tametsi enim Christus, etiam in statu exinanitionis, interdum majestate usus fuerit; exercitium tamen istud solummodò fuit particulare, infrequens & interruptum.

10. Si de subjecto quæras, Sessio hæc statuitur esse corporis; si autem de modo quæras, negatur esse corporalis; quia potius actus spiritualis & mysticus dici meretur.

11. Sedere equidem aliquando connotat quietem: non tamen impræsentiarum ab officio; sed tantùm à passionibus.

12. Hinc Christus sedens dominatur in triplici regno, potentiae, gratiae & gloriae. Hoc regnum tradet aliquando Patri 1. Cor. XV. 24. sed per præsentationem; non per omnimodam abdicationem.

13. Nunquam abolebitur ipsum Christi regimen; quamvis mutabitur modus regiminis: quando videlicet non amplius præconium verbi, atque usus Sacramentorum locum inveniet.

14. Ut paucis nos expediamus, cessante regno Ecclesiae militantis; manebit regnum Ecclesiae triumphantis.

Βεβαίως. Probamus ex Eph. I. 20. 21. 22. I. *Quod dextra Dei non significet certum aliquem locum.* Nam Christus ad dextram Dei collocatus, dicitur evectus (ὑπερῶς πάντας ἐνόντας) longe supra omne nomen i. e. supra omnem rem nominatam & consequenter etiam supra omnem locum: Nam & locus est res quædam. Non obstat, quod Christus collocatus esse fertur (ἐν τοῖς ἐπουρανίοις) in supracælestibus: Hisce enim verbis non loci determinatio; sed gloriosi status significatio exprimitur ut 2. Tim. IV. 18. Christus est quidem in cælis; sed non circumscribitur cælis: quippe qui excelsior cælis factus est Hebr. VII. 26.

II. Quod

II. *Quod Sessio ad Dextram Dei non sit prerogativa aliqua finita; sed infinita verèq; divina.* Nam propter hanc Sessionem (1) Christo tribuitur prerogativa longè supra omnes angelos. Talis verò nulla alia esse potest, nisi infinita. In finitis enim Angeli summam prerogativam habent. (2) omnia subjiciuntur pedibus ejus; tanquam supremi & infinita potestate instructi Domini. (3) omnia in omnibus implere asseritur; quod omnipresentiæ, sive infinitæ adessentiæ est.

RESPOND.
PETRO
ELERT,
Gedan.

III. *Quod Sessio ad Dextram Dei significet Majestaticum in omnes creaturas dominium.* Nam per hanc Sessionem Christus dominatur (1) in regno potentiae. Omnia subiecta habet pedibus suis. (2) in regno gratiae. Constitutus est caput Ecclesiae (3) in regno gloriae. Collocatus est longè supra omnem principatum ac potestatem &c. i. e. supra omnes Angelos, principatum ac potestatem exercentes Hebr. I. 6. Imo collocatus est supra omne nomen, quod nominabitur etiam in futuro seculo.

IV. *Quod Sessio ad Dextram Dei Patris, collata sit Christo secundum humanam naturam.* Nam Sessio ista secundum eam naturam Christo competit, secundum quam (1) Pater gloriae in illo efficaciam fortissimi roboris sui exercuit. (2) eum à mortuis resuscitavit. (3) postquam antea ad tempus Angelis caruerat, Hebr. II. 7. jam supra omnes Angelos collocavit. (4) omnia in tempore pedibus ejus subjecit. At hæc Christo non nisi secundum humanam naturam tribuuntur. Ergo & illa.

V. *Quod Christus ad Dextram Patris demum post ascensionem in cælum, sedere cæperit.* Nam Apostolus expressè resurrectionem à mortuis præmittit, atque hinc demum subicit: Constituit ad dextram suam, videlicet postquam resuscitatus ad cælum ascendisset. Hunc enim ordinem plenius descriptum monstrat Spiritus S. Marc. XVI. 19.

Avrignonis est eorum, 1. Qui Dextram Dei de certo aliquo loco exponunt, ut Reformati & Pontificii plerique, præsertim antiquiores.

R

2. Qui

2. Qui per Sessionem ad Dextram Dei, non nisi finitam prærogativam intelligunt, nempe (1) proximum à Deo honorem, ut Scholastici & Reformati quidam. (2) gratiosam protectionem & defensionem adversus hostes, ut Sociniani.

3. Qui Sessionem ad Dextram Patris, Christo secundum utramque naturam competere opinantur, ut ex Reformatis Gomarus, Wendelinus &c.

4. Qui Sessionem ad Dextram Patris, jam in incarnatione cœpisse fingunt, cum Weigelio.

III. VINDICATIO.

Accusamur.

I. Quod in Articulo de Christo hodiè aliam doctrinam foveamus, quàm tempore exhibitæ Confessionis; alioqui Pontificios hunc Articulum non probaturos fuisse. Ita Bel-larm: in Judic. de Lib: Concord. Mend. 3. Item Lib. 3. de Incarnat. c. 8. Add. Forerus, Fabricius, Hoffmeisterus &c. Resp. per inversionem: Pontificios potiùs aliam doctrinam interea, à Nestorio olim propugnatam, quàm Majores eorum tempore exhibitæ Confessionis, detestabantur, aut ad minimum ignorabant, ex orco evocasse: Id quod prolixè & evidenter ostendit Jacobus Martini in Aug. Conf. Disput. 6. p. t. & brevius Menzer: Exeges. A. C. p. 95.

II. Quod Liber Concordiæ, omnipræsentiam carnis Christi docens, evertat veritatem nativitatis, passionis, crucifixionis & sepulturæ Christi, in A. C. assertam. Nam qui ubique jam fuit, nullibi tanquam in novo loco existere potuit. Ita Episcopus Colonitsch in Antiaugust: Conf: Resp. Confundi idiomatum possessionem & exercitium; neque enim sequitur, qui possedit idioma divinæ præsentiae, ille in statu exinanitionis semper exercuit. Vid. D. Alberi. in der gründlichen Wiederlegung ad Qu. 4. p. 113.

III. Quod tempore A. C. crediderint, Christi animam ad

ad Patriarchas in infernum descendisse; cum hodiè in F. C. descensus referatur ad totam personam. Ita idem Colonitsch. Resp. non attendendum esse, quid Papistæ tum crediderint; sed quid nostri. Certè nostri in Confessione suâ inquirunt: *Idem descendit ad inferos*; nempe qui antea describatur, *Unus Christus verè Deus & verè homo*. Vid. D. Alberti. ibid. p. 118.

IV. Quod juxta F. C. Christus, ut Deus & homo, obedientiam usque ad mortem præstiterit Patri. Id si admittamus, actum esse de Deitate Christi, quam tamen A. C. probet. Ita denuò Colonitsch. Resp. in actibus officii, quamlibet naturam agere quod suum est, cum communicatione alterius. Sic obedientiam usque ad mortem præstitit humana natura, quoad ipsum actum; divina autem quoad actus istius pretium ac momentum, ut sic divinitati nihil decederet. Vid. D. Alberti ibid. pag. 121.

V. Quod Antithesis in Latino exemplari desideretur, quæ tamen in exemplari Germanico Chytræi his verbis habeatur: *Und werden verdampft alle Ketzeren / so diesem Artikel zugegen sind*. Resp. Verba hæc minutis literis à Chytræo apponi; quod indicium est in Prototypo, non fuisse posita. Hodierna autem exemplaria in omnibus, Prototypo in archivis Moguntinis asservato, sunt conformia.

ARTICULUS IV. DE JUSTIFICATIONE.

I. EXPLICATIO.

Cum in Articulo hoc, prouti repetitur à Menzero in Exegesi, pro verbis illis: *Propter Christum per fidem*: legatur: *Propter fidem*

per Christum; rectè monet Carpzov. Isagoge in Lib. Symb. p. m. 207. vitio amanuensis, vel typographi, trajectionem factam esse: quia alioqui consultò à phrasi illa: *justificari propter fidem*: abstinemus, ne fidei, ut operi, in justificatione virtutem aliquam adscribere videamur.

Melanchton verò deditâ operâ Articulum hunc prorsus immutavit, in locum genuinorum verborum ista substituens: *Ut autem consequamur hæc beneficia Christi, scilicet remissionem peccatorum, justificationem & vitam æternam, dedit Christus evangelium, in quo hæc beneficia nobis proponuntur, sicut scriptum est, Luca ultimo: predicari pœnitentiam in nomine ejus, & remissionem peccatorum, inter omnes gentes. Cum enim omnes homines naturali modo propagati habeant peccatum, nec possint verè legi Dei satisfacere; Evangelium arguit peccata & ostendit nobis mediatorem Christum, & sic docet nos de remissione peccatorum. Cum Evangelium arguit peccata nostra, corda perterrefacta statuere debent, quod gratis nobis propter Christum donentur remissio peccatorum, & justificatio per fidem, qua credere & considerare debemus, hæc nobis donari propter Christum, qui pro nobis factus est hostia & placavit Patrem. Quamquam igitur Evangelium requirit pœnitentiam; tamen ut remissio peccatorum certa sit, docet eam gratis donari: hoc est non pendere à conditione dignitatis nostræ, nec dari propter ulla præcedentia opéra, aut dignitatem sequentium. Fieret enim incerta remissio, si ita sentiendum esset; tum demum nobis contingere remissionem peccatorum, postquam eam præcedentibus operibus meriti essemus, aut satis digna esset pœnitentia; Conscientia enim in veris pavoribus, nullum invenit opus, quod possit opponere iræ Dei, & Christus nobis donatus & propositus est, ut sit propitiator. Hic honos Christi non debet transferri in nostrâ opéra. Ideo Paulus dicit: *Gratis salvati estis*. Item ideo ex fide gratis, ut sit firma promissio: hoc est ita erit certa remissio, cum sciemus, eam non pendere ex conditione nostrâ digni-*

dignitatis, sed donari propter Christum. Hæc est firma & necessaria consolatio piis & perterrefactis mentibus. Atque ita docent & S. Patres & extat apud Ambrosium memorabilis & insignis sententia his verbis: Hoc constitutum est à Deo, ut qui credit in Christum, salvus sit, sine opere, solâ fide, gratis accipiens remissionem peccatorum. Et fidei vocabulum, non solum cognitionem historia de Christo significat; sed etiam, credere & assentiri huic promissioni, quæ est evangelii propria, in quâ propter Christum nobis promittuntur remissio peccatorum, justificatio & vita æterna. Nam & hæc promissio ad historiam de Christo pertinet. Sicut & in Symbolo additus est historia hic articulus: Credo remissionem peccatorum. Et ad hunc articulum, reliqui de historiâ Christi referri debent. Nam id beneficium est finis historia: ideo Christus passus & resuscitatus est, ut propter ipsum nobis donarentur remissio peccatorum & vita æterna. Hucusque Confessio variata, in quâ displicet (1) quod Melanchton propriâ autoritate scriptum publicum mutaverit. (2) quod articulus novus prolixior est, quàm Confessionis tam succinctæ natura patitur. (3) quod in eo Evangelium dicitur arguere peccata; id quod tamen ad Legem pertinet. (4) quod nullâ urgente necessitate interpolatio suscepta est; cum breviter & nervosè omnia in Confessione invariata comprehendantur.

In hæc autem p. 13. 14. (10.) Justificatio describitur:

- I. Negativè, ita ut simul rejiciatur Antithesis: *Docent, quod homines non possint justificari coram Deo, propriis viribus, meritis, aut operibus.*
- II. Positivè, ut explicetur Thesis,
 1. à causâ impellente,
 1. internâ, docendo, quod homines *gratis justificentur.*
 2. externâ simulque meritoriâ, docendo, quod justificentur *propter Christum.*
 2. à causâ organicâ apprehensivâ, docendo, quod justificentur *per fidem*: Exprimitur autem fidei

- a { 1. Actus. *Cum credunt se in gratiam recipi & peccata remitti.*
 { 2. Objectum. *Propter Christum, qui suâ morte pro nostris peccatis satisfecit.*
 { 3. à causâ formali, de quâ ita: *Hanc fidem imputat Deus pro justitiâ coram ipso.*

A P O L O G I A, in Articulo II. de *Justificatione*, atque III. de *Dilectione & Impletionem Legis*, prolixè respondet iis, quæ ab Adversariis contra Articulum IV. V. VI. & XX Augustanæ Confessionis fuerant allata. Hæc cum methodicè repetere constituerimus, omnia ad duo revocabuntur capita. Nam in Apologiâ

{ I. DE JUSTIFICATIONE ex professo agitur & quidem

{ I. *ὁριστικῶς* per explicationem

{ 1. Nominis, quod justificare, forensi consuetudine, significet reum absolvere & pronuntiare justum
 p. 178. 196. (109. 125.)

{ 2. Rei ipsius, quæ expenditur

{ 1. Causaliter, quod videlicet Justificatio

{ 1. Formaliter consistat in imputatione alienæ justitiæ p. 196. (125.)

{ 2. Meritoriè dependeat à Satisfactione Christi.
 p. 193. 194. (121. 122.)

{ 3. Organicè

{ 1. nobis offeratur

{ 1. in verbo Evangelii p. 111. 187.
 (67. 116.)

{ 2. in Sacramentis p. 187. (116.)

{ 2. à nobis accipiatur Fide. Ubi plenius docetur

{ 1. quid sit fides justificans. p. 113. seq.
 (68. seqq.)

{ 2. unde eam consequamur p. 118. (71.)

3. quo

a

b

c

d

a b c d

3. quomodò distingvatur à justitiâ legis p. 124. (69.)
4. quod justificet p. 118. sq. (71. sq.) non tamen ut opus p. 116. (70.)
5. quod rectè SOLA dicatur justificare à p. 122. usque ad 136. (73. usque ad p. 81.)
6. quod non stet cum peccato mortali. p. 136. (81.) (144.) 86.

7. quod nequeat esse sine bonis operibus p. 143. (86.)
Hinc Bona Opera

1. urgentur à nostris p. 142. (85.)

2. non tamen concurrunt ad justificationem p. 145. sq. (87. 88.) & præprimis 148. (89.)

3. facienda sunt ob alias causas p. 159. 165. (95. 100.)

4. non proficiunt nisi à justificatis p. 138. sq. (83. 84.)

5. certâ ratione meritoria dicuntur p. 159. 188. (96. 117) Nimirum quatenus tò mereri idem est ac τυχεῖν *Obtinere*, vel *Consequi*: Sic enim Patres, & cum Patribus *Apologia* vocabulum hocce accipiunt.

6. habent annexam promissionem remissionis; sed non ut hujusdem causæ p. 187. (116.)

7. Legi haudquaquam satisfaciunt p. 153. (91. sq.)

8. placent interim, etsi imperfecta, propter Christum. p. 194. (122.)

2. Representativè, quando utilitas & necessitas orthodoxæ doctrinæ de Justificatione, ob oculos ponitur p. 137. 149. 195. 219. (82. 89. 123. 143.)

II. *Αντιθετικῶς*, ubi

1. Specialiter considerantur Adversariorum

1. Errores,

a b c

3. quod

a b c

1. quod justificemur legaliter per opera p. 99. seqq. (61. seqv.) item p. 145. (86.) Refutatur p. 99. seq. 161. seq. (61. seq. 98. seq.)
2. quod Christus *tantum meruerit primam gratiam, nos verò postea Deo placeamus, nostrâ legis implementatione & vitam æternam mereamur.* Refutatur p. 101. 150. seq. (62. 90.)
3. quod penes homines duplex inveniatur *meritum, congrui & condigni.* Refutatur p. 104. 199. 200. 208. (63. 127. 128. 133.)
4. quod homo propriis viribus possit legem Dei facere. Refutatur p. 99. 105. seq. (61. 64. seq.)
5. quod opera supererogationis præstari queant. Refutatur p. 211. 212. (135. 136.)
6. quod fides duntaxat sit initium justificationis, sive præparatio ad eam. Refutatur p. 121. (72.)
7. quod Sacramenta conferant Spiritum Sanctum ex opere operato. Refutatur p. 119, (71.)

(2. Objectiones

1. contra Thesin nostram,

(1. De Justificatione ipsâ

1. ex Matth. XIX. 7. Rom. III. 31. Jerem. XXXI. 33. &c. Respondetur p. 138. sq. (83. sequ.)
2. ex I. Cor. XIII. 2. Resp. p. 165. (100. sq.)
3. ex I. Cor. XIII. 13. Resp. p. 168. sq. (102. sq.)
4. ex Col. III. 14. Resp. p. 170. (104.)
5. ex I. Petr. IV. 8. Resp. p. 173. (105. sq.)
6. ex Jacob. II. 24. Resp. p. 175. (107. seq.)
7. ex Luc. VI. 38. Et. LIIIX. 7. Dan. IV. 24. Matth. V. 3. 7. Resp. p. 180. (110. seq.)

a b

c

d

c

8. ex

a b c d e

8. ex Luc. XI. 41. Resp. p. 189. (117. seq.)

9. quod sic incerta sit futura spes nostra. Resp. p. 208. (133.)

10. quod per nos bonorum Operum necessitas destruat. Resp. p. 203. (133. sequ.)

11. quod vita æterna vocetur *merces*. Resp. p. 210. (135. sq.)12. quod bona Opera legantur *mereri* vitam æternam. Resp. p. 214. (138.)13. ex receptâ vulgò doctrinâ, quod B. O *placeant propter gratiam*, quodq; *valeant virtute passionis Christi*. Resp. p. 215. (139. seqq.)

2. De Fide justificante,

1. quod impii, imò & Diabolus credant, nec tamenificentur. Resp. p. 195. (124.)

2. quod iustitia sit in voluntate, adeoque nequeat tribui fidei, quæ est in intellectu. Resp. p. 196. (124. sq.)

3. quod si fides est, quæ vult illa, quæ in promissione offeruntur, sic Fides & Spes confundantur. Resp. p. 197. (126.)

2. Contra Theseos probationem,

1. de Justificatione ex Luc. XVII. 9. quæ afferuntur & diluuntur p. 206. (131.)

2. de Fide, ex Act. XV. 9. seq. quæ afferuntur & diluuntur p. 135. (81.)

2. Generaliter refutantur, quæ in his, similibusque occurrunt. Ostenditur enim

1. quod Adversarii in hoc articulo parum, aut nihil intelligant. p. 98. 161. (60. 98.)

a b

2. quod conquirant dicta de lege & operibus; negligant autem dicta de Evangelio. p. 157. (94.)

3. quod Conscientias relinquant ambiguas p. 162. (191. 195. 206. 268. 119. 124. 128.)

4. quod in Christum, ejusdemque meritum injurii sint. p. 161. 163. 195. 199. (98. 100. 123. 127.) (p. 281.)

5. quod toti Ecclesiæ veteri contradicant. p. 200. (128. seq.)

6. quod causæ diffidentes, præsidium à crudelitate petant p. 172. 220. (105. 143.)

(II. Alia velut in transcurso immiscantur,

1. de origine cultuum electitiorum p. 100. (61.)

2. quousque justitia rationis magni facienda. p. 101. (64.)

3. de Evangelio peccata arguente p. 115. (71.) Ubi Evangelium in sensu latiori, pro totâ doctrinâ Christi sumitur: In sensu enim strictiori non est nisi promissio gratiæ, justificationis & æternæ salutis, quod ipsa Apologia docet p. 111. (67.) & imprimis p. (187.) (126.)

4. errasse, qui opera Sanctorum imitabantur, fidem autem non tenebant, p. 162. (98. seq.)

5. quæ Papa & Clerus ejus sentit, non propterea Ecclesiæ sententiam esse. p. 218. (141.)

6. neminem multitudine Adversariorum turbari debere. p. 219. (142.)

7. Ecclesiam penes hos esse, qui Evangelium rectè docent. p. 220. (143.)

II. DEMONSTRATIO.

Thesis I. *Justificare hoc loco in forensi sensu, significat reum absolvere & justum pronuntiare.*

Expositio. 1. Non videndum, quid vocabulum Justificationis, quomodocunque sumtum, significare possit; sed quid impræsentiarum significare debeat.

2. Concedimus, vocabulo illo in sacris varia indicari, v. gr. (1) justitiæ divinæ agnitionem & celebrationem Lucæ VII. 29. (2) inanem, famæ de justitiâ captationem. Lucæ X. 29. (3) ab actu peccandi liberationem. Rom VI. 9. (4) justitiæ aliunde ortæ, per externa signa, manifestationem, Jac. II. 21. At nunc quæritur, quid vocabulo illo indicetur, quando Scriptura de reconciliatione hominis cum DEO agit.

3. Tunc igitur non ad etymon vocis respiciendum est, quasi Justificare sit justum facere, h. e. inhærente qualitate justitiæ inbuere; sed ad usum Spiritus Sancti, ita ut Justificare sit, per judicalem sententiam justum declarare.

4. Nempe Justificatio fit in judicio Dei, coram quo Actor est Lex. Rom. III. 20. Joh. V. 45. Reus est homo peccator. Rom. III. 4. 19. Testis est conscientia. Rom. II. 15. Job. XXXVI. 9. Materialis est Debitum nostrum Matth. XXIX. 24. & Chirographum, quod contra nos est, scriptum peccatis nostris Col. II. 14. Judex est Deus Rom. II. 2. 3. 4. Advocatus, idemque Fidejussor est Christus, qui Absolutionem, adeoque ipsam Justificationem merito suo nobis consequitur 1. Joh. II. 1.

Beſtatums. Probatur, ex inductione omnium Scripturæ locorum, in quibus de Justificatione nostrâ coram Deo agitur v. gr. Rom. IIX. 33. Pl. CXLIII. 2. 3. &c. imprimis ex illis dictis, in quibus Justificatio condemnationi opponitur

v. gr. Rom. V. 16. II X. 33. 34. &c. Si igitur condemnare est forense vocabulum, utique etiam tale est justificare. Nam opposita contraria sub eodem genere continentur.

2. ex inductione phrasium æquipollentium. Justificari enim est *non venire in iudicium*. Joh. V. 24. *non judicari*. Ibid. III. 18. *à peccatis absolvi* Luc. XII X. 14. &c.

ΑΓΙΘΕΩΣ est 1. Pontificiorum, qui de voce Justificationis, ex ejus compositione judicant, ita ut Justificare sit, per infusionem justitiæ, justum facere; sicut calefacere est calidum facere, frigefacere est frigidum facere, dealbare album facere; quibus similibus utitur Costerus in Enchiridio c. 6. Hinc Justificatio à Thomâ definitur, P. 2. quæst. 113. quod sit, *motus mentis, quo moveamur à Deo, à statu peccati in statum justitiæ*.

2. Ex Hyperpietistis Dippelii, sub nomine Democriti, *Wein und Gese*. p. 218. Verba ejus papizantia allegantur in Wigandianis. p. 55.

Thesis II. *Justificatio formaliter consistit in remissione peccatorum, Christo imputatorum, & in imputatione justitiæ Christi, obedientiâ ejus nobis acquisita.*

ΕΞΘΕΩΣ. 1. Alii ita efferunt: Per justificationem non imputantur peccata nostra; imputatur autem satisfactio aliena. Cum non imputantur peccata nostra, eo ipso remittuntur: Cum verò imputatur satisfactio Christi, eo ipso justus declaratur homo peccator. Hæc adeo, quæ diversis loquendi formulis efferuntur, non re, sed phrasi differunt.

2. Propterea verbum Dei Justificationem nunc describit à termino ad quo, nempe à justitiâ alienâ, quæ imputatur Rom. IV. 5. 6. Phil. III. 9. nunc à termino à quo, nempe à peccatis, quæ remittuntur Rom. IV. 7. Col. I. 14. Sicut unusidemq; actus vestituræ dupliciter describi potest, & quod nuditas tegatur & quod amictus induatur,

3. In peccatorum remissione non annihilatur actus; sed tantum deletur reatus. Peccata enim remittuntur, non ut non sint; sed ut non imputentur.

4. Imputatio autem intelligitur vera & realis; non putativa & fictitia. Unde propter hanc imputationem homo coram Deo non tantum dicitur; sed etiam realiter fit justus.

5. Non tamen Imputatio alienæ justitiæ fit juxta debitum; sed juxta gratiam. Rom. IV. 4. Quod juxta debitum imputatur, ejus fundamentum est in eo, cui imputatur, utpote qui meretur. Quod verò juxta gratiam imputatur, ejus fundamentum est in eo, qui imputat, utpote qui in altero nihil invenit, à quo ad imputationem obligari queat.

6. Sic Peccatori imputatur justitia Christi: non essentialis, quam juxta divinam naturam ab æterno, juxta humanam naturam à primo unionis momento habuit; sed justitia mediatrix & satisfactoria. Alii ita: Non imputatur justitia personæ; sed meriti.

7. Etsi enim justitia Dei essentialis (quippè quæ à Deo realiter non differt) in justificatione operetur, per modum causæ efficientis principalis; non tamen operatur, per modum causæ meritoriae, ut per eam homo formaliter fiat justus.

8. Agnoscimus, quod *Jehovah sit Justitia nostra* Jerem. XXIII. 6. XXXIII. 16. sed negamus, quod Christus sub nudo illo respectu, quatenus Jehovah est, sit justitia nostra. Namque is officio mediatorio secundum utramque naturam fungitur.

9. Similiter concedimus, Christum in Iustificatione se habuisse ut causam impellentem; quamvis inficiemur, eum se habuisse, tantum ut causam impellentem. Nam fuit etiam (1) causa meritoria Es. LIII. 5. 6. (2) causa conferens Ioh. X. 28. Col. III. 13. (3) causa materialis, sive objectum imputabile, quia ipsa Christi justitia per imputationem fit nostra

stra iustitia. De quo ita Lombardus Lib. 3. Dist. 19. *Reconciliavit nos tota Trinitas, virtutis usu* (scilicet dum peccata delet); *sed Filius solus impletione obedientia.*

10. Satisfactoria obedientia Christi non respicit solum Patrem; sed divinam iustitiam, Patri, Filio & Spiritui S. communem: quapropter nulla dissensio inter Personas S. S. Trinitatis metuenda est.

11. Pretium à Christo non solum est iniquitatibus, ut Sociniani cavillantur, ex Tit. II. 14. sed pro iniquitatibus: non Satanæ, qui nos captivos tenebat, ut executor divinæ iustitiæ; sed Deo, qui nos Satanæ alioqui reliquisset. Col. I. 13.

12. Deus ex merâ gratiâ tollit reatum peccatorum; sed ut illa gratia, non nisi per Christi obedientiam satisfactoriam nobis obtingat, Rom. III. 25. Subordinata ergo malè sibi invicem opponuntur.

13. Alia quæstio est, an iustitiam inhærentem & habitua-lem per Christum habeamus? & alia, an per iustitiam inhærentem & habitua-lem iustificemur? Illam evincunt dicta Scripturæ Rom. VI. 1. 2. 3. 4. IIX. 10. 1. Ioh. III. 7. Hanc impugnamus.

14. Deus nos prædestinavit conformes facere imagini Filii sui 1. Cor. XV. 49. Rom. IIX. 29. sed non in modo justificationis; verùm in actu glorificationis. Non ergò sequitur: Christus est iustus per inhærentem iustitiam: Ergò & nos. Nisi etiam ita vellemus concludere: Christus est iustus originaliter: Ergò & nos.

15. Quando autem in Vulgatâ legimus: *Iustificavi cor meum* Psal. LXXIII. 13. pro eo Textus Hebræus habet *Mundavi*. Ex quo patet, Psaltem de Renovatione agere; non de Iustificatione.

Beza. Probatum, 1. ex Rom. III. 23. 24. 25. 26. in quo

quo loco verè classico Iustificatio describitur (1) à causâ efficiente principali, quod sit actio Dei. Nam homines iustificantur *Dei gratiâ* v. 24. qui se habet ut *iustificans*. v. 26. (2) ab objecto personali, quod ordinetur pro homine lapsò. Nam qui iustificandi sunt, *omnes peccaverunt & destituuntur gloriâ*. v. 23. (3) à causâ meritoriâ, quod fiat propter meritum Christi. Nam homines iustificantur *per redemptionem factam in Christo Jesu*. v. 24. *in sanguine ejus*. v. 25. (4) à causâ organicâ, quod homo eam consequatur per fidem, apprehendentem Christi meritum. Nam Deus *proposuit Christum propitiationem per fidem* v. 25. *Iustificat eum, qui est ex fide Jesu*. v. 26. (5) ab adjuncto præcipuo, quod sit gratuita. Nam Peccatores iustificantur *gratis, Dei gratiâ*. v. 24. (6) à fine, quod promoveat gloriâ Dei. Nam Deus peccata remittit, *ad demonstrandam justitiam suam* v. 25. 26. (7) à formâ, quod consistat (α) in remissione peccatorum, Christo imputatorum. Nam Deus *Christum propitiationem proposuit per remissionem peccatorum, ante commissorum*. v. 25. Conf. Ef. LIII. 5. 6. (β) in imputatione justitiæ Christi, obedientiâ ejus nobis acquisitâ. Nam in Christo *ostenditur sive offertur nobis justitia*. v. 25. Non infusa; alioqui enim iustificaremur ex meritis, contra v. 24. Ergò imputata, ita ut Christi justitia fiat nostra justitia. Conf. Phil. III. 9 Hæc conjunctim proposuimus, ut simul conspectus totius Articuli de Iustificatione, juxta mentem Pauli, exhiberetur; quamvis ultima solummodò ad demonstrandam thesin nostram faciant.

2. ex 2 Cor. V. 18. 19. 20. 21. ubi audimus. (1) remitti nobis peccata; quippe quæ *non reputantur* v. 19. Synonyma autem grammatica sunt peccata remittere & non imputare, juxta Pl. XXXII. 1. 2. (2) peccata illa Christo imputari, utpote *qui pro nobis peccatum factus est* v. 21 recipiendo

piendo scilicet aliena delicta *Es. LIII. 5. 6. (3)* Christum acquisivisse iustitiam. Non enim solum iustus est, ideo *quia non novit peccatum*; sed etiam quia meruit, *ut nos efficiamur iustitiâ v. 21. (4)* Iustitiam Christi nobis imputari. Quem admodum enim *Christus factus est peccatum pro nobis; ita nos efficiamur iustitiâ in ipso. v. 21.* Atqui Christus factus est peccatum pro nobis, quando ei imputata sunt peccata nostra: Ergo & nos efficiamur iustitiâ in ipso, quando nobis imputatur iustitia ejus. *Conf. Rom. IV. 5. (5)* in his Iustificationem formaliter consistere. Quia in his consistit reconciliatio nostra cum Deo, *v. 18. 19.* Per quod verò cum Deo reconciliamur, per illud etiam justificamur.

Antithesis est 1. Pontificiorum (1) antiquorum & crassiorum, qui apertè statuebant, hominem mereri Iustificationem per opera, de quibus Apologia agit p. 100 145. (61. 86.) (2) Recentiorum & subtiliorum, qui nos per habitum infusum, quo adjuti Legem Dei facere possumus, justificari tradunt. Idem distinguunt inter Iustificationem primam & secundam. Illam vocant, quando iustitiâ habitualis infunditur: hanc verò quando per habitum infusum opera iustitiæ præstantur, & per illa opera, habitualis iustitia conservatur, augetur & perficitur. Vid. *Carpzov. Isagog* in *Libr. Symbol. p. m. 216.*

2. Socinianorum, qui Iustificationem in nudâ iustihabitione & qualiscunque iustitiæ acceptatione, sine intuitu meriti & satisfactionis Christi, consistere statuunt.

3. Anabaptistarum & Quackerorum, qui per opera se justificari credunt. Vid. de illis *Bottlacci Anabaptismus c. 21. error. 3. p. 146.* de his autem *Quackerismus à nobis confutatus Art. 14. Hypoth. n. 18. p. 50. & n. 21. p. 53.*

4. Syncretistarum, qui Articulos de Iustificatione & Sanctificatione confundunt,

Ex Hyperpietistis Democriti, sive ut verum nomen ejus apponamus, Dippelii scribentis (1) Iustificationem in veteris hominis depositione & novi resurrectione, adeoque in renovatione consistere, in der Ortho- und Heterodoxie p. 33. sq. Verba ejus exhibentur in Wigandianis p. 55. (2) nobis in Iustificatione non Christi, sed nostram, eandemque inhærentem justitiam imputari. Wein und Gele. p. 203. Verba ipsa referuntur in Wigandianis p. 56. (3) per doctrinam nostram de Iustificatione, studium pietatis impediri atque impietati fenestras aperiri, Papism. Protest. vapulans p. 44. Verba ejus videantur in Wigandianis p. 57. (4) Definitionem Iustificationis Evangelico-Lutheranam omni fundamento carere. Wegweiser p. 200. Verba ejus sistuntur in Wigandianis p. 54.

6. Osiandristarum, qui hominem per essentialem Dei justitiam justificari asseriebant.

Thesis III. Ad obtinendam Justificationem, à parte hominis, ut instrumentum apprehensivum requiritur fides salvifica, cujus tres partes sunt, Notitia promissionum evangelicarum, Assensus iisdem promissionibus prestitus & Fiducia in Christum promissum.

Ex Genes. I. Causæ mediæ Iustificationis à parte Dei sunt Verbum & Sacramenta; à parte autem hominis est Fides.

2. Non verò loquimur de fide activâ, quæ nihil aliud est, quam veritas & constantia in dictis & factis Pl. XXXVI.

15. Rom. III. 3. sed de fide passivâ.

3. Hanc porro duplicem faciunt, nempe Objectivam, sive quæ creditur, & Subjectivam, sive quâ creditur: Illa in rebus ipsis hæret, notatque totam Scripturam S. aut specialiter Evangelium, vel capita religionis Rom. I. 5. Eph. IV. 5. 1. Tim. I. 19. Hac in animo credentis reperitur, & ulteriorem considerationem meretur.

T

4. Nam

4. Nam Fides subjectiva, aut solius intellectus est, aut simul intellectus & voluntatis.

5. Fides, quæ solius intellectus est, porro multifariam dispescitur: Cum enim significat notitiã & assensum, circa rem quancunque, quæ legitur vel auditur, Fidẽ historicam vocant Iacob. II. 19. Talis fides etiam in impiis datur, qui veritatem agnitam reluctante conscientia impugnant. Cum verò significat notitiã & assensum, circa futurum effectum extraordinarium, ex singulari revelatione divinitus promissum, Fidẽ miraculosam appellant 1. Cor. XII. 9. XIII. 2. qualis denuò in impios cadit. Matth. VII. 22. Quandoquẽ significat notitiã & assensum circa doctrinam coelestem, unã cum lætitiã, quæ tamen ex alio principio, quàm fiduciã exoritur, nimirum vel quia doctrina nova est, vel quia per doctrinam auditores ab oneribus quibusdam solvuntur, vel quia iidem ex doctrinã licentiam peccandi captant; quæ fides non indicat verè fideles.

6. Fides verò, quæ simul & intellectus & voluntatis est, salvifica & iustifica nominatur, de quã unicè nunc solliciti sumus.

7. Ea aut spectatur concretè, quatenus includit thesaurum, quem apprehendit, nempe meritum Christi. Gal. III. 23. aut abstractè, quatenus ut instrumentum apprehendens, contradistinguitur thesauro apprehenso. Iuxta priorem sensum Fides iustificat formaliter; juxta posteriorem organicè sive instrumentaliter.

8. Observandum quippe, quod virtus iustificandi non competat Fidei internè, absolutè, in se & suã naturã, quatenus opus est; sed externè, relativè, sive propter objectum meritoriè iustificans, quatenus hoc à fide apprehenditur: quemadmodum situla per se non restinguit sicim; sed quatenus aqua inde bibitur; aut quemadmodum extensio ma-

nus

ius non levat paupertatem mendici per se; sed quatenus elemosyna accipitur.

9. Etsi igitur meritum Christi & Fides diversa sint; tamen in Iustificationis negotio divelli nequeunt: quippe quæ perpetuò se mutuò respiciunt. Undè strictè loquendo, nec meritum Christi solum, nec fides sola imputatur; sed meritum Christi apprehensum, sive fides meritum Christi apprehendens.

10. Hoc igitur modo Autores concilientur, qui nunc Fidem, nunc meritum Christi justificandis imputari scribunt. Eodem certè res recidit, sive dicamus (1) justificari nos fide, scilicet quatenus Christum apprehendit, (2) nos justificari per Christum, aut merito, obedientiâ vel iustitiâ Christi, scilicet quatenus fide apprehenditur (3) fidem scilicet quatenus Christum apprehendit, nobis imputari ad iustitiam (4) nos justificari Dei misericordiâ, scilicet per fidem nobis imputante Christi meritum, (5) nos justificari remissis peccatis, scilicet propter Christum fide apprehensum. Modi ejusmodi loquendi inter se non sunt oppositi; sed coordinati.

11. Cum partes Fidei tres sint, sciendum, quod Fides QVÆ justificat respectu notitiæ & assensus, pro objecto habeat omne Dei verbum, imprimis articulos religionis. Conf. Matth. IX. 28. 29. At Fidei QVATENUS justificat, objectum est solum verbum Evangelii, de gratuitâ remissione peccatorum.

12. Ut singulas partes exactiùs consideremus, initium facimus à primâ, nempe à Notitiâ, quæ nobis significat apprehensionem intellectualem rei, quæ credi debet, scilicet (quoad præsentem articulum) promissionis evangelicæ. Sufficit igitur rem credendam apprehendi; quamvis ea non possit cerni, aut per causas demonstrari. Hebr. XI: 1.

13. Nam aliud est γνώσις seu notitia, aliud ἐπιστήμη sive

scientia. Eò etiam tendunt, qui inter notitiã certitudinis & evidentia distingvunt. Satis est, si quis noverit *ידע*, sive quod res credenda ita se habeat; etiamsi explicare nequeat *ידוע*, i. e. quare res credenda sic se habeat.

14. Cæterum locus, qui nobis opponitur, ex *Es. VII. 9.* malè redditur: *Nisicredideritis, non intelligetis*: Textus enim Hebræus ita vertendus est. *Nisicredideritis (לֹא תֵאֱמְנוּ) non eritis stabiles, sive fideles.* Unde corrui, quod elicitur, videlicet, Fidem esse viam ad notitiã

15. Altera pars Fidei est Assensus, quã voce indicatur iudicium intellectûs, approbans rem à notitiã apprehensam, scilicet (in hoc nostro Articulo) promissionem evangelicam. Si igitur quærat, an Fides sit assensus? affirmamus: Si quærat, an Fides tantum sit assensus, nimirum ita, ut excludatur Fiducia? negamus. Unius enim positio non est alterius exclusio: quod notandum propter illa, quæ ab Adversariis afferuntur, ex Apologiã *Aug. Conf. p. 114. (68.) Fides est assentiri promissioni.* Item *p. 136 (81.) Fides propriè dicta est, quæ assentitur promissioni.* Nam in priori loco statim additur *p. 114. (69) Ne quis suspicetur tantum notitiã esse, addemus amplius: Est velle & accipere promissionem.* Id quod per fiduciam fit.

16. Tertia igitur pars fidei est Fiducia, quam Patres nonnulli Spem, juxta generalem vocis acceptionem, dixerunt: Strictè enim loquendo, Fiducia Spei distingvitur à Fiduciã Fidei. Illa consistit in expectatione boni; hæc in apprehensione.

17. Inde fit, ut Fiducia interdum Apprehensio dicatur; non tamen theoretica, quæ notitiã absolvitur; sed practica, quæ totius voluntatis in merito Christi acquiescentiam involvit, quatenus videlicet conscientia, sensu iræ divinæ ob reatum territa, obedientiam Christi satisfactoriam, in Verbo

amentis oblatam accipit, eamque sibi in iudicio Dei imputari desiderat, imo jam imputatam esse confidit.

18. De reliquo, Fiducia jam non sumitur pro *παρρησία*, sive Confidentiâ, ortâ ex promissionum Evangelicarum applicatione; quippe quæ fidei consequens est, & in precibus periculisque se exerit, Iac. I. 6. Marc. I. 40. Eph. III. 12. verum pro ipsâ promissionum Evangelicarum appropriatione.

19. Quia autem talis Fiducia, tanquàm præcipua pars Fidei se habet, idèd nonnunquàm per Synecdochen totius, Fides solam Fiduciam notat, eoque in sensu notitiæ opponitur 1. Cor. XIII. 2. 8. Cum alioqui in acceptione vocis adequatâ, Fidei præter Fiduciam, etiam Notitia & Assensus, ceu partes, subordinentur.

20. In Articulo de Justificatione, objectum Fiduciæ, imo totius Fidei, statuuntur esse nunc promissiones de remissione peccatorum; nunc ipsa remissio, vel reconciliatio peccatoris cum Deo, aut receptio in gratiam Dei; nunc meritum & iustitia Christi, vel misericordia Dei: quæ sententiæ non sunt oppositæ, sed coordinatæ, aut subordinatæ.

21. Fides enim apprehendit misericordiam Dei, ut causam impulsivam internam justificationis: apprehendit meritum & iustitiam Christi, ut impulsivam externam, simulq; meritoriam: apprehendit promissionem Evangelicam, ut effectum & declarationem gratiæ: apprehendit remissionem peccatorum & receptionem in gratiam Dei, ut bona in promissione oblata.

22. Si homo permansisset in statu integritatis, propter operum perfectionem habuisset fiduciam legalem, innixam veritati Dei, qui legem impleturo vitam æternam promittebat. At nunc in statu corruptionis, propter operum imperfectionem, concipimus fiduciam evangelicam, innixam misericordiæ Dei, qui per & propter Christum, credenti vitam æternam offert. Conf. Dan. IX. 18.

23. Fides igitur, in præfenti Articulo, non potest per obedientiam. Nam utut generaliter spectata, conformis sit legi; non tamen justificat, quatenus conformis est legi; sed quatenus apprehendit meritum Christi.

24. Neque illud verum est, quod charitas sit forma fidei; prout volunt, qui fidem in formatam & informem distinguunt, atque istam sic vocant, quod formetur ab operibus; hanc quoddam destituatur operibus. Nos Fidei & Charitatis connexionem agnoscimus; sed mutuam constitutionem perscrutemur.

25. Si quis quærat, unde Fides apud Iustificatos cognoscatur? Respondemus: per Charitatem sive per Opera, ex Iacob. II. 17. 18. non item, ubi quæritur, unde Fides sit?

26. Fides quidem per Charitatem est efficax, seu per ἐνεργίαν & proprium consequens Gal. V. 8. nequaquam verò seu per ἐνέργειαν & formale constituens.

27. Unde licet in descriptione credentis, sive fidelis, possit mentio fieri charitatis; non tamen id locum habet in definitione ipsius Fidei. Plus enim solet esse in concreto, quàm in abstracto.

28. Fiducia Fidei non acquiescit in Deo, ut valenti peccata remittere; sed ut volenti, & quia voluntas ista est efficax, ut actu propter Christum remittenti.

29. Idcirco non sufficit aliquem de merito Christi certum esse objectivè, scilicet quod detur; nisi etiam certus sit subjectivè, scilicet quod sibi imputetur.

30. Fides in se una est, Ephes. IV. 5; sed ratione subjectorum, quoad numerum & gradum, multiplex & diversa. Nam quilibet suam fidem vivit, Habac. II. 4. Rom. I. 17. Deusq; huic maiorem, illi minorem fidem concessit. Rom. XIV. 1.

31. Fides infirma idem objectum, nempe totum Christum

atum apprehendit, cum fide firmâ; quamvis non apprehendat in eodem gradu. Unde omnis fides dicitur *ισότιμος* æquè pretiosa. 2. Petr. I. 1. videlicet respectu objecti; non respectu perfectionis in subjecto.

Βεβαιωσις. Probatur, 1. *Quod ad obtinendam Justificationem à parte hominis, requiratur Fides*, ex Rom. III. 22. *Justitia Dei per fidem Jesu Christi, venit in omnes & super omnes, qui credunt.* In quibus verbis, justitia Dei dicitur venire *in omnes*, ne quis excipiat, & *super omnes*, ut origo fidei indicetur. Neque enim nostrum opus est; sed Dei. Ioh. VI. 29. Hebr. XII. 2, dona sua desuper demittentis. Iac. I. 17.

2. *Quod Fides in Justificatione non considerata sit ut virtus Theologica, sive opus hominis, aut ut moralis conditio, vel materia imputationis; sed tantum ut instrumentum apprehensivum* ex Rom. IV. 5. *Nem operanti; credenti autem in eum, qui justificat impium, reputatur fides ejus ad justitiam.* Ubi (1) Subjectum Iustificationis dicitur esse (*ὁ μὴ ἐργαζόμενος*) non operans. Ut proinde nihil in nobis ad justificationem concurrat, per modum cujuscunque operis, aut præcedanæ moralis conditionis. (2) *Credens* describitur respectivè ab objecto in quod fertur, nempe ab eo, qui *justificat impium*. Ex quo colligimus, etiam Fidem ita considerandam esse, nempe quatenus apprehendit eum, qui justificat impium. Qualis enim est (*πιστεύων*) *Credens*; talis est (*πίστις*) Fides. Huc respicit Spiritus S. quando docet, nos justificari (*πίστις*) Fide. Rom. III. 28. (*διὰ πίστεως*) *per fidem* Phil. III. 9. 2. Tim. III. 15. (*ἐκ πίστεως*) *ex fide* Gal. III. 7. (*κατὰ πίστιν*) *secundum fidem* Tit. I. 1. (*ἐν πίστι*) *in fide* Col. II. 7. (3) *Fides* dicitur imputari ad justitiam, & quidem uti in vulgatâ additur, *secundum propositum gratia Dei*. Quapropter ita colligimus: Quicquid gratiosa acquisitioni Dei unice adscribitur, id non tribuendum est fidei ceu operi; aut sub ratione conditio-

ditionis moralis, vel materiæ imputabilis. Atqui Justificatio. Ergò:

3. *Quod Fidei tres partes sint, Notitia, Assensus & Fiducia:* Generaliter (1) ex Rom. V. 1. 2. ubi postquam dictum est, *nos justificari ex fide* v. 1. additur: Fide nos (α) *accedere in gratiam*, quod fit per notitiam Ioh. XVII. 3. (β) *stare in gratiâ*, quod fit per assensum immotum 1. Cor. XV. 1. Eph. VI. 14. (γ) *gloriari in spe gloriæ filiorum Dei*, quod fit per fiduciam 1. Joh. V. 14. Hebr. IV. 16.

(2) ex 2. Tim. I. 12. ubi Apostolus, Fidei suæ rationem redditurus, per partes it, mentionemque facit (α) notitiæ: *Scio cui credidi*: (β) Assensus: *Et certus sum*: græcè *πέποιθα* *persuasus sum*; quod assentientium est. (γ) Fiduciæ, omnipotentiâ Dei nixæ: *Non confundar, quia potens est depositum meum* (i. e. animam) *servare in illum diem*. Conf. 2. Tim. IV. 8.

II. Specialiter 1. *de Notitiâ* (α) ex Joh. XVII. 3. ubi *notitia* legitur *esse vita æterna*, per metonymiam effecti, i. e. causa vitæ æternæ, si non in se; saltem in alio, tanquam toto suo talis, nempe in Fide, tanquam in unico organo, quo à parte hominum vita æterna apprehenditur. Marc. XVI. 16. Joh. III. 15. 16. V. 24. VI. 40. 47. XI. 25. XII. 31. 1. Petr. I. 5. (β) ex Ef. LIII. 11. (vel 12.) ubi Christus *cognitione sui* dicitur *justificaturus esse multos*, videlicet non cognitione solitariè spectatâ; sed in toto suo, nempe Fide, cui influxus causæ organicæ tribuitur, (3) ex consequentiâ: Nisi notitia requireretur ad fidem salvificam; sequeretur, fidem salvificam deterioris conditionis esse, quàm fidem Diabolorum, utpote qui norunt, quod credunt. Jac. II. 19.

2. *de Fiduciâ*, (α) ex Hebr. XI. 1. ubi Fides dicitur esse (ὡς ὅτι) *subsistentia rerum sperandarum*. ὡς ὅτι autem nuncu-

nuncupatur ab ὁπισθοθεν *firmiter stare, non fugere, non cedere, non cadere.* Indicatur ergò, quod fides in promissionibus Dei de vitâ æternâ, per Christum consequendâ, immotè acquiescat; non aliter ac si res promissas jam habeat, Conf. Rom. II X. 24. (β) ex locis parallelis: Nam in V. T. Fiducia pro Fide, & Confidentes pro Credentibus ponuntur e.gr. Ps. II. 12. *Beati omnes, qui confidunt in eo;* cum quo conferatur Marc. XVI. 16. item Es. XXVI. 3. *Servabis pacem, quia in te confisus est;* cum quo conf. Rom. V. 1. item Proverb. III. 5. *Confide Domino ex toto corde;* cum quo conf. Act. II X. 37.

Αντίθεσις est 1. Pontificiorum, docentium, (1) Fidem consistere in nudo assensu, adeoque per Fiduciam definiri non posse. (2) Sufficere Christiano Fidem implicitam, ut profiteatur, *se credere quod Ecclesia credit*, et si quid Ecclesia credat, penitus ignoret. Hanc vocant fidem carbonariam, quam mirifice commendare solent. (3) Fidem in actu justificationis, spectari ut opus nostrum, quo mereamur aliquid coram Deo (4) Fidem etiam historicam & miraculosam esse salvificam.

2. Socinianorum, docentium (1) Fidem formaliter consideratam esse obedientiam præceptorum Dei. (2) Fidem in actu justificationis non se habere ut instrumentum apprehensivum, sed ut causam sine quâ non.

3. Arminianorum, docentium (1) Fidem formaliter spectatam esse actum credentis, quo hic postulato evangelicæ obedientiæ respondet. (2) eandem ad justificationem non influere instrumentaliter, sed tantum esse conditionem in fœdere evangelico præscriptam.

4. Weigelianorum aliorumque Fanaticorum, quibus Fides nihil aliud est, quam imitatio Christi, inhabitatio ejus, obedientia &c.

5. Pietistarum, & qui impudentius mentem suam detegunt, Hyperpietistarum. Docent enim (1) Fidem esse *momentum scintille* (i. e. luminis Quackeriani, cum quo hæc scintilla ex asse convenit) *quo homo spei sue de amore Dei intra se impetrando, fiduciam habet*; atque objectum fidei intra nos quærendum esse, in scintillâ istâ insitâ. Sic Thomassius in Wigandianis nostris p. 53. (2) Fidem esse ipsam charitatem, Sic Lic. Brenneiscenius, imo & D. Breithauptius, in Supplemento Synops. Art. 20. Th. 3. lit. 9. (3) Dilectionem, obedientiam, resignationem sui ipsius, & imitationem Christi, esse formam fidei. Sic M. Achilles &c. Ibid. lit. 6.

Thesis IV. *Justificamur SO LA Fide, hoc est ita, ut nihil præter fidem, in actu hoc, coram tribunalî DEI, ex parte nostri requiratur, neq. ullum aliud medium sit, quo gratia Justificationis apprehendi, nobisq. applicari possit.*

"Εκθεσις. 1. Præter illa, quæ in præcedenti controversiâ proponebantur, observandum, quod non loquamur de Fide apparenti & hypocriticâ, quæ est nuda professio oris; sed de Fide verâ verèque Christianâ, quæ in corde residet.

2. Eadem Fides non consideratur nunc absolutè, prouti est virtus Theologica: quo in sensu ei, propter durationem, præfertur charitas 1. Cor. XIII. 2. 8. 13: verùm relativè, quatenus refertur ad objectum suum, nempe meritum Christi.

3. Sic & Justificatio dupliciter spectatur, aut quatenus fit coram Deo; aut quatenus declaratur coram hominibus. Priori modo est solius Fidei; posteriori operum. Jacob. II. 20. 21. 22. 24.

4. Largimur, quod à Fide sit initium Justificationis; negamus autem, quod solum initium: cum à Fide etiam sit Justificationis complementum.

5. Distin-

5. Distingvimus inter Justificationis actum, quo iustificandus primùm iustificatur; & inter Justificationis statum, quo Justificatio in eo, qui jam iustificatus est, continuatur. Hanc distinctionem ipse Spenerus admittit, cujus verba in Synopsi nostrâ adducuntur Art. 20. qv. 11. ut proinde qui eam suggillat, non possit non simul Spenerum suggillare.

6. Hac distinctione non infertur duplex Justificatio; sed unius ejusdemque Justificationis, sub respectu ad subiectum, duplex considerandi modus. Frivolum igitur & plumbeum atque autore suo dignum est iudicium ejus, qui duplicem Pontificiorum Justificationem. nempe primam & secundam à nobis reduci & incrustari, nugatur.

7. In primo Justificationis actu, ita Fides sola est, ut ipsam bonorum operum præsentiam excludat: Hinc in Formulâ Concord. Art. 3. Antithes. 11. p. 829, 830, (586. 587.) *repudiamus & damnamus, bona opera necessariò ad justitiam requiri, & absq; eorum præsentia hominem justificari non posse.* Cæterùm in Justificationis statu, fides ita iustificat sola, ut bona opera tantùm à concursu influxus ad Justificationem; non verò etiam à præsentia excludantur.

8. Proinde ad statum justificationis referenda sunt sequentia, quæ in Orthodoxorum scriptis leguntur. (1) In enunciatione istâ: Fides sola iustificat: per particulam exclusivam non determinatur subiectum, nempe Fides; sed prædicatum, nempe Tò iustificat. (2) Non intelligitur Fides, quæ SOLA existit; sed quæ SOLA id, de quo quæritur, agit, (3) Fides nunquam est sola, quoad esse absolutum, sive ex parte sui: semper enim opera charitatis eam comitantur: est verò sola quoad esse respectivum, sive ex parte effectus, quem producit; sic enim nihil præter Fidem in Justificatione operatur, (4) Fides in personâ iustificatâ sola non est; sed in actu iustificandi, sive in ipsâ justificatione. (5) Justificamur

Fide QVÆ operosa est; non QVATENUS operosa est; (6) In Justificatione non excluduntur opera; ut non sint; sed ut non eandem cum Fide operationem edant. (7) Fides & opera simul sunt, quoad exercitium, seu actum præsentiæ; non quoad officium, seu actum efficientiæ. (8) Fides salifica non est absque operibus; interim tamen Fides est salifica absque operibus.

9. Ex quibus omnibus patet, quod in statu Justificationis, Fidem abstrahamus ab operibus, distinguendo; non separando: Id quod Lutherus indicat, in cap. 15. Genes. scribens: *Scio fidem sine reliquis donis non existere; sed questio est, quod cujusq. proprium. Tenes manu varia semina: non autem quero, quæ & cum quibus conjuncta sint; sed quæ cuiq. propria virtus. Hic aperte dic, quid faciat sola Fides; non cum quibus virtutibus conjuncta sit:* Vid. Gerhard. de Justificat. n. 164.

10. Præterea notatu dignum est, quod per particulam SOLA, non excludantur causæ aliæ diversi ordinis; sed tantum quæ ejusdem ordinis sunt, & quidem ex parte hominum: Cæteroqui agnoscimus, hominem etiam justificari, per gratiam Dei, ut causam principalem: per satisfactionem Christi, ut causam meritoriam: per Verbum & Sacramenta, ut per causam mediam, ex parte Dei. At SOLA fides justificat, ut instrumentum apprehensivum, quo oblata a Deo justitia accipiatur: Sic enim præter Fidem in homine nihil reperitur, quod ad Justificationem sive meritorie, sive organicè, sive quocunque alio modo concurrat.

11. Etsi autem hæc Enunciatio: Sola Fides justificat: in Scripturis non habeatur explicitè, sive quæ verborum sonum; sufficit, quod proponatur implicitè, sive quæ verborum sensum.

12. Plura traduntur inferiùs Artic. XX, de bonis Operibus. Theol. 4.

ἡ βασιλεία

Beſchwerung, Probatur 1. ex Rom. III. 28. Quia Fides *juſtifi-*
cat abſq; operibus: Ergo Sola juſtificat. Plures enim modi
 juſtificationem impetrandi, à parte hominis non dantur.
 Unde remoto uno, necesse eſt alterum excluſivè poni. Diſpu-
 tabat autem Apoſtolus, hæc ſcribens, contra Pſeudapoſto-
 los, qui opera, tanquam neceſſaria ad ſalutem, urgebant. Id
 quod in Exercitatione de Concil. Hieroſ. cap. 4. n. 3 evi-
 denter oſtendimus. Rectè igitur Lutherus locum hunc ver-
 tit: **Allein durch den Glauben.** Cujus translationis ra-
 tiones reddit Tom. V. Jenenſ. Germ. fol. 140. ſub titulo:
Send: Brieff D. Martin Luthers vom Dolmetschen und
Gürbitte der Heiligen. In ipſâ quoque Gloſſâ marginali ad
 hunc locum legitur: *ſeqvuntur opera juſtificatum; non præce-*
dunt juſtificandum: SOLA Fide, ſine operibus præcedentibus,
homo fit juſtus. Et Joh. Manlius Tom. 2. Locorum commun.
 p. 32. refert, Epiſcopum Salisburgenſem, cum in publico
 diverſorio novum Teſtamentum reperiſſet, atque in locum
 hunc Pauli incidiſſet, iratum abjecto libro dixiſſe: *O Paule!*
an tu quoque Lutheranus factus es?

2. Ex Gal. II. 16. ubi duæ propoſitiones exhibentur, (1)
 negativa pura: *Homo non juſtificatur ex operibus legis.* Remo-
 tis autem operibus legis, remanet ſola Fides. (2) Excluſiva:
Homo non juſtificatur (ἐὰν μὴ διὰ πίστεως) niſi fide, vel ſolâ
 Fide. Hinc in Bibliis Germanicis, ante Lutherum editis,
 nempe Auguſtanis & Argentoratensibus, redditur: **Nur**
durch den Glauben. Item in Italicâ verſione anno 1546.
 Venetiis impreſſâ.

ARTICULUS eſt 1. Pontificiorum, qui in Concil Trident.
 Seſſ. VI. Can. 9. decernunt: *Si quis dixerit, ſolâ Fide im-*
pium juſtificari, ita ut intelligat, nihil aliud requiri, quod ad
juſtificationis gratiam conſequendam cooperetur, anathema
ſit.

2. Cassandri & Syncretistarum communiter, qui pacis conciliandæ gratiâ, particulam hancce SOLA omitti posse, censent.

3. Pietistarum, qui peccatorem Sola Fide justificari credere nequeunt, quamdiu ad Justificationem requirunt Fidem operosam, id est, talem, quæ in primo Justificationis actu jam necessariò opera secum habeat, de quibus vid. Synopsis Art. 20. qu. 12. & 13. itemque Supplementum Synops. Art. 20. n. 7. lit. ψ & ω.

Thesis V. *Justificatus de remissione peccatorum, & gratiâ Fidem conservante, sibi perpetuò, nisi malitiosè eam rejiciat, adfuturâ, atq. adeo pariter de salute æternâ, certus esse potest ac debet.*

"Εκθesis 1. Ex Thesi patet, non agi generaliter de quocunque homine; sed specialiter de justificato, & quidem ut tali, qui adhuc in statu gratiæ permanet, nec per peccata regnantia, Spiritum S. excusit.

2. Non quæritur, an remissio peccatorum & salus æterna sit certa Deo; sed an homini.

3. Neque etiam, an certa sit homini de homine altero; sed an homini de se ipso.

4. Certitudo duplex est, vel fiduciæ, quæ excludit dubitationem; vel securitatis, quæ excludit sollicitudinem. Hæc rejicitur Prov. XXII. 14. Philipp. II. 12. 2. Petr. I. 10. Illa commendatur.

5. Possibilitas ejusmodi certitudinis, per tentationes non evertitur; sed probatur & roboratur. Credens enim, auxilio Spiritus S. tandem tentationem, licet gravissimam, vincit; quod Lutherus aliquoties expertus est.

6. In ipsâ tentatione, respiciatur ad fidei veritatem; non ad

ad quantitatem. Sufficit si adsit vera fides; etiamsi non sit magna fides. Marc. IX. 23. Esa XLII. 3.

7. Quod attinet ad locum Eccl. IX. 1. malè ibi vulgata: *Nescit homo, amore, an odio dignus sit.* Originalis enim Textus ita habet: *וְאִתּוֹ הָאֱהָבָה וְהָשִׂנְאָה אֵין יוֹדֵעַ הָאָדָם*. Et amorem & odium nescit homo, scilicet alterius hominis, quæ coram ipso est, uti ex sequentibus verbis patet. Recte igitur Lutherus noster: *Kein Mensch kennet weder die Liebe noch den Haß irgend eines / den er für sich hat.* Occasione dicti hujus, mira concertatio oriebatur, inter Jesuitas & Wenceslaum Baronem de Budowa, captivum jamque decollandum, quæ in Historiâ Persecutionis Bohemicæ, anno 1648. in 12mo, sine nomine Autoris ac loci publicatâ p. 234. his verbis describitur. *Perendie ipso* (quæ Scriptoris verba sunt) *martyrii die, Jesuitæ duo, diluculo summo Curiam ingressi, iterum sanctos Viros turbare ceptarunt: cumq; ab aliis repulsi, Baronem nostrum accederent, dixerunt: Videamus Dominum egregie eruditum; cuperemus ejus lucrari animam, & misericordia opus prestare. Quibus ille: Mei Patres, vos lucrari animam meam? utinam vobis de salutis vestre certitudine tantum constet, ac mihi! Laus sit Deo meo, qui me Spiritu suo salutis meæ securum reddit, per sanguinem Agni. O ne tantum de se præsumat Dominus, regeat Jesuita, & certitudinis illâ opinione sibi ipsi ne imponat. An enim ignorat, Scripturam dicere? Nescit homo gratiæ, an odio dignus sit. Respondet Baro: Id ne verò misericordia opus est, & lucrari animam meam? Vos verò infelices animarum lucratores, desperationem mihi instillatis. Erratis autem miseri, nescientes Scripturam. Atque hic verum loci istius sensum eis enarravit, atque multa loca, quibus salutis certitudo credentibus asseritur, opposuit. Inter alios illum Pauli: Scio cui credidi. item: Scio mihi reposti am. esse coronam justitiæ. Jesuita interpellans.*

pellans. Hem impertinenter, inquit: Istud Paulus de se dicit, non de aliis. Mentiris, inquit Baro: Sequitur enim: Non mihi soli, sed omnibus, qui diligunt adventum ejus. Hic obmutuit Sophista. Baro autem perrexerit: Quandoquidem isto dicto: Nescit homo gratiâne an odio sit dignus; *constringere me cupitis, age, dicite, ubi id scriptum est: En Biblicum codicem!* Hic Jesuita ad socium: Ubi exstat? respondet alter: ni fallor ad *Timotheum*. Baro exardescens: *Asine, tu me salutis viam docere vis, qui tantillum verbum in sacro Dei codice ignoras? Apage à me Satan, & me tentare desine.* Demùm igitur tam notabiliter confusi, recesserunt.

8. Certitudo salutis non immediatè petitur ex decreto Electionis; sed mediante conditione ordinis electorum, nempe fidei, ex cujus præsentia, ad decreti divini existentiam, rectè concludimus.

9. Atque inde nemo de salute suâ certus est absolutè; sed duntaxat conditionatè, videlicet nisi gratiam Dei malitiosè rejecerit.

10. Conditio autem ista non est impossibilis: quæ alioqui vim negandi haberet: sed possibilis; quia in potestate hominis justificati est, retinere gratiam, si velit.

Βεβαιωσις Probatur 1. ex Rom. V. 1, 2. *Quia justificati (1) pacem habent ad Deum;* ubi autem pax, ibi nulla formido poenæ: ubi nulla formido poenæ, ibi certitudo gratiæ & salutis; (2) *per fidem nituntur merito Christi.* Unde tam certi sunt de gratiâ, quàm certi sunt de Christo, ejusq; merito; (3) *accessum habent in gratiam, in quâ stant.* Stare autem & vacillare, sive dubitare, sibi invicem opponuntur; (4) *gloriantur in spe gloriæ Dei:* quod fieri non posset, nisi de futurâ gloriâ certi essent: de incertis enim nemo sanæ mentis gloriatur.

2. ex I. Cor. I. 9, Quia (1) *Dens est πῶς*, id est *Fidelis*. RESPON.
 Rectè enim ita redditur in Vulgatâ; cum vox hæc non â NATH.
vis sive fide passivâ; sed activâ descendat, quæ superius in Th HEINR.
 3. p. 141. describatur, *veritas & constantia in dictis*. Si autem MÖL-
 Justificatus de Dei fidelitatè certus est, utique etiam de iis, LER,
 quæ nunc in quæstionem veniunt, certus sit oportet; quippe Gedan,
 quæ Deus promissit. Conferatur de remissione peccatorum
 Act. X. 43, de gratiâ perpetuâ adfuturâ Phil. I. 6. de sa-
 lute æternâ Joh. III. 16. (2) *Vocati sumus* in communio-
 nem Filii. Vocatio autem illa est ἀπελευθερωτική, hoc est ita
 comparata, ut Deum nunquam ejus pœniteat, Rom. XI.
 29. (3) *κοινωνία* sive *communio Filii Dei*, non tantum infert
 participationem aliorum donorum Joh. I. 16. sed etiam ipsius
 vitæ æternæ, de quâ Spiritus S. *testimonium reddit spiritui*
nostro Rom. IIX. 16.

3. ex aliis Scripturæ dictis, ut Esaïæ XXII. 17. 18.
 I. Petr. I. 8.

Αντίθεσις est Pontificiorum, qui in Concilio Tridentino
 Sess. VI. cap. 9. decreverunt: *Nullus scire valet certitudine*
Fidei, cui non potest subesse falsum, se gratiam Dei esse consecut-
um. Propter hanc doctrinam, Martinus Bresserus L. 2. de
 Conscient. c. 13. inquit: *Conscientia hominis Catholici, nun-*
quam potest esse serena. Ex quo luculenter patet, per dogma
 hocce viam ad desperationem sterni.

III. VINDICATIO.

Accusamur

I. Quod ex timiditate, vel adulatione, in hoc Articulo,
 omiſſa sit antithesis, quæ aliis articulis subnectitur. Resp.
 In Apologiâ antithesis satis manifestè haberi, quæ in iisdem
 Comitii Imperatori Carolo V. oblata est: quos igitur timi-
 ditas & adulatio non impediit, quo minùs in Apologiâ anti-
 thesin

hesin ponerent; cur impediisset in ipsâ Confessione? Vera igitur causa omiffæ antitheseos est, quod inutilem eam censerent; cum ex dictis constaret, articulum directè Pontificiis opponi.

II. Quod non tam Pontificii feriantur, quàm Pelagiani. Ita Hoffmeisterus & alii molliores ex adversariis. Resp. Peti utrosque: Pontificii enim Pelagianam hæresin ex orco revocarunt, tametsi interdum paulo subtiliùs, aut timidiùs loquantur; de quo legi possunt scripta Janfenii & sectatorum ejus, itemque **D. Strauchii**, Prædecessoris mei in munere Gedanensi, atque in Academiâ Witebergenfi olim Præceptoris, etiam post fata devenerandi, erudita exercitatio *de Jure Tertii Orthodoxi, circa causam Jesuitico-Jansenianam.*

III. Quod Simonis Magi doctrinam resuscitemus, quippe qui olim docuerit, *hominem solâ gratiâ, sine operibus salvari.* Resp. de Simone Mago audiendum esse Irenæum, qui cum dixisset, eum *permisisse suis liberè agere quæ vellent, eò quod nulla operatio naturaliter justa esset, sed tantùm ex accidente, propter Angelos, qui per præcepta ejusmodi in servitutem deduxerint homines.* mox addit, ideo statuisse: *Secundum ipsius (Simonis) gratiam, salvari homines; sed non secundum operas justas.* Ubi verò in Augustanâ Confessione ejusve Apologiâ hæc aut similia docentur:

IV. Quod in Apologiâ Adversariis multa per calumniam tribuantur & affingantur, quæ vel nunquam docuerint, vel particularium duntaxat Doctorum, non autem totius Ecclesiæ opiniones fuerint. Resp. Adversarios semper in articulo de Justificatione inter se dissensisse, atque etiamnum dissentire. Confessores autem præcipuorum Scholasticis, qui tum clarissimi habebantur dogmata recensuisse; quamvis hodie nonnulli ex Pontificiis, si non re ipsâ, saltem verbis, à majoribus suis discedant. Futura certè prævidere non poterant; quo de

de argumento eruditè differit Carpzov. Isag. in Libros Symbol. p. m. 215. seqq.

V. Quod post oblatam Confessionem, Melanchton, in iisdem Comitibus Augustanis, anno 1530. d. 15. Augusti, concesserit, non dicendum esse: Hominem justificari solâ fide: quia formula hæc in Scripturâ non reperiatur; sed fide & gratiâ, teste Pallavicino, in *Histor. Concil. Trident.* & Didymo Hermannovillano, in *disquisitionibus Ubiquitisticis*. Ita Episcopus Colonitsch in *Confessione Antiaugustanâ*, Resp. Allegari Autores, quorum prior â nostris rejicitur, nec sine causâ; uti videre est in Petri Jurii *Compendio Histor. Concil. Trident.* Posterior autem, ne quidem nomen suum profiteri ausus est; ex quo malæ fidei argumentum capere licet. Vocatur autem vero nomine Thomas Clajus, qui in Societate Jesuiticâ primùm Brunsbergæ, hinc Vilnæ docuit. Accuratiorem enarrationem eorum, quæ Augustæ â Melanchtone gesta & dicta sunt, vide apud D. Alberti gründl. *Wiederlegung* ad quæst. 5. p. 124. sq.

ARTICULUS V.

DE MINISTERIO ECCLESIASTICO.

I. EXPLICATIO.

De Ministerio Ecclesiastico ex professio & in actu, ut vocant, signato, agitur in Articulo XIV. Hic autem in antecessum quasi ac incidenter & in actu, ut vocant, exercito, ejus mentio fit, sub respectu ad Fidem, Ministerii ope accendendam, de quâ in præcedenti articulo tractabatur.

Melanchton verba Articuli hujus planè immutavit: Sic enim cum in Corpore doctrinæ proponit (p. m. 4.) *Itaque insti-*

tuit Christus ministerium docendi Evangelii, quod predicat penitentiam & remissionem peccatorum. Estque utraque predicationis universalis. Omnium peccata arguit, & omnibus credentibus promittit remissionem peccatorum, ut non sit incerta remissio, sed ut omnes perterriti & tremuli, sciant se debere credere, quod certò ipsis donetur remissio peccatorum, propter Christum; non propter ipsorum merita, aut dignitatem. Hi omnes certò consequuntur remissionem peccatorum. Et cum hoc modo consolamur nos promissione seu Evangelio, & erigimus nos fide, simul datur nobis Spiritus Sanctus. Nam Spiritus Sanctus datur & est efficax per Verbum Dei & per Sacramenta. Cum Evangelium audimus, aut cogitamus, aut Sacramenta tractamus, & fide nos consolamur, simul est efficax Spiritus Sanctus, juxta illud Pauli, ad Galatas tertio: ut promissio ex fide Jesu Christi detur credentibus. Et ad Corinthios: Evangelium est ministerium Spiritus. Et ad Romanos: Fides ex auditu est. Cum igitur fide nos consolamur & liberamur à terroribus peccati, per Spiritum Sanctum, concipiunt corda certas virtutes: agnoscunt verè misericordiam Dei: concipiunt veram dilectionem, verum timorem Dei, fiduciam, spem auxilii divini, invocationem & similes fructus Spiritus. Damnantur illi, qui de hac fide, quâ remissio peccatorum accipitur, nihil docent; sed jubent conscientias dubitare, an consequantur remissionem. Et addunt, hanc dubitationem non esse peccatum. Item, docent homines consequi remissionem peccatorum, propter propriam dignitatem: non docent, credendum esse, quod gratis propter Christum, remissio peccatorum donetur. Damnantur item fanatici Spiritus, qui fingunt, Spiritum Sanctum dari, aut efficacem esse, sine verbo Dei: & ob eam causam contemnunt ministerium Evangelii & Sacramentorum, & querunt illuminationes sine verbo Dei & extra Evangelium, atque ita abducunt animos à verbo Dei, ad proprias opiniones; quod est perniciosissimum. Tales olim fuerunt

runt Manichei Enthufiaste, & nunc sunt Anabaptiste. Hujusmodi furores constanter damnamus. Abolent enim verum usum verbi Dei, & falso somniant, sine verbo Dei accipi Spiritum Sanctum, & freti suis opinionibus comminiscuntur imòia dogmata, & efficiunt infinitam dissipationem Hucusq; Melanchton. In quo præ reliquis notandum est (1) quod vocabulum Evangelii, latius accipiat, quàm in Confessione genuinâ accipitur: quia à Melanchtone non solum pro concione remissionis peccatorum, sed etiam penitentia habetur. (2) quod à scopo tractationis recedat: Mutata enim Confessio, non tam de productione fidei, quàm de producta fidei exercitio agit, (3) quod immiscet, quæ ad sextum articulum pertinent, de fructibus fidei, (4) quod in antithesi tantum nominet Manichæos, Enthufiastas & Anabaptistas, omisis illis: *damnant & alios*: quâ ratione reliquis heterodoxis ansa cavillandi datur, quasi ad eos articulus hic non pertineat.

Cæterum in invariata Confessione p. 14. (10. 11.)

de Ministerio Ecclesiastico agit

- I. Θεσινως Siffitur enim ejus
1. Causa efficiens, quando dicitur *institutum esse*, videlicet à Deo trinuno.
 2. Finis, qui est *donare Spiritum S.* cujus describitur
 1. Operatio, quod *fidem efficiat.*
 2. Ordo in operando, quod *efficacem se præstet, ubi & quando visum est Deo.* Tamen si enim Deus generaliter omnibus gratiam suam offerat, eandemque seridò donare paratus sit; tamen specialiter, ob causas sibi notas, uni citius, & sæpius, quam alteri, semet impertit.
 3. Objectum quod
 - 1 ponitur, estq; ratione potiorum functionum, duplex;
 - 1 *docere Evangelium*, lege non exclusâ, sed subintellectâ.
 - 2 *porrigere Sacramenta.*
 2. describitur, quando Verbum & Sacramenta vo-

cantur *Instrumenta*, per quæ *Spiritus S.* datur: tumto instrumenti vocabulo in sensu latiori, ut medium causale notet; non in sensu strictiori, & juxta *ἀνέκβηται* philosophicam, quatenus *Instrumentum* vocatur, quod à causâ principali elevatur ad producendum opus, suâ virtute superius.

4. Subjectum operationis, quod sunt ii, qui audiunt *Evangelium*. Evangelii verò summa hæc esse docetur: *Quod DEUS non propter nostra merita, sed propter Christum justificet hos, qui credunt, se propter Christum in gratiam recipi.*

II. Ἀντίθεσις: Damnantur enim

1. *Anabaptista*,
2. Alii (nempe *Enthusiasta*) qui sentiunt, *Spiritum S.* contingere sine verbo externo hominibus, per ipsorum præparationes & opera. Istis verbis notantur
 1. Pontificii, quando Deum etiam sine verbo fidem operari, seque per suas dispositiones fidem, saltem de congruo, mereri docent.
 2. Alii, qui (1) verbum externum negant esse medium, quo detur *Spiritus S.* ita Bucerus, (2) operationem verbi, ab operatione *Spiritus S.* separant, ac verbo externo, non nisi vim significativam tribuunt, de quibus in Thef. II. agetur.

II. DEMONSTRATIO.

Thefis I. *Ministerium Ecclesiasticum, est peculiaris ordo hominum, à cæteris ordinibus in Ecclesiâ distinctus, ut adeo non promiscuè omnibus, qui se ipsos censent esse dignos, publicum, ordinariumq. sacræ munus, exercere liceat.*

"Εκθεσις,

Eκείναις 1. Ministerium, prouti vox illa in Scripturis adhibetur, aliud est seculare, idque vel publicum Rom. XIII. 5. vel privatum Luc. X. 40. aliud sacrum. Hocque porrò aut versatur circa redditus Ecclesiasticos Act. VI. 2. aut circa media salutis, debite administranda; quæ acceptio hujus loci est.

2. Ordines in Ecclesiâ, five status Hierarchici, communiter tres numerantur, Ecclesiasticus, Politicus & Oeconomicus, Germanicè *Lehr-Wehr- und Nähr-Stand*: inter quos prioritas debetur statui Ecclesiastico, partim sub respectu ad finem, quia immediatè ad salutem æternam ducit; partim sub respectu ad objectum reale, quia circa mysteria divina versatur; partim sub respectu ad objectum personale, quia in regendis hominum animabus occupatur.

3. Omnes Christiani funguntur sacerdotio spirituali ac interno, quatenus se ipsos & sua Deo devotè sacrificant 1. Petr. II. 9. Apoc. I. 6. Rom. XII. 1. Hebr. XIII. 15. Nunc autem quæritur, de Ministerio Ecclesiastico, ac externo.

4. Hoc in V. T. erat peculiaris ordo ex certâ populi Israëliti tribu; in N. autem T. ex quibuscunque hominibus ritè vocatis.

5. Ministerium hocce N. T. quandoq; nominatur Sacerdotium: non tamen ex ulu vocis Biblico; sed duntaxat Patristico. Tolerari verò potest, si vox eadem sumatur in sensu orthodoxo, quatenus Sacerdos est, qui sacra operatur; nequaquam verò si accipiat in sensu heterodoxo, quando Pontificii à Sacerdotio ad Sacrificium Missaticum argumentantur. Vid. Apolog. August. Conf. p. 318: (201.)

6. Frequenter etiam Ministerium Ecclesiæ dicitur *Clerus*, & Ministri *Clerici*: ubi observandum, quod alia sit quæstio, an vox ista in sano sensu peculiariter Ministris Ecclesiæ tribui possit?

possit? & alia, an Scriptura, cum exclusione Laicorum, illos Ministros peculiariter sic appellet? Posteriores negamus, propter 1. Petr. V. 3. Priorem concedimus: Ministri enim Ecclesiæ, non solum ratione communis Christianismi; verum etiam ratione singularis officii, ad *κλῆρον* sive *sortem Domini* pertinent: quo respectu in primitivâ Ecclesiâ nomine Cleri specialiter Ministerium insigniebatur, atque etiamnum licetè insignitur. Alii distinguunt inter Clerum Ecclesiæ, & Clerum Ecclesiæ: illo nomine omnes Christiani denotantur; hoc soli illi, qui Ministerio publico in Ecclesiâ funguntur.

7. Necesitas Ministerii non est absoluta, quasi Ecclesia, præsertim pressa, inter persecutiones ideo Ecclesia esse destinata, quia Ministris destituitur; sed hypothetica, quia Ecclesia, quoties Ministros habere potest, iis carere non debet: tum propter Dei præceptum; tum propter ordinem in mediis salutis à Deo præscriptum.

8. Ex quo pariter patet, quod de eadem necessitate non iudicandum sit ex Dei potestate: quippe qui homines salvare posset, sine Ministerio: verum ex Dei voluntate, in Scripturis revelatâ 1. Cor. I. 21.

9. Non tamen propterea institutum est Ministerium, quod Deus in Ecclesiâ nihil agere velit; sed quod vigore ordinationis suæ, mediatè agere velit. Unde frustra adderuntur dicta, in quibus Deus legitur *docere suos*. Esa. L. IV. 13.

1. Ioh. II. 20. Nam causa principalis non excludit ministerialem. Docet Deus, sed mediantibus Ecclesiæ Ministris.

10. Solis Ministris competit publicum & ordinarium sacrorum munus. Privatim verò omnibus Christianis, ne fœminis quidem exceptis, suos docere licet. Rom. XV. 14. Coloss. III. 16, Thess. V. 11. Fœminis certè ut privatim suos doceant, non solum conceditur, sed etiam injungitur Tit. II.

4. Extraordinariè etiam incidere potest casus necessitatis,

acque ita tacitè vocantibus iis quorum interest, cœtum informare ac ædificare fas sit, de quo conf. Luther. Tom. 2. Jenens. Germ. f. 233. sub titulo: *Grund und Ursache / daß eine Christliche Gemeine Macht habe / alle Lehre zu urtheilen.*

11. Quod omnium Prophetarum sit publicè in Ecclesiâ docere, agnoscimus 1. Cor. XIV. 31. quod verò id promiscuè & indifferenter omnium fidelium sit, negamus. Ibid. v. 28.

12. Quæ futura esse prædicantur in Ecclesiâ triumphante 1. Cor. XIII. 8. malè trahuntur ad Ecclesiam militantem. Hic per Ministerium præparamur, ut ibi tutè ministerio careamus.

13. Similiter quæ dicuntur comparatè & secundum quid, malè accipiuntur absolutè, v. gr. Jerem. XXXI. 34. *Non docebit ultra vir proximum.* In his enim nequaquam aboletur Ministerium; sed duntaxat indicatur prærogativa credentium in N. T. præ credentibus in V. T. Tunc non nisi Israëlita Israëlita docebat; nunc etiam per eos, qui origine gentiles sunt, doctrina aliis impertitur: tunc informabantur de Messia venturo; nunc quilibet in ipso Baptismo induit Christum præsentem: tunc propter involucria typorum, prolixâ explicatione opus erat; nunc puer aliquot annorum, ex Catechesi clariorem notitiam habet, quàm olim satis adulti sacerdotes.

14. In alio oraculo 1. Joh. II. 27, Apostolus non loquitur de Catechumenis; sed de illuminatis. Hi enim à Spiritu S. per veros Doctores jam informati, non opus habebant, ut à falsis Doctoribus, aliquid, tanquam novum, addicerent.

Βασίλειος. Probatur 1. ex Jerem. III. 15. ubi Pastores, ex Dei voluntate, distinguuntur ab ovibus. Describuntur autem (1) à causâ efficiente; *Dantur enim à Deo.* (2) à qualitate: Sunt enim *secundum cor, seu voluntatem Dei.* (3) ab effectū.

effectu: *Pascunt enim suos scientiâ & prudentiâ*; quibus verbis vel respicitur ad objectum pascus, quod est prædicatio verbi divini, in quo vera sapientia & prudentia consistit Deut. IV. 6. vel ad modum pascendi, quod in eo se gerant scienter ac prudenter.

II. ex Eph. IV. 11. 12. ubi de Ministerio, tanquam de peculiari hominum ordine à cæteris distincto, agitur. Describitur autem (1) ejus origo, *quod Christus dederit*, scilicet non excluso Patre 2. Cor. V. 18 & Spiritu S. Act. XX. 28. (2) necessitas, quod faciat (*ὡς τὸν κατασκευαστὸν*) *ad congmentationem*, vel concinnationem, *sanctorum, in adificationem corporis Christi*, id est, Ecclesiæ Eph. I. 22. 23. (3) divisio ex varietate officiorum. Nam sub eo comprehenduntur *Apostoli*, qui nulli certæ Ecclesiæ alligati, in universum mundum emittuntur; *Prophetae*, qui futura prædicunt, aut de re præsentī immediatè à Deo admonentur, ut Agabus; *Evangelista*, quales non tantum sunt, qui Evangelicam historiam scribunt, sed etiam qui Apostolis, in docendo Evangelio adjuutores & comites adduntur. Conf. Act. XXI. 8. 2. Cor. IIX. 18. 2. Tim. IV. 5. *Pastores*, qui particulares Ecclesias regunt, ut Episcopi & Presbyteri; *Doctores*, qui à regendi munere immunes, tantum in informando populo & repellendis hæreticis occupantur, uti nunc Professores, Catechetæ &c.

III. ex aliis Scripturæ dictis, Matth. IX. 38. Act. XX, 28. 2. Cor. V. 18.

Ἀντίδοτος est omnium eorum, qui Ministerium non agnoscunt pro peculiari hominum ordine, à cæteris ordinibus distincto; sed cuilibet promiscuè licentiam publicè docendi faciunt, si ad id idoneus habeatur. Ita 1. Sociniani. Socinus ipse scribit, in tractatu de Ecclesiâ: *Quid est, cur à nostris Ministris requirant, ut legitimum sibi muneris autorem ostendant*

...: Annon cuius Christiano homini licet, etiam sine speciali ullo sibi demandato legitime ejus rei munere, charitatem erga proximum exercere?

2. Anabaptistæ, de quibus videatur D. Botfaccus, in *Anabaptismo reprobato* cap. 63. n. 2. 7. seqq. Inter Ministros eorum Monasterii in Westphaliâ eminebant Johannes Leidenfis, alias cognomine Bocoldus, Beukelfz, Beucelarius, vel Beuckelzoon sartor: Bernhârdus Knipperdolling: Johannes Matthias pistor: Johannes Tuyssencherer, aurifaber &c.

3. Quackeri, qui ne foeminas quidem excludunt, de quibus perlegatur Quackerius Confutatus, Art. 26. Hypothef. n. 1. & 5. p. 452. 459.

4. Pietistæ, de quibus videatur Supplementum Synopses Art. 28. n. 1. lit. I. & n. 2, p. t. De Hyperpietistis addantur Wigandiana, sub titulo de Ministerio p. 100. & 101.

Thesis II. Spiritus S. ordinariè non datur, aut operatur, nisi per Verbum externum & Sacramenta, tanquam per efficacia instrumenta, sive media Dei: que cum à Ministris Ecclesie administrentur, ideò etiam hi, in effectus spirituales, ut sunt regeneratio, justificatio, conversio, &c. verè propriè, loquendo, seu cause ministeriales, influere censendi sunt.

"Εκθεσις I. Quia nemo Christianus & per Christum Filium Dei fieri potest, nisi accepto Spiritu S. Rom. VIII 9. ideò sciendum, quod Spiritus ille S. vel ordinariè, vel extraordinariè detur. Extraordinariæ donationis exempla habemus in infantibus, ante Baptismum denatis, de quorum salute, præsertim si à Christianis parentibus in lucem prodierint, minimè desperandum esse, in Artic. 2. Th. 3. n. 6. seq. p. 73. statuebamus: quicunque autem salvantur, necessariò Spiritum S. acceperunt. At nunc de ordinariâ donatione unicè agemus.

2. Ordinariè igitur non datur Spiritus S. nisi per Verbum & Sacramenta, ita ut per quæ datur, per ea etiam salutariter operetur, fidem accendendo, conservando & augendo.

3. Coniungimus Verbum & Sacramenta, quia Spiritus S. nunc per hæc operatur v. gr. in infantibus baptizatis; nunc per illud, v. gr. in adultorum conversione. Unde alia quaestio est, an Spiritus S. operetur per Verbum? alia, an per solum Verbum? Unius positio non est alterius exclusio.

4. Loquimur autem de Verbo externo, five scripto, five prædicato; in cuius locum Fanatici, quando Verbo Dei aliquam efficaciam tribuere videntur, substituunt Verbum internum, quod immediatè à Deo accipi nugantur.

5. Efficacia Verbi non tantum est significativa, propter lumen, ut adversarii vocant, objecti; sed etiam causativa, propter lumen subiecti.

6. Neque efficacia solummodò Scripturæ competit, in usu spectatæ, quatenus homo illam legit, audit, vel ad illius præscriptum vitam suam componit; verum & extra usum, quatenus in notitiam hominis non pervenit, aut si perveniat, malitiosè negligitur.

7. Ita tamen, ut extra usum duntaxat efficax sit in actu primo; non secundo: quemadmodum medicamentum in pixide, aut lex naturalis in hominibus sceleratis, à quibus contemnitur.

8. Quando Verbum dicitur instrumentum Dei, vocabulum instrumenti non sumitur in sensu strictiori, juxta rigorem Metaphysicum, ubi instrumentum extra usum nihil agere perhibetur; sed in sensu latiori, pro eo, quo causa superior quomodocunque in productione effectus, utitur. Sive ut brevius nos expediamus: Scriptura dicitur instrumentum, respectu externæ dispositionis, in actibus Spiritus

S. non

S; non respectu internæ affectionis, nempe efficacix, extra usum, ex adversariorum mente, deficientis.

9. Accuratiùs loquendo Verbum potius se habet, ut medium Dei. Medium quippe, juxta virtutem internam, quâ extra usum pariter & in usu gaudet, adhibetur v. gr. Legatus ad loquendum pro Principe suo.

10. At *Sacramentum*, quia *extra usum*, ex Canone Ecclesiastico, *nihil est*, & Medium & Instrumentum commodè satis dicitur.

11. Quoties ad effectus suos Verbum & Sacramenta influunt, toties simul influit Deus; sed non vice versâ. Quia ut causâ inferior non potest agere sine superiore; ita tamen causâ superior potest agere sine inferiore. Sic in conversione hominum, Spiritus Sancti influxus, sæpè præcedit influxum Scripturæ, quoad actus pædagogicos e. gr. quando homines impelluntur ad legendam Scripturam, antea non visam; tametsi deinde influxus Spiritus Sancti conjungatur cum influxu Scripturæ, quoad actus formales.

12. Cum Verbum & Sacramenta à Ministris Ecclesiæ administrentur, ideo & ipsi Ministri in effectus spirituales influere censendi sunt: non tamen ut causæ principales; sed ut ministeriales. Nam Deus utitur Ministris, & per Ministros, Verbo ac Sacramentis.

13. Vehementer itaque errant, qui in ejusmodi actione vel Ministros, vel Verbum & Sacramenta Deo opponunt; cum potius illa vel illi huic subordinari debeant. Deus enim operatur; sed mediatè: ut una numero actio diversimodè à distinctis principiis resultet, ab uno originaliter, ab altero participativè: quemadmodum una numero visio, est ab animâ & oculo; una numero fabricatio à malleo & fabro.

14. Ex quibus patet, effectus spirituales Ministris Ecclesiæ non tantum improprie & honoris dicisquæ causâ attribui; sed verè proprieque loquendo.

Beßata-

Βεβαιώσις Probat^r 1. *Quod Verbum externum sit efficax instrumentum, seu potius medium, per quod datur ac operatur Spiritus S.* 1. ex Ps. XIX. 8. 9. ubi audimus, quod verbum Dei (1) convertat, (2) simplicem efficiat sapientem, (3) cor laticet, (4) oculos illuminet.

2. Ex 2. Tim. III. 15. ubi Scripturis attribuitur, quod (ὁυφίρειν) sapientem reddere possint ad salutem, per fidem, qua est in Christo Jesu: ita quidem ut perfectus sit homo Dei, ad omne opus bonum (ἐνεργουμένων) sufficienter instructus v. 17.

3. Ex 1. Cor. IV. 15. ubi Christiani leguntur spiritualiter generari per Evangelium.

II. *Quod efficacia Verbi externi, non tantum significativa, verum etiam causativa sit.* 1. ex Esai. LV. 10. 11. ubi Verbum externum comparatur imbri & nivi, in puncto efficaciae. Quemadmodum ergo imber & nix non tantum habent virtutem significandi fertilitatem agrorum, sed simul producendi: Ita pariter Scriptura non tantum habet virtutem significandi fertilitatem piorum cordium, sed quoque producendi.

2. Ex Rom. I. 16. ubi Evangelium, ceu pars Verbi, dicitur *potentia Dei ad salutem*: quæ descriptio non quadrat ad nudum signum. Excipit Schwenckfeldius, per Evangelium hic notari ipsum Christum. Resp. negando. Nam (1) sic non posset dici *Evangelium Christi* v. 16. (2) non agitur de Evangelio, & quo revelatur justitia, sed *in quo*, & quidem ceu in scripturâ, ad quam expressè provocatur v. 17. (3) Illud Evangelium indicatur, à quo Paulus denominari optat *evangelizans* v. 15. Hoc verò erat Evangelium de Christo, quod ut pars Scripturæ, Romanis annuntiari debebat v. 9.

3. Ex aliis Scripturæ dictis, Hebr. IV. 12. Joh. VI. 63.

III. *Quod verbum Dei externum, etiam extra usum, internam efficaciam, sive virtutem habeat*: ex locis iisdem Nam 1.

Esai

Esaï. LV. 10. 11. comparatur imbri & nivî, ratione virtutis. Quemadmodum ergo imber & nix internam virtutem inebriandi terram & ad generationem ac germinationem disponendi, habent; etiamsi in petram vel arenam cadant: Ita Scriptura internam virtutem operandi in corda habet, etiamsi in cor non admittatur, eique malitiosè resistatur.

2. Rom. I. 16. Scriptura innuitur esse potentia, etiam apud eos, quos *pudet Scriptura*, utpote de quibus Paulus differit v. 18. seqq. Ab his verò discedens Apostolus, inquit: *Non me pudet Evangelii*. Confer. Gal. VI. 14. Ratio, cur eum non pudeat, redditur: Quia *Evangelium est potentia*. Id quod aut de istis, qui utebantur Evangelio; aut de istis, qui non utebantur, intelligi potest. Non de prioribus: Nam apud hos Evangelium jam erat actus Dei, salutem conferens: Ergo de posterioribus, apud quos potentia nondum traducebatur in actum. Si autem Evangelium est potentia Dei, apud eos, qui non utuntur Evangelio; sequitur utique, Verbum DEI externum esse efficax extra usum.

3. Verbum Dei externum est *semen* Luc. II. 11. 1. Petr. I. 23. At semen internam virtutem fructificandi habet, tametsi in agrum ineptum spargatur v. 5. seq. Ergo & Verbum Dei v. 12. seq.

IV. *Quod Sacramenta sint efficacia instrumenta, sive media, per que datur ac operatur Spiritus Sanctus.*

1. ex I. Ioh. V. 8. Quia duo Sacramenta, nempe *Aqua*, id est Baptismus, & *Sanguis*, id est Coena, (1) *cum Spiritu*, id est Verbo Dei Ioh. VI. 63. *in terrâ* conjunguntur; ita quidem, ut propterea veteres Sacramenta appellaverint, *Verbum visibile*. Ex quo colligimus, quicquid antea demonstratum est de Verbo, etiam referri posse ad Sacramenta (2) æquè ac Verbum *testantur*; qui ipsissimus Spiritus S. actus est Rom. II. 16. (3) *cum Verbo* (εἰς τὸ ἐν ἑστίῳ) *in unum* *sum* &

sunt, seu ad eundem finem ordinantur. Unde sequitur, quemadmodum Verbum est efficax medium, ita etiam Sacramenta esse efficacia media.

2. ex 1. Joh. V. 6. Quia per duo hæc Sacramenta, *Christus venit*. Ergo etiam Spiritus S. Tota enim Trinitas simul venit Ioh. XIV. 23.

3. ex inductione. In Baptismo ex *aquâ regeneramur* Ioh. III 5. & per aquam *salvamur* Tit. III, 5. Ergo ibidem Spiritus S. per aquam datur & operatur, In Eucharistiâ accipimus corpus, *quod pro nobis datur*, & sanguinem, *qui pro nobis effunditur*. 1. Cor. X. 16. Ergo ibidem Spiritus S. simul datur, & nisi malitiosè resistamus, fidem operatur.

V. *Quod Spiritus S. ordinariè nec detur, nec salutariter operetur, nisi per Verbum externum & Sacramenta.*

Quando enim via salutis monstratur, nullibi aliò, nisi ad hæc media remittimur, videlicet (1) ad Verbum Ioh. V. 39. (2) ad Baptismum Ioh. III 5. (3) ad Cœnam 1. Cor. XI. 23. seqq. A revelationum extraordinariorum expectatione avocamur Luc. XVI, 29. seqq. itemque 2. Petr. I. 18. 19. quo in loco, Verbum Dei dicitur esse (βεβαιότερον) firmitus, quàm extraordinaria revelatio, discipulis in monte facta.

VI. *Quod Ministri Ecclesiæ, verè proprièq. loquendo, in spirituales effectus, nempe regenerationem, justificationem, conversionem &c. influant.*

1. ex 1. Cor. III 4. seqq. Quia (1) per Ministros creditur v. 5. Fides igitur, quâ regeneramur &c. est effectus Ministro-
rum, (2) *Ministri plantant & rigant* v. 6. 7. 8. Ab iis igitur æquè est effectus in Ecclesiâ, atque ab hortulanis in horto. Non obstat, quod Deus dicitur *esse omnia* v. 7. Apostolus enim Deum considerat, ut causam principalem; cui Ministri, ut causæ instrumentales, non opponuntur, sed subordinantur. (3) Ministris in horto Ecclesiæ adscribitur, *labor pro-*

proprius v. 8. cui respondet effectus proprius. (4) Ministri vocantur (συνεργοὶ Θεοῦ) *cooperatores Dei*, v. 9. Si igitur Deus verè influat, quando operatur; etiam Ministri verè influunt, quando cooperantur.

2. ex I. Cor. IX. 22. 1. Tim. IV. 16. Quia Ministri auditores *salvare* leguntur.

3. ex aliis Scripturæ dictis Dan. XII. 3. Joh. XX. 23, Matth. XIX. 18.

Αντίθετος est 1. Pontificiorum, de quibus actum est in Explicatione circa finem.

2. Fanaticorum, ut Schwenckfeldii, Weigelii, Quakerorum, aliorumque novellorum Prophetarum, qui (1) Verbum externum parvi pendunt, suosque ad Verbum internum ablegant, (2) de Sacramentis abjectè sentiunt ac loquuntur, (3) Ministerio Ecclesiæ efficaciam denegant.

3. Inter Fanaticos specialiter Hermannii Rathmanni, qui Scripturam negabat ullam habere efficaciam salutarem, nisi objectivam atque in usu, & quatenus à Spiritu S. elevetur. Hinc comparabat eam statuæ Mercuriali, picturæ, indici in horologio &c. Refutatus est ab Academiis Germanicis, quarum Responso conjunctim prodierunt, sub titulo: *Censuren und Bedencken von Theologischen Facultäten und Doctoren zu Wittenberg / Königsberg / Jena / Helmstädt / über M. Hermannii Rathmanni ausgegangene Bücher &c. Jena 1626. 410.*

4. Itemque Pietistarum, qui Rathmannum excusant, imo & sequuntur, de quibus evolvatur Supplementum Synops. Art. 3. Th. 1, 2, 3 & 4. Specialiter quod Minister Ecclesiæ tantum in aures, non verò etiam in cor auditorum influat, docetur ibid. Art. 28. Th. 7. & Art. 18. Th. 5.

III. VINDICATIO.

Accusamur

I. Quod inconsideratè in hoc articulo posuerimus, *Fidem donari per Sacramenta*; cum Sacramenta porrigi non debeant, nisi fidem jam habentibus, sive credentibus. Sic Johannes à Daventrià, quem refutat Grauerus in Aug. Conf. Nimirum fides utique donatur per Sacramenta, tum quoad prima initia, uti patet ex infantibus, qui per Baptismum primam consequuntur fidem; tum quoad continuationem & incrementa, quod videre est in adultis, ideò ad Eucharistiam accedentibus, ut fides conservetur & augeatur.

II. Quod Luthero contradixerimus, utpotè neganti, Sacramenta conferre gratiam. Sic iterum Johannes à Daventrià, cui respondit Menzerus in Exegesi. Nempe quod Lutherus intelligit secundum quid, scilicet de Sacramentis in opere operato spectatis; malè accipitur simpliciter.

III. Quod in Apologiâ, recesserimus ab hoc Articulo. Nam in Articulo ipso per Spiritum S. dicitur dari fides; in Apologiâ autem per fidem perhibetur dari Spiritus S. Ita Joh. à Daventrià, Cassander in Consult. & Hugo Grotius, in Notis ad Cassandr. Respondemus, utrumque verum esse; sed diverso respectu: Per Spiritum S. datur fides, ut hæc primitus insit; per fidem verò datur Spiritus S. ut hic efficaciter operetur.

IV. Quod Calvinianorum doctrinæ de absoluto decreto patrocinemur, in illis verbis: *Ubi & quando visum est Deo*. Ita Johan. Crocius super August. Conf. Resp. Negando, quia in Verbis illis, non excluditur ordo, quem Deus in operatione suâ observare constituit; sed tantum indicatur libertas circa illum ordinem, quoad circumstantias loci & temporis, de quo vid. Form. Concord. p. 1115. (812.)

ARTI-

ARTICULUS VI. DE NOVA OBEDI- ENTIA.

I. EXPLICATIO.

De Bonis Operibus bis agitur in Augustanâ Confessione, nimirum in Articulo VI. & XX. quorum ille brevior est; hic, prolixior. Multa igitur, quæ in præsentî articulo adferri possent, consultò ad sequentem illum rejicimus.

In Confessione variatâ rursus Melanchton, alia prorsus verba substituit. Ita enim articulus iste in Corpore doctrinæ (p. 5.) proponitur: *Item docent, quod, cum fide reconciliamur, necessario sequi debeat justitia bonorum operum, qua Deus nobis mandavit, sicut & Christus præcepit: Si vis in vitam ingredi, serva mandata.* Sed quia tanta est infirmitas humana natura, ut nemo legi satisfacere possit, necesse est docere homines, non solum quod legi obediendum sit, sed etiam quomodò placeat hac obedientia; ne conscientia incidant in desperationem, cum intelligunt se non satisfacere legi. Placet igitur hac obedientia, non quia legi satisfacit, sed quia persona est in Christo, reconciliata fide, & credit sibi reliquias peccati condonari. Semper igitur sentiendum est, nos consequi remissionem peccatorum, & personam pronuntiare justam, id est acceptari gratis propter Christum, per fidem. Postea verò placere etiam obedientiam erga legem, & reputari quandam justitiam, & mereri premia. Non enim potest conscientia opponere judicio Dei propriam mundiciem, aut opera, sicut Psalmus testatur: *Non intres in iudicium cum servo tuo; quia non justificabitur coram te omnis vivens.* Et Johannes ait: *Si dixerimus, quod peccatum non habeamus, ipsi nos*

*Seducimus. Si confiteamur peccata nostra, fidelis & justus est, ut remittat nobis peccata nostra. Et Christus inquit: Cum feceritis omnia, dicite: Servi inutiles sumus. Postquam autem persona reconciliata & justa fide, id est, accepta est; placet & obedientia, & reputatur esse quedam justitia, sicut Johannes inquit: Omnis qui in eo manet, non peccat. Et 2. Cor. I. Gloria nostra hac est, testimonium conscientia nostra. Ac debet hac obedientia repugnare pravis cupiditatibus, & subinde spiritualibus exercitiis fieri purior, & cavere, ne quid committamus contra conscientiam, juxta illud: Summa legis est dilectio, ex puro corde & conscientia bonâ, & fide non fictâ. Qui verò obtemperant pravis cupiditatibus, & agunt contra conscientiam, versantur in peccatis mortalibus, nec fidei justitiam, nec justitiam bonorum operum retinent, juxta illud Pauli: Qui talia agunt, regnum DEI non possidebunt. In his notari meretur (1) quod Dictum ex Matth. XIX, 17. à Christo *ὡς ἀνθρώπων*, ad retundendam operum, de quibus v. 16. quaestio erat, fiduciam, prolutum, accipiat absolute, pro normâ hominum quorumcunque: (2) quod Dictum à nostris ex Ambrosio allegatum, in hoc articulo omittatur, & ad Articulum IV. transferatur.*

Cæterum in invariata Augustanâ Confessione p, 14.

(11.) agitur de bonorum Operum

- I. Causâ efficiente, quæ est Fides. *Docent, quod fides illa debeat bonos fructus parere.*
- II. Normâ, quæ est lex divina. *Et quod oporteat B. O. mandata à Deo, facere.* Habemus hic descriptionem bonorum Operum, verè talium: Bona enim Opera dicuntur, *quæ à Deo mandata sunt.*
- III. Necesitate. *Oportet facere.* Additur ratio necessitatis istius
 1. positivè: *propter voluntatem Dei.*
 2. remotivè. *Non ut confidamus, per ea opera justificationem coram Deo mereri.* Falsitas hujus rationis ostenditur,

- { 1. ex Scripturâ. *Nam remissio &c.*
 { 2. ex consensu antiquitatis. *Idem docent & veteres &c.*
 De allegatione Ambrosii quædam specialiora adferemus in Sect. 3. seu Vindicatione.

Quæ contra hunc articulum moverunt Adversarii, diluuntur in Apologiâ p. 149. (89.) sqq. Analysin verò eorum, cum necessariis observationibus, jam suppeditavimus superius, ad Art. IV.

II. DEMONSTRATIO.

Thesis I. *Lex, sive uti in August. Confess. appellatur, Mandatum Dei, est adequata bonorum Operum norma, ita ut nullum Opus verè bonum sit, nisi quod Deus mandavit. Proinde bonitas operis nec ex conformitate cum consiliis, quæ sic vocantur, Evangelicis, nec ex solâ intentione operantis &c. aestimari debet.*

Expositio 1. De Bonis Operibus acturi, ante omnia moneamus, ea à nobis intelligi, quæ reverà; non quæ tantum apparenter talia sunt: isto autem nomine censentur, quæ voluntati ipsius Dei, non quæ iudicio solorum hominum congruunt. Nam cogitationes hominum sæpè à cogitatione Dei recedunt. **Es. LV. 8. 9.**

2. Quemadmodum igitur, omne peccatum est ἀνομία; ita omne opus bonum est ἐνωμία. Si enim Bonum esse, haberiq; debeat, necesse est, ut cum Νόμῳ sive Lege conveniat.

3. Loquimur autem de lege Dei; non hominum: quia ab hominibus aliquando leges feruntur, contrariæ legibus Dei, quibus qui non obtemperat, bonum Opus facit. **Act. IV. 19.**

4. Cum Lex Dei triplex sit, moralis, ceremonialis & forensis, quarum prima ex intentione Dei, apud omnes homines, perpetuæ obligationis est; secunda autem & tertia apud solos Israëlitas temporariæ obligationis esse debuit; ideo sciendum,

dum, Opera legi ceremoniali & forenſi conformia, non poſſe bona cenſeri, niſi apud eos, & quoadusque lex iſta obligabat.

5. Lex moralis, præſertim prouti in Decalogo, tanquam epitome ſuâ exhibetur, anguſta eſt quoad verba; ſed anguſta quoad ſenſum. Quare (1) non requiritur, ut opus in lege exprimat ſpecialiter; ſed ſufficit ſi attingatur generaliter: quia ſub genere omnes ſpecies continentur; (2) non requiritur, ut opus exprimat ſimul & immediatè; ſed ſufficit, ſi attingatur conſequenter & mediatè, nimirum per ordinaria exempla & promiſſiones; (3) non requiritur, ut opus exprimat directè; ſed ſufficit, ſi attingatur indirectè; videlicet per ſimile & oppoſitum: cum ſimilium ſimilis & oppoſitorum oppoſita ſit ratio; (4) non requiritur, ut opus exprimat quoad ſingula adjuncta & circumſtantias, quæ libertati Chriſtianæ relinquantur; ſed ſufficit, ſi proponatur quoad eſſentialia & rem ipſam.

6. Propter hanc normam, ipſæ etiam Renatorum virtutes rectè dicuntur opera legalia: non ratione principii, quaſi Lex illas ab invitis extorqueret; ſed ratione objecti, quia Renati in illarum exercitio non proprium iudicium, ſed divinæ voluntatis præſcriptum ſequuntur.

7. Cum lex dicitur adæquata bonorum Operum norma; eo ipſo excluduntur omnia alia, quæ ab adverſariis quomodocunque pro normâ venditantur, ut Conſilia Evangelica, Intentio bona operantis &c.

8. Nomine Conſiliorum Evangelicorum, aut intelliguntur conſilia de gratiâ, qualia in libris utriusque Teſtamenti extant, quotieſcunque adhortationes ad credendum proponuntur; aut conſilia de operibus, de quibus porro pluribus erit dicendum.

9. Nam ſi conſilia illa de operibus, non ab abſtracto, nempe Evangelio; ſed à concreto, nempe Evangelis, qui ſcriptis

scriptis suis etiam moralia, strictè loquendo ad Evangelium non pertinentia, inseruerunt, Evangelica vocarentur, concedere possemus, ea dari: verum in sensu orthodoxo; non heterodoxo.

10. Juxta Orthodoxos, Consilium & Lex differunt, quia hæc mandat, illud svadet: hæc spectat ad omnes; illud ad paucos: hæc perfectionem pro scopo habet; illud utilitatem, præsertim externam: hæc sine peccato negligi non potest; bene tamen illud e. g. 1. Cor. VII. 1. 7. 28. 32. Juxta heterodoxos, Consilium & Lex differunt, quia hujus materia est faciliior, utpote ex naturâ desumpta; illius difficilior, utpote naturam quodammodò superans: hujus objectum est bonum; illius autem melius, quippe quod aliquid supra legem exigit: hæc observata, habet præmium & neglecta, pœnam; illud observatum habet excellentius præmium, at non observatum nullam habet pœnam.

11. Sola intentio non qualificat opus, ut bonum, malumve dicatur; sed intentio unâ cum mediis.

12. Cultus Dei debet esse voluntarius. Pl. CX. 3. 2. Cor. IIX. 12. sed secundum normam; non verò electitius; h. e. præter normam susceptus: Quæ extra legem præstantur, ad εὐλαβοῦσθαι pertinent.

13. Status christianorum in N. T. non præfertur statui fidelium in V. T. quoad amplitudinem debiti & obligationis: alioqui status V. T. tolerabilior fuisset statu N. T. verum quoad amplitudinem gratiæ & benedictionis.

Βεβαιῶσις Probat 1. ex Deut. XII. 32. ubi Deus opera nostra usque adeo ad legem alligavit, ut (1) jusserit *custodire hanc ad faciendum* (2) & quidem *in omni verbo*, quod præcepit, sine ullâ diminutione (3) nec quicquam ei *addere*. Lex igitur (1) est norma operum, quippe cui Opera conformari jubentur, (2) est adæquata norma, quippe quæ se exten.

extendit ad omnia opera, neque additamentum patitur. (3)
 hac ipsâ de causâ excludit consilia Evangelica & intentionem
 in electio operis: Cæteroqui enim ei aliquid adderetur.
 Contra ἰδελοθρησκείας legantur specialiter Num. XV. 39.
 Deut. XII. 8. Ef. XXI. 13.

2. ex Matth. XXII. 20. ubi Christus indicat, quodnam
 sit objectum doctrinæ, siue prædicationis in articulo de ope-
 ribus, nempe omne quod mandatum est. *Docete*, inquit,
 omnes gentes *servare omnia, quaecumque mandavi vobis*. Ex
 quo argumentamur: Quicquid est adæquata norma prædica-
 tionis de bonis operibus, illud etiam est adæquata norma
 ipsorum bonorum operum, utpote juxta tenorem prædica-
 tionis faciendorum. Atqui mandatum Dei, seu Lex. Ergo. Si
 autem lex est adæquata norma, excluduntur aliæ normæ.

3. ex aliis scripturæ dictis. Deut. IV. 2. V. 32. Jos. XXIII.
 6. Ezech. XX. 18. Mich. VI. 8. 1. Tim. I. 5.

Antithesis est Pontificiorum, qui (1) normam bonorum
 Operum dicunt esse Evangelium Christi, tanquam Legisla-
 toris. Conc. Trident. Sess. 6. Can. 21. (2) Consilia Evan-
 gelica crepant, ipsique legi, in judicio de præstantiâ Ope-
 rum præferunt. Bellarm. de Monach. (3) ex Inten-
 tione operantis, de qualitate operis judicant, atque ideo
 cultus electitios probant.

**Thesis II. Opera, quæ non præsupponunt fidem, ut sunt
 Irregeneratorum & Christianorum nominetenus talium, qualia-
 cunq; & quancumq; in oculis hominum videantur,
 coram Deo non sunt verè bona.**

Exthesis 1. De operibus bonis aliud est judicium homi-
 num, juxta externa formatum; aliud judicium Dei, in Scri-
 pturâ revelatum.

2. Proinde distinguimus, inter Opera bona philosophicè,
 siue

sive merè moraliter; & Theologicè, sive etiam spiritualiter sic dicta. Illa in vetustate carnis possunt fieri & consequenter etiam in infideles cadunt: Hæc verò non nisi in novitate Spiritus peraguntur & consequenter fidelium propria sunt.

3. Operum bonorum nomine non tantum censentur Opera externa; sed & interna, ut pœnitentia, bonum propositum, motus spiritualis animi &c.

4. Non tamen loquimur de pœnitentiâ, quatenus dolorem quemcunque, super vitam anteaactam notat Jer. IX. 5. sed quatenus significat contritionem salutarem. 2. Cor. VII. 10.

5. Similiter & motus boni, aut referuntur ad pædagogiam; aut ad ipsam salutem æternam. De his dubium non est, quin ad bona opera pertineant; de illis ulterius dispiciendum.

6. Pædagogia igitur vel finem salutarem excludit v. g. cum Judæus optat legere N. T. ut habeat, quod cavilletur; vel finem ejusmodi includit, e. gr. cum Judæus optat legere N. T. ut videat, utrum in illo tanquam impletum contineatur, quod in V. T. ut implendum, prædicebatur. Priores motus non merentur dici bona opera.

7. Quoad posteriores multum interest, utrum motus ejusmodi sint adhuc ancipites & fluctuantes, ut Act. XXVI. 28. an jam fixi & scopum Deo probatum obtinentes. Hos bonorum operum nomine dignamur; nequaquam verò illos.

8. Observandum insuper, quod Opera Renatorum & Irregeneratorum differant, (1) Efficiente principali: Opera enim Irregeneratorum proveniunt à lumine naturæ & voluntate, reliquiis propriarum virium utcunque suffultâ: Opera verò Regeneratorum à mente per verbum illustratâ & voluntate supernaturalibus viribus per Spiritum S. instructâ. (2) Causâ impulsivâ: Irregeneriti ad agendum moventur solis præ-

miis & pœnis; Renati præcipuè amore & filiali timore Dei. (3) qualitate Subjecti: Opera irrogeniti sunt personæ Deo invisæ, adeoque propter personam displicent: Opera Regeneriti sunt personæ Deo reconciliatæ, adeoque propter personam placent. (4) Objecto: Irrogeniti versantur circa particulam legis divinæ externâ obedientiâ implendam; Regeneriti totam legem divinam, etiam internâ obedientiâ implere sibi proponunt. (5) Formâ: Opera Irregeneratorum sunt sine fide: Opera Regeneratorum sunt cum fide & ex fide. (6) Fine: Irrogeniti actiones ultimò dirigunt ad gloriam, aut utilitatem, vel suam, vel suorum; Regeneriti, ad gloriam Dei. (7) consequentibus Præmiis: Opera Irregeneratorum temporali remuneratione afficiuntur; Opera Regeneratorum etiam æternâ. 1. Tim. IV. 8. Conf. Gerhard. L. de B. O. n. 10.

9. Irregeneritis annumeramus Christianos nominatenus tales, ut sunt Hypocritæ & Hæretici, qui cum non sint participes vitæ spiritualis, neque opera spiritualiter bona edere queunt.

10. Moderatio, qualis penes irrogenitos & Christianos nominatenus tales reperitur, legi equidem conformis est: sed extrinsecus; non intrinsecus: quoad materiam; non quoad formam: juxta substantiam facti; non ex officio facientis.

11. Hinc opera talia, aut considerantur positivè, quâ rectitudinem actus præsentem; aut privativè, quâ rectitudinem actus deficientem. Priori modo dona sunt Dei; non posteriori.

12. Patet ex dictis, quod distinguamus inter actum operis & inter adjunctum illius actus: cum fide destitutus, id quod legi conforme est, facit, opus ipsum per se non dicitur peccatum; sed tamen propter defectum adhærentem.

13. Interim non potest Deo placere, scilicet absolute, ut bonum in se; quamvis nonnunquam placere dicatur, scilicet comparatè, ut minus malum in collatione cum alio malo,

cei majori. Huc spectat illud Augustini : *Minus Fabricius quàm Catilina punietur : non quia iste bonus ; sed quia minus malus : non veras virtutes habendo ; sed à veris virtutibus non plurimum deviando.* Atque eâdem ratione etiam Deus opera irrogenitorum temporalibus præmiis remuneratur ; non tanquam verè bona ; sed tanquam minus mala. Exod. I. 21. Ezech. XXIX. 20.

14. Imprimis notandum, quod opera in theologicis non considerentur legaliter, ut recta ; sed evangelicè, ut bona & Deo placentia. Ubi æternæ veritatis permanet illud : *Sine fide impossibile est placere Deo.* Hebr. XI. 6.

15. Hinc si vel maximè irrogenitus videatur agere bonum ; non tamen agit benè, quia non ex fide agit : observetur autem Canon : *Bona opera non ex nominibus, sed ex adversariis judicantur.*

16. Cæterùm quod ad fidelem attinet, non persona Deo placet propter opera ; quippe imperfecta : sed opera placent propter personam ; quippe Deo reconciliatam.

Βεβαιωσις. Probatur 1. ex Eph. II. 10. quo in loco subjectum bonorum Operum describitur. Debet esse (1) *Dei (ποιητα) factura* : non solum per creationem ; sed imprimis quoque per conversionem & justificationem. Vid. v. 8. (2) *creatum in Christo Jesu* per regenerationem, quæ nova quodammodò creatio est. (3) *preparatum à Deo*, scilicet per Spiritum S., omnis sanctificationis autorem. Hæc descriptio ad irrogenitos & Christianos nominetenus tales applicari nequit : ex quo colligimus, eos non esse subjectum bonorum operum.

2. ex Tit. II. 14. Quia ideo *Christus se ipsum dedit pro nobis, ut mundaret sibi ipsi populum peculiarem, zelatorem pulchrorum operum.* Ex quo colligimus, non promiscuè hominem quemvis, absque præviâ mundatione Christi Jesu, *fide*

apprehensi, (Act. XV. 9.) pulchra opera perficere posse. Observandum enim, quod sibi invicem opponantur (1) homo communis & populus peculiaris, (2) immundus & à Christo mundatus, (3) peccatorum mancipium & pulchrorum operum zelator.

3. ex dictis istis Scripturæ, in quibus Deus opera impiorum, quæ videntur bona, tanquam non bona rejicit, v. gr. *Orationem* Ps. CIX. 7. *Sacrificium* Es. I. 13, &c. Quò respiciens Augustinus L. 3. ad Bonif. c. 10. scribit: *Sine fide etiam, quæ videntur bona opera, in peccatum vertuntur.*

4. ex aliis Scripturæ testimoniis. Matth. VII. 17. Joh. XV. 5. Rom. XIV. 24.

Aviſſions est 1. Pelagianorum veterum & recentium, qui irrogenito tribuunt facultatem perficiendi bona Opera, ex residuis naturæ viribus.

2. Pontificiorum, qui (1) negant, opera omnia justificationem præcedentia, verè esse peccata. Concil. Trident. Sess. 6. Can. 7. (2) docent, opera quædam bona, nempe motus internos & bonum propositum, esse ante fidem.

3. Socinianorum, qui (1) animi probitatem requirunt ante conversionem. (2) Opera omnia, cum dictamine rectæ rationis convenientia, à quocunque demum fiant, pro verè bonis habent.

4. Syncretistarum, qui (1) distinguunt inter opera bona è viribus naturæ & ex fide profecta. (2) dicunt tò velle bonum præcedere conversionem.

5. Pietistarum, qui (1) requirunt, ut cor prius à peccatorum sordibus purgetur, quàm fidei capax fieri queat. Piet. Sect. Art. 15. n. 14. & Supplem. Synopf. Art. 20. th. 4. (2) purgationem naturæ à peccatis ipsi Illuminationi, quæ Justificatione prior est, anteponunt. Ex quo sequitur, animum prius à peccati sordibus purgari, quàm homo regeneretur.

Piet.

Piet. Sect. Artic. 12. n. 8. & Supplem. Synops. Artic. 18. th. 8. lit. e. & f.

Thesis III. *Fides vera, tametsi necessario fructus parere debeat, nec sine bonis operibus in Justificato existere queat, non tamen ipsa formaliter est obedientia legalis, sub spe vite aeternae, voluntati divinae praestita.*

Ex θεσις 1. Fides vera opponitur fidei apparenti, quæ tantum in labiis consistit, nec quicquam, aut certè parum cum corde commercii habet.

2. Illa Fides nos liberat à legis maledictione; nequaquam verò ab obligatione.

3. Hinc Fidei justificatus, nihilominus secundum legem operatur: non tamen serviliter & metu poenæ; sed filialiter & amore iustitiæ.

4. Necessitas, cujus hic mentio fit, non est coactionis, quæ cum libertate consistere nequit Rom. II. 2. sed (1) mandati, à parte Dei (2) debiti, à parte hominum (3) consequentiæ, à parte rei ipsius, nempe bonorum operum, quæ non possunt non ex fide pullulare.

5. Bona ista opera necessario ex Fide resultantia, apud teneriores infantes sunt interna; apud adultos partim interna, partim externa.

6. Obedientes Deo & expectantes adventum Christi, salvantur Tit. II. 11. seq. sed non per illam obedientiam & expectationem, tanquam Fidem.

7. Nec obstat, quod Fides vocetur *Obedientia* Rom. I. 5. Apostolus enim hic non loquitur de Fide, quæ creditur; sed quæ creditur h. e. de doctrinâ, cui obediendum est.

8. Etsi autem Fides cum obedientiâ nihil commune habeat constitutivè; manet tamen inter utramque perpetuum

vinculum consecutivè: quia obedientia ex Fide ducit, ut effectus ex causâ.

9. Apud quosdam Theologos, etiam Orthodoxos, Fides dicitur Forma bonorum operum: quæ phrasis recepta quidem, sed non satis accurata est. Si igitur tolerari debeat, dextrâ explicatione indiget, videlicet, ut intelligatur Forma externa; non interna.

Βεβαιώσις. Probatur 1. *Quod Fides sine bonis Operibus in justificato existere nequeat*, ex Jacob. II. 17. Quia *Fides sine operibus est mortua* (καθ' ἑαυτὸν) *secundum se ipsam*, i. e. quâtenus solitariè sumitur & à charitate sejungitur, ut ἀφ' ἑαυτῶν Joh. XV. 4. Add. Gal. V. 6. & Johannis Hnsfi versiculus: *Intrâ nulla Fides, si non opera exeris exirâ.*

2. *Quod Fides formaliter considerata non sit legalis obedientia* 1. ex I. Tim. I. 5. Quia (1) *Fides & Charitas* sive Obedientia distinguuntur. Neque in ullâ lingvâ credere significat obedire. (2) Fides describitur ut principium charitatis, sive obedientiæ. Nam finis præcepti dicitur esse charitas (ἐκ πίστεως ἀνυποκρίτως) *ex fide non fictâ*. Quicquid verò ex fide resultat; id non est formaliter idem cum fide. (3) Charitas sive obedientia derivatur ex *corde puro*. Purificatio autem fit per fidem Act. XV. 9. Unde sequitur, Fidem esse priorem Obedientiâ, & consequenter non esse formaliter ipsam obedientiam.

2. ex I. Cor. XIII. 13. Quia Obedientia sub nomine *Charitatis*, itemque *Spei*, opponitur *Fidei*; ex quo sequitur, quod Fides non sit ipsa Obedientia, sive ut hic vocatur, Charitas & Spes.

Αντίθεσις est eorum 1. Qui Fidem in justificato sine operibus existere posse opinantur. Sic olim Simoniani, Basilidiani, Carpocratiani, Gnostici &c. ac postea Libertini. Neq; praxi

praxi suâ aliud docent, qui Christianos se esse gloriantur, & nihilofecius impiè vivunt.

2. Qui Fidem definiunt, quod sit *Obedientia sub spe vite eterne*. Ita Sociniani, quibus applaudunt ex Pietistis D. Breithauptius, Achilles & Lic. Brenneisenius, quorum verba adducuntur in Suppl. Synopsi, Art. 20. th. 3. Add. Pietist. Sect. Art. 15. n. II.

III. VINDICATIO.

Accusamur

I. Quod in hoc Articulo talia tradamus, quæ B. O. vel omnino aboleant, vel ad minimum contemptui exponant. Sic Bellarminus in Judic. de Libr. Concord. Mendac. 1. Johannes à Daventriâ &c. Resp. Calumnia ista ex inspectione vel primæ duntaxat lineolæ, ipsius articuli, in fumum abit.

II. Quod perperam allegaverimus Ambrosium; cum Commentarii in Epistolas Pauli adeoque & specialiter in 1. ad Corinthios, unde testimonium in Confessione allegatum petitur, non sint Ambrosii. Ita Bellarminus L. I. de Justif. c. 25. Respondemus: Tum commentarios illos pro Ambrosianis communiter habitos esse, prouti etiam sub Ambrosii nomine allegantur ab ipso Bellarmino L. I. de Rom. Pont. c. 25, L. 2. c. 5. L. 3. c. 5. L. 1. de Clericis c. 19. Quod igitur Bellarmino facere licuit, id Bellarminus Confessoribus nostris vitio vertere nequit. Neque dictum illud, tametsi verba Ambrosii non sint, quoad sensum & rem ipsam, à doctrinâ Ambrosii dissentit; quod Chemnitius in P. 2. Locor. Theol. ostendit. Imo si ad Ambrosium Mediolanensem non spectant; quo medio termino Antagonistæ evincent, non pertinere ad alium aliquem Ambrosium, tametsi ille Mediolanensis non fuerit. Neque enim in textu, unde Ambrosius ille cognomen traxerit, expressum reperitur.

ARTI-

ARTICULUS VII. & VIII. DE ECCLESIA.

I. EXPLICATIO.

Cum Ecclesia dupliciter considerari queat, partim ratione intrinsecæ constitutionis; partim ratione externæ societatis, in quâ bonis mali cohabitant: ideo placuit Confessoribus, in duos distinctos articulos dispescere, quæ de Ecclesiâ traduntur, ita ut Ecclesia in septimo Article, juxta priorem considerandi modum expendatur; in octavo juxta posteriorem,

In variatâ Confessione, Melancthon quoad rem, à Confessione invariata & genuinâ non dissentit; alia tamen verba multoties substituit & in Articulum septimum, quæ ad octavum pertinent retulit, quando *de malis & hypocritis, congregationi sanctorum admissis*, loquitur.

Cæterum in genuinæ Confessionis Article VII.

p. 15. (11) agitur de Ecclesiæ

- | | | |
|---|--|--------------------|
| { | I. Existentiâ. <i>Item docent, quod Ecclesia sit</i> | |
| { | II. Essentia. <i>Est autem Ecclesia—Sacramenta!</i> | In quâ definitione |
| { | 1. Genus est <i>Congregatio.</i> | |
| { | 2. Differentia desumitur | |
| { | 1. à Subjecto, sive Materiâ ex quâ, ut sunt <i>Sancti.</i> | |
| { | 2. à Notis sive signis, ut sunt | |
| { | 1. <i>recta Evangelii doctrina.</i> | |
| { | 2. <i>recta administratio Sacramentorum.</i> | |

III. Adjunctis, quando prædicatur esse
 (1. *Una*. Additur etiam, ex quo de unitate illâ judican-
 dum. Id quod proponitur

1. Positivè

(1. per præmissam assertionem. *Ad veram uni-
 tatem Ecclesie satis est, consentire de doctrinâ
 Evangelii & administratione Sacramentorum.*

(2. per adjectam demonstrationem. *Sicut Pau-
 lus inquit: Una Fides, unum Baptisma, unus
 Deus & Pater omnium.*

(2. remotivè. *Nec necesse est ubiq; esse similes tradi-
 tiones humanas, siue ritus, aut ceremonias ab ho-
 minibus institutas.*

2. *Sancta.*

3. *Perpetuè mansura.*

Similiter in genuinæ Confessionis Articulo IIX. p. 15. (II. 12.)
 agitur de externâ societate Ecclesiæ,

I. *Θεσινός,*

(1. Quod bonis mali cohabitent. *Quânquam Ecclesia pro-
 prie sit congregatio sanctorum & verè credentium; ta-
 men cum in hac vitâ multi hypocritæ & mali admixti
 sint.*

(2. Quod Verbum & Sacramenta per malos administrata,
 sint efficacia. *Licet uti Sacramentis, quæ per malos
 administrantur.*

II. *Αντιθεσινός.* Damnant Donatistas & similes v. g. Wi-
 glevitas p. 131. (150.)

In APOLOGIA p. 220. (144.)

I Principaliter respondetur duplici cavillationi Adversario-
 rum. Improbabant enim

RESP.

JO-
HAN-
NE
Sa-
fers-
dorff /
Gedan.

a

- I. quod nostri statuerent, *Ecclesiam propriè esse congregationem Sanctorum*, Idcirco,
 1. Status controversiæ iterum iterumque formatur p. 220. 222. 231. (144. 146. 150.)
 2. Thesis Orthodoxa aliquot argumentis propugnatur, nempe quia
 1. fundatur in Scripturâ Sacra. Eph. I. 22. 23. V. 25. 26. p. 222. (145.)
 2. consentit Symbolo Apostolico p. 122. (145.)
 3. necessaria est ad consolationem p. 223. (145.)
 4. indicatur, mentione factâ Catholicismi p. 223. (146.)
 5. approbatur in Jure Canonico. p. 223. (146.)
 6. firmatur testimonio Scriptorum Ecclesiasticorum
 1. ex antiquioribus Hieronymi p. 224. (146.)
 2. ex recentioribus Lyræ p. 229. (149.)
 7. per eam discernitur Ecclesia
 1. à politiâ externâ. p. 223. (146.)
 2. à populo legis. p. 225. (146.)
 3. à regno Diaboli. p. 226. (147.)
 8. jure præfertur definitioni Ecclesiæ, quam somniant Pontificii p. 229. (149.)
 3. Objectioni, quod Ecclesia, qualem describimus, *sit civitas Platonica*, respondetur p. 227. (148.)
- II. quod nostri statuerent, diversitatem traditionum & ceremoniarum, non solvere unitatem Ecclesiæ. p. 233. (151.) Idcirco
 1. Status controversiæ formatur p. 235. (152.)
 2. Thesis orthodoxa aliquot argumentis propugnatur, nempe quia

a

I. Stul-

- a b
1. Stultæ opiniones de traditionibus irreperunt in Ecclesiam. p. 233. (151.)
 2. Traditiones non sunt cultus necessarius ad justitiam p. 233. sq. (151. 152.)
 3. Salvâ Ecclesiæ unitate, sæpè in diversis locis diversæ obtinuerunt traditiones p. 237. (154.)
 4. Adversarii mutarunt traditionem de coenâ, quamvis ab ipso Christo profectam. p. 240. (155.)
 3. Objectioni, *quod universales ritus ab Apostolis proveniant*, respondetur p. 237. (153.)

II. Incidenter quædam notatu digna insperguntur, videlicet

1. quod Pontificii foveant errores fundamentum evergentes. p. 248. (148.)
2. quod multi apud illos palam sint Athei. p. 231. (150.)
3. quod iidem non plectant impiè de potestate Pontificis scribentes. p. 231. (149.)
4. quod omnipotentia Papæ tributa signum sit Antichristi, à Daniele prædicti. p. 230. (149.)
5. quod quæ de verâ Ecclesiâ dicuntur, perperam referantur ad Regnum Pontificium. p. 231. (150.)
6. quod non debeamus offendi, indignitate Ministrorum. p. 231 (150.)

II. DEMONSTRATIO.

Thesis I. Tametsi in hac vitâ, societas Ecclesiæ externa, malos bonis admistos complectatur, propriè tamen loquendo, & ratione societatis internæ, Ecclesia est congregatio Sanctorum.

²⁾ **E**x *thesis* 1. Ecclesiæ vox impræsentiarum non notat locum congregationis, ut 1. Cor. XI. 18. sed cœtum congregatorum.

2. Neque eadem vox sumitur in sensu generali, pro coetu hominum quorumcunque, etiam tumultuantium, ut Act. XIX. 39; verum in sensu speciali, pro coetu Dei colendi gratiâ conveniente; quam ob causam dicitur *Ecclesia Dei* 1. Cor. I. 2. vel *Ecclesia in Deo*. 1. Thess. I. 1.

3. Juxta hanc notionem, Ecclesia distinguitur in militantem, quæ hujus vitæ est; & triumphantem, quæ alterius vitæ est. Pontificii addunt Ecclesiam in purgatorio laborantem, quæ prorsus cerebrina est.

4. Porro militantis Ecclesiæ nomen synechdochicè significat partem, nempe aut solum Presbyterium, Matth. XIX. 17. aut solos auditores. Act. XX. 28; propriè autem totum gregem, nempe Presbyterium cum Auditoribus, quæ acceptio hujus loci est.

5. His præsuppositis, observandum, quod Ecclesia bifariam spectetur, ratione societatis internæ & externæ.

6. Ad societatem externam pertinent tam mali, quam boni; modò illi eandem doctrinam profiteantur, neque per excommunicationem abscissi sint.

7. Ita Sanctis admiscentur Hypocritæ, Epicurei &c. qui propter societatem externam, dicuntur esse in Ecclesiâ; non de Ecclesiâ: Respectu oris hærent in regno Christi; respectu cordis commorantur in regno Diaboli.

8. Societatem Ecclesiæ internam constituunt Sancti, qui eandem fidem in Christum verè habent, & per opera charitatis, erga Deum ac proximum demonstrant: tametsi Sanctitas eorum, quamdiu præsens vita durat, quoad opera charitatis, imperfecta maneat.

9. Sanctitatem istam non evertunt peccata imbecillitatis; sed tantum malitiôsæ pravitatis. Quod autem Sanctis nunc deest, condonatur propter imputatam Christi sanctitatem. 1. Cor. I. 30. VI. 11. Eph. V. 26.

10. Ex dictis patet, cum Theologi distinguunt inter membra Ecclesiæ viva & emortua, sive putrida, quod illa ad societatem internam; hæc non nisi ad externam referantur. De utrisque nervosè Gerhardus, *Confess. Cathol. h. l. Viva membra pertinent ad Ecclesiam simpliciter & propriè; emortua autem secundum quid & impropiè: illa respectu interioris & spiritualis cum Christo unionis; hæc respectu exterioris professionis & societatis: illa in corde; hæc in apparenti specie: illa iudicio Dei; hæc iudicio hominum: illa ut de anima & corpore Ecclesiæ; hæc ut de corpore & non de anima: illa ut vera & sana corporis partes; hæc ut scabies & mali in corpore humores.*

11. Potest autem aliquis esse verum Ecclesiæ organon; etiamsi non sit verum membrum: uti baculus est organon hominis; quamvis membrum non sit. Sic in Ecclesiâ se habent mali Ministri.

12. Catechumeni nondum baptizati, in Christum tamen credentes, vera & viva Ecclesiæ membra sunt: nam ut homo inseritur Christo per Baptismum; ita insertio ista non peragitur per solum Baptismum, sed & per Verbum.

Bezaſawon, Probatur I. *Quod societas Ecclesiæ externa, malos bonis admistos complectatur.* 1 ex Matth. VII, 21. quo in loco Christus (1) mentionem facit eorum, qui in externa societate Ecclesiæ sunt: Nam eandem fidem cum veris Christianis profitentur, *Christo dicentes: Domine, Domine.* (2) simul indicat, eos malos esse: id quod patet ex consequente; quia *non intrabunt in regnum cælorum*: itemque ex ratione consequentis: quia opponuntur *facientibus voluntatem Patris cælestis.*

2. ex variis similibus, quæ videantur in Apolog. p. 220. (144.)

II. *Quod Ecclesia, ratione societatis interna & propriè loquendo,*

quando, sit congregatio Sanctorum: ex iis, quæ prolixissimè disputantur in Apologia p. 222. usq; ad 232. (145. usq; ad 151.)

Articulus est eorum I. qui negant malos ullo modo ad Ecclesiam pertinere, quin imò hanc causam suæ recessionis à nobis allegant, quod palàm malos in cœtu nostro feramus. Sic Anabaptistæ, Quakeri, Labadistæ, Brownistæ & proh dolor! Pietistæ, quorum verba & facta recensentur in Piet. Sect. Art. 1. n. 13. & Conclusion. n. 3. *Erweis der Spenerischen Ueberlegung* n. 6. Supplement. Synops. Art. 27. th. 1. & 4.

II. Qui negant Ecclesiam rectè definiri Congregationem Sanctorum. Sic Pontificii, tempore oblatae Confessionis, quibus in Apologiâ respondetur. Add. Bellarminus l. 3. de Eccl. c. 7. 9. Idem Papam, tametsi flagitiosissimus sit, non solum pro membro, sed etiam pro capite Ecclesiæ habent.

III. Qui solos prædestinatos Ecclesiam constituere censent. Sic Reformati in Catechesi Heidelbergensi.

Thesis II. Nota genuina & adæquata, per quas Ecclesia vera nunc dignoscitur & à falsâ distinguitur, sunt pura Verbi prædicatio & legitima Sacramentorum administratio. Ex quo patet, notas quindecim à Bellarmino enumeratas & ex mente ejus intellectas, ut spurias rejici, nempe (1) Nomen Catholicismi, (2) Antiquitatem, (3) Durationem nunquam interruptam, (4) Amplitudinem, (5) Successionem Episcoporum ab Apostolis usq; deductam, (6) Conspirationem doctrine cum Ecclesiâ antiquâ, (7) Unionem membrorum inter se & cum capite, (8) Sanctitatem doctrinæ, (9) Efficaciam doctrinæ, (10) Sanctitatem vitæ, maximè penes Clericos, (11) Gloriam miraculorum, (12) Lumen propheticum (13) Confessionem adversariorum, (14) Infelicem exitum hostium, (15) Felicitatem temporalem.

ἐκ θεοῦ 1. Vera Ecclesia falsæ dupliciter opponitur, vel contradictoriè, ut non — Ecclesiæ, vel privativè, ut corruptæ Ecclesiæ.

2. Corruptio autem illa aut totalis, aut partialis est. Ecclesia totaliter corrupta propriè loquendo non amplius meretur nomen Ecclesiæ. At Ecclesia partialiter corrupta, adhuc meretur hocce nomen: si non respectu ejus, quod corruptum est; saltem respectu ejus, quod adhuc integrum superest. Sicuti v. gr. visus partialiter corruptus, in cœcutiente, retinet nomen visûs.

3. De notis veræ Ecclesiæ acturi, præsupponimus, eam impræsentiarum non considerari, juxta internam communionem cum Christo: sic enim videri & ab hominibus quoad membra sua infallibiliter cognosci nequit: sed juxta externam societatem membrorum inter se.

4. Quæritur autem de notis genuinis & adæquatis, quæ cum notato recipiuntur, adeoque subjecto suo soli & semper competunt; non de notis spuris, & inadæquatis, quæ subjecto suo vel prorsus non competunt, vel eodem latiores, aut angustiores sunt.

5. Genuinæ & adæquatæ notæ necessariò sunt infallibiles, videlicet respectu subjecti docilis; non indocilis. Docile verò subjectum vocatur, quod Spiritum S. in Scripturâ loquentem audit, & sequitur: Reliqui omnes, qualescunque sint, indociles censentur.

6. Quamvis ergo subjectum indocile, v. g. Judæus, Turca, Paganus &c. ex Notis nostris non actu cognoscat veram Ecclesiam; sufficit, quod cognoscere possit. Nam & hedera suspensa, manet nota vini vendibilis; licet à cœco aut oscitante viatore non inquiratur, vel attendatur, quid hedera suspensa significet.

7. Neque obstat, quod Turcis &c. Ecclesia videatur esse notior

notior ipsis notis, à nobis Ecclesiæ assignatis: nam utrum hoc est, de notitiâ Ecclesiæ confusâ; ita. falsum est de notitiâ ejus distinctâ.

8. Cognoscitur autem Ecclesia ex Notis suis, quâ cœtum definitè; quâ membra indefinitè: ita ut tamen si soli Deo notum sit, qui præcisè homines viva Ecclesiæ membra sint. 2. Tim. II. 19. certò tamen colligamus, ubi vera Christi Ecclesia est, ibi dari viva Ecclesiæ membra.

9. In recensione Notarum Ecclesiæ, apud Orthodoxos nulla est sententiarum diversitas, si spectemus rem ipsam; quamvis diversitas talis occurrere videatur, si hæreamus in nudis vocibus. Nam qui plures notas recensent, illi aut unam ex nostris in plures dividunt, aut notis essentialibus, de quibus nunc unice loquimur, notas accidentales, quæ extra controversiæ statum sunt, associant.

10. Notæ nostræ nulli sectæ competunt *ὄντως* sive realiter; quamvis apud heterodoxos, saltem ex opinione fociorum, adsint *φαρμακεύως* sive apparenter.

11. Ut ad specialia descendamus, prima inter Notas est Verbi prædicatio: non quæcunque; sed pura h. e. menti Spiritus S. conveniens.

12. Quænam verò sit mens Spiritus S. non ex testimonio Ecclesiæ, præsertim particularis, quæ errare potest; sed ex ipsâ Scripturâ omnis erroris experte, constat.

13. Illa etiam puritas admittit gradus: cum Verbum nunc magis purè, nunc minus purè doceatur, atque inde Ecclesia vel magis pura, vel minus pura, rectè censeatur.

14. Circa secundam Ecclesiæ notam, observandum est: cum Sacramenta se ut Verbum visibile habeant, quod Nota isthæc ad primam, si cui videatur, reduci queat. Istud si fiat, unica tantum Nota Ecclesiæ, nempe pura tractatio Verbi generaliter sic dicti, quod porro in audibile & visibile subdi-
vidatur,

supererit. Enimverò nunc Sacramenta Verbo specialiter sic dicto opponuntur.

15. Cæterum legitima Sacramentorum administratio non absolvit Notam Ecclesiæ seorsim; sed unâ cum puritate Verbi conjunctim. Fieri enim potest, ut cœtus aliquis legitimè administret Sacramenta, qui tamen, in fidei articulis, corruptione laboret.

16. Quod si verò quis à Sacramentis solitariè spectatis argumentari voluerit, non procedat positivè h. m. Adest legitima Sacramentorum administratio. E. & vera Ecclesia: sed remotivè h. m. Non adest legitima Sacramentorum administratio: E. nec vera Ecclesia.

17. Quod & ipsum tamen non valet, nisi quando & quamdiu Deus vult, ut Ecclesia Sacramentis utatur. Si enim Deo sic placeat, Ecclesia potest carere Sacramento, aut alterutro, ut fiebat inter Israelitas, in deserto circumcisionem intermittentes; aut utroque, ut ante Abrahamum, qui primus de Sacramento utendo à Deo mandatum accepit.

18. Legitima Sacramentorum administratio, non æstimaanda est ex accidentibus Sacramenti; sed ex ipsâ essentiâ. Sic Corinthii legitimè utebantur Cœnâ, quamvis eam minùs reverenter tractarent. I. Cor, XI. 17.

19. Quænam verò sint essentialia Sacramenti, non pendet à definitione Ecclesiæ; verùm Scripturæ, Ecclesiæ quidem est de legitimâ Sacramentorum administratione docere; sed non aliter, quam ipsa fuit à Deo docta.

20. Quod ad spurias Ecclesiæ Notas, ab adversariis allegatas, attinet, ordine eas percurramus. Et quidem circa nomen Catholicismi, vulgatum est illud: *A nomine infirmum argumentum deduci*: maximè si nōmini non respondeat nominatum; quo in casu *nomen sine re, est sonorum mendacium*.

Cum

21. Cum in Symbolo Constantinopolitano Ecclesia vocatur *una, sancta & catholica*: descriptio ista non petebatur à Notis; sed ab adjunctis Ecclesiæ.

22. Antiquitas, hoc nomine digna, conjunctam habet primam cœlestis doctrinæ puritatem: nomine autem hoc indigna est antiquitas, si recessit à primâ cœlestis doctrinæ puritate; qualem Pontificiis non invidemus.

23. Concedimus, Ecclesiam semper durasse, semperque duraturam esse: si non visibiliter; saltem invisibiliter. Conferatur Thesis quarta in his articulis.

24. Amplitudo promittitur Ecclesiæ Ps. XIX. 5. Rom. X. 18. sed quoad successivam propagationem; non quoad simultaneam constitutionem.

25. Successio doctrinalis ab Apostolis derivata, magni à nobis æstimatur: Successio autem personalis & localis, exigui momenti est.

26. Si per Ecclesiam antiquam, intelligatur ea, quæ Apostolorum temporibus fuit, non refragabimur, quò minus conspiratio doctrinæ cum hac Ecclesiâ, inter notas referatur. At quia Pontificii provocant ad Ecclesiam longius ab Apostolorum temporibus & doctrinâ remotam, nos conspirationem istam, præsertim, quando à Scripturâ sacrâ recedit, parum aut nihil moramur.

27. Unionem Spiritus inter membra Ecclesiæ & caput ejus genuinum, nempe Christum, necessariam esse docemus; nequaquam verò unionem loci, inter membra Ecclesiæ & caput ejus fictitium, nempe Romanum Pontificem. Conf. Esaïæ V. 18.

28. Si adversarii doctrinam illam prædicarent sanctam, quæ cum Scripturâ sacrâ convenit, circa notam hancce, nulla foret dissensio: At quia sanctitatem, ex opinione & definitione Pontificis Romani æstiment, non possumus ei, inter notas Ecclesiæ, relinquere locum.

29. Do-

Doctrina Ecclesiæ veræ semper est efficax, quoad actum primum: non semper quoad actum secundum. Obstinata enim hominum malitia passim obstat, quò minus quod in se ad efficiendum potens est, effectum à Spiritu S. intentum fortiatur.

30. Sanctitas vitæ, quam Adversarii in Legendis suis crepant, sæpissimè est apparens, quotiescunque videlicet se exerit in superstitioso opere: quandoquidem Sanctitas vera, semper in charitatem diffundere se debet, ex fidei corde.

31. Miraculi vox tripliciter sumitur (1) Generaliter, pro insolito naturæ aut artis opere: ita septem *miracula mundi* celebrantur apud Plinium L. 36. H. N. c. 5. Add. Valerius Max. L. 1. c. 8. (2) specialiter, pro opere miro Angelorum, Hominumve, quod per applicationem agentis naturalis ad obiectum passivum, modo occulto nobisque incognito, producitur, vel (ut in præstigiis) produci videtur. Sic Augustinus L. X. Confess. c. 35. ait: *In spectaculis miracula exhiberi.* (3) Specialissimè, pro opere, *quod fit præter* (aut rectius supra) *ordinem* (addo & vires) *totius naturæ creatæ*, uti definitur à Thomâ P. 1. qu. 110. art. 4. ad 2.

32. De miraculis, in postremâ significatione sic appellatis, porro observandum (1) rariùs esse edita (2) & quidem non sui causâ, sed ad aliud quid majus significandum (3) post confectum majus opus, cessasse (4) edita esse in objectis seriis (5) propter infideles (6) & quidem in confirmationem veritatis antea prædicatæ (7) inserviisse Ecclesiæ plantandæ; non plantatæ. Ex collatione horum requisitorum cum operibus, de quibus inter nos & Pontificios quaeritur, facilè signa mendacia, aut tantùm mirabilia, à veris miraculis discernentur.

33. Prophetia ordinaria, consistens in enarratione Scripturæ, à nobis inter notas Ecclesiæ refertur; non Prophe-

phetia extraordinaria, consistens in prædicatione errorum.

34. Hæc enim non est Ecclesiæ character, siue perpetuum indicium; sed solummodò privilegium, siue temporarium beneficium.

35. Ex Confessione Adversariorum nascitur aliquod præjudicium; non verò infallibile signum.

36. Quando nostrates laudant Ecclesiam Romanam, illud fit respectu dogmatum utrinque concessorum; non autem respectu dogmatum inter nos & Pontificios adhuc controversorum.

37. Infelix hostium exitus, rectè dicitur adversariorum pœna; nullatenus verò Ecclesiæ, de quâ dubitatur, nota.

38. Perpetua felicitas comitatur Ecclesiam triumphantem; non militantem.

39. Defensores Ecclesiæ, aliquando præ hostibus felicitatem temporalem obtinuerunt: sed ita, ut felicitas ista fuerit prærogativa personarum certarum specialis; non nota Ecclesiæ generalis.

Βεβαιωσις. Probatur I. *Quod Nota genuinæ & adequatæ, per quas Ecclesia vera dignoscitur, & à falsâ distinguitur, sint pura verbi prædicatione & legitima Sacramentorum administratio.*

1. ex Act. II. 41. 42. Unde ita argumentamur: Per quod constituitur Ecclesia vera, per id etiam dignoscitur & à falsâ Ecclesiâ distinguitur. Atqui per puram verbi prædicationem & legitimam Sacramentorum administrationem. Ergo: Minor probatur, ex descriptione Ecclesiæ Apostolicæ, quæ constituebatur (1) per puram Verbi prædicationem. *Receperunt sermonem v. 41. et anteq̃ perseverantes in doctrinâ Apostolorum. v. 42.* (2) per legitimam Sacramentorum administrationem, nempe (α.) Baptismi. *Baptizati sunt v. 41.* (β) Cœnæ Dominicæ. *Erant perseverantes in fractione panis. v. 42.* quibus verbis synecdochicè dispensatio totius Euchariistiæ describitur.

2. ex I. Cor. XII. 12. 13. Unde Syllogisum paulò ante formatum repetimus: Per quod constituitur &c. Atqui per puram &c. Ergo. Minor probatur ex descriptione Ecclesiæ Apostolicæ. Consideratur enim ut corpus mysticum: *Sicut corpus naturale unum est & membra habet multa* &c. Ita & Christus, h. e. corpus Christi mysticum, per Metonymiam Subjecti. Deinde exponitur, per quæ media corpus illud coalescat & conservetur, nempe (1) per legitimam, Sacramentorum administrationem (α) Baptismi, (ἐν ἑνὶ πνεύματι) in uno spiritu (sive quod idem est, per unum Spiritum, tanquam causam efficientem regenerationis: ἐν pro dicta ut Rom. V. 9. Col. II. 18.) Nos omnes in unum corpus (h. e. ut essemus unum corpus, sive ut Christo incorporaremur Gal. III. 27.) baptizati sumus (β) Cœnæ Dominicæ. Omnes in unum Spiritum (h. e. ut esset nobis unus idemque Spiritus, qui Christi Spiritus dicitur Rom. IX. 9.) potati sumus: quibus verbis synechdochicè, dispensatio Eucharistiæ indicatur. (2) per puram Verbi prædicationem, quæ in hoc dicto explicitè quidem non ponitur, implicitè tamen subintelligitur, mentione factâ (α) Sacramentorum, tanquam sigillorum Verbi (β) Spiritus S. qui per verbum auditur, donatur & accipitur, ita ut propterea ipsum Verbum vocetur Spiritus. Johann. VI. 63.

3. ex requisitis Notarum genuinarum ac adæquatarum: competunt enim notato (1) verè, (2) soli, (3) semper, (4) ita ut notiores sint notato.

II. Quod Nota XV. à Bellarmino enumerata, ut spuria, merito rejiciantur, videlicet I. Nomen Catholicismi. Non enim competit veræ Ecclesiæ (1) soli. Nam Ariani ita vocabantur, & cum prævalerent, orthodoxos Homousianos, Athanasianos, Basilianos &c. appellare solebant. Atque etiamnum, in Occidente Græci vocantur Catholici; cum è contrario Pontificii

ibidem commorantes nomine Latinorum contineri con-
gantur (2) semper. Quia Ecclesia fuit, priusquam catholica
salutaretur; quæ vox primum in hac significatione à Paciano,
seculi IV. scriptore, usurpata legitur.

2. *Antiquitas*. Non competit veræ Ecclesiæ (1) semper.
Quia aliquando nova fuit. Marc. I. 27. Act. XVII. 19. (2)
foli: quia & Synagoga Diaboli satis antiqua est; quin imo &
Christus antiqua multa rejiciebat. Marth. V. 21. 27. 33. 38. 43.

3. *Duratio nunquam interrupta*: propter easdem rationes,
quas contra antiquitatem adduximus. Addimus illud Augu-
stini de Catechizandis Rudib. c. 19. *Due civitates, una ini-
quorum, altera sanctorum, ab initio generis humani usq. in fi-
nem seculi perducuntur.*

4. *Amplius*: Competit potius Ecclesiæ malignantium;
quàm Ecclesiæ Christi. 1. Joh. IV. 5. Hæc enim describitur,
grex pusillus Luc XII. 32. illa depingitur ut grex magnus &
amplissimus. Apocalypf. XIII. 8.

5. *Successio Episcoporum, ab Apostolis usque deducta*. Nulli
hodie Ecclesiæ competit, nè quidem Romanæ. Nam & in
hac, loco verorum Episcoporum, sæpè hæretici & mancipia
Diaboli sederunt, à quibus utique interrupta fuit Episco-
porum successio. v.g. Zephyrinus Montanista, Liberius Aria-
nus, Cælestinus & Athanasius II. Nestoriani, Vigilus Eury-
chianus, Honorius I. Monotheleta, Sylvester Magus &c. Hu-
jusmodi casibus obnoxias fore Ecclesias, ab Apostolis licet
plantatas, vaticinatus est Paulus Act. XX. 29. 30.

6. *Conspiratio doctrina cum Ecclesiâ antiquâ: scilicet non Apo-
stolorum, sed Patrum in seculis sequentibus*. Non potest de-
monstrari: Quia multa Patrum scripta interierunt: quæ verò
superfunt in plurimis inter se pugnant, prout egregiè osten-
dit Joh. Dalæus, de *Uso Patrum*. At nota debet esse notior
notato.

7. *Unio membrorum inter se & cum capite.* Non competit veræ Ecclesiæ soli: quia & penes cœtum Diaboli reperitur. Matth. XII. 25. 26. Ut de eo sileamus, quod Pontificii per caput intelligant Pontificem Romanum, quem nos pro capite nec agnoscimus, nec unquam agnoscemus.

8. *Sanctitas doctrina, scilicet ex opinione & definitione Pontificis Romani æstimata.* Non competit veræ Ecclesiæ, sed ab eâ æquè ac à verbo Dei, longissimè aliena est; id quod ex inductione plerorumque articulorum fidei, dispaleicit.

9. *Efficacia doctrina.* Non competit veræ Ecclesiæ (1) semper, propter obstinatam malitiam perversorum, in externâ ejus societate commorantium. Unde oriuntur querelæ Efl. LIII, 1 (2) soli. Nam & doctrina fervorum Diaboli, ex permissione Dei, quandoque efficax est Vid. Act. II X. 10.

10. *Sanctitas vitæ, maxime penes Clericos.* Cum sanctitas externa atque in oculos incurrens intelligatur, ea non competit Ecclesiæ soli; verùm & hæreticis communis est. 2. Cor. XI. 13. 14.

11. *Gloria miraculorum.* Non competit veræ Ecclesiæ (1) soli. Eam quippe & Pagani sibi vendicarunt & hæretici. Præ cæteris videatur de Antichristo Apoc. XIII 13. (2) semper. Miracula enim tantùm pertinent ad Ecclesiam plantandam. De plantatâ satisque confirmatâ Ecclesiâ inquit Augustinus L. 22. de C. D. c. 8. *Quisquis adhuc prodigia, ut credat, inquit, magnum est ipse prodigium, qui mundo credente non credit.* Et L. de verâ Relig. c. 25. *Cum Ecclesia Catholica, per totum Orbem diffusa atque fundata sit, nec miracula in nostra tempora durare permissa sunt, ne animus semper visibilia quareret & eorum consuetudine frigesceret genus humanum, quorum novitate flagavit.*

12. *Lumen propheticum.* Non competit Ecclesiæ (1) soli. Nam & penes infideles esse potest, quod patet ex Bileamo Num.

Num. XXIV. 16. (2) semper. Quia nullibi, ut dicitur, perpetuum ei promissum est, nec quod indefinenter adfuerit, historicorum testimonio comprobari potest.

13. *Confessio Adversariorum.* Non competit Ecclesiæ (1) semper & omni tempore. (2) quoad omnes fidei articulos.

14. *Infelix hostium exitus.* Non competit Ecclesiæ (1) soli: Nam & multi, qui infideles oppugnarunt, infeliciter perierunt, ut Fridericus Aenobarbus, Imperator Romano-Germanicus, Constantinus Constantinopolitanorum Imperatorum ultimus, Sebastianus Lusitanix Rex &c. (2) semper. Hypothesis enim hæc pugnat cum doctrinâ de cruce, quæ teste Spiritu S. præcipuè Christianos premit. Ps. XXXIV. 20. Matth. XVI. 24. Act. XIV. 22.

15. *Felicitas temporalis,* propter easdem rationes, quas contra præcedentem Notam urimus. Conf. 2. Tim. III. 12. Sir. II. 2.

AVTHTHETOS est eorum I. Qui nullas Ecclesiæ notas dari statuunt, ut Sociniani & Arminiani.

II. Qui sanctitatem vitæ pro unicâ Ecclesiæ notâ habent, ut Weigelliani, similesq; Fanatici & speciatim Pietistæ, quando ex vitâ potiùs de doctrinâ, quàm ex doctrinâ de vitâ judicandum esse tradunt, in Supplem. Synopf. Artic. 2. ad lit. k. Mirum fanè, quodd Spënerus in ipsâ meridie, ubi veram Ecclesiam reperiret, velut accensâ Diogenis laternâ, inquisiverit. Ib. Art. 27. th. I.

III. Qui plures & diversas à nostris, Ecclesiæ notas comminiscuntur, ut Pontificii, ex quibus alii tres, alii quatuor, alii quinque, alii sex, alii septem, alii viginti, alii centum notas adducunt, Vid. Schertzeri System. loc. 25. §. 18. p. 712.

Theſis III. Ut una dicatur Eccleſia, non requiritur identitas traditionum & ceremoniarum, ab hominibus inſtitutarum; neque unio membrorum cum Romano Pontifice, ceu viſibili Capite: ſed ſufficit, ſi homines Eccleſiam conſtituentes à Deo per eadem ſalutis media, nempe Verbum & Sacramenta, in idem conſortium Sanctorum adoptati, eadem fide inter ſe cohereant, atque ad eundem finem, videlicet gloriam Dei, propriamq; ſalutem tendant.

Ex Deo 1. Tametiſi reſpectu accidentium, aliter atque aliter dividatur Eccleſia: v. g. (1) ratione diverſi ſtatus, in militantem & triumphantem (2) ratione quantitatis, in univerſalem & particularem (3) ratione qualitatis, in viſibilem & inviſibilem &c; nihilofecius, quatenus Eccleſia in ſe & eſſentialiter ſpectatur, per totum orbem non niſi una eſt.

2. Unitati huic non officit membrorum Eccleſiæ in hierarchias diſtinctio, aut etiam intervallum locorum & temporum. Nam quoad eos, qui in mundo diſperſi habitant, Eccleſia eſt totum collectivum; at quoad eos, qui accreſcunt quotidie, eſt totum ſucceſſivum, cujus partibus in continuo fluxu ſuccedunt novæ partes.

3. Multò minùs unitatem iſtam tollit diverſitas in traditionibus & ceremoniis: ſi videlicet traditiones illæ & ceremoniæ hominibus primam originem debeant: aliter enim judicandum eſt de traditionibus, quæ ex Dei præcepto ad nos pervenerunt, qualis eſt traditio de Cœnâ ſub utrâque adminiſtrandâ. 1. Cor. XI. 23. vid. Apolog. A. C. p. 239. (155.)

4. Alia quæſtio eſt, an conducat, propter tranquillitatem, ſimilesque utilitates, eaſdem habere ceremonias? & alia, an neceſſarium ſit? Priorem admittimus; poſteriore inſiciamur. Vid. Apolog. A. C. p. 235. (152.)

D d

5. Cum

5. Cum Ecclesia sit corpus mysticum, requiritur unio membrorum cum capite: sed cum capite vero, nempe Christo Eph. I. 22 non putatio, quale est Romanus Pontifex.

6. Proinde si quærat, an Ecclesia necessariò habeat caput? affirmamus: Si autem quærat, an necessariò habeat caput visibile? negamus.

7. Ad veram autem Ecclesiæ unitatem requiritur (1) identitas principii, quod est Deus trinus, Pater Eph. I. 3. 4. Filius Matth. XVI. 18. & Spiritus S. Act. XX. 28. (2) identitas mediorum à parte Dei, nempe Verbi & Sacramentorum, de quibus in præcedenti controversiâ actum est. (3) identitas medii à parte hominum, videlicet Fidei. (4) identitas Finis, qui est gloria Dei & salus uniuscujusque.

8. Christianis, salvâ unitate, dissentire licet de Articulis ad fundamentum nullâ ex parte pertinentibus; nequaquam verò de fundamentalibus.

Beſciwons. Probatur I. *Quod ad unitatem Ecclesiæ non requiratur identitas traditionum & ceremoniarum, ab hominibus institutarum;* ex argumentis, quæ in Apolog. A. C. à p. 233. usque ad p. 239. (& in veteri editione à p. 151. ad p. 155.) exhibentur.

II. *Quod ad unitatem Ecclesiæ, non requiratur unio membrorum cum Romano Pontifice, seu visibili capite;* ex Apolog. p. 229. 230. (149. 150.) Quia aliud est Ecclesia; aliud regnum Pontificium. Addantur Articuli Smalcaldici, in quibus clarè nostri ostendunt, Pontificem Romanum non esse caput veræ Ecclesiæ, sed infensissimum ejus hostem & ipsissimum Antichristum. p. 490. sq. 526. sq. (312. sq. 340. sq.)

III. *Quod ad unitatem Ecclesiæ sufficiat, si homines Ecclesiam constituentes, à Deo per eadem salutis media adoptentur & foveantur, eadem fide cohereant & ad eundem finem ordinentur;* ex Eph. IV. 3. seq. ubi unitas Ecclesiæ deducitur

(1) ex

(1) ex unitate Dei, tanquam principii. *Unus Spiritus* v. 4. *unus Dominus* v. 5. *unus Deus & Pater omnium, qui super omnes & per omnia & in omnibus nobis* v. 6. (2) ex unitate mediorum à parte Dei. *Unum Baptisma.* v. 5. *unitas Spiritus in vinculo pacis.* v. 3. (3) ex unitate medii, à parte hominis. *Una fides.* v. 5. (4) ex unitate finis. *Vocati estis in unâ spe vocationis vestrae.* v. 4.

Avr^{ts} est Pontificiorum, qui ad unitatem Ecclesiæ requirunt (1) identitatem traditionum & ceremoniarum. (2) unionem membrorum cum Romano Pontifice, seu capite: de quo pleni sunt libri eorum, qui de Hierarchiâ Ecclesiasticâ in lucem prodierunt.

Thesis IV. Ecclesia in Paradiso cum genere humano cœpit, et si intervallum temporis à lapsu usq. ad protevangelium excipiamus, semper duravit, ac ad consummationem usq. seculi durabit: ita tamen, ut sub respectu ad externum publicumq. religionis veræ exercitium, vel, visibilis, vel invisibilis esse, recte statuatur.

Ex^{ts} 1. Alia quæstio est, an in statu integritatis fuerit Ecclesia? & alia, an Ecclesia illa fuerit Christiana? Priorem concedimus: posteriorem negamus. Qui enim Christo, ut mediatore, non indigebant, illi nec à Christo, ut mediatore, denominabantur.

2. Hinc Christiana Ecclesia cœpit cum protevangelio, nisi quod fideles V. T. pro Christianis habendi sunt, propter fidem in Christum venturum; fideles autem N. T. propter fidem in Christum præsentem. Certè Eusebius fideles V. T. expressè *Christianorum* nomine complectitur L. I. Demonstr. Evangel. c. 5.

3. Distinctio Ecclesiæ in eam quæ est V. & quæ est N. T. non est generis in species; sed subjecti in accidentia.

4. Ecclesia V. & N. T. convenit (1) quoad causam efficientem, quæ utrobique Deus est: (2) quoad modum justificationis per fidem; (3) quoad objectum fidei, quod est Christi meritum: (4) quoad normam doctrinæ, quæ est Verbum Dei hominibus sufficienter revelatum: (5) quoad bona membris Ecclesiæ promissa, ut sunt remissio peccatorum, gratia fœderalis, adoptio, unio cum Christo, inhabitatio Spiritus S., vita æterna.

5. Inde quamvis cœtus fidelium in V. T. dicatur Synagoga & cœtus fidelium in N. T. Ecclesia; id tamen non est perpetuum. Nam & cœtus fidelium in N. T. aliquando vocatur Synagoga. Jac. II. 2. Hebr. X. 25. & cœtus fidelium in V. T. Ecclesia Act. VII. 38. Quin imo vocabulum קָהָל quod Synagogam significat, à LXX. frequenter redditur Ecclesia. Conf. Deut. XXXI. 30. Jud. XX. 2.

6. Ecclesia V. & N. T. differt (1) circumstantiâ Messæ Testatoris, qui tunc erat incarnandus & exhibendus; nunc incarnatus & exhibitus (2) objecto promissionum. Tunc enim præter promissiones de rebus spiritualibus & cœlestibus, suppetebant etiam promissiones de rebus secularibus & terrenis; nunc autem Christiani, ut Christiani, tantum habent promissiones primi illius generis. (3) modo obsignandi promissiones. Tunc enim acquiescebant in umbrâ & typo; nunc gaudemus de re ipsâ & antitypo. (4) ceremoniarum qualitate & varietate, quæ tunc multò onerosior erat, quam nunc est (5) ratione revelationis. Tunc enim comparative erant tenebræ; nunc verò lux (6) latitudine: Tunc enim Ecclesia penè apud solos Israëlitas inveniebatur; nisi quod pauci profelyti le iis associaverint: nunc per totum orbem diffusa est (7) duratione: Illa desit, cum Christus omnia in cruce consummasset; hæc ad consummationem sæculi perpetuò manebit.

7. Ita tamen ut vel visibilis, vel invisibilis existat, pro diversitate status sui. Absit, ut duas fingamus Ecclesias, quarum una videatur, altera non videatur, prouti calumniatur Adversarii; cum nos unam eandemque Ecclesiam, non nisi propter duos diversos respectus modosque considerandi, ita dispescamus.

8. Præ cæteris observandum, quod distinctio hæc à Theologis diversimodè exponatur ac intelligatur, videlicet aut sub respectu ad diversitatem societatis Ecclesiasticæ; aut sub respectu ad exercitium religionis. Juxta priorem sensum Ecclesia visibilis est, quæ omnes vocatos, eandem societatem fidei externâ professione amplectentes, comprehendit: Ecclesia autem invisibilis est, quam soli electi, Christo internâ unione cordis adhærentes, constituunt. Juxta posteriorem sensum, Ecclesia visibilis est, quæ exercitio veræ religionis externo atque in sensus incurrente liberè gaudet; invisibilis autem, quæ sub jugo hostium veritatis, exercitio tali caret, & inter impios latitat: quæ acceptio nostri fori est.

9. Ex dictis patet, distingui inter Ecclesiam liberam & pressam. Illa actu videtur, in cœtibus publicè congregatis; hæc videri potest, quamvis aliquando actus secundus visionis, per impedimenta à Tyrannis objecta, intercipiatur.

10. Ita invisibilis fit: sed duntaxat respectu hominum; non respectu Dei. 2. Tim. II. 19.

11. Videntur homines, qui constituunt veram Ecclesiam; sed non quatenus constituunt, seu in exercitio puræ religionis.

12. Exemplum invisibilis Ecclesiæ habuimus ante Lutherum: ubi Ecclesia erat sub Papatu; sed non erat ipse Papatus. Idem adhuc usu venit in Hispaniâ, Italiâ &c.

13. Quæ de Ecclesiâ prædicantur sub certâ ratione, scilicet quatenus visibilis est; ineptè transferuntur ad Ecclesiam sub omni ratione, quasi necessarium sit, eam semper talem esse v.g. poni super monte. Matth. V. 14. Es. II. 2.

Besai

Βεβαιώσας. Probamus I. *Ecclesiam in Paradiso cum genere humano cœpisse*, ex Gen. II. 15. seqq. Quia ibi reperiebantur (1) cultus Dei; de quo nemo fortè dubitabit; (2) leges de cultu v. 15. 17. 22. seq. (3) subjecta, ad cultum Deo offerendum obligata. v. 22.

II. *Fideles in V. T. à Protevangelii tempore ad Ecclesiam Christianam pertinuisse*, (α) ex Act. XV. 11. Quia in N. T. credimus *salvari per gratiam Domini Jesu Christi, quemadmodum & illi*, nempe Patres in V. T. de quibus agebatur in v. 10. Unde argumentamur: Qui eodem modo nobiscum salvati sunt, nempe per gratiam Jesu Christi, illi nobiscum ad eandem Ecclesiam Christianam pertinuerunt. Atqui fideles in V. T. Ergo. Vindiciæ hujus Oraculi videantur in Exercitatione nostrâ Theologicâ, de Concilio Hierosolymitano Cap. 18. n. 6. (β) ex aliis Scripturæ locis, quæ sequentibus argumentis materiam præbent: Fideles in V. T. (1) habuerunt idem fidei objectum cum Christianis Hebr. IV. 2. (2) eodem modo justificati ac salvati sunt. Act. X. 43. (3) in eandem spem vitæ æternæ, per Christum consequendæ, erigebantur. Joh. V. 39. Addantur exempla Gen. XLIX. 18. Job. XIX. 25. sq. Ergo ad Ecclesiam Christianam pertinuerunt.

III. *Ecclesiam usque ad consummationem Seculi perpetuò esse mansuram*. I. ex Matth. XVI. 18. Quia (1) Christus eam vocat *suam Ecclesiam*. Est autem Christi, tanquam *Capitis* sui Eph. I. 22. 23. seq. *Regis* sui Luc. I. 33. sq. *Sponsi* sui Hof. II. 19. Joh. III. 29. Ex quo concludimus: Cujus Caput, Rex, & Sponsus perpetuò manebit, id ipsum quoque perpetuò manebit: Quid enim Caput sine membris? Quid Rex sine subditis? Quid Sponsus sine sponsâ? Subsumimus: Atqui Ecclesiæ Caput &c. Ergo. (2) Fundata est *super petram* immobilem, nempe Christum, quem Petrus confessus erat. Hic enim *petra* dicitur Es. XXII. 16. I. Petr. II. 6. itemque
funda-

fundamentum Ecclesie, 1. Cor. III. 11. Sic quoque dictum hoc exponunt Augustinus de Verbis Domini Sermon. 13. T. 10. item Hilarius, Chrysostomus, Gregorius Nyssenus &c. Pontificij per petram, de quâ agitur, Petrum Apostolum intelligi contendunt; sed perperam: Nam in textu originali Petrus est masculini, Petra autem fœminini generis: Si ergo de Petro locutus esset Christus, procul dubiò dixisset: *super hunc Petrum*, non (ἐπὶ τῷ ὄντι τῇ πέτρᾳ) *super hanc petram*. Deinde Petrus denominatur à petrâ: Terminus autem denominans, à quo descendit terminus denominativus, non potest de subiecto denominato prædicari in abstracto. Addimus & illud; quod Petrus lapsus sit; cum quo Ecclesia necessario corruisset, si super eum ædificata esset. Vid. Matth. XVI. 22. 23. XXVI. 70. 72. 74. Gal. II. 11. (3) *Adversus eam non prevalere debent porta inferorum*, id est machinatio & potestas Diaboli, omniumque ejus satellitum, tyrannorum & hæreticorum. Metaphora ex eo deducta est, quod in portis olim judicia & consultationes instituerentur.

2. Ex aliis Scripturæ dictis. Ps. XLVI. 3. seq. Es. XIV. 32.

III. *Ecclesiam propter defectum externi publicij, vera religionis exercitii, quandoque invisibilem esse.* 1. ex 1. Reg. XIX 10. 18 ubi narratur (1) quod Deus tempore Achabi, in regno Israëlítico, habuerit Ecclesiam *septem mille animarum* (2) quod deficiente exercitio religionis publico, seu, ut verba Scripturæ habent, *derelicto pacto Domini, destructis altaribus & occisis Prophetis*, Elias Ecclesiam illam non invenerit. (3) quod idem Propheta putaverit, *se esse solum*, cum quo *Jesebel* omne semen Ecclesiæ radicitus evellere conetur. Si autem ne Propheta quidem tunc videre potuit Ecclesiam; multò minus eam alii videre potuerunt: Prophetæ enim præ cæteris vocabantur *Videntes*.

2. ex 2. Par. XV. 3. ubi talis facies Ecclesiæ futura ene prædicatur, ut Israelitæ sint sine (אֱלֹהִי אֱמֶת) *Deo veritatis*, id est, sine Deo, veritatem publicè per prædicationem verbi manifestante: item *sine Sacerdote docente & curâ legis*: quod impletum est tempore Athaliæ, Ahas, Manaßis. Conf. 2. Paral. XXXIV. 15.

3. ex Matth. XXVI. 56. ubi de Fugâ discipulorum, tempore passionis Christi, informamur. Ipsi Pontificii fatentur, Christo mortuo, fidem in solius Mariæ pectore conservatam esse; quod ut indicent, quando illius memoria revertitur, extinctis reliquis lucernis, unam tantum in altari fulgere sinunt.

Avriðeas est 1. Pontificiorum, qui 1. distinctionem Ecclesiæ in visibilem, & invisibilem, irrident & suggillant. 2. Fideles in V. T. ad Ecclesiam Christianam pertinuisse negant & tres vias ad salutem comminiscuntur, nempe per Naturam, per Legem & per Gratiam seu Christum. 3. quæ de perpetuitate Ecclesiæ universalis prædicta sunt, Ecclesiæ particulari, nempe Romanæ, alligant.

2. Socinianorum inficiantium 1. quod Ecclesia in statu integritatis fuerit. 2. quod Fideles veteris Testamenti Christianis accensendi sint. 3. quod Ecclesia perpetuò manserit, aut mansura sit.

3. Aminianorum, qui similiter omnimodam defectionem Ecclesiæ possibilem esse censent.

4. Anabaptistarum, Weigelianorum, similiumque Fanaticorum, qui sub invisibilis Ecclesiæ nomine nobis obtrudere conantur cœtus absque omni Verbo & Sacramentis.

thesis V. Quamvis in Ministro Ecclesiæ deligendo, accurata ratio habenda sit orthodoxiæ, probitatis & eruditio- nis; nihilominus Verbi & Sacramentorum efficacia in Ecclesiâ, non dependet à fide & sanctitate, vel etiam ab intentione, aut aliâ qualitate Ministri, proindeq; Ministerio malorum, in ex- ternâ Ecclesiæ societate adhuc comprehensorum, uti li- cet, præsertim si boni nequeant haberi.

Expositio 1. Alia quæstio est: qualis debeat esse Minister Ecclesiæ? & alia: qualis possit esse? Nemo sanus affirmave- rit, Ministerium debere esse malum; interim de efficaciâ mi- nisterii quæritur, si Minister sit malus.

2. Frustrâ igitur objicitur, 1. Tim. IV. 12. Pl. L. 16. Nam in his locis de officio Ministri agitur; non de effectu ministerii.

3. Cum autem malitia duplex sit, doctrinæ & vitæ, ita ut Minister ab illâ heterodoxus, ab hac flagitiosus vocetur, & heterodoxia nunc lateat, nunc pateat; ideoque disquiritur, an & quando Ministro malo uti liceat? quem nodum in se- quentibus aphorismis solvemus.

4. Ita videlicet procedendum (1) Ministro flagitioso uti licet, usque ad ejus remotionem. (2) Doctrinâ Ministri, qui heterodoxus est, uti licet; sed non quatenus heterodoxus est. Sic ante Lutherum, per textus Biblicos, ab heterodoxis præ- lectos, Deus sanctum semên in Ecclesiâ sparfit & conservavit. (3) In Sacramento Baptismi, si Minister orthodoxus haberi nequeat, heterodoxo uti licet; dummodo verba institutionis, in legitimo sensu adhibeantur. (4) In Sacramento Cœnæ, tamdiu Ministro heterodoxo uti licet, quamdiu heterodoxia ejus latet; non autem cum patet: quia Eucharistia Symbo- lum est convenientiæ in doctrinâ, cum eo à quo accipitur.

5. De efficaciâ Ministerii dupliciter quæri potest, vel com- parativè, ut sensus sit: An Minister notoriè in vitâ malus, eo-

dem cum fructu, munus suum exsequi præsumatur, & pius? vel absolutè, ut sensus sit; An qui usi sunt Ministro in vitâ notoriè malo certi esse queant, Deum æquè per malum Ministrum, media salutis ex præscripto Dei dispensantem, agere apud fideles, ac per bonum? Posterior quæstio affirmatur; prior negatur: quia Minister notoriè malus exemplo suo plus destruit, quàm ædificat. Conf. Rom III. 19. sq.

6. Canon iste: *Quod quis non habet, alteri dare non potest*: valet de causâ principali; non de instrumentali, quæ elevatur, ad producendum opus, suâ virtute superius. Nam uti v. gr. Organon Musicum exhilarat animos, quamvis ipsum non lætetur: & statua Mercurialis viam monstrat, quamvis ipsa eam non calcet: ita similiter malus Minister ad salutem perducere potest hominem, quamvis ipse extra orbitam salutis versetur.

7. Ut de intentione aliquid adjiciamus, hæc requiritur equidem ad Ministri personam & officium; nequaquam verò ad Sacramenti integritatem & activitatem. Add. quoque ex Thesi I. Observ. II. p. 195.

Βεβλῶσις. Probatur I. *Quod in Ministro Ecclesie deligendo, accurata ratio habenda sit Orthodoxie, probitatis & eruditionis.* 1. ex Tit. I. 5. sqq. ubi Titus, in constitutione Presbyterorum, ab Apostolo Paulo attendere iubetur (1) ad orthodoxiam, an *firmiter adhaereant fidei sermoni* v. 9. (2) ad probitatem, ut sint ἀνεγκλητοί, quasi dicas *inaccusabiles*, quos nemo, ob notorium aliquod crimen, in jus vocare queat v. 6. 7. ut sint *unius uxoris mariti*; quibus verbis Polygamia simultanea rejicitur; non successiva: ut *liberos habeant bene educatos* v. 6. ut non sint *sibi placentes, iracundi, vinosi, percussores, turpem quæstum facientes* v. 7. ut sint *temperantes, justi, pii, continentes*. v. 8. (3) ad eruditionem, an possint *exhortari doctrinâ sanâ & contradicentes convincere*. v. 9.

2. ex aliis Scripturæ locis, in quibus à Ministro requiritur
 (α) Orthodoxia Matth. VII. 15. 1. Joh. IV. 1. 2. Joh. 10.
 (β) Probitas vitæ 1. Tim. IV. 12. 1. Petr. V. 2. (γ) Erudi-
 tio 2. Tim. II. 2. Sirac. XLIX. 19.

II. *Quod efficacia Verbi & Sacramentorum, non dependeat à fide ac sanctitate, aliâve qualitate Ministri, quodque adeo ministerio malorum uti liceat* 1. ex Matth. XXIII. 2. seqq. quem locum etiam Augustana Confessio allegat. Commendatur in eo ministerium *Scribarum & Phariseorum*, tanquam efficax, ita ut ad illud auditores Christi remittantur v. 2. 3. Nihilo tamen secius de malitiâ eorum proluxæ texuntur querelæ, imprimis (1) de hypocrisi v. 4. 5. (2) de ambitione v. 6. 7 (3) de invidiâ v. 13. (4) de avaritiâ v. 14. (5) de crudelitate v. 34. 35. (5) de traditionum ineptissimarum cumulatione v. 16. sqq. A quibus omnibus Christus suos dehortatur v. 3.

2. ex aliis Scripturæ locis Rom. III. 3. Phil. I. 16. 18.

3. ex Analogiâ: Minister non suo, sed Christi nomine, Verbum & Sacramenta administrat. Ergo suo vitio, si cætera rectè se habeant, media nomine Christi adhibita non potest reddere irrita.

III. *Quod efficacia Sacramentorum non dependeat, ab intentione Ministri.* 1. ex 1. Cor. III. 5. 6. 7. ubi Ministri describuntur ut instrumenta Dei. Nam (α) *per illos creditur, ut cuiq. dat Dominus* v. 5. (β) *eorum plantatio & rigatio non prodest, nisi in quantum Deus dat incrementum* v. 6. (γ) *Deus per eos agit* v. 7. Unde concludimus: Qui se in operationibus spiritualibus, ut instrumenta habent, à parte eorum defectus intentionis non evertit efficaciam, à causâ principali dependentem. Aquì Ministri. Ergo.

2. ex Rom. III. 2. 3. quod sequenti argumento materiam præbet. Si *fides*, seu constantia in promisso Dei, *non evacuatur*

per infidelitatem hominum & quidem hominum illorum, quibus credita sunt eloquia Dei; utique efficacia Sacramentorum, per quæ Deus bona promissa nobis offert, non dependet ab intentione Ministrorum, quæ infidelibus plerumque deest: Atqui verum est prius: Ergo & posterius.

AVTIS est 1. Donatistarum & Anabaptistarum, qui negant, licitum esse uti ministerio malorum, utpote omni efficaciam (ex illorum mente) destituto.

2. Pontificiorum, qui intentionem Ministri ad integritatem Sacramentorum requirunt & consequenter Sacramento, sine intentione Ministri celebrato, nullam efficaciam concedunt. Idem tamen, velint nolint, admittere coguntur, de intentione istâ apud homines, qui Sacramenta accipiunt, nullam esse certitudinem: Nam Antoninus Florentinus & alii in libellis confessionalibus, ex Ministris quærere jubent, utrum semper intentionem habuerint, nec ne? Quo examine non opus foret, si intentionem semper foverent. Qui autem incertus est de intentione Ministri, idem, juxta Pontificiorum hypothesin, etiam incertus est, de ipso Sacramento: atque ita nemo eorum certò affirmare potest, quod baptizatus, imo ne quidem quod ex matrimonio legitimo natus sit; cum & matrimonium inter Sacramenta referant.

3. Pietistarum, qui Ministrum, si è statu gratiæ exciderit, Ecclesiæ parum aut nihil prodesse contendunt. Unde nata est eorum distinctio, inter prædicatores ex naturâ & ex gratiâ (unter Natur- und Gnaden-Predigern.) Plura videantur in Supplement. Synops. Art. 28. th. 4. Pietism. Sectar. Art. 3. n. 14. Wigandian. de Ministerio n. 4. p. 102. lq.

III. VINDICATIO.

Accusamur

I. Quod recesserimus ab Augustanâ Confessione, siquidem hæc doceat, *unam, sanctam, catholicam Ecclesiam perpetuò mansuram*

veram esse. Art. 7. cum nos ex adverso doceamus, eandem aliquando esse invisibilem. Invisibilem verò, Ecclesiam non esse Ecclesiam; cum in eodem Articulo Ecclesia definiatur *congregatio Sanctorum, in quâ Evangelium rectè docetur & rectè administrantur Sacramenta*; quæ utique necessario in visum incurrat. Resp. In prioribus verbis Ecclesia, cum dicitur *perpetuò mansura esse*, consideratur generaliter, in abstractione à visibili & invisibili; in posterioribus, cum describitur à *Verbi & Sacramentorum exercitio*, consideratur specialiter, juxta statum florentem. Quod verò inde excidere possit, indicatur in Articulo IIX. mentione factâ eorum temporum, in quibus *cathedram Moysis* occupaverant *Scribe & Pharisei*. Vid. plura in D. Alberti Refutatione Confessionis Anti-Augustanæ P. II. c. 3. p. 132. seqq.

II. Quod aut deseruerimus veram Ecclesiam, aut Ecclesia Pontificiorum ante Lutherum fuerit vera Ecclesia. Resp. Cum Mentzero in Exeg. Aug. Confess. Art. 8. §. 22. *In Ecclesiâ Christianâ diligenter & accuratè distingvimus id, quod ad ipsam, ut ita loquar, substantiam Ecclesiæ pertinet & illud, quod aliunde invasit; h. e. inter Christum, ipsius Verbum & Sacramenta, & inter Papam, humanas glossas & traditiones.* Papam cum glossis & traditionibus suis deseruimus; non veram Ecclesiam, quæ & ante Lutherum, quamvis glossis & traditionibus Papalibus miserè deformata, extitit. Conf. Thesis II. in "Ex9. Observ. 1. & 2. p. 197.

III. Quod magna sit dissensio de capitibus fidei inter Theologos nostros; quæ dissensio Formulam Concordiæ pepererit: Ex eo autem sequi, penes nos non esse veram Ecclesiam; quandoquidem in Ecclesiâ verâ, juxta Aug. Confess. debeat *rectè doceri Evangelium*: quod apud dissidentes fieri nequeat; cum veritas non nisi una sit. Resp. Nulla est dissensio inter Theologos utrinque nostros; sed inter Theo-

logos hinc nostros, & inde heterodoxos, qui *egressi sunt a nobis, quod non essent de nobis* 1. Joh. II. 19. Vid. Præfat. in Form. Concord. itemque D. Alberti in Refutatione Confessionis Anti-Augustanæ P. II. c. 3. §. 4. sqq. p. 136. ubi inter alia, ex Lindani Panopliâ, memorabile testimonium de dissensione inter Pontificios adducitur. Ita enim ille: *Discors concordia, inter concordēs Catholicos, Catholica matris filios, discorditer concordēs, discordi concordia concorditer dissidentes & concordī discordiā discorditer orthodoxe consentientes.*

I V. Quod Apologia Augustanæ Confessionis p. 237. (153) ipsaque Confessio p. 68. (42. 43.) diei dominicæ originem derivent ex constitutione Ecclesiasticâ; cum Danhauerus aliiq; Theologi ex nostratibus, eandem deducant, ex institutione divinâ. Resp. Distinguiamus inter observationem unius diei in hebdomadâ & inter observationem præcisē diei primi in hebdomadâ. De illâ intelligendi sunt Theologi, qui originem diei dominicæ ad Deum referunt; de hac autem libri nostri Symbolici. Videantur plura in D. Carpzovii Haggoge p. 320.

ARTICULUS IX.

DE BAPTISMO.

I. EXPLICATIO.

In variatâ Confessione (1) post verba illa: *De Baptismo docent, quod sit necessarius ad salutem*; additur: *tantum Ceremonia à Christo instituta*; quæ propter Reformatos rectius omittuntur. Tamen enim Baptismus sit Ceremonia, non tamen est nuda & mera Ceremonia; sed simul efficax medium, quo utitur Deus in salvandis hominibus: (2) pro illis, *quod pueri sint baptizandi, qui*
per

per Baptismum oblatis Deo, recipiantur in gratiam Dei; substituitur: quod infantes sint baptizandi, & quod infantes per Baptismum Deo commendati, recipiantur in gratiam Dei & fiant filii Dei: Quæ ambigüe dicuntur & duplicem sensum admittunt, aut quod Infantes per Baptismum tantum commendentur Deo & deinde alio modo recipiantur &c. aut quod uterque effectus à Baptismo proficiatur. Prius illud non Reformatis solum, sed & Socinianis, Anabaptistis &c. qui de Baptismo abjectè sentiunt, patrocinatur. (3) Reliqua, quæ adjiciuntur, ferri possent, ut post verba jam demum allegata: *Sicut Christus testatur, loquens de parvulis in Ecclesiâ. Matth. XIX. Non est voluntas Patris vestri, qui in cælis est, ut pereat unus ex parvulis istis.* Item in Antithesi, quod Anabaptistæ doceant, infantes sine Baptismo & extra Ecclesiam salvos fieri.

Cæterum in genuinâ Confessione p. 16. (12.)

agitur de Baptismi

- I. Adjuncto, nempe necessitate. *De Baptismo docent, quod sit necessarius ad salutem.*
- II. Effectibus
 - 1. respectu Dei. *Quodque per Baptismum offeratur gratia Dei.*
 - 2. respectu Hominum. *Quod per Baptismum oblatis Deo, recipiantur in gratiam Dei.*
- III. Subjecto. *Et quod pueri sint baptizandi:* videlicet adultis, si ex infidelitate convertantur, non exclusis; sed inclusis.

APOLOGIA p. 241. 342. (156. 157.) continet tria, videlicet

- I. Quod approbatus sit hic Articulus. *Nonus Articulus—ad salutem.*
- II. Quod nulli inter Evangelicos dentur Anabaptistæ. *Et quoniam Evangelium—munitus est.*
- III. Quod Baptismus parvulorum jure retineatur,

1. propter Baptismi finem. *Et cum plerisque alios e-
res Anabaptistarum — ut applicetur eis promissio
salutis.*
2. propter Christi mandatum. *Juxta mandatum Christi:
Baptizate omnes gentes.*
3. propter consequentias alias,
 1. Quia offertur omnibus salus, *Ubi sicut offertur — cum
Baptismo offertur.*
 2. Quia Deus dat Spiritum S. sic baptizatis. *Secundò
manifestum est — fanaticas opiniones.*

II. DEMONSTRATIO.

**Thesis I. Necessitas Baptismi duplex est, præcepti &
medii; ut propterea omnes, quandocunque fieri potest,
ad eum suscipiendum obligentur.**

Ex his 1. Necessarius est Baptismus, non tamen respectu
Dei; sed respectu hominum. Homines tenentur uti Ba-
ptismo; quamvis Deus non teneatur semper agere per Baptis-
mum, aut non agere nisi per Baptismum.

2. Agnoscimus, Baptismum institutum esse, pro Ecclesiâ
nascente; sed non agnoscimus, Baptismum institutum esse
pro solâ Ecclesiâ nascente; verum etiam pro crescente &
proficiente.

3. Cum Baptismus ceremonia aut ritus dicitur, intelli-
mus ceremoniam universalem; non particularem: ritumq;
perpetuum; non temporarium.

4. Cavendum, ne à silentio Scripturæ, scilicet quod hic
vel ille non legitur esse baptizatus; argumentemur ad nega-
tionem rei ipsius, scilicet quod hic vel ille non sit bap-
tizatus.

5. Qui-

5. Quidam per Verbum renati sunt, ante susceptionem Baptismi: quibus equidem Sacramentum hocce non profuit ad fidei vitæque spiritualis acquisitionem; sed tamen ad ejusdem confirmationem & incrementum.

6. Baptismus dicitur necessarius necessitate præcepti; quia ex mandato Christi institutus est. Hoc verò præceptum seu mandatum urgere licet de iis, qui ex voluntate instituentis sub illo comprehenduntur; sed extendere non licet ad eos, qui ex voluntate instituentis ab illo excipiuntur. Non igitur præceptum istud violarunt fideles ex gentibus, qui ante resurrectionem Christi, sine Baptismo decesserunt; cum Baptismus tunc nondum gentibus præceptus fuerit: neque etiam violavit Johannes Baptista, utpote qui non jussus est baptizari; sed baptizare.

7. Quod ad reliquos attinet; non videndum quid in primitivâ Ecclesiâ à multis factum sit; sed quid fieri debuerit. Nam *multitudo errantium*, qui Baptismum temerè, usque ad extremum vitæ, differebant, *non parit errori patrocinium*.

8. Baptismus dicitur necessarius, necessitate medii; quia Deus in applicatione salutis Baptismo ceu medio uti solet. Loquimur autem de medio salutis ordinario: præter quod Deo suppetere media extraordinaria, nemo nostrum inficias ibit.

9. Quemadmodum enim Deus agit per Sacramenta; ita non alligatur Sacramentis. Quapropter infantibus sine Baptismo decedentibus, promiscuè salutem denegare, haudquam audemus. Vid. Art. II. Aug. Conf. de Peccato Thef. III. in Exd. § 6. sq. p. 75.

10. Ex Thefi patet, non adstruere nos necessitatem Baptismi absolutam; sed conditionatam. Ad ejus enim susceptionem omnes obligari dicuntur, *quandocunque fieri potest*. Cæteris qui Baptismum obtinere nequeunt, subvenit axiomat: *Non privatio damnas, sed contemptus*.

P. I. ARTICULUS IX.

Βεβαίως. Probatur, quod Baptismus necessarius sit i. necessitate precepti 1. ex Matth. XXII. 19. 20. Marc. XVI. 15. Nam Discipuli Christi jubentur baptizare (1) omnes gentes (2) in universo mundo (3) usque ad consummationem seculi. Quamdiu enim promissio & gratiosa Christi assistentia durare debet, tandiu mandatum ejus discipulos obligat. Quod autem de Baptismo aquæ, non doctrinæ, impræsentiarum agatur, patet (1) quia conjunguntur docere & baptizare (μαθητεύσαι & βαπτίζοντες). Nisi ergo ταυτολογίαν fingere velimus, necessarium est, ut concedamus, quod aliud sit docere, & aliud baptizare (2) quia Christus eum Baptismum in perpetuum usum instituit; quem non solum ipse acceperat, verum etiam Discipuli ejus hactenus administraverant, & postea administrabant. At ille erat Baptismus aquæ: quod patet de Christo, ex Matth. III. 16. & de Discipulis ejus, ex Joh. IV. 1. Act. IX. 38. X. 47. (3) quia Baptismus discipulorum & Christi, ejusdem naturæ fuisse indicatur, cum Baptismo Johannis, qui sine dubio erat Baptismus aquæ, contrastinctus doctrinæ. Conf. Joh. IV. 1. (4) quia cum Baptismus propriè significet lotionem aquæ, impropriè autem alia; impræsentiarum, ubi Christus Discipulis valedicturus præcipit, quomodo post ascensionem ejus in Ecclesiâ se gerere debeant, locum habent axiomata: *Analogum per se positum. stat pro significatione famosiori*: item: *A proprietate verborum, præsertim in propriâ sede articularum fidei, non est temerè recedendum.*

2. Ex alio Scripturæ dicto. Actor. II. 37. *Baptizetur unusquisque.*

I. I. Necessitate mediæ 1. ex Joh. III. 5. Nam (1) sine Baptismo nemo ordinariè potest ingredi regnum cælorum. (2) per Baptismum & Spiritum homo regeneratur. Conf. Tit. III. 5. Si ergo regeneratio est necessaria Joh. III. 3. etiam id, per quod homo regeneratur, est necessarium (3)

Juramen-

amentum Christi, Nicodemo de medio salutis sollicito (Joh. III. 4.) præstitum, indicat, medium illud ordinariè esse necessarium.

2. Ex aliis Scripturæ dictis. **Act. II. 16. I. Petr. III. 21.**

Arctio est 1. Socinianorum, qui (1) negant Baptismum aquæ à Christo esse institutum (2) eundem pro liberâ ceremoniâ habent (3) omnem ei virtutem adimunt.

2. Weigelianorum, qui similiter libertatem assumendi Baptismum, aut ab eo abstinendi, adstruunt.

3. Quakerorum, qui Baptismum planè tollunt, & non nisi temporariam ceremoniam fuisse, blaterant. Vid. Quakerismus Confutat. Art. 23. Hypoth. n. 2. p. 354.

Thesis II. Baptismus in Scripturâ S. non institutus est pro solis adultis, verum etiam pro infantibus, utriusque sexus; qui proinde, nisi illi in quorum potestate sunt, dissentiant, possunt & debent baptizari.

Ex 1. Quod Baptismus institutus sit pro adultis, concedimus: quod pro solis adultis, negamus.

2. Confirmatur autem institutio Baptismi ex Traditione; sed non exclusivè: quia in ipsâ etiam Scripturâ fundatur.

3. Etsi enim in Scripturâ de Baptismo infantum, non habeamus mandatum speciale; sufficit tamen, quod de omnibus hominibus baptizandis, suppetat mandatum generale.

4. Hæc æquè ac multa alia in Scripturis *ἔνδρα* & implicite continentur; tametsi *ἔνδρα* & explicitè haud legantur.

5. Non diffitemur, in Ecclesiâ plantandâ priùs informatos esse homines, quàm baptizatos: Nam cum Sacramenta sint thesauri Ecclesiæ, oportebat priùs colligi Ecclesiam, quàm thesauri ejus dispensarentur: At nunc agitur de Ecclesiâ plantatâ, quæ actu existit & thesauros suos liberaliter, etiam infantibus, dispensat.

6. A circumcissione ad Baptismum valet consequentia, cum de fine agitur; non cum de subiecto. Illa enim ad masculos restricta est; hic verò ad utrumque sexum pertinet. Gal. III. 28.

7. Distingvimus inter infantes fidelium & infidelium. Illi, tametsi tantum alterutro parente fidei gaudeant, sine dubio baptizandi sunt; quoad hos, aliter comparatum est.

8. Dispiciendum scilicet, utrum adhuc in potestate infidelium parentum sint? an legitimè in potestatem fidelium v. gr. per adoptionem, emtionem, bellicam captivitatem &c. pervenerint? Quamdiu infidelium liberi in parentum suorum potestate sunt, baptizari nequeunt, nisi parentibus consentientibus, & quod eos à religione Christianâ seducere noliint, promittentibus. Alioqui enim Evangelium, uti Politias non abolet, ita nec Oeconomias disturbat; sed parentes suo jure in liberos frui permittit. At cum infidelium liberi, in fidelium potestatem concesserunt, baptizari possunt & debent.

9. Pædobaptismo imprimis obvertitur, quod fœdus, quale in Baptismo pangitur, inituri, utrinque capita fœderis intelligere debeant. Sed hoc ne inter homines quidem semper locum obtinet; cum sæpe tutores promittant pro pupillis infantibus: quantò minus valebit de fœdere inter Deum & hominem; quia Deus etiam cum irrationalibus creaturis fœdus pepigisse legitur. Gen. IX. 9. 10.

10. In reliquis argumentis, petitio ejus quod in principio est, committitur. E. gr. quod Sacramenta tantum ad perfectos pertineant: quod Sacramenta tantum instituta sint ad commemorationem: quod in infantes non cadat fides: quod Baptismi & Eucharistiæ sit eadem ratio &c.

Bezaïonis. Probamus, *Infantes posse & debere baptizari.* i. ex Matth. XXII. 19. & Marc. XVI. 16. Quia (1) omnes gentes jubentur baptizari, quo nomine etiam infantes comprehenduntur. Non obstat, quod præmittitur mandatum, de

docen-

docendis gentibus. Nam in Græco habetur verbum *μαθητεύουσας discipulos facite*: id quod apud adultos prædicatione Verbi, apud infantes ipsâ administratione Baptismi fit. (2) De sensu præcepti, ex ejus executione, apud morigeros tutò judicatur. Si igitur Apostoli, qui præceptum acceperant, infantes baptizarunt; sequetur iis præceptum esse, ut infantes baptizarent. Antecedens autem constat ex eo, quod integras familias baptizasse leguntur, in quibus non potuerunt non infantes fuisse Act. XVI. 15. 33. XIIX. 8. 1. Cor. I. 16. (3) Modus & forma Baptismi, quando *in nomine Patris, Filii & Spiritus S.* conferri jubetur, indicat, eundem quoque ad infantes pertinere. Nam Baptizati sic in fœdus SS. Trinitatis recipiuntur 1. Petr. III. 21. cujus fœderis infantes quoque esse capaces, constat ex Gen. VII. 7. (4) Infantes ordinantur ad finem Baptismi, nempe salutem Marc. X. 14. Ergo etiam ad medium, nempe Baptismum.

2. Ex Act. II. 38. 39. Quia (1) (*ἐκαστος*) *nunusquisque* baptizari jubetur. Ergo & infantes (2) Promissio fœderalis *liberis* promiscuè facta legitur, sine distinctione ætatis: quibus autem facta est promissio fœderalis, ad illos pertinet medium, per quod homines recipiuntur in fœdus Dei; cujusmodi apud infantes, qui Verbi haud sunt capaces, nullum aliud est, nisi Baptismus. (3) Uti in V. T. *promissio* fœderalis applicabatur liberis adhuc infantibus, per Circumcisionem; ita in N. T. iisdem applicanda est per Baptismum. Nam gratia N. T. non est arctior gratia V. T. & Baptismus N. T. in locum Circumcisionis successit Col. II. 11. 12. (4) Baptismus æquè ac promissio destinatur omnibus, *quoscumque advocaverit Deus*. Jam verò etiam infantes advocavit & quidem ad ultimum promissionis hujusce finem, nempe *salutem æternam* Matth. XIIX. 14. XIX. 14. Marc. X. 14.

3. Ex reliquis argumentis, in Apologiâ Augustinæ Confessionis adductis p. 240. sq. (156. 157.) quæ compendiosè excerpta videantur in Explicatione p. 221.

AVT. 1. Anabaptistarum, qui inde nomen acceperunt, quod in infantia baptizatos, tanquam Sacramenti huius incapaces, rebaptizent. Tales apud nos sunt Mennonistæ.

2. Socinianorum, qui cum Anabaptistis idem sentiunt.

3. Pontificiorum, qui (1) Pædobaptismum solâ traditione niti contendunt (2) liberos infidelium, invitis ignarive parentibus, si fieri queat, baptizandos esse sydent & in terris infidelium clanculum baptizant.

4. Brownistarum in Angliâ, qui infidelium infantibus jus ad Baptismum denegant.

5. Quackerorum, de quibus consulatur Quackerismus Confutatus Art. 23. Hypoth. 4. p. 361.

6. Pietistarum nonnullorum, quorum verba referuntur in Supplement. Synopf. Art. 25. Thef. 2. Ex Hyperpietistis Dippellii pronunciata exhibentur in Wigandianis de Baptismo n. 2. §. 3. p. 131. sq.

Thesis III. *Baptismus non est mera ceremonia & nudum signum; sed efficax medium, per quod Baptizatis gratia adoptionis, id est regeneratio, justificatio, renovatio, liberatio à morte & Diabolo aternæque salus offertur & nisi hypocrita fuerint, etiam actu confertur ac veluti sigillo obfirmatur.*

EX. 1. Baptismum esse ceremoniam, largimur; esse meram ceremoniam, inficiamur.

2. Sic quoque verum est, Baptismum significare aliquid; sed falsum est, omnem ejus virtutem in significando consistere.

3. Id quod adversus illos negamus, qui Sacramenta faciunt nuda signa: si non nuda à significatione; saltem nuda à re signatâ.

4. Nos Baptismo salutare effectus adscribimus: qui tamen non proveniunt, ex aquæ vi naturali & elementari; sed ex ejusdem vi supernaturali & sacramentali.

5. Neque enim sub respectu ad tales effectus, aqua consideranda est, tanquam res terrena, quæ rei cœlesti opponitur; sed quæ cum re cœlesti unitur.

6. Ita quidem ut effectus isti proveniant à Deo, tanquam à causâ principali; & à Baptismo, tanquam à causâ instrumentali.

7. Baptismus etiam est signum ejusmodi effectuum: non tamen merè significativum; verum simul exhibitivum.

8. Ut ad specialiora deveniamus, per Baptismum consequimur gratiam adoptionis; quo nomine comprehenditur Regeneratio, Justificatio, Renovatio, Liberatio à morte & Diabolo, & æterna salus, de quibus distinctius acturi, omnia ad sequentes aphorismos revocabimus.

9. Homo regeneratur per Baptismum; non tamen per solum Baptismum: Quia eadem efficacia etiam Verbo divino attribuitur. 1. Petr. II. 2.

10. Remissio peccatorum & Justificatio in Baptismo non infunditur; sed à Christo acquisita offertur: ut Baptismus sit quasi manus Dei, nobis peccatorum veniam dispensantis.

11. Actualis peccatorum remissio, præteritum tempus respicit: cum nequeat dici remissum, nisi quod est commissum: At promissio de certitudine remissionis etiam ad futurum tempus se extendit.

12. In peccato quatuor concurrunt, à quibus liberandi sumus, nempe Reatus seu Imputatio, Dominium seu Regnum, Sensus ac denique Radix. A primis duobus libera-

mur per Baptismum, & quidem à Reatu, quatenus Baptismus est *lavacrum regenerationis*; à Dominio autem, quatenus Baptismus est *lavacrum renovationis*: à duobus reliquis liberamur per mortem.

13. Per Baptismum *teguntur* peccata, juxta modum loquendi biblicum Pl. XXXII. 1. Enimverò non tantum *teguntur*; sed & verè tolluntur, quamvis alio modo, quam Adversarii, volunt.

14. Ut ista accuratius explicentur, sciendum, quod peccatum dupliciter spectari queat, absolute seu secundum se & respectivè seu in ordine ad subjectum, id est personam, quæ à peccato afficitur & propterea ad poenam obligatur. Utròque quoad materiale & formale ejus, ulteriori circumspectione opus est.

15. Peccati absolute sumti materiale est qualitas; formale autem est *avopula* seu illegalitas. Hoc sensu formale peccati per Baptismum, non quidem plenè tollitur; sed tamen ita debilitatur, ut à renato per Spiritum S. magis magisque mortificari queat.

16. Peccati respectivè sumti materiale est ipsa illegalitas; formale autem est reatus, seu meritum poenæ. Hoc sensu formale peccati per Baptismum plenè tollitur: non quidem à peccato; nam reatus peccato inseparabiliter adhæret; sed tamen à subjecto peccati, id est ab homine.

17. Alii distinguunt inter reatum activè consideratum, quatenus reum facit, & passivè sic dictum, quatenus à reo habetur. Peccatum nunquam est sine reatu passivo: At peccator post remissionem in Baptismo factam, est sine reatu activo. Peccatum nunquam est veniale in se Pl. V. 6. sed tamen veniale fit, respectu personæ, cui condonatur.

18. Cum ergo peccatum per Baptismum legitur *aboleri*, *sepeliri* &c. Rom. VI. 4. id non intelligendum est, de actu; sed

sed de reatu: non de fomite; sed de labe: non secundum
esse absolutum; sed secundum esse respectivum: non ut non
sit; sed ut non obfit, seu ut non imputetur: non quâ
annihilationem; sed quâ remissionem: non quâ vitium; sed
quâ supplicium.

19. Peccata, quæ per Baptismum remittuntur, sunt inæ-
qualia: at gratia quæ offertur, aut confertur baptizatis, est
æqualis: si non in accidentalibus e. gr. ut omnes baptizati
loquantur novis lingvis; ut omnes miracula patrent &c. quem-
admodum nonnullis in primitivâ Ecclesiâ contigit. Act. XIX.
5. 6. saltem in essentialibus v. gr. ut omnes baptizati Chri-
stum induant. &c.

20. Renovatio, quæ per Baptismum contingit, in hâc
vitâ inchoatur; in alterâ demum vitâ consummabitur: ut
proinde non fiat in instanti; sed successivè.

21. Quare cavendum, ne status viæ seu militiæ, in quâ
jam degimus; confundatur cum statu patriæ, seu victoriæ,
quam aliquando consequemur, ubi nullum remanebit pec-
catum. Cant. IV. 7.

22. In statu viæ seu militiæ, per Baptismum totus homo
sanctificatur; sed non totum hominis. Consequimur primi-
tias novitatis; sed cum quibus supersunt reliquiæ vetustatis.
Interim vetustas inhærens remittitur & per sanctitatem Chri-
sti imputatam ita tegitur, ut totus homo coram Deo sanctus
reputetur Ps. LI. 9. Ef. I. 18.

23. Peccatum & justitia, tenebræ & lux, nequeunt simul
esse 2. Cor. VI. 14. scilicet quoad eosdem gradus; bene ta-
men quoad diversos gradus, ut in Renatis justitia domine-
tur & peccatum, actu præsens, supprimatur ac opprimatur.

24. Quod à Deo fit, perfectum est, nempe quâ princi-
pium agens; licet idem illud certo respectu imperfectum di-
catur, nempe quâ subjectum patiens. Ita Deus per Baptis-
mum

num operatur renovationem perfectè; licet ea in nobis, propter reliquias veteris hominis, sit imperfecta. Nam *receptivum non recipit, juxta modum imprimentis; sed juxta modum receptivitatis suæ.*

25. Per Baptismum quoque liberamur à morte: non solum æternâ; sed etiam temporali: si non quatenus hæc est finis vitæ naturalis; tamen quatenus est janua mortis æternæ. Nam per Baptismum applicatur nobis mors Christi; quo ipso mors temporalis credenti in suavem *somnum* convertitur, juxta Christi verbum Joh. IIX. 51. V. 24.

26. Liberatio à Diabolo, in Baptismo non contingit per novam ex captivitate hac educationem; sed per victoriæ Christi applicationem, ut baptizati cum Christo dicere queant: *Veni Diabolus & in me non habet quicquam* Joh. XIV. 30.

27. Æterna salus per Baptismum, tam quoad jus conferitur; quam quoad ipsam possessionem. Sicut enim Baptismus viventi spem salutis æternæ facit; ita morienti rem ipsam, seu id quod speravit, actu præstat.

28. Non obstat, quod iidem effectus etiam Christo & Fidei nostræ adscribantur: Nam respectus, sub quo idem prædicatum, de diversis subjectis enunciatur, semper est alius atque alius. A Christo enim hæc sunt, ut à causâ meritoriâ; à Fide ut à causâ organicâ apprehendente; à Baptismo, ut à causâ mediâ offerente & obsignante. Quapropter rectè Germani: *Got gibts: Christus erwirbts: Der Glaube ergreiffis: Der Heil. Geist bestâtigts: Die Sacrament versiegeln: Die gute Wercke bezeugens.*

29. Bona hæc, de quibus actum est, ratione intentionis divinæ, per Baptismum omnibus offerri & conferri debent: At ratione eventus, culpæ & vitio hominum fit, ut haud paucis tantum offerantur; non verò etiam conferantur.

30. Distingvimus ergo inter Baptismi essentiam & fructum.

Quicun-

Quicumque iuxta mandatum Dei, aquâ tingitur, verè baptizatur; quamvis non omnibus, qui ita tinguntur, proſit Baptiſmus. Excipiuntur enim hypocritæ.

31. Interim Baptiſmo hypocritæ, tanquam indigni, non denegamus omnem uſum; ſed tantummodò uſum ſalutarem. Nam hypocrita quoque per Baptiſmum ſeparatur ab iis, qui foris ſunt, extra Eccleſiam, ut non ſolùm ejus liberi propiorum acceſſum ad Eccleſiam habeant; ſed etiam ipſe, ſi reſpiſcat, novo Baptiſmo non indigeat.

Βαπτίζω. Probatur I. *Generaliter*, quod per Baptiſmum adoptemur in filios Dei, ex Gal. III. 26. 27. Unde concludimus: Qui ideo dicuntur per fidem filii Dei eſſe, quia in Baptiſmo Chriſtum induunt, illi per Baptiſmum adoptantur in filios Dei. Atqui omnes Chriſtiani. E. Pro illuſtrandâ majori, obſervandum (1) quod de filiis adoptivis ſermo ſit. Nam Filius Dei naturalis, non niſi unus eſt (2) quod particula (2d.) *Enim*, ſignificationem habeat cauſalem, atque indicet, cur pro filiis Dei habeamur, nempe quoniam baptizati ſumus (3) quod *inducere Chriſtum* dicamur, propter myſticam, ſed arctam cum eo unionem, per quam participes reddimur, omnium beneficiorum ab ipſo partorum, inter quæ eſt adoptio. Joh. I. 12.

II. Specialiter 1. *quod per Baptiſmum regeneremur*, ex Tit. III. 5. Quia eſt *lavacrum regenerationis*. Add. Joh. III. 5.

2. *quod per Baptiſmum peccata nobis remittantur*, ex Act. II. 38. Quia Petrus Auditores ſuos admonet, ut *baptizentur in remiſſionem peccatorum*. Add. Act. XXII. 16. Ezech. XXXVI. 25. Zach. XIII. 1.

3. *quod per Baptiſmum juſtificemur*, ex Art. IV. Theſ. II. p. 138. Quia Juſtificatio formaliter in remiſſione peccatorum conſiſtit. Si autem per Baptiſmum nobis peccata remittantur, utique etiam per Baptiſmum juſtificamur. Add. Ephes. V. 26. ſeqq. 1. Cor. VI. 11.

4. quod per Baptismum renouemur; ex Tit. III. 5. quia est lavacrum renovationis. Add Rom. VI. 14.

5. quod per Baptismum liberemur à morte, ex Gal. III. 27. & Joh. XI. 25. 26. Quia per Baptismum Christus induitur, qui est vita, nunquam per mortem abolenda. 1. Joh. I. 2. Si igitur Christus induitur, etiam vita induitur & consequenter mors tollitur.

6. quod per Baptismum liberemur à Diabolo, ex Gal. III. 27. coll. 1. Johan. III. 18. Quia per Baptismum Christus induitur, qui destruxit opera Diaboli. Si ergo Christus induitur, eo ipso simul opera Diaboli, quæ nos alioqui confundarent, destruuntur.

7. quod per Baptismum aeterna salute potiamur, ex Marc. XVI. 16. Quia qui crediderit, & baptizatus fuerit, saluus erit. Ubi Baptismus non tantum habetur pro adjuncto subjecti salvandi; sed etiam pro verâ causâ salutis. Sic enim Paulus Tit. III. 5. Deus salvos nos fecit per lavacrum &c. Addatur 1. Petr. III. 21.

AviDens est 1. Anabaptistarum, quorum verba à nobis recitantur in Wigandianis. p. 126.

2. Pietistarum quorundam & ex Hyperpietistis Democriti seu Dippelii, de quibus agitur ibidem l. c.

3. Socinianorum, qui Baptismo omnem salutarem efficaciam denegant, eundemque pro merâ ceremoniâ & qualicumque Christianismi notâ habent.

4. Reformatorum, qui Baptismo nudam significandi virtutem relinquunt.

5. Pontificiorum, qui censent (1) Baptismo ita tolli peccata, ut ne sint quidem amplius (2) efficaciam ejus tantum se extendere ad præterita peccata; non etiam ad futura. (3) eum non obsignare gratiam Dei, nec sigilli rationem habere.

III. VINDICATIO.

Accusamur

I. Quod Latinum & Germanicum Exemplar Aug. Conf. inter se discrepent. Illud habet, quod Baptismus *necessarius sit ad salutem*; hoc solummodò, daß sie nöthig sey: In illo accusantur Anabaptistæ, quod affirmant, *pueros sine Baptismo salvari*; in hoc, daß sie lehren/ daß die Kinder: Tauff nicht recht sey: In illo gratia quæ per Baptismum offertur, describitur à causâ suâ; vocatur enim *Gratia Dei*: In hoc simpliciter dicitur *Gratiae*. Resp. Diversitatem esse in vocibus; non in rebus. Quomodo Confessores in Germanico Exemplari velint intelligi, exposuerunt in Latino; & vice versâ. Utrumque enim simul Imperatori oblatum est.

II. Quod nostri tunc falsò gloriati fuerint, se nullos habere Anabaptistas. Apolog. p. 241. (156.) Sic Joh. Cochläus & Andreas Fabricius. Resp. Id ab Adversariis dici; non probari. Nam & calamo à Luthero contra Anabaptistas decertatum est, & armis à Principibus reliquisque Statibus Evangelicis. Tametsi ergo quidam Anabaptistæ egressi sint ex nobis; nunquam tamen fuerunt de nobis. 1. Joh. I. 19.

ARTICULUS X.

DE

COENA DOMINI.

I. EXPLICATIO.

In Confessione variatâ, Melancthon Calvinianis, quibus inordinato pacis studio placere gestiebat, gratificaturus, Articulum huncce, verbis quibusdam omisiss, ita contraxit: *De Cænâ Domini docent, quod cum pane & vino verè exhibeantur*

beantur corpus & sanguis Christi, vescentibus in Cænâ Domini. Extrusit igitur ista: (1) quod corpus & sanguis Christi verè adsint, (2) quod improbentur secus docentes. Hodie tamen à Calvinianis & illa conceduntur: quod corpus & sanguis verè adsint: sed, ut subdole intelligant, coram oculo fidei. Hac enim reservatione mentali nobis illudunt, nisi eos artius constringamus, mentemque nostram pressius exponamus, scilicet quod verè adsint, quoad substantiam, in, cum & sub Pane ac Vino. Vid. Apolog. p. 242. (157.)

In genuinâ Confessione p. 16. (12.) de Sacramento
hoc agitur

- I. *Θελωὺς*. Describitur enim
- { 1. à Causâ Efficiente. Cænâ Domini.
 - { 2. à Materiâ cœlesti. *Docent, quod corpus & sanguis Christi verè adsint.*
 - { 3. à Formâ, quæ consistit
 - { 1. in δῶσθαι seu datione. *Et distribuatur.*
 - { 2. in λήψθαι seu acceptione. *Vescentibus.*
- II. *Ἀντιθετικὸς*. *Improbant secus docentes*, nempe Zwinglianos, è quorum cohorte, quatuor Civitates, Argentina, Constantia, Memminga & Lindavia peculiarem Confessionem in hoc articulo, ab Augustanâ dissentientem, Cæsari offerentes, repellebantur.

IN APOLOGIA p. 242. seq. (157. 158.) legitur

- I. Quod approbatus sit hic Articulus, sed tantum quoad ea, quæ expressè à nostris ponuntur. Sic enim Confessores intelligi volunt, uti ex propriis eorum verbis constat: *Decimus articulus—qui sacramentaliter accipiunt p. 242. (157.)* De cætero Pontificii in iudicio suo, adhuc aliquid desiderabant, hisce verbis: *Si modò credant, sub qualibet specie, integrum Christum adesse.* Id

relpe-

respectu Sacramentalis adessentiae, nequaquam nostri admittebant, ut constat ex Aug. Conf. P. II. Abusu I.

II. Quod constanter sententia ista defendatur,

1. propter auctoritatem Scripturae Sacrae. I. Cor. X. 16.
Hanc sententiam constanter—verè corpus Domini. p. 243. (157.)
2. propter consensum Orientalis Ecclesiae, qui elicitur
1. ex Canone Missae, Et comperimus non tantum—ipsum corpus Christi fiat. p. 243. (157.) Qualis autem mutatio, hic intelligatur, ex sequenti Thesi, eiusque expositione patebit.
2. ex Theophylacto, Bulgarorum Episcopo, quem seu propter vitium Scribae, seu quia Beta Graecorum, à nonnullis ut Vav Latinum pronunciat, *Vulgarium* nominant. *Et Vulgaris scriptor—verè in carnem mutari. p. 244 (157.)*
3. ex Cyrillo Alexandrino. *Et longa est sententia Cyrilli—participatione naturali. p. 245. (157. 158.)*

III. Quod velint, ut mens eorum omnibus innotescat.
Hac recitavimus—ultrà non dominabitur p. 140. (158)

II. DEMONSTRATIO.

Thesis I. *Materia terrena Coena Dominica est Panis verus, cuiuscunque frumenti, qualitatis ac quantitatis, & Vinum verum, cuiuscunque coloris: Hoc ut non necesse est aqua dilui; ita tamen, si dilutum fuerit, propter eà ad Sacramentalem usum non redditur ineptum.*

Eκθεσις 1. In re terrenâ Cœnæ, tam Pane, quàm Vino, non conceditur variatio quoad substantiam; sed tamen quoad accidentia.

2. Panis verus dicitur, qui ex farinâ & aquâ, invicem subactis, constat & virtute ignis in masticabilem consistentiam pistus est. Non ergo sola conjunctio aquæ & farinæ, verum panem efficit; nisi etiam masticabilis consistentia, virtute ignis parata, accedat. Hinc amyllum (*Raaffmehl*) nec per se, nec in linteo, panis dici potest.

3. Non interest, cujuscunque frumenti sit panis; modò pistus sit ex frumento. Nam farina ex radicibus, quâ in Americâ utuntur, meritò rejicitur.

4. Concedimus, triticum rectè præferri hordeo, farri &c. Negamus verò triticum necessario adhibendum esse, exclusò penitus hordeo, farre &c. præsertim in casu necessitatis. Pauperiores in Palæstinâ pane hordeaceo contenti erant 2. Reg. IV. 42. Joh. VI. 9. ut proinde incertum sit, quo panis genere Christus cum Discipulis fuerit usus.

5. Sic nec interest, cujuscunque qualitatis sit panis, azymusne, an fermentatus. Fermentum mysticum in vitâ & doctrinâ prohiberi, ex Matth. XVI. 6. 1. Cor V. 7. novimus: At fermentum vulgare in administratione Cœnæ prohiberi, nondum adversarii demonstrarunt. Nobis certum & exploratum est, quæ inferebant obligationem ceremonialem in V. T. minùs rectè torqueri, contra libertatem Christianam, in N. T.

6. Hinc non quæritur, an Christus in administratione Cœnæ usus sit pane azy-mo? quod affirmamus, ex Luc. XXII 7. aut an panē azy-mo adhuc uti liceat? quod similiter concedimus, propter Christi exemplum atque Ecclesiæ, præsertim occidentalis, perpetuam praxin; sed an usus ejusmodi sit necessarius? quod negamus.

7. Deni-

17. Denique nihil interest, cuiuscunque quantitatis sit panis: atque ideo placentulas orbiculares in administratione Coenae tutò adhibemus.

8. Concedimus, eas usurpari à Pontificiis; negamus verò earum usum, constituere partem errorum Pontificiorum.

9. Neque enim omne quod Papistæ habent, propterea formaliter Papisticum & consequenter abominandum est. Quin imò ex Patribus constat, placentulas tales, priùs fuisse adhibitas, quàm quispiam, pro capite Ecclesiæ agnosceretur.

10. Ceterum quando usus Pontificii mentionem injicimus, danda est opera, ut hunc ab abusu separemus; qualis locum habet, cum placentulæ, juxta Pontificiorum hypothesein, in corpus Christi transubstantiatæ, dominiculis includuntur, circumgestantur, adorantur &c.

11. Eadem placentulæ, à vulgari pane non differunt essentialiter; sed duntaxat accidentaliter. Nam & satiant, si copiosè accipiantur; quod tamen in Coenâ haud opus est, juxta Canonem Nicenum: *Non multum sumimus, sed parum: quia non ad satietatem, sed propter sanctificationem hæc sumimus.*

12. Interdum placentulas istas, cum vulgo Hostias appellamus: non tamen propriè, quasi essent ipsum Sacrificium, quotidie Deo offerendum, ut Pontificii sentiunt; sed impropriè, & quidem per metonymiam, quia sunt signum & medium, quo Deus utitur, in communicando Christi corpore, quod est vera pro mundo hostia.

13. Si quis igitur, post informationem debitam, de placentulis orbicularibus, nihilominus scandalizetur, scandalum ejus est acceptum; non datum.

14. *Unitas* verò panis, cujus meminit Apostolus I. Cor. X. 17. non est numerica; sed specifica, talis scilicet, qualis est unitas Baptismi. Ephes. IV. 5.

15. Neminem propterea impugnamus, quia panē alterius frumenti, qualitatis, aut quantitatis utitur; sed quia eodem sub opinione necessitatis utitur, atque Ecclesiis nostris, ut necessariò utendum, obtrudit.

16. Vinum verum est genimen vitis: Proindeque intelligitur vinum naturale; non factitium v. gr. succus ex melle, pomis &c.

17. Pontificii Vino aquam miscent, quod *Crama* vocant, eiusdemquē ritus necessitatem propugnant, quamvis ipse Thomas P. III. qu. 74. art. 6. fateatur, probabiliter tantum credi, Dominum in vino aquam mixto, Sacramentum instituisse.

18. Nos libenter admittimus, in Ecclesiā primitivā vinum aquā dilutum fuisse: vel ideo, quod vina orientalia essent calidiora; vel etiam ad cavendam ebrietatem, quod post coenam Dominicam convivā, quae *Agape* vocabantur, instituebant, de quibus 1. Cor. XI. 21. At hoc negamus, nudo primitivae Ecclesiae facto, omnes successores, ad necessariam imitationem obligari.

19. Non igitur damnamus eos, qui vinum aquā temperarunt, aut adhuc temperant; sed hoc obtinere conamur, ne alii nos damnent, qui vinum aquā non temperamus. Nam quaestio non est; an aqua affusa vitiet Sacramentum? verum an aqua affundenda efficiat Sacramentum? Aliud est, facere aliquid circa Coenam ex libertate; aliud urgere aliquid in Coenā faciendum, ex necessitate.

20. Si propterea in Eucharistiā necessariò utimur aquā, quia Eucharistia repraesentata est per aquam ex petra fluentem Num. XX: 8. sq. sequeretur etiam, necessariò utendum esse carnibus, quia Eucharistia repraesentabatur, per carnes agni paschalis.

21. Neque obstat, quod de latere Christi aqua & sanguis fluxit Joh. XIX. 34. Nam hoc mysterio significabatur

batur duplex N. T. Sacramentum; non duplex liquor in partiali materiâ unius ejusdemque Sacramenti.

22. Reliqua Adversariorum argumenta allegoriis nituntur v. gr. ex Prov. IX. 5. ubi vulgata habet: *Bibite vinum, quod misui vobis* &c.

Bezaïwot. Probamus I. Generaliter, *Materiam Cœnetenam esse Panem verum & Vinum verum, ita ut materiam aliam substituere non liceat* I. ex I. Cor. XI. 23. seqq. ubi describitur (1) factum Christi: *Accipit panem* v. 23. *Similiter & calicem* v. 25. in quo non alium liquorem nisi vinum fuisse, patet ex Luc. XXII. 17. 18. (2) Præceptum ejus, quo obligamur ad imitationem: *Hoc facite* (scilicet quod me facere vidistis) *in mei commemorationem* v. 24. 25. 26. (3) Praxis Apostolica: Paulus *tradidit suis*, quod *accepit à Domino* v. 23. Accipit autem materiam, quâ Christus usus est: Ergo eandem tradidit suis. Usque adeo nulli hominum mutare licet, quod Christus instituit.

2. Ex Matth. XXVI. 26. 27. 29. ubi Christus Cœnam instituens expressè loquitur de pane & genimine vitis.

II. Specialiter, I. *Panem fermentatum non derogare veritati Sacramenti*: Quia qualitas panis nullibi determinata est. Imo probabile est, Apostolos in quotidianâ administratione Cœnæ, quotidianum panem adhibuisse Act. II. 42. XX. 7.

2. *Placentulas orbiculares, licitè in administratione Cœnæ retineri*. Quia (1) iis competit definitio panis (2) quantitas panis nullibi à Christo, aut Apostolis, definita legitur. (3) usum illum præstant, propter quem Cœna instituta est, nimirum ut sint participatio corporis Christi I. Cor. X. 16. (4) commonefaciunt nos, quod panis Evcharisticus non inserviat pascendo ventri, sed sanctificationi animæ & corporis.

3. *Mixturam aquæ, in Cœnâ, non esse necessariam*. Quia nec

Christus Cœnam instituens, nec Apostolus institutionem illam repetens, mixturæ hujusmodi ullo verbo mentionem fecit. Certum verò est, actiones in Sacramento, necessarias, ibi determinari, ubi de Sacramento, ceu in loco, classico, ex professo agitur.

ARTICULUS est I. Pontificiorum, qui (1) Cramatis, seu aquæ cum vino, permissionis, necessitatem propugnant (2) loco vini alium liquorem indulgent, qualem Innocentius IX. Norwegis permisisse scribitur à Volaterrano.

2. Calvinianorum, qui placentulas nostras orbiculares improbant, quas vocant *spumam panis*, *nebula nummularis*, *chartaceas crustulas*, *farinacea folia* (Siegel-Plätzlein/Schaum-Brodt/ Nebel-Küchlein/ Papier-Küchlein) &c. Non longè ab his abis ex Hyperpietistis Dippelius, cujus verba recitantur in Wigandianis de Cœnâ. n. I. p. 134.

3. Græcorum, qui non nisi panem fermentatum Cœnæ idoneum esse censent, & propterea Latinos, ab ipsis dissentientes, *Azymitas* vocant.

Thesis II. *Materia cœlestis in Cœnâ Dominicâ est verum corpus & verus sanguis Christi, quoad substantiam præsens: cujus unio cum Pane & Vino, non in transubstantiatione, nec in locali quadam coexistentiâ, nec in nudâ ætæ seu analogiâ; sed in reali ac verâ conjunctione consistit: quâ fit, ut per os corporis, simul cum pane, per verba institutionis consecrato, corpus Christi & cum vino pariter consecrato sanguis ejus dispenseetur & accipiat.*

X. EXPOSITIO I. Materia seu res cœlestis, in Cœnâ Domini, est verum corpus & verus sanguis Christi; cui opponitur corpus non verum & sanguis non verus.

2. Illa Materia, non tantum verè coram oculo fidei exhibetur: sed etiam verè, quoad substantiam adest.

3. Ita

3. Ita tamen, ut præsentia ipsa non sit naturalis & localis; sed supernaturalis & sacramentalis, juxta modum soli Deo cognitum & ex hujusdem voluntate dependentem. Rem scimus; modum ignoramus: propter nostram verò ignorantiam, non licet dubitare de Dei potentiâ.

4. Quando eadem præsentia, in Apologiâ Augustinæ Confessionis p. 242. 243. (157.) vocatur *substantialis & corporalis*: non respicitur ad modum dandi & sumendi; sed ad objectum quod datur & sumitur, nihilque aliud indicatur, nisi quod Christi substantia & corpus verè adsint.

5. Sic & unio inter materiam terrenam & cœlestem vocatur Sacramentalis, eoque ipso contradistinguitur unioni naturali, essentiali & personali.

6. Consistit autem, in conjunctione reali & verâ adeoque propriè sic dictâ eorum, quæ uniuntur, nempe Panis & Corporis, itemque Vini & Sangvinis; ita ut cum Pane Corpus & cum Vino Sangvis propriè dispensentur & accipiantur: nimirum proprietate non phylicâ, seu compositionis; sed grammaticâ, seu significationis.

7. Modus manducandi & bibendi in Cœnâ potest dici physicus seu naturalis, ratione elementorum absolute spectatorum, scilicet Panis & Vini; nequaquam verò ratione elementorum respectivè consideratorum, quatenus simul exhibent Corpus & Sangvinem Christi.

8. Corpus & Sangvis Christi non considerantur, ut nudi hominis; sed ut *Dei & hominis*, seu eiusmodi hominis, in quo sola plenitudo Divinitatis habitat corporaliter. Col II. 9.

9. Etsi verò idem illud corpus semper sit naturale, i. e. materiâ & formâ constans; non tamen post exaltationem est in statu naturali.

10. Atque hinc in Cœnâ corpus cum pane non unitur visibiliter & localiter; sed invisibiliter & illocaliter. Quo ob-

servato nihil contra nos obtinent, quæ obijciuntur, *de reditu Christi ad iudicium* Act. I. 11. & quod *Christus non semper habeatur* Marc. XIV. 7. Nam qui redibit, nec semper habetur, visibiliter & localiter; idem tamen in Sacramento nunc etiam præsens est invisibiliter & illocaliter.

11. Multò minus ad rem faciunt, quæ adferuntur de *transitu ex hoc mundo* Joh. XIII. 3. XVI. 28. Nam ejusmodi verbis non exprimitur mutatio loci inferioris in superiorem, sed mutatio status servilis in gloriosum.

12. Materia cœlestis & terrena dispensantur & accipiuntur simul. Neque enim alia manducatio est Panis & alia Corporis; sed est una manducatio utriusque. Similiter non est alia bibitio Vini & alia Sangvinis; sed est una bibitio utriusque.

13. Accipitur autem materia cœlestis ore corporis, atque inde manducatio & bibitio dicitur oralis, videlicet ratione organi, quo corpus & sanguis sumuntur; non ratione modi, quasi corpus in ore dentibus comminuat, aut sanguis guttatim per jugulum dimittatur.

14. Observandum igitur, quod Panis & Corpus accipiantur eodem actu; sed non eadem ratione: Panis enim accipitur immediatè, naturaliter & sensibiliter; Corpus autem mediante pane & quidem supernaturaliter, invisibiliter, mysticè ac incomprehensibiliter. De Vino & Sangvine idem esto iudicium.

15. Acceptioni, id est manducationi & bibitioni sacramentali, opponitur acceptio naturalis & spiritualis eo sensu, ut acceptio spiritualis sit corporis sine pane, & sanguinis sine vino; acceptio naturalis sit panis sine corpore, & vini sine sanguine; acceptio autem sacramentalis sit corporis, in cum ac sub pane, & sanguinis in cum ac sub vino.

16. Sciendum tamen, quod acceptio spiritualis, de quâ
Joh.

Joh. VI. 35. 51. 53. 54. 63. non tollat sacramentalem. Nam digni corpus & sanguinem Christi utroque modo participant; nempe sacramentaliter & spiritualiter; quemadmodum indigni è contrario corpus & sanguinem Christi tantum participant sacramentaliter, nequaquam verò spiritualiter.

17. Quando ab uno vel altero ex Orthodoxis, sacramentalis accepto dicitur spiritualis: non respicitur ad materiam; sed ad finem Cœnæ.

18. Neque id Sacramentale nomen trahit à Sacramento. V. T. typico; sed à Sacramento N. T. antitypico. Ibi umbræ erant; hic res ipsa Col. II. 17.

19. Fundamentum unionis sacramentalis est consecratio: quâ voce non indicatur magica immutatio; sed juxta mandatum Christi facta Symbolorum ab usu vulgari, ad usum sacramentalem; separatio & destinatio.

20. Consecratio fit per verba institutionis, quorum debita repetitio, non historicam duntaxat narrationem; sed & efficacem symbolorum sanctificationem infert.

21. Hancce verò efficaciam, non adscribimus verbis institutionis, sub respectu ad causam ministerialem, id est prouti recitantur à Ministro; sed sub respectu ad causam principalem, id est prouti recitari mandantur à Christo.

22. Apud nos aliæ preces addi solent: quæ ad accidentalia Sacramenti pertinent; uti recitatio verborum Cœnæ ad essentialia.

23. Vidimus in quo reverà consistat unio; nunc expendamus in quo perperam consistere dicatur. Removemus ergo Transubstantiationem, Coexistentiam localem & seu Analogiam nudam.

24. Ut ab eo quod primum est incipiamus, non omnis mutatio est transubstantiatio. Unde cum in Apologiâ Augustanæ

gustantæ Confessionis, approbantur; *qui panem verè in carnem mutari docent*, non intelligitur mutatio essentialis, quoad substantiam; sed accidentalis, quoad finem & usum. Sic enim panis & vinum verè statuuntur mutari, quando non ad nutriendum corpus, in quod assumentur; sed ad exhibendum corpus & sanguinem Christi, assumentis per novum & antehac inauditum officium applicantur.

25. Addimus, quod & vocabulum Transubstantiationis apud antiquos latius accipitur, quàm apud recentiores, strictam significationem; nam inde à temporibus Lombardi, amplectentes. Nam Theophylactus alibi Transubstantiationis nomine utitur *de fidelibus in Christum mutandis*, itemq; *de Corporibus nostris ex statu corruptionis in statum gloriæ perducendis*.

26. Nec obstat, quod nonnulli Patres panem naturâ mutari tradunt. Nam per naturam intelligunt proprietatem naturalem, ita ut naturæ vocabulum non constitutivè, sed consecutivè accipitur, prorsus quemadmodum Chrysostomus serm. de Virtut. & Vitiis scribit: *Elisei lignum patuit undarum mutare naturam, quas quidem superficie suâ, quasi tergo, ferrum sustinere cœgit*.

27. Quando verò in Germanico Exemplari Augustanæ Confessionis P. I. Art. 10. Corpus & Sanguis dicuntur esse, *unter der Gestalt des Brodts und Weins* / id est *sub specie Panis & Vini*; tum per speciem non intelligitur figura & accidentaria qualitas; sed ipsa natura ab aliis speciebus distincta, ad indicandum, quod aliæ species non debeant substitui.

28. Ad alterum progressuri, concedimus, rem cœlestem & terrenam coëxistere; sed non localiter, seu circumscriptivè.

29. In Germanicâ autem cantione, *Verborgen im Brodt so klein* / *Tò Verborgen* non sumitur nominaliter, quasi corpus

Corpus in pane absconderetur; sed adverbialiter, quod *in, cum & sub pane*, absconditâ nobisque impervestigabili ratione fit.

30 Superest tertium, nempe ut de *ἁλώ* seu analogiâ agamus. Inter nos ergo & Reformatos, disputatur de ipsâ præsentia corporis & sanguinis Christi; non tantum de modo præsentia. Nam impropria præsentia, quam Adversarii admittunt, propriè loquendo nulla est præsentia.

31. Largimur equidem, rem coelestem representari ac significari per terrenam; ita tamen, ut nihilotenus impugnemus illos, qui præsentiam rei coelestis, in nudâ hujusmodi representatione, seu significatione, consistere opinantur.

32. Panis & Vinum sunt signa corporis & sanguinis Christi: sed non signa rei absentis; verum præsentis: non signa tantum rememorativa; verum & demonstrativa: non signa nudè significantia; verum simul exhibentia.

33. Quod si igitur Reformati quærant, an Corpus & Sanguis in Cœnâ adint significativè & effectivè? concedimus; si quarant an solum significativè & effectivè? negamus. Adint enim etiam objectivè.

34. Sic officium secundarium panis & vini est, ut sistat analogiam istam, quod, quemadmodum Panis & Vinum alit corpus; ita Corpus & Sanguis Christi alat animam: Enimvero officium primum in eo consistit, ut mediante pane caro, & mediante vino sanguis Christi, distribuatur.

Βεβαιώνω. Probamus I. *Materiam coelestem in Cœnâ Domini esse verum corpus, quoad substantiam præsens, itemque verum sanguinem, quoad substantiam præsentem*: ex verbis Institutionis: *Hoc est corpus meum: Hic est calix in sanguine meo*. Ne tropum subesse credamus, obstat (1) quia novum fidei mysterium traditur, quod ut rectè intelligeretur, necessariò verbis propriis & perspicuis exponendum erat. (2) quia eadem

verba, à tribus Evangelistis itemque Apostolo Paulo, in eodem planè sensu, repetuntur. Matth. XXVI. 26. 28. Marc. XIV. 22. 24. Luc. XXII 19. 20. 1. Cor. XI. 24. 25. (3) quia nullibi articulus iste fidei aliter proponitur: certum verò est, singulos articulos alicubi in Scripturâ verbis propriis exhiberi (4) quia sunt verba testamentaria 1. Cor. XI. 15. Nam Testator est Christus, jamjam in mortem tradendus: Hæredes sunt Christiani, testamentum non contemnentes: Bona legata sunt remissio peccatorum & justitia fidei: Testes sunt Apostoli: Sigilla sunt corpus & sanguis Christi. Quemadmodum verò V. T. fantebatur & confirmabatur corpore & sanguine Christi typico & quoad umbram præsentis; ita N. T. fantebatur & confirmatur corpore & sanguine Christi vero & quoad substantiam præsentis. (5) quia descriptio corporis & sanguinis nobis omnem dubitationem adimit: Illud enim corpus præsens est, *quod pro nobis dabatur*; itemque ille sanguis, *qui pro nobis effundebatur*; (6) quia adversus opinionem impossibilitatis nos armat consideratio sapientiæ, veritatis & potentiae ejus, qui instituit.

II. Unionem Corporis & Sanguinis cum Pane & Vino non consistere (α) In Transubstantiatione 1. ex 1. Cor. X. 16. 17. Quia (1) Panis dicitur esse (συνώνια) *communio corporis*. Communio autem non est unius secum ipso, nempe corporis cum corpore, & sanguinis cum sanguine; sed ad minimum duorum, nempe corporis cum pane, & sanguinis cum vino: Relatum enim requirit existentiam correlati. At Transubstantiatione admissâ, non nisi res cœlestis adesset, destructâ penitus terrenâ. Quomodo igitur duraret communio? (2) Panis non tantum ante consecrationem isthoc nomine gaudet; sed & post consecrationem. Nam illud, de quo in ipsâ Cœnæ administratione jam participaverant Corinthii, adhuc vocatur panis & quidem notanter **ILLE PANIS** v. 17. de quo antea

rea dictum est, *quod frangatur* v. 16. πάντες ἐκ τῆ ἐνὸς ἄρτος
μετέχομεν: præcesit ὃν κλῶμεν.

2. ex Rationibus. (1) per Transubstantiationem introdu-
citur panis & vini destructio: Destructio autem tollit unio-
nem. (2) posita Transubstantiatione accidentia panis & vini
forent sine subjecto. (3) Symbola etiam consecrata corrup-
puntur: ubi subjectum corruptionis necessariò statueretur
corpus & sanguis Christi, nisi præter corpus & sanguinem,
panis quoque & vinum superessent.

(β) *In locali quadam Coexistentiâ*, ex 1. Cor. X. 16. 17.
Quia omnes de eodem pane, qui est communio corporis par-
ticipant: Quod si igitur Corpus cum Pane localiter, seu quod
idem est, circumscriptivè coëxisterent; sequeretur, Euchari-
stiâ in diversis locis administratâ, idem corpus simul circum-
scribi diversis locis: quod absurdum. Ut de eo nihil dicamus,
quod localis coexistentia, cum omnipræsentiâ carni Christi
communicatâ, consistere nequeat.

(γ) *in nudâ ὁμοιότητι seu Analogiâ*, ex eodem. Quia (1) *Panis* di-
citur esse communio corporis; non figuræ corporis: Simili-
terque vinum in calice dicitur esse communio *sanguinis*; non
figuræ sanguinis. (2) Communio panis & corporis præsuppon-
it unionem, inter panem & corpus. Nam unio se habet ut
antecedens; communio autem ut consequens. Ubi autem
est unio, ibi non est nuda ὁμοιότης, seu analogia. Idem iudicium
feratur de vino & sanguine. (3) Nuda ὁμοιότης evertit commu-
nionem, utpote quæ solam adessentiam materiæ terrenæ in-
fert: Nihil autem communionem habet secum ipso, uti paulò
ante contra Transubstantiationem monuimus.

III. *Unionem Corporis & Sanguinis cum Pane & Vino con-*
sistere, in reali ac verâ conjunctione Panis & Corporis, itemque
Vini & Sanguinis, ad simultaneam & quidem oralem propri-
amq; manducationem & bibitionem: ex eodem: Quia panis,

qui manducandi gratiâ *frangitur*, est communio corporis Christi & *Calix cui*, vini bibendi gratiâ, *benedicitur*, est communio sanguinis Christi. Communio autem præsupponit Unionem. Excipitur (1) per communionem intelligi signum communionis. Resp. Hoc admissò, juxta hypothefin Reformatorum, talem emergere sensum: *Panis est signum communionis signi corporis*. Nam illi etiam vocem corporis, exponunt de signo corporis (2) sermonem esse de communionem spirituali per fidem. Resp. Obstare, quod hæc communio obtineat apud fideles & infideles v. 20. 21. secus atque communionis spiritualis natura patitur. (3) per communionem intelligi societatem inter fideles. Resp. Hanc societatem deduci quidem ex communionem, tanquam consequens ex antecedente; sed formaliter non esse ipsam communionem: Nam hæc expressè dicitur esse inter panem & corpus; itemque inter poculum vino repletum & sanguinem.

Anti-Deists est I. Pontificiorum, qui in Evcharistiâ per consecrationem, vi verborum Christi, panem in corpus & vinum in sanguinem essentialiter mutari docent, ita ut sola accidentia panis & vini, inprimis color, odor & sapor, remaneant.

2. Calvinianorum, qui substantialem corporis & sanguinis præsentiam negantes, nudè figurativam & significativam præsentiam substituunt.

3. Anabaptistarum, Socinianorum &c. qui in causâ Sacramentariâ, Calvinianorum vestigiis, hac in parte, insistent.

4. Pietistarum quorundam & qui propè insaniunt, Hyperpietistarum, de quibus videantur Wigandiana *de Cænâ Domini* n. I. p. 133. sq. & n. 2. p. 137. sq.

III. VINDICATIO.

Accusamur

I. Quod *ſæda Exemplarium Auguſtana Confefſionis varietas, aut fraudulenta verborum mutatio*, in hoc articulo obveniat, ut Johannes Cochläus loquitur, qui quod hæc datâ operâ acciderint, ſibi putat *licitum eſſe ſuſpicari*. Sed cum oftendere nequeat, in quibus verbis illa varietas aut mutatio acciderit, utique & ſuſpicio ejus illicita eſt. *Si enim accuſare ſufficit, quis innocens erit?*

II. Quod ab hoc Articulo diſceſſerimus: cum Auguſtana Confefſio & inprimis Apologia, Tranſubſtantiationem probet, quam Formula Concordiæ improbat. Ita Colonitſch in Confefſione Antiauguſtanâ, cui ſufficienter reſpondit D. Alberti in Refut. p. 142. ſqq. Add. in Demonſtratione noſtrâ Theſ. II. Obſerv. 24. 27. p. 245. 246.

III. Quod concomitantiam (Papiſticam) Corporis & Sanguinis Chriſti rati habeamus. Sic Thomas Henrici in Anatom. Aug. Confefſ. Contrarium verò evincitur ſuper P. II. Aug. Conf. in Abusu I.

ARTICULUS XI.

DE CONFESIONE.

I. EXPLICATIO.

MElanchton ſeriem articulorum immutavit. Hunc enim *de Confefſione*, qui nobis undecimus eſt, duodecimum fecit, atq; eum qui nobis duodecimus eſt, *de Penitentia*, in locum undecimi reſpoſuit. De cætero in *Articulo de Confefſione* nihil quoad rem variavit; in verbis quoque exigua eſt diverſitas. Tameſi enim in illis, quod *non neceſſaria ſit omnium delictorum enumeratio*, omiſerit *et omnium*; mox tamen reſtituit in ſequentibus: *Eſt enim impoſſibilis*

enumeratio omnium delictorum; ubi in invariata Confessione omnium non extat. Pro verbis: *juxta Psalmum*: habetur in variata: *juxta illud*.

Duo autem in hocce articulo p. 16. (12.) obveniunt.

Docent enim nostri:

- I. Quod *Absolutio*, atque ita etiam, quæ absolutionem præsupponit, Confessio *privata in Ecclesiis retinenda sit*.
- II. Quod in Confessione enumeratio omnium delictorum *neccessaria non sit*. Id quod rationibus stabilitur
 - 1. ab Absurdo. *Est enim impossibilis.*
 - 2. à Testimonio Scripturæ. *Juxta Psalmum: Delicta quis intelligit?* Extant hæc Ps. XIX. 13.

IN APOLOGIA p. 246. (158.)

- I. Respondetur Adversariis, qui
 - 1. Nonnulla probabant. *Undecimus Articulus, de retinenda Absolutione in Ecclesiâ probatur* p. 246. (158.)
 - 2. Plura improbabant, aut corripiebant, juxta Constitutionem, *Omnis utriusq.*, quæ invenitur in Decretalibus Gregorii L. 5. Tit. 38. de Pœnitentiis & Remissionibus c. 12. Postulabant ergo à nostris,
 - 1. *Ut quamvis omnia peccata enumerari non queant, tamen diligentia adhibeatur, quo colligantur, & illa, quæ in memoriam redigi possunt, recenscantur.* Respondent nostri:
 - 1. *Sic apud nos doceri homines, ne laquei injiciantur conscientiis* p. 249. (159.)
 - 2. *Prodesse, si rudes assuescant, ut quadam peccata enumerent, quò facilius doceri possint.* ibid.
 - 3. Enumerationem peccatorum, non esse necessariam de jure divino. *Verùm disputamus nunc, quid sit necessarium—remissionem* p. 249. (160.)

a b c

4. Ad-

- a b c
4. Adversarios carnificinam exercuisse in piorum conscientias. *Tota Ecclesia—nihil movebant.* ibid.
 5. Panormitanum & alios sentire nobiscum. *Nos igitur sentimus—¶ Cui.* ibid.
 6. Constitutionem Juris Pontificii humanam esse & impossibilia exigere. *Nec volumus imponere—quis intelligit.* ibid.
 7. Pastorum prudentiæ rectius committi, quam à Summistis addisci, quomodo examinandi sint rudes; *Si sint boni—impossibilem esse* p. 250. 251. (160. 161.) Cæterum tria in Summistis carpuntur,
 1. quod tantum peccata supputant, Christo & fide neglectis
 2. quod peccata fingunt, ubi nulla sunt.
 3. quod multos ad desperationem adigunt.
 2. *Ut quotannis fiat Confessio* p. 146. (158.) Respondent nostri,
 1. plurimos apud nos sæpe in anno uti Sacramentis p. 159.
 2. eos qui docent, de dignitate & fructibus Sacramentorum, ita dicere, ut invitent populum, ut sæpe utantur Sacramentis. ibid.
 3. extare etiam de hac re multa à nostris scripta, ut adversarii, si qui sint boni viri, haud dubiè probent & laudent. ibid.
 4. denuntiari Excommunicationem flagitiosis & contemtoribus Sacramenti. ibid.
 5. hac ita fieri & juxta Evangelium & juxta veteres Canones. ibid.
 6. certum tempus nec à nostris, nec à Canonibus præscribi. *Sed certum tempus—si non fecerint, abstineant.* ibid.
- a b c

a b c

[7. Inidoneos apud nos non cogi ad Sacramentum.
Christus ait—utatur. ibid.

[3. Ne quis alieno Sacerdote, nisi facultate ab Ordinario
 obtentâ, utatur. Respondent nostri, ista nec apud
 Adversarios observari; unde bella inter Pastores &
 Monachos exorta sint. *Postea qualis—belligeraban-*
tur. p. 249. (160.)

[II. Incidenter ostenditur, quid boni præstiterit nostra do-
 ctрина in hoc articulo. *Constat nos beneficium—So-*
phiste & Monachi, p. 247. (158. 159.)

II. DEMONSTRATIO.

**Thesis I. Confessio Peccatorum coram Deo necessaria
 est: Confessio autem coram Ministro, & quæ huic respondet
 Absolutio privata, quamvis simpliciter necessaria non
 sit, utiliter tamen in Ecclesiâ retinetur.**

²⁾ **E**ndens 1. Vox Confessionis, quemadmodum in sensu ge-
 nerali quamcunque manifestationem conceptuum no-
 tat, ut Rom. X. 10. Act. XIX. 18. ita in sensu speciali,
 pro solâ manifestatione peccatorum, memoriæ obversan-
 tium, accipitur.

2. Ejusmodi Confessio, haud incommode dispescitur in
 Politicam, quæ sit coram Magistratu Jos. VII. 19. Oeconomi-
 cam, quæ sit coram fratre, seu proximo læso Matth. V.
 23. sqq. Jac. V. 16. & Ecclesiasticam, quæ sit coram Deo.

3. Ecclesiasticam Confessionem subdividere liceat in com-
 munem, cum tota Ecclesia peccati se ream profitetur, coram
 Deo Lev. XVI. 21. 1 Sam. VII. 6. Neh. IX. 1. & singula-
 rem, quæ à singulis in Ecclesiâ denominationem accipit.

Confessio singularis ad Deum dirigitur duobus modis: **RESP.**
 aut immediatè, quemadmodum peccata confessi sunt Adam **MART.**
 & Eva Gen. III. 12. 13. David Ps. XXXII. 1. Daniel cap. **LUTH.**
 IX. 5. Publicanus Luc. XII. 13; aut mediatè, per Ministrum **LAD-**
 Ecclesiæ, cui Deus potestatem retinendi & remittendi peccata **MAN-**
 concessit. Joh. XX. 23.

5. Talis mediata Confessio vel publica dicitur, vel privata. **NO,**
 Illa in Ecclesiis quibusdam bene ordinatis, coram toto cœtu, **Gedan.**
 post peccata notoria exigitur v. gr. post apostasiam, fornica-
 tionem, blasphemiam &c. Hæc in aurem solius Ministri de-
 ponitur, atque inde *auricularis* appellari consuevit.

6. His præmissis, jam propius ad rem accessuri, dicimus,
 Confessionem coram Deo necessariam esse: quæ semper de-
 bet esse cordis; tametsi ob morbum aliaque impedimenta,
 non semper possit esse oris. Conf. 1. Sain. XVI. 7.

7. Duplex autem est ista Confessio, nempe vel fraudis,
 vel laudis: seu ut Augustinus loquitur, vel gementis, vel lau-
 dantis. Illa testatur de contritione e. gr. Ps. LI. 5. sq. Hæc de
 fide e. gr. Ps. CI. 2. sqq. Utraque conjungitur Ps. XXXII. 5.

8. Confessio coram Ministro, quam auricularem vocavi-
 mus, à nobis æquè ac Pontificiis retinetur; non tamen eo-
 dem modo, eodemque fine. Si autem propterea abroganda
 foret, quia Pontificii eâ abusi sunt; cur templa, suggestus
 & baptisteria, quæ olim Pontificiorum superstitioni intersvie-
 runt, retinentur?

9. Servatur à nobis Confessio coram Ministro ex Christianâ
 libertate; non ex necessitate.

10. Ita tamen, ut cum ritum huncce statuimus esse libe-
 rum, seu adiaphorum, id intelligendum sit, respectu totius
 Ecclesiæ particularis; non respectu singulorum membrorum
 in Ecclesiâ particulari: quippe quæ se cæteris Ecclesiæ mem-

bris, etiam in adiaphoris, necessariò conformant. 1. Cor. **40.** juxta tritum illud: *Nemo pacificus contra Ecclesiam.*

11. Pontificii pro necessitate ejusdem ritus frustrà ad dicta V. T. provocant; cum ex eorum hypothesibus, potestas absolvendi confitentes, demum in N. T. coeperit & Petro primum collata fuerit. Ut de eo fileamus, quod in ejusmodi locis, quæ nobis opponi solent, vel agatur de Confessione factâ, immediatè DEO; vel etiam de Confessione Politicâ, aut Oeconomicâ. Conf. Apol. p. **286.** (182.)

12. Confessioni privatæ Ministro factæ, respondet absolutio privata à Ministro profecta. Tametsi enim soli Deo competat potestas remittendi peccatum authentica & judiciaria Pl. L. I. 3. 6. Ministro tamen relinquitur potestas organica & legataria Joh. XX. **23.** 2. Cor. V. **19.** **20.**

13. Non igitur potestas ista à Ministro exercenda est per judicii politici, aut quasi politici, formationem; sed per alieni beneficii applicationem: ut nimirum peccatoribus, qui profitentur, se coram Deo reos esse, quorumcunque pœnitentia fuerit seria, remissio peccatorum annuncietur & conferatur. Vid. Apolog. p. **283.** (181.)

Βεβαιώνω. Probamus I: *Confessionem peccatorum coram Deo necessariam esse*, ex Prov. XXII. **13.** **14.** (1) quia ut antecedens & conditio sine quâ non misericordiæ à Deo consequendæ, describitur: *Qui confessus fuerit, misericordiam consequetur*; (2) quia oppositum ejus, nempe occultatio, seu reticentia peccatorum, ut invisâ Deo & consequenter damnableis proponitur: *Qui abscondit scelera sua, non dirigitur.* Hebraice יָחַל וְלֹא יִצְלַח *non prosperabitur*; (3) quia est indicium animi paventis & non obdurati, qualem qui habet, *beatus prædicatur*: *Beatus homo, qui semper est pavidus; qui verò cordis durus est, corruet in malum.* Ubi notandum, quod Pavor, de quo hic agitur, non excludat gratiæ certitudinem; sed carnalem securitatem. Conf. Prov. XXII. **1.** II. Con-

II. *Confessionem coram Ministro non esse absolute necessariam.*
Quia caret mandato divino, specialiter in Scripturâ, cum circumstantiis apud nos observari solitis, expresso.

III. *Confessionem coram Ministro, utiliter in Ecclesiâ retineri*
1. ex Matth. III. 6. ubi auditores Johannis leguntur baptizati esse in Jordane, confitentes peccata sua. Utrum confessi sint soli Deo, an etiam Johanni, non exponitur Interim si utile est confiteri Deo, sequitur etiam utile esse, confiteri Ministro Dei: Nam qui Ministro confitetur, mediâ Deo confitetur; id quod fecerunt David 2. Sam. XII. 13. & Israël. Nehem. IX, 2.

2. ex multiplicibus commodis hujusce Confessionis. Prodest enim ad juniorum informationem, ad singulorum commonefactionem & consolationem, ad specialiore remissionis certitudinem. Addatur Synopsis nostra Art. 23. qu. 10. Plura de utilitate Confessionis hujusce, respectu Ecclesiæ, Ministri, ipsorumque Confessorum, vid. apud Menzerum Exeg. Aug. Confess. p. 415. seqq.

IV. *Absolutionem privatam utiliter in Ecclesiâ retineri:* ex naturâ Relatorum: Quicquid enim dicitur de relato, nempe Confessione privatâ, illud etiam applicari potest correlato, nempe Absolutioni privatæ. Addatur Apologia p. 285. (181.)

Aviſendus est 1. Quackerorum, qui cum se peccatis carere fingant, eo ipso nec Confessione coram Deo sibi opus esse, gloriantur. Vid. Quackerisinus Confutat. Art. 15. Hypoth. n. 3. p. 106.

2. Pontificiorum, qui Confessionem coram Ministro de jure divino necessariam esse, tradunt.

3. Calvinianorum, Weigelianorum, Anabaptistarum & Socinianorum, qui Confessionem & Absolutionem privatam, pro figmento Papistico habent & ex Ecclesiâ proscribunt

IV. Pietistarum, de quibus conferatur Supplement. nonna Synopsos Art. 23. Thef. 7. lit. §. & Wigandiana tit. de Pœnitentiâ. n. 2. p. 142. sq. Ibidem Hyperpietistarum quoque verba recitantur §. 3. p. 144.

Thesis II. *In Confessione privatâ, neque necessaria, neque possibilis est, omnium delictorum mortalium, & quidem cum circumstantiis suis, plena enumeratio.*

Ex Dens 1. Distingvimus inter Confessionem auricularem in sensu orthodoxo & heterodoxo, seu Pontificio, sic dictam. Illam approbamus; hanc improbamus.

2. Requiritur equidem & nos coram Ministro Confessionem omnium peccatorum: sed generalem; non specialem.

3. Concedimus licitam, imo utilem esse quorundam peccatorum, maximè graviorum, specialem detectionem; sed negamus necessariam, aut possibilem esse, omnium peccatorum, quæ mortalia verè dicuntur, plenam enumerationem.

4. Præsertim, si quod Adversarii volunt, omnes circumstantiæ recensendæ sint, juxta versiculum:

Quis, quid, ubi, per quos, quoties, cur, quomodò, quando, Peccasti, dices: ut sit Confessio vera.

Bezaïarq. Probatur, quod omnium delictorum, cum circumstantiis suis, plena enumeratio non sit, 1. Necessaria: quia (1) caret mandato Dei, Vid. Aug. Confess. p. 42. 43. (27.28) (2) ut non necessaria, describitur à Chrysostomo ibid. p. 42. (27.) (3) multa damna peperit in Ecclesiâ, quæ supra recensuimus, ex Apolog. p. 247. (159.) sq. (4) eliditur exemplis illorum, quorum confessio generalis Deo placuit Luc. XIX. 13. Actor. II. 37.

2. Possibilis, ex Ps. XIX. 13. *Delicta quis intelligit? ab occultis munda me;* unde argumentamur: Qui se delicta quædam, à quibus per absolutionem mundari debent, non intelligere, eadem

eademque *sibi occulta esse*, rectè cum Davide profitentur, non plena omnium delictorum cum circumstantiis suis, enumeratio est impossibilis. Atqui omnes Christiani. Ergo.

Antiquior est Pontificiorum, qui hanc piarum conscientiarum carnificinam exercent, ejusdemque necessitatem acriter propugnant.

III. VINDICATIO.

Accusamur,

I. Quod recesserimus ab Augustanâ Confessione I. cum hodie non recensentur apud nos coram Ministro omnia peccata, quorum recordamur; quæ tamen recensenda esse Augustana Confessio statuerit. Ita Colonitsch. in Antiaugustanâ Confessione; cui sufficienter respondit D. Alberti, in Refutatione suâ. p. 147. sqq. Videlicet apertè falsum est, quod Augustana Confessio ullibi hoc, ceu necessarium, exegerit. Contrarium patet ex Apologiâ hujus Articuli l. c.

II. Quod sublatâ peccatorum enumeratione, scelera fuerint multiplicata. Sic Andreas Fabricius, qui si diligenter circumspexisset, nostrosque cum suis comparasset, aliter profectò judicasset. Concedimus & cum dolore videmus, etiam inter nostros esse helluones, scortatores, Sabbathi profanatores &c. Quorum verò seges longè fertilior est inter Pontificios, qui aquâ lustrali, pecuniâ, aut aliâ qualicunque satisfactione, peccata illa expiari posse, sibi persvadent.

III. Quod in Apologiâ Summistæ perperam, carpantur, judice Cochläo. Huic autem Cassander os obstruit, scribens: *Salutaris hac confitendi medicina, ab imperitiis & importuniis medicis, multis inutilibus traditiunculis, infecta. & contaminata fuit, quibus conscientis, quas extricare & levare debebant, laqueos injecerunt, & tanquam tormentis quibusdam excarnificarunt.* En descriptionem Summistarum, ab Autore Pontificio profectam.

IV. Quod periculosum sit apud nos, specialia peccata confiteri, propter Ministrorum loquacitatem: Sic enim videtur Müllmanno. Is verò cum non prober, quod dicit, meritò ipse, ut loquaculus, rejicitur & exploditur.

ARTICULUS XII. DE POENITENTIA.

I. EXPLICATIO.

QUod Melanchthon seriem articulorum X. & XI, transposuerit, dictum est in explicatione Articuli præcedentis. In hoc autem Articulo, quod ob heterodoxiam rejici mereatur, nihil mutavit. Adjecit tamen haud pauca & præterea quædam alio ordine recensuit. Nam (1) post illa: *Constat autem pœnitentia*, sequitur: *h. e. conversio impii propriè* &c. (2) post illa: *agnito peccato*; sequitur: *in quibus & iram Dei agnoscimus & dolemus nos peccasse, & peccata detestamur & fugimus, sicut Joël concionatur: Scindite corda vestra & non vestimenta vestra, & convertimini ad Dominum Deum vestrum* &c. (3) post illa; propter Christum, sequitur: *certò remitti* &c. (4) post illa: *ex terroribus liberat*; sequitur: *De quâ fide Paulus loquitur, cum ait: Justificati fide, pacem habemus.* (5) post illa; *fructus pœnitentia*; sequitur: *h. e. obedientia ergâ Deum, juxta illud: Debitor es sumus: non carni, ut secundum carnem vivamus: Si enim secundum carnem viveris, moriemini: sed si spiritu actiones corporis mortificabitis, vivetis.* (6) Pro istis: *Rejiciuntur & isti*—satisfactiones nostras; legitur ibi: *Damnans & illos, qui non docent remissionem peccatorum per fidem gratis propter Christum contingere: sed contendunt, remissionem peccatorum contingere propter dignitatem contritionis, dilectionis, aut aliorum operum, & jubent dubitare conscientias in pœnitentiâ, an consequantur*

quantur remissionem & affirmant, hanc dubitationem non esse peccatum. Damnant & istos, qui Canonicas satisfactiones docent necessarias esse, ad redimendas pœnas aternas, aut pœnas purgatorii: etsi fatemur, bonis operibus mitigari presentes calamitates, sicut Esaias docet c. 58. *Frangere esurienti panem tuum &c. & requiem tibi dabit Dominus semper.* (7) In Antithesi ordo mutatus est. Damnantur enim primo loco Novatiani, secundo qui meritis suis confidunt, tertio qui satisfactiones urgent, quarto Anabaptistæ, quinto impeccabilitatis iactatores; secus atque in Augustinâ Confessione invariata fit.

Cæterum in Confessione hâc genuinâ p. 17. (12.)
de Pœnitentiâ agitur

[1. Θεσις,

{ 1. quod sit remedium adversus peccata, post Baptismum commissa. *De Pœnitentiâ—impertiri.* Duo igitur in his supponuntur,

{ 1. quod homines post Baptismum peccent.

{ 2. quod per peccata Spiritum Sanctum amittere queant.

2. quod propriè loquendo constet his duabus partibus, nempe

{ 1. Contritione: *Altera est contritio—peccato.*

{ 2. Fide: *Altera est fides—terroribus liberat.*

3. quod nova Obedientia sit fructus Pœnitentiæ. *Deinde—Pœnitentiæ.*

[2. Ανθεσις, rejiciendo & damnando

{ 1. Anabaptistas similesque Fanaticos,

{ 1. qui negant semel justificatos posse amittere Spiritum Sanctum; cui errori adstipulantur Calviniani.

{ 2. qui contendunt, quibusdam tantam perfectionem in hâc vitâ contingere, ut peccare non possint: id quod hodie profitentur Quackeri & quidam ex Pietistis.

2. Νο-

a

2. Novatianos, qui volebant absolvere lapsos post Baptismum, redeuntes ad Pœnitentiam.

3. Pontificios, qui

1. non docent remissionem peccatorum per fidem contingere.

2. jubent nos mereri gratiam per satisfactiones nostras.

IN APOLOGIÆ ARTICULO V. & VI. p. 251. (161.) seqq.

I. Exponitur, quid Adversarii de doctrinâ nostrâ judicaverint

1. quod partem Articuli hujus approbaverint. In Articulo—quotiescunq; convertuntur. p. 251. (161.)

2. quod partem Articuli ejusdem rejecerint. Secundam partem—pœnitentiæ. Ibid.

2. Deteguntur errores Adversariorum

1. Generaliter, per collationem nostræ doctrinæ, cum doctrinâ illorum. Quid hic, Carole Cesar—pax conscientiæ. p. 251. 252. (161. 162.)

2. Specialiter, ita, ut quæ limâ indigent, fistantur

1. Sigillatim, quoad tres ex mente Pontificiorum sic dictas Pœnitentiæ partes,

I. CONTRITIONEM. Ubi Pontificii

1. dubitant, utrum in Contritione, an in Attritione fiat remissio peccatorum. Prodeat nobis aliquis—jam est remissum. p. 253. (162.)

2. propterea potestatem clavium extenuant. Hic vero multo magis sudant—reddet pacatam conscientiam. Ibid.

3. Contritionem comminiscuntur esse meritoriam. Jam ista sunt magis perplexa—suaves Sophistæ somniant. p. 254. (162. 163.)

4. beneficia Christi obscurant & omnia mirè intricant. Hic appellamus judicia—justitiam fidei. p. 254. (163.)

a

b c

2. CON-

2. CONFESSIONEM. Ubi Pontificii

1. Exigunt plenam enumerationem peccatorum, maximè contra Traditiones humanas commissorum. *Hec sunt in primo—traditionibus humanis.* p. 255. (163.)
2. Eandem perhibent esse juris divini. *Et quo magis—divini.* Ib.
3. Interim de Absolutione & Fide abiectè sentiunt. *Et cum ipsam enumerationem—* $\alpha\sigma\delta\tau\omega\nu\ \mu\omega\sigma\eta\epsilon\iota\omega\nu$ Ib.

3. SATISFACTIONEM. Ubi Pontificii

1. *Fingunt aternas pœnas mutari in pœnas purgatorii.* p. 256. (163.)
2. Partem pœnarum censent remitti potestate clavium, partem verò redimendam esse Satisfactionibus. Ibid.
3. Addunt amplius, quod oporteat Satisfactiones esse opera supererogationis. Ibid.
4. *Hac opera constituunt in stultissimis observationibus, velut in peregrinationibus, rosariis aut similibus, quæ non habent mandata Dei.* Ibid.
5. Satisfactiones remittunt venditis Indulgentiis. *Deinde sunt—remissiones satisfactionum.* 256. (164)
6. *Hunc questum non solum ex vivis, sed multo ampliore ex mortuis faciunt.* Ibid.
7. Misit quoque satisfactiones redimi tradunt. *Neg solum—de satisfactionibus.* Ibid.
8. In Casibus quibusdam non solum pœnam, sed etiam culpam reservari perhibent. p. 258. (165.)

2. Coniunctim. *Inter hæc scandala—in eo qui verè convertitur.* p. 256. seqq. (164 165.)

3. Explicatur doctrina nostra & ab objectionibus vindicatur.

Procedunt autem Confessores

I. Positivè, statuentes

I. generaliter, quod propriè loquendo dux sint partes
Pœnitentiæ. *Nos igitur ut——non refragabimur.* p. 258.
(165.) Ubi

I. Illustratur status Controversiæ, additis quibusdam

I. De Contritione, ejusdemque

1. formali ratione. *De Contritione præcidimus——dolet se peccasse.* Ibid.
2. principio causali. *Et hæc Contritio ita fit——& terret conscientias.* p. 258. 259. (165. 166.)
Observe, cum hic *Evangelium* dicitur arguere
peccata & offerre remissionem, p. 259. (165.)
quod vox Evangelii non strictè sumatur, in op-
positione ad Legem; sed latè pro doctrinâ Ec-
clesiam personante, quæ simul & Legem &
Evangelium complectitur: unde in proximè
sequentibus redargutio peccatorum soli Legi
vindictur, in oppositione ad Evangelium stri-
ctè sic dictum. p. 270. (166.)

2 De Fide,

1. quod ejusdem obliviscantur adversarii, atque
adeo desperationem doceant. *In his terrori-
bus——tantum ostendunt Legem.* Ibid.
2. quod necessariò addenda sit, utpotè sine quâ
Contritio nihil profit. *Nos igitur addimus——do-
natam propter Christum* p. 260. 261. (166. 167)
3. quod illam sequatur charitas. *Nec priùs dile-
ctio——ut supra diximus.* p. 261. (167.)
4. quod respectu fidei timor dividatur in filialem
& servilem. *Et sic clarè definiri potest——pa-
vidum cor.* Ibid.
5. quod potestas clavium, exhibeat Evangelium

a b c

d

per

a b c d

per Absolutionem, à fide apprehendendam.
Porro potestas—eruditiores loquuntur. Ib. Quo
 sensu in his Absolutio dicatur *Sacramentum Pœ-*
nitentie, vid. in Apolog. p. 317. (200.)

6. quod fides alatur per Evangelium & Sacramenta.
Interim hæc fides—propitiatore Christo. p. 262,
 263. (167, 168.)

2. Probatur Thesis nostra, ex Scripturâ S. videlicet

1. ex Matth. XI. 28. *Sed quia confutatio—duæ*
partes præcipuæ, contritio & fides. p. 263. (168.)

2. ex Marc. I. 15. *Et Marci primo—nominantur*
contritio & fides. Ibid.

3. ex Col. II. 11, 12, 13. *Paulus ferè ubiq.—ex*
fide vivet. p. 264. (169.)

4. ex eodem, v. 14. *Et deinde in Colossensibus—pa-*
cem & vitam cordi. p. 265. (169.)

5. ex dictis aliis, ut Pl. CXIIX. 18. CXIX. 28.
 1. Sam. II. 6. Es. XXII. 21. 2. Sam. XII. 13, 14.
 Luc. VII. 38. *Quaquam quid opus est—op-*
ponitur contritioni ac mortificationi. p. 265. sqq.
 (169, 170, 171.)

2. Specialiter, quod Fides sit pars Pœnitentiæ, ubi

1. præsupponitur

1. agi de articulo maximi momenti. *Sed quia adver-*
sarii—Christianis omnibus. p. 268, 269.
 (171.)

2. Articulum hunc magnam convenientiam habere
 cum articulo de Justificatione. *Cum autem su-*
prà—doctrina justificationis. Ibid.

3. Adversarios, cum fidem dicunt esse posteriorem
 Pœnitentiâ, aliter vocem accipere atque nos.

Adver-

a b

Adversarii cum de fide—adversarii nostri reclamant.
p. 269, 270. (172.)

{ 2. Thesis probatur,

{ 1. quia Absolutio juxta illos, est pars Pœnitentiæ, quæ accipi nequit sine fide. *Principio autem interrogamus—de Filio suo.* Ibid.

{ 2. quia remissio peccatorum, sive pars, sive finis est Pœnitentiæ, quæ similiter haberi nequit sine fide. *Secundò fateri—non propter Christum.* p. 271. (173)
Ulterius, solâ Fide gratis remitti peccata, ostenditur

{ 1. directè

{ 1. ex consensu omnium Prophetarum. *Et Petrus ait in Actis—Ecclesia consensus esse.* p. 271. sq. (173, 174.)

{ 2. ex defectu potestatis penes Adversarios, discernendi aliquid contra hunc consensum. *Nec Pape—Prophetarum* p. 272. (174.) Insuper tur quædam notatu digna:

{ 1. quod Ecclesia non sit vera, quæ Prophetas damnat. *At Bulla Leonis—qui sic sentiunt.* p. 272, 273. (174.)

{ 2. quod non Autorum numero, sed pondere certandum, neque nimium recentioribus Scriptoribus tribuendum sit. *Sed habent magni nominis Autores—non intellectos.* p. 273. (174.)

{ 3. quod Petrus meritò omnibus Sententiariis præferatur. *Nos igitur hanc Petri—consensum Prophetarum.* Ibid.

{ 3. ex Spiritus S. extraordinario testimonio. *Et accedit testimonium—peccati & mortis.* p.

a b c

273, 274. (174.)

4. ex propagatione hujus doctrinæ, à principio mundi, usq; ad Bernhardum. *Et hanc sententiam——partem esse Poenitentia.* p. 274. seq. (174, 175.)
- 2, indirectè, quia falsò Adversarii docent, peccatorum remissionem esse à contritione vel attritione, de quo nostri judicant,
 1. quod hoc sit Legem & quidem Legem non intellectam docere, abolito Evangelio. *Tertiò Adversarii——in nostra opera.* p. 275. fqq. (175, 176.)
 2. quod Paulus Apostolus nobiscum faciat, quamvis verba ejus Adversarii calumnientur. *Propter has causas——quam legem facimus.* p. 277. fqq. (176, 177, 178.)
 3. Quod doctrina Adversariorum non finat pacatam esse conscientiam; sed desperationem inducat. *Postremò quando erit pacata——doctrina desperationis.* p. 280. fq. (178. 179.)
 4. quod graves causas dissentiendi habeamus. *Nunc libenter omnibus——Christi & Ecclesie.* p. 281. fq. (179)
 5. quod Adversarii dicta Patrum truncata allegent. *Diximus quas ob causas——sententias profuisse.* p. 282, 283. (179. 180.)
 6. quod pro nobis stent Tertullianus & Ambrosius. *Nam Tertullianus egregie——non intelligant praterunt.* p. 283. fq. (180.)

2. Remotivè sigillatim agentes

1. de CONFESSIOE, ubi

1. formant statum controversiæ, quod non rejiciamus Confessionem coram Ministro; sed tantum id, quod perperam, ut necessarium, exigitur in

a b

Ll 3

Con-

a b

Confessione. *Boni viri facile—jure divino necessariam.*
p. 285. (181).

2. ostendunt, specialem delictorum enumerationem non
esse necessariam,

1. per solutionem objectionum sequentium,

1. quod Judex prius debeat cognoscere causam,
quam sententiam pronuntiet. *Nam quod obji-*
ciunt—requirit agnitionem. p. 285, 286. (181)

2. quod Salomon jubeat cognoscere vultum peco-
ris sui. *Et ridiculum est—sed omittamus illa.*
p. 286. (181, 182.)

3. quod in Psalmis & Jacobo exigatur Confessio
apud Pontificios usitata. *Aliquoties fit in Psal-*
mis—mutuam esse confessionem. p. 284, 285,
286. 287. (182. sq.)

2. per rationem, ab impossibilitate & consensu Do-
ctorum deductam. *Porro adversarii nostri—alios*
Canones. p. 288. sq. (182. sq.)

2. de SATISFACTIONE, ubi

1. formant statum Controversiæ, distinguendo inter Sa-
tisfactionem Canonicam primævæ Ecclesiæ, & Satis-
factionem hodiernam Pontificiorum. *Et ex illo ritu*
—consequi remissionem peccatorum. p. 289. seq.
(183, 184.)

2. exponunt fluctuationes Pontificiorum circa hanc do-
ctrinam, utpote qui docent,

1. Satisfactiones fieri ad placandam iram Dei. *Et ad-*
juvant errorem—divinam offensam. p. 290. (184)

2. eandem non prodesse contra culpam; sed tantum
contra pœnam. *Sed tamen fatentur—redimi per*
satisfactiones. p. 291. (184.)

a b

3. expli-

- a b
3. explicari non posse, quæ poenarum pars redimatur per claves & quæ per satisfactionem. *Nec potest intelligi—redimentes purgatorium* p. 291. (184, 185.)
 4. satisfactiones fieri posse à relapsis. *Et has satisfactiones—in peccato mortali* p. 291. (185.)
 3. refutant adversariorum dogmata, ex eo, quod ignota sint; non tantum in Bibliis, sed etiam in vetustis Patribus. *Hæc tota res est commentitia—propter disciplinam Ecclesiæ* p. 291. sq. (185.)
 4. respondent objectionibus,
 1. ex quibusdam Scripturæ dictis, quæ
 1. adferuntur. *Videte autem—bonorum operum* p. 292. sq. (185, 186.)
 2. solvuntur. Monstrant enim nostri
 1. nullam esse consequentiam. *Deus perdat istos—non diu feret*, p. 293. sq. (186.)
 2. Pontificem per Sophistas tales sibi malè consulere. *Nec utiliter—sedis existimationem* p. 294. (186.)
 3. Scripturas nullibi loqui de satisfactionibus Pontificiis. *Sed redeamus—in peccato mortali* p. 296. sq. (188.)
 4. Satisfactiones non posse esse opera indebita. *Ac multa colligi—pro pænâ satisfaciencia* p. 297. seqq. (188, 189.)
 5. Clavēs non habere mandatum poenas commutandi, aut partialiter remittendi. *Cum igitur Scriptura—remittebant Pastores* p. 299. (189, 190)
 6. committi petitionem ejus, quod est in principio. *Quanquam igitur sentimus—probanda erant adversario* p. 299. sq. (190.)

7. morte

a b c

7. morte Christi esse plenariè satisfactum. *Præterea mors Christi—& beneficiorum Christi.* p. 300. (190)
8. opera supererogationis nulla dari. *Nam de Lege sic dicunt—non possunt sine peccato omitti.* p. 300. sq. (190, 191.)
9. opera non præcepta Deo displicere. *Verùm illa opera—vocantur opera supererogationis.* p. 301. sq. (191.)
10. Legem Dei ab Adversariis bifariam impugnari. *Tri- buitur eis honos—legis divinæ.* p. 302. sq. (192.)
11. Pœnitentiam & gratiam obscurari. *Deinde obscura- tur—pœna purgatorii.* p. 303. sq. (192.)
2. ex autoritate Augustini, qui Pœnitentiam dixit *vindi- ctam punientem*; ad quod è vestigio respondetur. *Sed obijciunt Adversarii—si sit vera pœnitentia.* p. 304. sq.
3. ex ratione, quod justitiæ Dei conveniat punire pec- catum; sicut experti sunt Adam & David. In respon- sione memorabilia quædam, de afflictione piorum im- miscentur. *At inquirunt—redimant pœnas.* p. 305. sqq. (193, 194, 195, 196.)
4. ex aliis Scripturæ dictis, quorum verus sensus eruitur. *Et cum obijciatur illud Pauli—ne deleteretur civitas.* p. 309. sq. (196, 197.)
5. ex nomine Satisfactionum, in Patribus & Conciliis occurrente, cujus homonymia discutitur. *Quod autem Patres mentionem—Canones Satisfactionum* p. 310. sqq. (197, 198.)
6. ex expresso Evangelii testimonio: quod argumentum partim invertitur, partim absurditatis convincitur. In responsione autem incidenter occurrunt quædam no- tatu digna,

1. de distinctione inter veros & falsos Pœnitentiæ fructus. *Architecti Confutationis*—non tollitur humanâ auctoritate. p. 312. sqq. (198, 199.)
 2. quid olim indulgentiæ fuerint, & quid nunc sint. *Porro cum nunc per se*—ex purgatorio p. 314. (199.)
 3. clavibus non competere potestatem, nisi super terram. *At clavis non habet*—solummodo in cælo. Ib.
 4. potestatem istam in remissione, aut retentione peccatorum consistere. *Quaquam, ut suprà diximus*—ad adificationem. p. 314. sq. (199.)
 5. Casuum reservationem esse rem politicam. *Quarè reservatio*—impediri absolutionem. p. 315. (199.)
 6. nostram sententiam præstare præ sententiâ Pontificiâ? *Exposuimus summam*—explicare possumus. p. 315. seq. (199, 200.)
5. Inferunt, velut in transcurso, apostrophem ad Campegium Cardinalem, in quâ statuunt
1. ei ex officio incumbere, ut viros integros causæ hujus discussioni admoveat. *Idque te, Campegi*—calumniosis judiciis. p. 294. seq. (186, 187.)
 2. ultimis hisce temporibus singulari prudentiâ & diligentiam opus esse. *Vides, Campegi*—tum diligentiam. p. 295. (187.)
 3. mutationem imminere Romano statui, quæ armis averti nequeat. *Multa sunt signa*—quo minus explicari res possit. Ibid.
 4. Pontificibus, cum Dei iudicium non pertimescant, saltem judicia hominum esse verenda. *Non hoc dicimus, Dei iudicium*—conscientias sanaveritis. p. 296. (187.)
 5. ista bono animo, non ex diffidentiâ causæ dici. *Hæc non eâ diximus*—ipsorum possint. p. 296. (188.)

II. DEMONSTRATIO.

Thesis I. *Cum nemo in hac vitâ eam perfectionem consequatur, ut ex lege judicandus, absque peccato, etiam actuali, sit; idcirco homines sine exceptione omnes pœnitentiâ indigent: tametsi interim agnoscamus, quâ specialem modum, aliter comparatum esse, cum Pœnitentiâ lapsorum & relapsorum, quàm stantium.*

Endosis I. Quod homo ad perfectionem contendere debeat, extra controversiam est. Matth. V, 48. De eo autem quæritur, an perfectionem in hac vitâ obtinere queat.

2. Hic distinguimus, inter perfectionem evangelicam seu justificationis, & legalem seu renovationis. Illa ex fide; hæc ex operibus est. De priori Paulus loquitur Col. II. 10. De posteriore nunc erit agendum.

3. Legalis perfectio aut opponitur hypocrisi, ut idem notet, quod *sinceritas*, qualis in fideles cadit. i. Reg. XV. 14. Ps. XII. 24. aut opponitur imperfectioni, qualem in præfenti vitâ nemo consequitur.

4. Quamvis enim regeneritus esse possit sine regnante peccato. Rom. VI. 12. nunquam tamen est sine omni peccato.

5. Si non dantur in eo peccata malitiôsæ pravitatis; inveniuntur tamen in eo peccata humanæ infirmitatis.

6. Idcirco omnes indigent pœnitentiâ; tametsi non omnes agant pœnitentiam. Nam à negatione facti, ad negationem debiti N. V. C.

7. Luc. XV. 7. Christus conditionatè loquitur: Non ait, *dari iustos qui pœnitentiâ nullâ indigeant*; sed ponit casum, ex hypothesi Phariseorum dabilem, reverà autem in statu corruptionis impossibilem. Vid. Luc. XII. 9.

8. Quod autem ad orationem Manassés v. 7. attinet, præterquam quod in Canone non est, etiam responderi potest, asser-

assertionem istam, non intelligi absolutè; sed comparatè ac secundum quid. Patriarchæ scilicet *non indigebant Pœnitentiâ*, super tam gravibus delictis, qualia commiserat Manasses; etsi interim suis etiam peccatis inquinarentur, atque ided pœnitentiâ opus haberent. Job. IV. 18.

9. Generaliter loquendo, Pœnitentia omnis est *conversio salutaris ad Deum, per vires supernaturales, à Spiritu S. acceptas*: quâ specialem verò modum, datur aliqua diversitas, inter Pœnitentiam lapsorum, relapsorum & stantium.

10. Lapsi dicuntur, qui hætenus planè irrogeniti fuerunt: Relapsi, qui per peccata regnantia acceptam gratiam amiserunt: Stantes, seu luctantes, quorum spiritus in quotidiano agone, Diabolo, mundo & carni (non tamen sine omni imbecillitate) resistit. Quo respicientes Ecclesiæ priscæ Doctores, *totam vitam Christiani hominis perpetuam Pœnitentiam* esse jubebant.

11. Distinctio hæcce non est generis in species; sed adjuncti in subjecta.

Bezae notæ. Probamus I. *Neminem in hac vitâ eam perfectionem consequi, ut absq. peccato sit*; 1. ex I. Joh. I. 8, 9, 10. ubi observandum (α) quod Johannes, suo ac aliorum renatorum nomine, loquatur v. 8. (β) quod *confessionem peccatorum ac iniquitatum* omnibus, de quibus loquitur, necessariam esse indicet v. 9. (γ) quod *falsitatis & seductionis* eos arguat, qui *negant, remotos peccatum habere*, v. 8. imo etiam *qui dicunt, se non peccasse* v. 10. (δ) quod talis assertio Deo mendacii notam impingat. v. 10. quippe qui aliud testatus est in *verbo suo*. 1. Reg. VIII. 46. Job. XIV, 4. Ps. XIV. 3. CXXX. 3. CXLIII. 3. Prov. XX. 9. Eccl. LXIV. 6. Rom. III. 23. & qui locus præcæteris notandus est, Gal III. 22. Ut ad classicum Johannis nostri dictum revertamur, Apostolo illi in priori Epistolâ, tria hæc, nempe *peccatum habere, peccare &*

peccatum facere, latitudine differunt. Nam τὸ *peccatum habere* generalissimè dicitur, de quocunque peccato, non originali solum, sed & actuali. *Peccare* strictioris significationis est, quippe quod ab Apostolo laudato non nisi de actuali peccato adhibetur, tam infirmitatis, quàm pravitatis. At *peccatum facere*, ibi tantum ad peccatum voluntarium transfertur. Hinc quando Johannes initio vetat, ne gloriemur, quod *peccatum non habemus*; mox etiam prohibet, ne in opinionem illam, quod *non peccemus*, prolabamur. Prævidebat enim, aliquando homines inventum iri, quī τὸ *peccatum habere*, de solo peccato originali, intelligant: quibus ut os obstrueretur, mox vocabulum angustius atque ad actualia peccata, citra exceptionem, se extendens, substituitur. 1. Joh. I. 10. 2. ex absurdo: quia qui absque peccato foret, Christo ut mediatore non indigeret: quo ipso tolleretur universalitas mediatorii officii. 1. Tim. II. 5. Hebr. IX. 24.

II. *Homines sine exceptione omnes, Pœnitentiâ indigere* (1) ex Conclusionem præcedenti: A morbo enim ad indigentiam medicinæ, rectè argumentamur: id quod David agnoscit. Ps. CXLIII. 3. (2) Specialiter urgemus, Act. XVII. 30. ubi Deus legitur *annuntiare* (τοῖς ἀνθρώποις πᾶσι παντοῦ) *omnibus hominibus ubiq̃*, ut *pœnitentiam agant*: quæ duplex universalitas, subjecti & loci, exceptionem quamcunque eludit. (3) Addimus alia dicta. 2. Petri III. 9. Jonæ I. 8.

III. *Pœnitentiam subjective dispesci, in eam quæ est Lapsorum, Relapsorum & Stantium.* Sic agitur (1) de *Pœnitentiâ Lapsorum*. Act. XVII. 30. Paulo enim cum Atheniensibus irrogenitis res erat. Conf. ib. v. 32, 34. (2) de *Pœnitentiâ Relapsorum*. Jer III. 12. Propheta enim (α) alloquitur Israël *aversatrisem* v. 12 (β) quæ cum antea in viis Dei fuisset, jam *disperferat* illas vias suas. v. 13. (γ) atque ideo *reverti* jubetur. v. 12. (3) de *Pœnitentiâ Stantium* Matth. VI. 12.

Disci-

Discipuli enim Christum piè sequentes, nihilominus orare docentur: *Dimitte nobis debita nostra* &c. id quod & nunc apud Christianos quotidianæ Pœnitentiæ signum est.

ΑΥΘΙΣΤΟΙ τοεντ I. Pontificii, qui (1) negant, Pœnitentiam pertinere ad omnes homines; (2) censent, non opus esse, ut conteramur propter peccata, quæ, ex mente eorum, per se sunt venialia.

2. Sociniani, qui Pœnitentiam stantium abolent, censentes, Renatos non indigere Pœnitentiâ.

3. Anabaptistæ, Weigeliani, Quackeri & similes Fanatici, qui hominem ad eam perfectionem, ut planè non peccet, in hac vitâ venire posse somniant.

4. His adjungimus Pietistas, qui ut Samsonis vulpeculæ, caudis quidem i. e. perfectionis legalis jactatione, connectuntur; sed capitibus in diversa tendunt. Alii enim Regenitum ab omni omninò peccato: alii ab omni actuali, in oppositione ad originale, quod superesse fatentur: alii non nisi à peccato proæretico constanter immunem esse, profitentur. Singulorum, quos indigitamus nomina & verba recensentur in Supplemento Synopsæ Art. 13. Th. 1. & 2. Art. 22. Th. 9. Art. 24. Th. 6. Addantur Wigandiana, sub tit. de Perfectione, p. 60. sq. Specialiter de Hyperpietistis ibidem agitur p. 62. sq.

Thesis II. *Qui post regenerationem in peccata, quamvis gravissima, incidunt, iis per Pœnitentiam, reditus ad gratiam Dei, usq; ad extremum vita halitus pater, neg; seria pœnitentia signa edentibus absolutio deneganda est.*

ΕΥΘΥΣ I. In gravioribus delictis, v. gr. Apostasiâ, Furto, Homicidio, Fornicatione &c. deprehensi, ab Ecclesiâ primitivâ castigabantur; non tamen per omnimodam absolutionis denegationem; sed tamen per alligatam certo tempori suspensionem.

2. Hujus autem suspensionis causa, non erat defectus potestatis in Ministerio, quasi ob gravitatem delicti, absolutio peccatori denuntiari nequiverit; verum ordo requisitus in actione Ministri, ut alii à similiū peccatorum imitatione detererentur.

3. Si igitur dicendum quod res est, per suspensionem lapsis tantum adimebatur reconciliatio cum Ecclesiā; non item cum Deo. Neque enim de eorum salute dubitamus, qui post seriam contritionem fidemque in Christum, sine denuntiata absoluteione, moriebantur; cum hic, æque ac in Sacramentis, locum inveniat illud: *Non privatio damnat; sed contemptus.*

4. Ut omnia planius explicentur, observandum, quod communio Ecclesiæ duplex sit, interna & externa. Uti hypocritæ tantum in externā Ecclesiæ communione vivunt, quamvis ad internam, ex judicio hominum, pertinere videantur: ita lapsi, seriū pœnitentes, ante denuntiata absoluteionem, olim ab externā Ecclesiæ communione, ex judicio hominū, arcebantur, quamvis ad internam reverà pertinerent.

5. Hebr. VI. 4. non agitur generaliter de peccato atroci quocunque; sed specialissimè de Peccato in Spiritum S. Apostolus enim loquitur de illis, qui post agnitam & in corde obsignatam veritatem, nihilominus *crucifigunt sibi metipsis filium Dei*; h. e. qui non ex metu, aut infirmitate, verum ex destinata malitiā, Christum & Evangelium cum blasphemiā persequuntur & in eo perseverant.

6. In altero autem loco Hebr. XII. 17. in quo legimus, *Esavum, ne quidem cum lachrymis, invenisse Pœnitentiam*: sciendum, quod Pœnitentia juxta acceptionem vocis laxiorem, significet mutationem propositi: non tamen in Esavo; sed in Ilaaco. Sensus enim est, Esavum non potuisse impetrare apud Patrem, ut mutato proposito, benedictionem, Jacobo jam impertitam, revocaret, & in ipsum transferret.

7. Disci-

7. Disciplinam Ecclesiasticam laudamus; sed nimium ejus rigorem laudare non possumus: qualis obtinuit olim, cum lapsi per annos aliquot, imo ad finem usque vitæ arcerentur ab Eucharistiâ. Aliud præcepit Paulus 2. Cor. XIII. 10. & exemplo suo confirmavit 2. Cor. II. 5. sqq.

Βεβαιώσις. Probatur 1. ex Jerem. III. 12, 13, 14. Quia Israelitæ, in circumcissione regeneriti, quamvis per idololatriam multiplicem se à Deo avertissent v. 13. coll. v. 6. sqq. nihilominus ad Pœnitentiam, additâ promissione receptionis secururæ, invitantur. Baptizatorum verò fors non est deterior, quàm circumcisorum. Observandum (1) quod Deus pœnitentiam iis præcipiat: *Revertere aversatrix Israel v. 12.* (2) quod remissionem peccatorum promittat: *Ego vir vester & assumam vos v. 14.* (3) quod benignitatem suam prædicet: *Benignus ego & non irascar in perpetuum.*

2. ex Joh. VI. 37. Quia Christus promittit, eos, quos dat ipsi Pater, ad ipsum venturos, seque venturos non esse foras ejedurum. Jam inter eos, quos Pater dat Christo, etiam sunt, qui post Baptismum in gravissima peccata incidunt: v. gr. Petrus abnegans &c. Uti ergo huic per Pœnitentiam aditus ad Christum patebat, ita nec aliis aditus iste occluditur.

3. ex Act. XVII. 30. Quia *Deus annuntiat hominibus, ut omnes ubiq. pœnitentiam agant:* Adquæ verba in Artic. Smalcald. P. 3. Art. 3. p. 508. (326) annotatur: *Omnes dicit, nemine excepto, qui modò homo est.*

4. Ab exemplis Aaronis idololatræ, Davidis adulteri & homicidæ, Petri apostatæ, aliorumque in gratiam receptorum.

Αντίθεσις est 1. Novatianorum, in Aug. Conf. descriptorum, quorum vestigiis Anabaptistæ, præsertim Hoffmanniani & Monasterienses, in Wigandianis nostris, sub titulo de Pœnitentiâ p. 138. insistebant, atque hodiernum Sociniani insistent. Nam & hi negant, post regenerationem mortaliter peccantes à Deo in gratiam recipi.

2. Pon-

3. Pontificiorum, qui per figmenta casuum reſervatorum, non multum à rigore Novatianorum abſunt.

3. Pietiſtarum, à quibus aliqui lento gradu, aliqui citatiori curſu ad Novatianiſmum tendunt, quorum hypotheſes & verba ipſa recitantur in Supplem. Synopſeos Artic. 23. Th. 3.

4. Terminiftarum, peccatores rectà ad deſperationem ducentium, de quibus videatur denud Supplementum Synopſeos Art. 15. Th. unic. Addantur Wigandiana l. c. p. 139. ſqq.

Theſis III. Pœnitentiæ partes duæ ſunt, Contritio & Fides, ſeu ut Apologia (in alio tamen ſenſu, quàm heterodoxi poſtea vocibus illis uſi ſunt,) loquitur, Meritificatio & Vivificatio.

Ex Deo 1. Ne ambiguitate vocis decipiamur, initio ſtatim removemus Pœnitentiam, quæ adſcribitur Deo 1. Sam. XV. 11. 29. & retinemus eam, quæ adſcribitur Hominiſus.

2. Neque apud homines Pœnitentia Ethicè accipienda eſt, pro affectu ex naturalibus cauſis orto. Exod. XIII. 17. ſed Theologicè, pro actu Spiritûs S. Legem & Evangelium nobis applicante.

3. Porro Pœnitentia ſumitur vel in ſenſu latiori, per Synechdochen partis, ut totam Conversionem, cum omnibus adjunctis & effectibus, adeoque & novam obedientiam notet; vel in ſenſu anguſtiori, per Synechdochen totius, ut ſolam contritionem, alteri Pœnitentiæ parti oppoſitam, ſignificet, juxtà regulam Theologorum: *Quando in N. T. Pœnitentia adiungitur Fides, accipitur tantum pro contritione;* vel in ſenſu adæquato, pro toto ex partibus compoſito, quæ acceptio nunc locum obtinet.

4. Contritionem Pontificii nobiſcum pro parte Pœnitentiæ habent, ita tamen ut præter nomen vix quicquam utriq; commune maneat. Quare nemo miretur quod Lutherus in

Poſtil-

Postillâ Domesticâ Dom. Quasimod. Contritionem *opus Diaboli vocaverit*. Non enim intelligit Contritionem in significatione genuinâ; sed Pontificiâ sic dictam.

5. Ut clariùs pateat, quantum distemus, sciendum (1) quod Pontificii Contritionem, ut actionem, ex libero arbitrio derivent. At nobis ea in passione; non in actione consistit. Vid. Th. 4. p. 282. (2) quod Pontificii statuunt, Contritionem esse meritoriam: At nostri omne meritum à satisfactione Christi deducunt. Vid. Th. 5. p. 283. (3) quod Pontificii sufficientem exigant Contritionem, ut peccator tam de omnibus peccatis in genere, quàm de singulis peccatis in specie doleat & commissa peccata aversetur, nec remissionem consequi possit peccati, sub Contritionem individualiter non venientis. Si quis autem eousque non extendat dolorem, præsertim quoad odium peccatorum, Attritionem vocant, quasi dicas dimidiam Contritionem, eamque pro totâ Contritione assumunt v. gr. si peccator à Confessario interrogatus, an optet habere plenam Contritionem? respondeat affirmative: tunc videlicet ex hypothese Pontificiorum, defectus in Contritione, per ejusmodi bonum opus suppletur. At nostri asserunt, Contritionis esse, dolere de insufficientiâ doloris. Nam omnis Contritio est insufficientis. Luc. XVII. 10. Rom. III. 23. (4) quod Pontificii propositum bene vivendi sub Contritione comprehendant. At juxta nos, illud ad novam obedientiam, tanquam fructus Pœnitentiæ, pertinet.

6. Distingvendum quoque inter Contritionem servilem, qualis est hypocritarum & desperantium, qui de pœnâ magis, quàm culpâ dolent; & filialem, qualis est verè pœnitentium, qui ipsam culpam agnoscunt & deplorant. Posterior hujus fori est; non prior.

7. Altera Pœnitentiæ pars est Fides: non historica, quippe quæ præcedit Pœnitentiam, Jon. III. 5. sed salvifica, quæ verè constituit Pœnitentiam.

N n

8. Fi

8. Fides salvifica opponitur Pœnitentiæ partialiter sic dictæ, quatenus solam Contritionem notat Marc. I. 15. Act. XX. 21. includitur verò, ut pars, sub Pœnitentiâ totaliter sic dictâ.

9. Eadem Fides nunc consideratur ut organon, per quod justificatur peccator; cum aliàs etiam sit organon, per quod se exercet justificatus.

10. Cavendum insuper, ne Fides sumatur inadæquatè, pro unâ tantùm vel alterâ partium, ex quibus constat, seorsim spectatarum; sed adæquatè, quatenus tribus partibus absolvitur, notitiâ, assensu & fiduciâ. Vide superiùs Att. IV. Th. 3. p. 143.

11. Contritio & Fides, sub respectu ad remissionem Peccatorum, ita considerantur, ut sola Fides sit medium apprehendendi gratiam, quâ Deo reconciliamur; Contritio autem tantummodò se habeat ut pars ordinis, quem Deus in justificandis observat.

12. Mortificatio & Vivificatio possunt dici partes Pœnitentiæ, si voces sumantur in sensu orthodoxo, ut Mortificatio Contritionem & Vivificatio Fidem notet; nequaquam verò, si voces sumantur in sensu heterodoxo, ut Mortificatio significet veteris hominis abnegationem, & Vivificatio renovationem.

13. Sic enim Mortificatio & Vivificatio non sunt partes Pœnitentiæ; sed consequens ejusdem: quandoquidem ad novam obedientiam pertinent.

Beobachtung. Probamus I. Pœnitentia partes duas esse, Contritionem & Fidem, 1. ex Jonæ III. 4. sqq. quia tot partes in Pœnitentiâ Ninivitarum inveniuntur. De Contritione enim agitur v. 5, 6, 7, 8. ubi observandum, quod Ninivitæ, non propterea sic fecerint, ut aliquid à Deo mererentur; sed ut internum affectum, per signum externum testarentur. Matth. XII. 41. Frustrâ igitur Pontificii hinc Satisfactionem pro peccato, à Sacerdote injungendam, stabilire nituntur: Nam ordinatio eorum, quæ à Ninivitis agi debebant, non à Sacerdotibus, sed à Rege proficiendebatur v. 9. ipsisq; etiam jumentis imponebatur,

nebatur, quæ satisfacere nequeunt v. 8. nec pro fine habebat placationem iustitiæ; sed impetrationem misericordiæ v. 9. *Fidei* vestigia occurrunt in toto actu. Nam ideo Ninivitarum tam humiliter se gerebant, quoniam Deum ad gratiam flecti credebant. Quod verò ad v. 9. attinet, in quo Rex ait: *QUIS SCIT* &c. ibi non vocatur in dubium peccatorum remissio; sed temporalis mali condonatio. Cujusmodi malum sæpè remissis licet peccatis, immittitur, *nisi remittatur*. In ultimis verbis v. 10. non proponitur causa, propter quam Deus misertus est; sed ordo, quem in manifestatione misericordiæ observavit, ut adeò nihil inde pro stabiliendo operum merito peti queat.

2. ex 2. Sam. XIII. 13. Quia in Confessione Davidis, licet brevissimâ, utraque tamen fidei pars se exerit. Nam *Contritionis* est, dicere *PECCAVI*; *Fidei* autem, mentionem facere *Domini*: ad cuius misericordiam hic respici, patet, tum ex effectu, quoniam sic confitens placuit Deo, quod *sine Fide est impossibile*. Hebr. XI. 6. tum ex loco propemodum simili. 2. Sam. XXIV. 14, ubi ad misericordiam divinam à Davide, ob peccatum anxio, expressè provocatur.

3. ex dictis Scripturæ aliis, quæ adducuntur & nervosè applicantur in Apologiam à p. 263. (168) usque ad p. 281. (180) II. *Contritionem* Posse *Mortificationem*, *Fidem* verò *Vivificationem* dici, ex Col. II. 12. 2. Sam. II. 6. aliisque dictis Scripturæ, quæ extant & illustrantur in Apologiam p. 264, 265. (168, 169.)

Avrilescens est 1. Pontificiorum, qui (1) Fidem negant esse partem Pœnitentiæ. (2) Pœnitentiæ partes tres faciunt, Contritionem cordis, Confessionem oris, & Satisfactionem operis. (3) De contritione perversè docent, prouti in *Enchiridion* ostendimus.

2. Calvinianorum, ut Calvini ipsius, Bucani, Martyris &c. qui partes Pœnitentiæ faciunt Mortificationem & Vivificationem, sed in alio sensu, quàm Apologia, de quo denuò conferatur *en. 9.*

3. Philippistarum, Majoristarum & Syncretistarum, qui novam obedientiam inter partes Pœnitentiæ referunt.
4. Socinianorum & Arminianorum, qui docent, Pœnitentiam nihil aliud esse, quàm correctionem & emendationem vitæ.
5. Weigelianorum aliorumque Fanaticorum, quotquot per Pœnitentiam intelligunt mortificationem membrorum in terris & imitationem Christi.

Theſis IV. Contritionis nomine, intelligimus dolorem super peccata, ex lege agnita, quem terrores conscientie, pariter per Legem incusſi, ſequuntur: ut proinde Contritio, reſpectu hominis, non actio elicitæ, ſed paſſio ſit.

Ex Theſi 1. Contritio ex Lege; Fides ex Evangelio eſt. Interim nihil obſtat, quo minùs Contritio à Doctore Evangelii e. gr. Matthæo, Paulo &c. Fides autem à Doctore Legis e. g. Moſe, Jeremiâ &c. inſtilletur.

2. Distinguimus igitur inter abstractum & concretum: Quædam traduntur ab Evangelistis, quæ non sunt Evangelium; quædam à Legistis, quæ non sunt Lex.

3. Hoc quoque notandum, cum Contritionem ad Legem referimus, quod de principio & normâ formæque ejus agatur; non de fine & eventu: Sic enim Contritio, quando superveniente fide hominî salutaris evadit, per accidens ad Evangelium reduci potest.

4. Non incipiamur, materialiter in Contritione concurrere actus nostros, quales sunt peccatorum recordatio, iræ divinæ meditatio &c. quamvis negemus, in his formaliter consistere Contritionem.

5. Nimirum ad Contritionem prærequiritur agnitio peccati, pœnarumque peccato dictatarum: eandem ſequuntur terrores conscientie: formaliter autem Contritio in dolore peccata detestante conſiſtit.

6. Actus

6. Actus nostri, de quibus paulò ante diximus, non constituunt Contritionem; sed ad eam impellunt. 2. Cor. VII. 10.

7. Ut paucis nos expediamus, Contritio non est opus hominis; sed Dei: Non proficiscitur à nobis; sed peragitur in nobis: Non pertinet ad classem actionum; sed passionum.

Βεβαιώσις. Probamus ex Jer. XXXI. 18, 19, ubi tota Pœnitentia, tanquam actio Dei in homine, describitur. Nam juxta Prophetam (1) Deus *convertit hominem, ut convertatur.* Add Thren. V. 21. (2) *Hominem demum pœnitet, postquam à Deo conversus est;* adeo ut in actu conversionis homo non habeat sese ut causa Dei; sed ut subjectum recipiens actionem Dei. (3) Neceffe est, ut homini prius, per gratiam prævenientem, *ostendatur peccatum;* quam ut in signum contritionis, possit *percutere femur, confundi & erubescere.* Si autem homo, per vires naturales, ne quidem cognoscit peccatum, quomodo per eas contereretur super peccato? Adstantur dicta allegata & explicata in Apologiâ p. 259, 260. (165. 166.)

Αντίθεσις. est Pontificiorum, qui Contritionem (1) ad Evangelium maximè pertinere tradunt. (2) ex viribus liberi arbitrii derivant. (3) ad classem actionum referunt. Nam juxta eos, Contritio est *dolor voluntariè pro peccatis assumtus, cum proposito confitendi & satisfaciendi.*

**Thesis V. Contritio non est causa meritoria gratiæ divi-
vine, & remissionis peccatorum.**

Εκθεσις. 1. Contritio ab homine requiritur: non tamen ut meritum reconciliationis, aut ut medium apprehendendæ gratiæ; sed tantum ut pars ordinis, quem Deus in salvandis observat.

2. Etsi igitur Deus non nisi contrito remittat peccatum; non tamen remittit propter contritionem.

N n 3.

3. Nec.

3. Nec remissio peccatorum nititur quantitate & dignitate contritionis; verum unice merito Christi, qui pro omnibus sufficientissimè est contritus. Ef. LIII. 9.

4. Si quis tamen Contritionem vocaret principium remissionis peccatorum, non habebit nos contradicentes; modò intelligat principium ordinale, quod præcedit citra influxum; non causale, quod præcedit per influxum.

5. Item si loquatur de principio cognoscendi; non essendi.

6. Atque ita accipiendus est locus Luc. VII. 47. quod patet ex collatione v. 50. in quo soli *Fidei* attribuitur influxus. Quapropter notetur regula Damasceni. L. 4. c. 20. *Mos Scriptura est, quædam quæ secundum eventum debent intelligi, causaliter dicere.*

Βεβαιωσις. Probamus ex Rom. IV. 15. *Lex iram operatur* h. e. juxta Apologiæ explicationem, *semper accusat conscientiam & perterrefacit, ut judicium Dei fugiat.* Add. Art. Smalcald. P. 3. Art. 2. p. 499. (319.) Unde concludimus: Quicquid iram operatur, ejusdem effectus, nempe Contritio, non est causa meritoria gratiæ diviniæ & remissionis peccatorum. Atqui Lex. Ergo. Plura repetantur ex Apolog. p. 274. (175) sqq.

Articulus est Pontificiorum, qui nobis hæc in parte è diametro contradicunt.

Thesis VI. Nova Obedientia, quæ & propositum emendandi vitam, & ipsam emendationem ac quæcunque opera bona, post Pœnitentiam præstanda, complectitur, accuratè loquendo non est pars, sed effectus Pœnitentiæ.

Expositio 1. Bene Isidorus apud Bernhardum L. de mod. vivend. serm. 23. inquit: *Inanis est Pœnitentia, quam sequens coinquinat culpa.*

2. Proinde controversum non est, an à Pœnitentibus obedientia nova requiratur? sed quomodò requiratur?

3. Re-

3. Repetimus autem ex antecedentibus, quod Pœnitentia jam non accipiat in sensu latiori, prouti conversionem cum omnibus adjunctis & effectibus significat; sed in sensu angustiori, prouti adjunctis & effectibus contradistinguitur. Apologia August. Confess. p. 258. (165.) vocem priori modo sumit, in istis: *Si quis volet addere tertiam partem, videlicet dignos Pœnitentia fructus, h. e. mutationem totius vita ac morum in melius; non refragabimur*: Ipsa autem Confessio p. 17. (12.) posteriori modo, in illis: *Constat Pœnitentia propriè his duabus partibus, altera est Contritio, altera est Fides.*

4. Sic igitur obedientia non requiritur ut Pœnitentiæ pars; sed ut Pœnitentiæ fructus, seu consequens & effectus.

5. Eadem ut separari non debet à Pœnitentiâ; ita tamen distingui debet à Pœnitentiâ.

6. Phrasis popularis seu homiletica non venditanda est pro accuratâ seu acroamaticâ, qualis requiritur in Theologicâ tractatione.

7. Obedientia, Pœnitentiam sequens, dicitur *NOVA*: aut quia antea prorsus non fuit, ut in iis qui primum convertuntur; aut quia per peccatum interrupta fuit, ut in relapsis, denuò conversis.

8. Sub eâ comprehenditur propositum emendandi vitam: Nam & hoc generaliter Legi & quidem primo Decalogi præcepto, de dilectione & timore Dei, conforme est; specialiter verò præceptum illud respicit, quod à peccatore antehac præcipuè violatum fuit. Quomocunque igitur accipias, inter bona opera meritò refertur.

Βεβαιωσις. Probamus I. *Novam obedientiam non esse Pœnitentia partem*, ex Matth. III. 2, 8. Quia Johannes Baptista (1) distinguit inter Pœnitentiam & Pœnitentiæ fructus, (2) per fructus Pœnitentiæ intelligit opera, tam interna, quam externa post Pœnitentiam præstanda. Conf. Act. XXVI. 20.

(3) fructus

(3) fructus non est pars: Nam pars, constituit totum; fructus autem provenit ex toto jam constituto.

II. *Propositum emendandi vitam comprehendit sub novâ obedientiâ.* Habet enim se ut bonum opus cordis ac consequenter, ut fructus fidei, & per fidem ipsius Pœnitentiæ. Quicquid verò est fructus Pœnitentiæ, illud comprehenditur sub novâ obedientiâ.

Artis est, præter eos, quorum in calce Theſeos III. mentionem fecimus **1.** Syncretistarum, qui opera quædam interq; ea propositum emendationis, imo & alia hujus generis Pœnitentiam præcedere statuunt.

2. Pietistarum, qui propositum faciendi bonum equidem ex Fide deducunt, sed propositum fugiendi peccatum ex Contritione accersunt, adeoque Fidei, quam Pœnitentia completitur, anteponunt. Vid. Supplem. Art. 23. Th. 4. ad. lit. η.

Theſis VII. *Confessio peccatorum coram Ministro, signum Pœnitentiæ dici potest; nequaquam verò pars.*

Ex **1.** Quod Confessio peccatorum coram Ministro in Ecclesiâ utiliter retineatur, adstruximus in Art. XI. Th. **1.** p. 254. nunc autem quæritur, sub quo titulo retineatur.

2. Nostra igitur sententia est, non retineri; ut partem Pœnitentiæ; sed ut signum.

3. Et quidem non ut signum infallibile; verum solummodo ut probabile. Quandoque enim Confessio est hypocritica.

4. Tamen si retineamus Confessionem; nihilofecius improbatur carnificina conscientiæ, quam Pontificii exercent in Confitentes; de quâ vid. Art. XI. Th. 2. p. 258.

Res Probamus, quod Confessio peccatorum non sit pars Pœnitentiæ. Quia peccatoribus non est absolute necessaria, prouti evicemus Art. XI. Th. 1. Concl. 2. p. 257. Quicquid verò peccatori absolute necessarium non est, illud nec est pars Pœnitentiæ, peccatori absolute necessaria.

Artis est Pontificiorum, qui Confessionem oris pro secunda Pœnitentiæ parte habent.

Theſis

Thesis IIX. *Cum remissa culpa, etiam reatus poenae tollatur, neque ullus hominum, prater Christum Θεὸν Θεωποῦν, divina justitia satisfacere queat; idcirco falsum est, quod Satisfactio, à Confessario dictanda, inter partes Poenitentiae referri debeat.*

RESPOND.
HEN-
RICO
Kels/
Gedan.

Ἐκθεσις 1. Distingvimus inter Satisfactionem primitivæ Ecclesiæ & Pontificiorum: Illa fiebat Ecclesiæ scandalizata; hæc dicitur fieri Deo: illa erat exploratoria, an seria ageretur Poenitentia, nec ne? hæc fingitur esse compensatoria pro peccatis: illa præstabatur ante absolutionem; hæc injungitur præstanda post absolutionem: illa consistebat in castigationibus rationabiliter impositis; hæc sæpè consistit in castigationibus ineptis, ridiculis, aut damnosis. Vid. Art. 3. Th. 4. ἔκθ. n. 3. p. 121. Plura etiam reperiuntur in Apol. p. 289. (183.) sqq.

2. Bellarmino & sequacibus opera satisfactoria sunt triplicia (1) Jejunium, ad quod revocantur omnia, quæ corpus affligunt v. g. cilicia, cineres, flagellationes, humicubatio, genuum flexio &c. (2) Eleemosyna, ad quam revocantur omnia opera misericordiæ erga Clericos, ædes sacras, pauperes, &c. (3) Oratio, ad quam revocantur ea, quæ propriè Deo, seu immediatè, seu mediantibus Sanctis, exhibentur e. gr. preclularum battologia, peregrinatio religiosa &c.

3. Idem distinguunt inter Satisfactionem ultroneam & canonicam. Illam vocant, quam quis spontè suscipit; hanc quam Confessarius dictat. De posteriori nunc instituitur quæstio.

4. De fructu & usu Satisfactionum inter Pontificios non convenit, quarum diversas sententiâs collegit Gerhardus L. de Poenit. §. 124. Bellarmini & plerorumque ex recentioribus hæc mens est, per absolutionem remitti culpam & poenam æternam, remanere autem poenas temporales, partim in

hâc vitâ, partim post hanc vitam in purgatorio subeundas, nisi homo, per opera paulò ante enumerata, pro illis satisfaciât.

5. Quod ad objectiones attinet, non negamus, Sanctos olim jejunâsse, plorâsse, vigilâsse, eleemosynas dedisse &c. Probandum verò est, quod id fecerint animo satisfaciendi pro peccatis.

6. Si hujusmodi afflictiones ideo suscipiantur, ut signa & adjumenta contritionis sint, laudamus; si autem ideo, ut per eas poenæ redimantur, damnamus: Debent præcedere aut comitari contritionem; non ex eâ, quam Pontificii jactitant, causâ sequi.

7. Fructus quos Johannes Baptista exigit, Matth. III. 8. sunt Pœnitentiæ effectus: Non potest igitur per eos intelligi Satisfactio, quæ ex mente Pontificiorum est Pœnitentiæ pars.

8. Dan. IV. 24. Vulgata malè reddidit: *Redime peccata eleemosynis*: Rectius enim vertitur: *Abrumpe*: Nam verbum פָּרַק sic accipitur Gen. XXVII. 40. Exod. XXXIII. 2. Commendatur ergo status pristini mutatio; non autem pro statu pristino satisfactio.

9. Contritatio ante absolutionem est signum contritionis 2. Cor. VII. 11. atque ideo nequit satisfactio dici, utpote quæ demum post absolutionem injungitur.

10. Calamitates & afflictiones, quas Deus homini imponit, ante remissionem peccatorum sunt *τιμωρία* sive supplicium; post remissionem verò *δοκιμασία* sive experimentum, & *μαρτυρία* sive testimonium. Ibi respiciunt culpam præsentem, cum intentione inferendi damnum promeritum; hîc respiciunt culpam deletam, cum intentione promovendi bonum, apud hominem patientem Vid. plura Art. 3. Th. 4. ἐκθ. n. 10. p. 113. itemque in Apolog. p. 305. (193.) sqq.

Βεβαιώσας. Probamus, remissâ culpâ, etiam tolli reatum poenæ, proindeq; nullam ab homine poenitente Satisfactionem requiri.

quiri. 1. ex Eph. IV, 32. Quia (1) in reconciliatione, Deus non minus remittit homini, quàm homo jubetur remittere proximo: Nam misericordia Dei constituitur exemplar misericordiæ ab hominibus requisitæ. Conf. Luc. VI. 36. At homo proximo cum culpâ jubetur remittere pœnam: E. & Deus cum culpâ remittit pœnam. (2) Deus (*ἐχαρίσατο*) *donavit*, quæ contra eum commisimus. Si verò donavit, utique nullam exigit Satisfactionem. Nam ubi Satisfactione opus est, ibi nulla locum habet donatio; sed compensatio. (3) Deus donavit nobis delicta *in Christo*. Quæ autem in Christo donata sunt, ea perfectè donata sunt, ita ut (*οὐκ ἔστιν καταδίκη*) *nulla condemnatio* iis, qui in Christo sunt, superfit. Rom. VIII. 1. Vid. superius Art. 3. Th. 4. Concl. 3. & 4. p. 116.

2. ex iis Scripturæ dictis, in quibus Deus legitur *peccatorum* remissorum *non recordari amplius*. Jer. XXXI. 31. *sed delere ea instar nubis*. Es. XLIV. 22. & *demergere in profundum maris*, Mich. VII. 19. *nec imputare, sed tegere*. Ps. XXXII. 1.

3. ex impossibili, quia justitiæ infinitæ non potest satisfieri à creaturâ finitâ.

Αντίθεσις est Pontificiorum, de quarum hypothesebus actum est in *ἐκθέσει*.

Thesis IX. *Indulgentiæ, quas pro pœnis temporalibus hujus aut futura vite, redimendis, ex thesauro abundantium meritorum Ecclesiæ concedito, Pontificii se promere & dispensare jactitant, purum putum commentum sunt.*

Ἐκθέσις 1. Juxta Pontificios, Christus satisfecit pro culpâ & pœnâ æternâ: Homines autem tenentur satisfacere pro pœnâ temporali, nisi in purgatorio tamdiu cruciari velint,

donec plenissimè ab omni reatu pœnæ, mundati & liberati fuerint.

2. Porro ejusmodi necessitatem satisfaciendi, opinantur redimi posse, per indulgentias, quæ ex Adversariorum hypothese sunt thesaurus, constans (1) ex superabundanti merito Christi; (2) ex operibus Sanctorum; (3) ex passionibus hominum gravioribus, quàm reatus pœnæ illis subeundæ requirebat.

3. Hujus thesauri promus condus constitutus est Romanus Pontifex, qui indulgentias inde petitas vel ipse dispensat, ut in Jubilæo, vel per legatos & officiales suos, inter quos tempore Lutheri eminebat impudentissimus Monachus Tezelius.

4. Indulgentiarum capaces esse perhibentur animæ in Purgatorio, per suffragia vivorum, i. e. per Missas, Jejunia, Orationes &c.

5. His ferè absolvitur doctrina de Indulgentiis Pontificia, à quibus toto cœlo differunt Indulgentiæ primorum Christianorum. Per illas enim remitti fingunt pœnæ impositæ à Deo; per has remittebantur pœnæ impositæ ab hominibus, per Canones Ecclesiasticos. Vid. in Apol. p. 315 (199.)

6. Ex Scripturâ urgent Adversarii Col. I. 24. ubi per (ὥστε) *defectus*, non intelligitur id, quod deest valori passionis Christi; sed quod deest cruci, cuilibet fidelium, à Deo dimensæ.

7. Hunc defectum adimplere cogeatur Paulus, & quidem pro Ecclesiâ: nequaquam tamen propterea, ut pro suis aliorumve peccatis præstaret satisfactionem; verum ut exemplo suo prodesset ad ædificationem. Conf. 2. Cor. I. 6. Phil. I. 12, 13.

8. Matth. V. 26. non exponitur, quid apud inferos futurum sit; sed quid omnino non futurum sit. Nam conditio impossibilis habet vim negandi.

Beſtaſions. Probamus 1. ex Theſi præcedenti: Destructis enim Satisfactionibus, ipsæ quoque Indulgentiæ corrumpunt.

2. Acce-

2. Accedit, quod doctrina hæc aliis quoque hypothefibus falsis, alibi refutandis, innitatur, v. g. de operum merito, de operibus supererogationis, de purgatorio &c.

3. Sed & Scripturæ repugnant Indulgentiæ, in quâ edocemur de *unico Mediatore* 1. Tim. II. 3. qui *torcular calcaverit solus*. Ef. LXIII. 3. & *propitiatio sit, pro totius mundi peccatis*, adeoque etiam pro peccatorum pœnis. 1. Joh. II. 2.

III. VINDICATIO.

Accusamur,

I. Inconstantia, quod cum in Augustanâ Confessione duas Pœnitentiæ partes ponamus, in Apologiâ addatur tertia, nempe nova Obedientia. Ita Collonitsch in Antiaugust. Conf. cui respondet Dn. D. Alberti in Refutatione suâ. p. 151. A nobis dubio isti satisfactum est, in Th. 3. εκθ. n. 3.

II. Contradictionis, quod Contritionem in hoc articulo requiramus; cum Apologia Art. 4. statuatur, hominem SOLA fide justificari. Ita Joh. à Daventriâ. Resp. Hæc se mutuo non tollunt, juxta id quod dictum est in Th. 3. εκθ. n. 11.

III. Ineptiarum, quod dilectionem taciamus fide posteriore; cum tamen contritio, quæ juxta nos prior fide est, ex dilectione procedat. Ita rursus Joh. à Daventriâ, à quo petitio principii committitur. Præsupponitur enim quod contritio, ut opus nostrum, ex viribus liberi arbitrii procedat: id verò à nobis rejicitur, in Th. 4.

IV. Calumniarum. Negant enim adversarii, dogmata Ecclesiæ Pontificiæ esse, quæ ei in Augustanâ Confessione ejusque Apologiâ imponuntur, videlicet (1) quod jubeant nos mereri gratiam, per satisfactiones nostras. Ita Thomas Henrici, cui respondet D. Carpzov. Isag. ad Libros Symbolicos p. 379. (2) quod damnent assertionem istam: *Fide consequimur remissionem peccatorum*. Ita Cochläus, cui respondet D. Carp-

zov. ib. p. 380. (3) quod asserant, nos propter contritionem consequi remissionem peccatorum. Ita Joh. à Daventriâ, cui respondet D. Carpzov, ibid. p. 383.

ARTICULUS XIII.

DE

USU SACRAMEN-
TORUM.

I. EXPLICATIO.

In Confessione variatâ, post verba illa: *qua per Sacramenta exhibentur & ostenduntur*; additum est: *Hâc fide accipimus promissam gratiam, quam Sacramenta significant & Spiritum.* Quibus verbis Reformati abutuntur, cum Sacramenta pro signis merè significantibus venditant. Antithesis, licet in re nihil mutaverit, verbis tamen planè aliis concepta legitur, sequentem in modum: *Damnant igitur Pharisaicam opinionem, qua obruit doctrinam de fide, nec docet fidem in usu Sacramentorum requiri, qua credat propter Christum nobis gratiam dari: sed fingit, homines iustos esse propter usum Sacramentorum ex opere operato, & quidem sine bono motu utentium.*

Cæterùm, in Confessione invariâtâ, p. 18. (13) de Sacramentis agitur

{ *οὐδὲν*, ostendendo

- | | | | |
|---|----|--|---|
| { | I | { | 1. quo fine à Deo instituta sint. Exponitur autem illud |
| | | | 1. negativè. <i>De usu Sacramentorum</i> —— <i>inter homines.</i> |
| | | 2. positivè. <i>Sed magis ut sint signa</i> —— <i>proposita.</i> | |
| { | 2. | { | quâ ratione homines iis fructuosè utantur. Itaque |
| | | | <i>utendum est</i> —— <i>ostenduntur.</i> |

{ II. *Ἀντιθέσις*, rejiciendo Pontificiorum errores,

1. de opere operato. *Damnant igitur——justificent.*
2. de usu Sacramentorum sine Fide. *Nec docent——remittit peccata.*

IN APOLOGIA. p. 316. (200.) sqq.

I Exponitur, quid Adversarii, de Articulo isthoc judicaverint, nempe

1. quod quæ posita sunt, approbaverint. *In XIII. Articulo probant——corda ad credendum.* p. 316. (200.)
2. quod septenarium Sacramentorum numerum exprimere jusserint. *Sed hic jubent nos etiam septem Sacramenta numerare.* Ib.

II. Proponitur uberior sententiæ nostræ declaratio,

1. de Numero Sacramentorum,

1. quod salvis rebus, de nomine Sacramentorum & numero, veteribus incerto, non sit pugnandum. *Nos sentimus præstandum esse——numeraverunt.* ib. Item: *Nemo enim vir prudens——& promissiones.* p. 320. (202.)

2. quod si Sacramenta dicuntur, quæ habent mandatum Dei & promissionem gratiæ, tria possint numerari, scilicet Baptismus, Cæna & Absolutio. *Si Sacramenta vocamus——proprie Sacramenta.* p. 316. (200) Et post pauca. *Verè igitur sunt Sacramenta——utriusq; effectus.* p. 316, 317 (200, 201)

3. quod Confirmatio & Extrema Unctio, ut ritus ab hominibus instituti, non sint Sacramenta, proprie dicta. *Nam ritus ab hominibus——promittere gratiam.* p. 316. (200) Et non multò post: *Confirmatio & Extrema Unctio——promissionem gratia.* p. 317. 318. (201.)

4. quod Ordo, generaliter loquendo, vocari possit Sacramentum. Ostenditur autem

a

b

- [1. In N. T. non haberi Sacerdotium simile Levitico, quod sacrificet; neque eo opus esse. *Sacerdotium intelligunt Adversarii—Epistola ad Ebraeos. p. 318. (201.)*
2. Ordini, quatenus Ministerium verbi notat, concedi posse titulum Sacramenti, quod habeat mandatum Dei & promissiones. *Si autem ordo de Ministerio—adesse in Ministerio. p. 318, 319. (201. 202.)*
- [3. Magnificandum esse Ministerium, propter Fanaticos. *Ac prodest quantum fieri—docent Anabaptista. p. 319. (202.)*
5. quod Matrimonio haud competat nomen Sacramenti. Ostenditur enim
- [1. Illud non esse demum in N. T. institutum. *Matrimonium—genere humano. p. 319. (202.)*
2. Promissiones ejus pertinere ad vitam corporalem. *Habet autem mandatum—corporalem. ib.*
3. Si omnino Sacramentum vocetur, discernendum esse à prioribus illis. *Quare si quis volet—remissionis peccatorum. ib.*
- [4. Alios status e, g: Magistratus, æquè ac Matrimonium merituros esse nomen Sacramenti. *Quod si Matrimonium—sicut Magistratus. ib.*
- [6. quod si omnia, quæ mandatum & promissionem habent, vocari debeant Sacramenta, eorum plura longè futura sint. *Postremò si omnes res—omittamus ista. p. 319. 320. (202. 203)*
2. de salutari usu Sacramentorum, ubi
- [1. Thesis heterodoxa
- [1. ponitur. *Illud magis est necessarium—bono motu utentis.*

a

b

1. *utentis. p. 320. (203.)*
2. *refutatur. Hac simpliciter—regno Pontificio. ib.*
2. Antithesis orthodoxa
 1. *exhibetur: Ita nos docemus—offeruntur. p. 320. 321. (203.)*
 2. *explicatur: Et loquimur hic—pavidas mentes. p. 321. (203.)*
 3. *demonstratur:*
 1. *quia nobiscum contra Adversarios sentit Paulus. Paulus reclamat—exercendam fidem. p. 320. (203)*
 2. *quia promissio inutilis est, nisi fide accipiatur. Et est ratio plana—non credenti. p. 321. (203)*
 3. *quia opinio Adversariorum multos abusus peperit. Quantum autem in Ecclesia—infra dicemus. p. 321. 322. (203.)*
 4. *quia eadem ignota est antiquitati, utpote pro nobis stanti. Neg. ulla litera—ad iustitiam. p. 322. (203. 204.)*

II. DEMONSTRATIO.

Thesis I. *Sacramenta specialissimè sic dicta, quæ videlicet tum Verbum mandati, in Testamento illo ad quod pertinent, immediatè à Deo profectum; tum Verbum promissionis, de donis Evangelio propriis; tum Elementum externum & visibile, cum re cælesti unitum habeant, in novo Testamento tantum duo sunt, nempe Baptismus & Cæna: atq. ita juxta hanc vocis significationem, è censu Sacramentorum specialissimè sic dictorum excludimus Confirmationem, Pœnitentiam, Extremam Unctionem, Ordinem & Matrimonium.*

²¹ **E**ndem 1. Vox Sacramenti vel politicè, vel theologicè usurpatur. In sensu politico notat solenne juramentum, pecuniam apud judicem depositam &c. P p 2. In

2. In sensu theologico trifariam accipitur, generaliter, specialiter & specialissimè. Juxta acceptionem generalem Sacramentum vocatur vel quodcunque *signum sacrum*, juxta Augustinum L. 19. contra Faustum cap. 14. quâ ratione idem ille *Signum crucis* & ritus circa catechumenos adhiberi solitos, v. gr. *exorcismum, insufflationes, cantica &c.* & Bernhardus *ablutionem pedum*, Sacramenta nominat: vel quodcunque mysterium, ut in vulgatâ versione 1. Tim. III. 16. Apoc. XVII. 7. similiterque cum Patres *Sacramenti Trinitatis, Incarnationis* &c. mentionem faciunt. Juxta acceptionem specialem, Sacramentum vocatur, quod habet mandatum Dei & promissionem gratiæ: quâ ratione Confessores nostri in Apologiâ scribunt: *Verè sunt Sacramenta Baptismus, Cæna Domini, Absolutio*; nimirum suppositâ hypothesi, quam ibidem hisce verbis proponunt: *Si Sacramenta vocamus ritus, qui habent mandatum Dei, & quibus addita est promissio gratiæ.* p. 316. (200.) Deinde verò subjiciunt, propter eandem hypothesin plura fore Sacramenta, de quibus nemo hætenus cogitaverit, nempe *Orationem, Eleemosynas, Afflictiones* p. 320. (202.) Ex quo colligere licet, Confessores nostros jam tum duobus hisce requisitis non fuisse contentos, quamvis de nomine & numero Sacramentorum litigare noluerint. Juxta acceptionem specialissimam, Sacramentum vocatur, quod tribus gaudet requisitis, nimirum verbo mandati, verbo promissionis & elemento externo; de quibus sigillatim pluribus erit agendum.

3. Primum Sacramenti requisitum est, ut habeat verbum mandati, sive institutionis: & quidem non ab homine; sed à Deo immediatè profectum. Quo ipso tamen à potestate instituendi Sacramentum, humana in Christo natura haudquam excluditur, tum propter unionem personalem, per quam accepit omnem potestatem in cœlo ac in terrâ Matth.

XXIX. 18. tum etiam, quia Sacramenta, tanquam media communicandi gratiam, ad officium mediatorium pertinent, quod Christus secundum utramque naturam exsequitur.

4. Non confundendum est verbum Evangelii quodcunq; cum verbo institutionis Sacramentalis: Illud generale est; hoc speciale: illud promiscuè ad universos homines pertinet; hoc singulos homines Sacramentis ufuros & promissionem divinam sibi applicaturos, spectat: illud nudum est; hoc visibilibus signis vestitum. De verbo hoc institutionis notetur Canon: *Quodlibet Sacramentum, explicandum est ex sui institutione, tanquam genuinâ sede & primo fonte.*

5. Porro verbum mandati, in illo Testamento, ad quod Sacramentum pertinet, à Deo profectum esse debet. Nam mutato Testamento, mutantur Sacramenta. Unde nullum Sacramentum propriè sic dictum, utrique Testamento, multoque minùs infidelibus, extra communionem testamentariorum beneficiorum constitutis, commune est.

6. Alterum Sacramenti requisitum est, ut habeat verbum promissionis, distinctum à verbo institutionis: Hoc enim usum Sacramenti; illud fructum respicit.

7. Verbum hocce promissionis non debet esse humanum, vel angelicum; sed divinum: non simplex; sed elemento annexum: non de quibusvis donis; sed de donis evangelio propriis, nempe de remissione peccatorum, reconciliatione cum Deo, justitiâ ac vitâ æternâ, adeoque de toto beneficio redemptionis.

8. Tertium Sacramenti requisitum est, ut habeat elementum externum: non tantum intelligibile, vel etiam audibile; sed visibile: non ab homine electum; sed ab instituyente, sive autore determinatum: non nudum; sed cum re cœlesti unitum.

9. Elementum illud aliàs dicitur materia terrena, quæ ad

id divinitus ordinatur, ut sit materiæ coelestis ὄχημα, vehiculum ac medium exhibitivum. Inde Elementum ejusmodi in Sacramento non spectandum est, juxta usum suum naturalem, sive communem; verum juxta officium sive ministerium suum peculiare, quatenus perceptâ vocatione Dei sanctificatur & usui Sacramentali destinatur.

10. Quo respicientes Ecclesiastici Scriptores, Elementa *mutari* dicunt: non tamen substantialiter; sed accidentaliter: Nam per *mutationem* nihil aliud intelligunt, quàm Symbolorum ab usu vulgari ad usum mysticum translationem, quâ *Sacramentis gratia apponitur, natura autem non annihilatur*, ut Theodoretus loquitur.

11. Ex tribus hîsce requisitis, de veritate Sacramenti judicamus, si conjunctim; non si divisim accipiantur.

12. Atque ita in N. T. tantum duo admittimus Sacramenta specialissimè sic dicta. Numerus numerans est ἀρχαί; sed numerus numeratus est ἑρμηνείαι. Nam etsi de binario nihil in Scripturâ occurrat explicitè & formaliter; inveniuntur tamen ibi, quæ ad numerum istum eruendum faciunt, adeoque binarium exhibeant implicitè & virtualiter.

13. Quin imo, ipsa vox Sacramenti, juxta specialissimam significationem, non extat in Scripturâ quâ sonum; sed tantummodò quâ sensum. Neque enim in negotio fidei, urgente necessitate, prohibemur uti novis vocibus rerum veterum; dummodò abstineamus à novis vocibus novarum rerum. Res ipsa, de quâ agimus. biblica est; quamvis appellatio rei sit ecclesiastica.

14. Cum Baptismus & Cœna appellantur Sacramenta N. T. eo ipso distinguuntur à Circumcisione & Agno Paschali, tanquam Sacramentis V. T. (1) quoad initium durationis: Nam hæc instituebantur ante adventum Christi in carnem; illa post adventum (2) quoad terminum durationis: Nam

hæc

hæc debebant durare aliquandiu, usque ad adventum Messiae primum; illa debent durare perpetuò, usque ad adventum Messiae secundum (3) quoad objectum personale. Nam hæc pro solis Judæis & paucis profelytis; illa pro omnibus omninò hominibus sunt instituta. (4) quoad objectum reale: Nam in his tantum præsens erat Christus quoad divinam naturam, quàm ab æterno habuit à Patre; in illis præsens est etiam quoad humanam naturam, quam in tempore assumpsit ex Mariâ Virgine.

15. Reliqua à Pontificiis addi solita, è censu Sacramentorum excludimus: non tamen omnia illa secundum quaecunq; sed tantummodò secundum specialissimam vocis significationem. Neque enim quæritur, an plures ritus dici queant Sacramenta? sed an plures ritus talia Sacramenta sint, quale est Baptismus & Cœna Domini, in ordine ad tria requisita superius enumerata.

16. Adduntur autem Sacramentis nostris Confirmatio, Pœnitentia, Extrema Unctio, Ordo & Matrimonium, de quibus nonnulla specialiter observanda erunt. Ut igitur ab eo quod primum est, incipiamus, distinguimus inter Confirmationem Apostolicam & Pontificiam. Differunt enim (1) Materiâ. Illa fiebat per manuum impositionem; hæc per balsamum & oleum. (2) Fine. Illa adhibebatur ad communicanda miraculosa Spiritus S. dona; hæc ad abundantior gratiam ordinariam. (3) Duratione. Illa debebat esse temporanea, quamdiu miraculis opus erat; hæc habetur pro ceremoniâ perpetuâ.

17. Circa Pœnitentiam, concedimus ejus necessitatem; quamvis oppugnemus Sacramentalem dignitatem.

18. Unctio, de quâ nunc agimus, Extrema dicitur, distinctionis gratiâ: quoniam Adversarii quadruplicem Unctionem adhibent, primam pectoris & scapularum, in Baptismo; se-

cundam frontis in Confirmatione; tertiam manus in Ordinatione; quartam variorum membrorum, scilicet oculorum, aurium, narium, oris, manuum, pedum, renum, in Unctione, quæ morte imminente confertur, & propterea Extrema vocatur.

19. Apostoli apud infirmos usurpabant Unctionem. Marc. VI. 13. Jac. V. 14, 15. verum ad sanitatem corporis; non animæ.

20. Ut proinde Unctio ista medicinalis fuerit; non sacramentalis.

21. Quoad Ordinem, non inficiamur Ministros esse ordinandos; tametsi negemus, ordinationem esse Sacramentum.

22. Christus manuum impositione contulit Spiritum S. non tamen eum in finem, ut peculiare Sacramentum pro solis Clericis, institueret.

23. Matrimonium ab Apostolo *μυστήριον* vocatur Eph. V. 32. pro quo vulgata perperam posuit *Sacramentum*.

24. Accedit, quod Matrimonium ibi non spectetur absolute & in se, ut conjunctio maris & feminae; sed relative & in ordine ad signatum, ut signum conjugii mystici, inter Christum & Ecclesiam. Sic enim verba se habent: *Mysterium hoc magnum est: Ego autem dico, in Christo & Ecclesia.*

Βεβαιώσις. Probamus I. *Sacramenta specialissimè sic dicta in N. T. tantum duo esse, nempe Baptismum & Cœnam.* 1. ex I. Joh. V. 6. 8. Quia (1) testes divinæ gratiæ & nostræ salutis in terrâ tantum tres esse perhibentur, nempe *Spiritus* i. e. Verbum Dei (Joh. VI. 36.) *Aqua*, i. e. Baptismus; & *Sanguis*, i. e. Cœna v. 8. Si præter Verbum, plura duobus forent Sacramenta, sequeretur in terrâ plures tribus esse testes (2) per tot Sacramenta & non per plura *Christus ad nos venit* v. 6. E. etiam tot Sacramenta & non plura dantur.

2. ex I. Cor. XII. 13. Quia omnes legimur *uno spiritu baptizati*

prizati & ad unum corpus posati esse. Ubi sub nomine potius synechdochicè denotatur tota Eucharistia: De Baptismo autem, nisi nodum in scirpo quærere conemur, res clara est.

3. ex inductione Requisitorum. Quia in N.T. duobus tantum Sacramentis requisita superiùs enumerata, conjunctim competunt, videlicet (1) Baptismo, ubi datur (α) verbum Mandati. Matth. XXII. 19. (β) verbum promissionis. Marc. XVI. 16. (γ) elementum externum visibile, cum re cœlesti unitum Joh. III. 5, 6. (2) Cœnæ, ubi datur (α) verbum mandati. I. Cor. XI. 24, 25. (β) verbum promissionis, quando corpus comedendum, dicitur *pro comedentibus datum*, & sanguis bibendus, dicitur *pro bibentibus effusus* esse, & quidem *in remissionem peccatorum*. Matth. XXVI. 28. (γ) elementum externum visibile, cum re cœlesti unitum. Nam Christus legitur accepisse *panem & poculum*: ac dixisse: *Hoc est corpus meum: Hoc est testamentum in sanguine meo*.

4. Ex analogiâ V. T. quia ibi duo tantum fuerunt Sacramenta. Succesit enim in locum Circumcisionis Baptismus, Col. II. 11. Agni autem Paschalis, Eucharistia post comestionem agni instituta. Matth. XXVI. 26.

II. Sacramenta reliqua, à Pontificiis sic dicta, & censu Sacramentorum strictissimè sic dictorum excludenda esse, videlicet 1. Confirmationem. Nam caret (1) verbo mandati, ita ut ne quidem exemplum ullum Apostoli, aut viri alicujus Apostolici, ex Scripturâ adferri queat, qui baptizatos inunxerit, dicens: *Consigno te signo crucis, & confirmo te Chrismate salutis*. &c. (2) verbo promissionis, de quo nec vola, nec vestigium in Scripturâ reperitur.

2. Pœnitentiam. Nam (1) in V. etiam T. ante Christum incarnatum obtinuit locum. (2) destituitur elemento externo visibili, pro quo perperam suggeritur verbum absolventis; quippe quod ab elemento distinguitur, in illo Augustini: *Accedat*

cedat verbum ad elementam, & sit Sacramentum. (3) hypotheseſin Pontificiorum, quâ ſatisfactio operis inter Pœnitentiæ partes refertur, caret verbo mandati & promiſſionis. (4) Fidem ad integritatem ſui requirit; cum Sacramenta etiam ſine fide integra ſint.

3. *Extremam Uñctionem*. Nam (1) caret verbo mandati, à Chriſto ipſo proſecti. (2) deſtituitur verbo promiſſionis. (3) etiam infidelibus in oriente communis fuit.

4. *Ordinem*. Nam (1) caret mandato Dei: Apoſtoli equidem manuum impoſitione uſi ſunt, ſed ut ceremoniâ liberâ, quæ ſubinde in miſſione Docentium omittebatur; (2) deſtituitur promiſſione gratiæ Evangelio propriæ. (3) nullum habet externum elementum, cum re cœleſti unitum. (4) ad paucos pertinet; cum Sacramenta pro omnibus ſint inſtituta.

5. *Matrimonium*. Nam (1) caret mandato Dei, ad omnes pertinente; cum excipiantur dono continentię inſtructi, imò, juxta Pontificios Clerici, quotquot majores, ut vocant, ordines ſuſceperunt, omnino omnes. (2) deſtituitur promiſſione gratiæ evangelicæ. (3) nullum habet externum elementum, cum re cœleſti unitum. (4) in Paradifo, ubi nullis opus erat Sacramentis, longè ante tempora N. T. cœpit. (5) infidelibus extra Eccleſiam competit. (6) ex hypotheſibus, ſed falſis, adverſariorum, eſt res immunda & carnalis, ad quam applicari queat illud Pauli: *Qui in carne ſunt, placere Deo non poſſunt*. Rom. VIII. 8.

Avrſſensis eſt Pontificiorum, qui in Concilio Tridentino, ſeptenarium Sacramentorum numerum, Eccleſiæ ſub anathemate obtruſerunt, quamvis ante Lombardi tempora, de Sacramentorum numero, nihil certi in Eccleſiâ conſtiterit.

Theſis

Theſis II. Sacramenta non modo inſtituta ſunt, ut ſint nota profeſſionis inter homines, ſed magis, ut ſint ſigna & teſtimonia voluntatis Dei erga nos, ad excitandam & confirmandam fidem, in his qui utuntur, propoſita.

"Ex Theſ. 1. Retinuimus ipſa Auguſtanæ Confeſſionis verba, de quorum ſenſu nonnulla monebimus: Reliqua ex Articulo LX. theſ. 3. p. 228. petantur: quæ enim ibi allata ſunt, jam multis repetere, ſupervacaneum duximus.

2. Concedimus ergo, Sacramenta eſſe notas ſeu teſſeras inter homines, quibus & tota Eccleſia, & ſingula Eccleſiæ membra, diſtingvuntur ab infidelibus, imo etiam ab hæreticis, Sacramenta violantibus: ſed negamus, eadem eſſe tantum notas hujusmodi.

3. Chriſtus enim, in inſtitutione Sacramentorum, magis hoc intendit, ut ſint ſigna & teſtimonia voluntatis Dei erga nos: nempe voluntatis Evangelicæ; non legalis: quia de gratiâ teſtantur, indeque etiam ſigilla & pignora gratiæ vocantur.

4. Non tamen ſunt ſigna nuda; ſed ſimul exhibitiva, i. e. efficacia media; per quæ utentibus gratia offertur, ut ab utentibus apprehendatur.

5. Hoc ut fieri queat, Sacramenta, ex intentione Dei, in nobis fidem excitant, ubi nondum eſt; & confirmant, ubi eſt. Prius fit per Baptiſmum in parvulis; poſterius per Baptiſmum in adultis, jam per Verbum regenitis, itemque per Cœnam Dominicam.

6. Ed reſpiciunt Theologi, cum dicunt: Sacramenta conferre gratiam non habenti, & obſignare habenti.

7. Cæterum fidei, tum excitatio, tum confirmatio, non dependet ex ſolis Symbolis externis Sacramenti; verum ſimul ex Verbo Dei, Sacramentum inſtituentis, ac proinde ex toto Sacramento. Rectè enim Mentzerus Exeg. A.C. p. 485. inquit:

Qui effectus Evangelio tribuitur, negari de Sacramento non potest, in quibus ipse nucleus Evangelii continetur.

Bezae. Probamus I. Sacramenta esse notas professionis inter homines, ex Artic. VII. & XIX, Th. 2 p. 196.

II. Sacramenta esse signa & testimonia voluntatis Dei erga nos, ex 1. Joh. V. 8. Quia cum Spiritu, i. e. Verbo Dei, expressè in terris testari perhibentur, Aqua i. e. Baptismus, & Sanguis i. e. Coena. Testantur autem de eo, quod nobis Deus vitam aeternam dedit, in Filio suo, v. 11. quæ ipsa Dei gratiosa voluntas est. Joh. VI. 40.

III. Sacramenta in nobis fidem excitare & confirmare, ex 1. Joh. V. 6. Quia per ea Christus ad nos venit, & in nobis habitat.

Arminius. est Reformationum, qui Sacramenta pro nudis signis agnoscunt, videlicet non quidem nudis à significatione; sed tamen à re ipsâ, quam ex voluntate instituentis exhibere debent.

2. Pontificiorum, qui Sacramentis vim obsignandi adimunt, & pro sigillis haberi posse negant.

3. Socinianorum, Weigelianorum, aliorumque Fanaticorum, qui Sacramentis omnem virtutem spirituales negant.

Thesis III. Sacramenta non prosunt ex opere, ut vocant, operato; sed ut usus eorum salutaris sit, in utente requiritur fides.

Ex Jodis. I. Vocabulum usus, vel usurpationem, vel utilitatem seu fructum notat. In priori significatione, usus ad essentiam Sacramenti pertinet, per regulam: *Nihil habet rationem Sacramenti, extra usum.* In posteriori significatione, usus tanquam finis, extra essentiam Sacramenti est.

2. Spectat huc controversia, utrum Sacramenta prosint ex opere operantis, h. e. pro devotione & fide recipientis? an ex opere operato h. e. pro inlità & propria virtute, quomodo

modocunque se habeat subjectum recipiens? Nostra sententia est, accuratè loquendo, Sacramenta nec prodesse ex opere operantis, nec ex opere operato; verùm ex gratiâ Dei, cui malitiosè obex non ponitur.

3. Intereà, si quis velit cum Scholasticis loqui & statuere, Sacramenta prodesse ex opere operantis, non sic intelligat, quod Sacramenta efficaciam habeant ab operante; sed quod in operante.

4. Nec quod opus operantis requiratur antecedenter, ut causa; sed simultanéè, ut adjunctum.

5. Quando autem opus operatum rejicimus, tum Sacramento absque fide accipientis spectato, non denegatur omnis efficacia; sed tantùm efficacia utenti salutaris.

6. Quod Sacramentum etiam efficaciam habeat ante fidem, patet, quia Fidem infantibus confert: Verùm ista efficacia nondum salutaris est, nisi infans fide per Sacramentum collatâ, ad apprehensionem donorum cœlestium utatur, id quod Lutherus innuit, scribens: *Non Baptismus; sed fides Baptismi salvat.*

7. Ex quo patet, Sacramenti efficaciam ex opere, ut vocant, operato, non simpliciter impugnari: sed secundum quid, nempe in ordine ad gratiam salvationis. Alioqui enim opus operatum est efficax, partim in oblatione gratiæ, partim in collatione fidei: ita tamen, ut per hanc efficaciam nemo salvetur, nisi fides per opus operatum collata vel aucta, apprehendat, quod à DEO offertur.

8. Sacramentum equidem est medium proximum, respectu Dei, bona sua dantis; interim nihilominus est medium remotum, respectu hominis, bona data accipientis. Nam quoad hunc, intervenit Fides.

9. Cæterùm Fides illa non requiritur ad esse Sacramenti; sed ad prodesse: non ad quidditatem; sed ad fructum & utilitatem. Quâ ratione intelligi vult Lutherus, in Catechesi in-

quiens: *Hec verba: Pro vobis datur & effunditur: sunt una cum corporali manducatione & bibitione, caput & summa hujus Sacramenti. Et qui credit his verbis, ille habet, quod dicunt, & sonant, nempe remissionem peccatorum.* p. 576. (382.)

10. Eadem fides non se habet, ut dispositio in subjecto, neque ut caula meritoria; sed tantum ut organum, vel instrumentum, quo bona exhibita ad nos trahimus.

11. Ex antecedentibus constat, quod Fides non faciat, ut Sacramentum sit efficax in se; sed ut in nobis: Alii ita: Fides non facit ad efficaciam Sacramento inferendam; sed ex Sacramento percipiendam.

12. Indigni igitur, æquè ac digni, accipiunt idem in Sacramento; sed non eodem fructu.

13. Denique observandum, quod efficacia Sacramenti & concursus Fidei, non opponantur sibi invicem; sed coordinentur, tanquam media, quorum prius ex parte Dei sit instar manus dantis, & posterius ex parte hominis, sit instar manus accipientis.

Βεβαιωσις. Probatur 1. ex 1. Joh. V. 9. 10. Quia Spiritus S. postquam de *Aquâ & Sangvine*, i. e. de Sacramentis N. T. ut testantibus v. 8. egisset (1) requirit, *ut testimonium Dei recipiamus* v. 9. id quod fide fit, (2) indicat, testimonium hocce tantum penes eum esse, *qui credit*, v. 10. (3) addit, eum, *qui non credit, mendacem facere Deum.* v. 10.

2. ex Hebr. IV: 2. Quia de *Verbo audibili* asseritur, quod *non profit sine fide.* Ergo idem asserendum est de *Verbo visibili*, i. e. de Sacramentis. Parium enim par est ratio.

3. ex inductione. Quia fides requiritur ad salutarem usum, tam Baptismi, Marc. XVI. 16. quàm Eucharistiæ 1. Corinth. XI. 28. seq.

Αντιρροσις est Pontificiorum, id quod constat ex Apologiâ p. 320. seq. (203.) seq.

III. VINDICATIO.

Accusamur,

I. Quod ex Sacramentis nuda signa faciamus, iisdemque omnem efficaciam spiritualement denegemus, atque hac in parte cum Calvino & Zwinglio, imo cum Judæis sentiamus. Ita Andr. Fabritius, Johan. Cochläus, Thomas Henrici. Resp. ex Th. II. obs. 4. seq. Aliud est Sacramenta dicere signa; & aliud eadem dicere nuda signa. Prius nostrum est; posterius à nobis alienum.

II. Quod Scholasticis per calumniam tribuamus, quasi staterint, Sacramenta sic ex opere operato prodesse, ut non requiratur bonus motus utentis. Ita Thomas Henrici, cui Andream Fabritium & Johannem Cochläum opponimus, qui sententiam illam non solum agnoscunt, Scholasticorum fuisse; sed etiam excusant. Fabritius enim expresse censet, absurdum non esse affirmare, quod *Sacramenta, sine bono motu utentis, justificent*; id quod exemplo infantum probare conatur. Recentiores pudet hujus doctrinæ, idcirco fidem bonumque motum cordis in utente requirunt: sed duntaxat quæ præsentiam; non etiam quæ concursum & efficientiam. Ut de eo taceamus, quod de solâ fide historicâ loquantur.

III. Quod dictum illud: *Fidem Sacramenti; non Sacramentum justificare*: mendaciter adscribatur Augustino. Ita Bellarminus L. 2. de Sacram. c. 10. Resp. Confessores in Apologiam, non ad verba Augustini provocant; sed ad sententiam, quam Augustini esse, ex plurimis locis inde excerptis, evidentissimè ostenderunt Chemnit. P. 2. Examinis Conc. Trid. & Gerhard. Loco de Sacram. §. 85.

IV. Quod in numero Sacramentorum dissentiamus, ipsaque etiam Apologia Pœnitentiam, Ordinem & Matrimonium concedat Sacramenta esse, quæ à recentioribus, ex numero Sacramentorum, excludantur. Ita Colonitich in Anti-Augustanâ Confessione, quem sufficienter refutavit Dn. D. Albert. P. 2. c. 3. p. 153.

ARTICULUS XIV.

DE

ORDINE ECCLE-
SIASTICO.

I. EXPLICATIO.

Variata Confessio hunc Articulum intactum reliquit, nisi quod in fine addidit: *Sicut & Paulus precipit Tito, ut in civitatibus Presbyteros constituat.*

Invariata Confessio, p. 18. 19. (13) in paucis, quibus Articulus hic constat, verbis, agit de Ministerii

1. Necesitate. *De Ordine Ecclesiastico docent, quod nemo debeat.*
2. Objecto. *In Ecclesiâ publicè docere, aut Sacramenta administrare.*
3. Subjecto. *Nisi ritè vocatus.*

In APOLOGIA p. 322. (204)

- I. Exponitur, quid Adversarii de Articulo isthoc judicaverint, nempe
 1. quod verba ipsa probaverint. *Articulum XIV. in quo—ita recipiunt.*
 2. quod conditionem adjecerint. *Si tamen utamur ordinatione Canonica.*
- II. Proponitur, quid nostri responderint. Exhibetur autem
 1. Declaratio de seriâ voluntate, observandi
 1. Ecclesiasticam politiam,
 2. Gradus in Ecclesiâ, humanâ autoritate introductos.
 3. Disciplinam canonicam. *Hâc de re—constitutam esse.*
 2. Excusatio, cur voluntatem suam exsequi nequeant, nimirum

nimirum quod obstat crudelitas Episcoporum. *Sed Episcopi Sacerdotes——dissipant Ecclesiam.*

3. Protestatio,

1. coram Deo, conscientiae arbitro. *Nostra conscientia hac in re nihil habet periculi. Adduntur causae*

1. quod propter aliorum saevitiam, nequeant deserere orthodoxam doctrinam. *Quia cum sciamus——persequuntur*

2. quod Ecclesia esse possit, penes eos, qui ab aliis impediti, Canones servare nequeant. *Et Ecclesiam esse scimus——docentes trucidant.*

3. quod ipsi Canones talibus ignoscant. *Erga quos——mitiores sunt.*

2. coram Hominibus, de constantia

1. suorum, in voluntate superius declarata. *Porrò hic iterum——Ecclesias servire.*

2. Episcoporum, in crudelitatis continuatione. *Hac nostra voluntas——impetrare potuisse. p. 322. 323.*

(204. 205.)

II. DEMONSTRATIO.

Thesis I. *Nemo publicè docere, & Sacramenta administrare debet, nisi qui à Deo, vel immediate, vel mediante Ecclesia, utpote qui jus hoc divinitus concessum est, missus sive vocatus fuerit.*

§. I. Non quærimus impræsentiarum de Vocatione generali, ad regnum Dei; sed de speciali, ad certum officium.

2. Sic autem Vocationis vox aut passivè accipi consuevit, ut genus vitæ notet, ad quod quis vocatur; quâ ratione ipsum Ministerium est quædam vocatio, seu status, ad quem homines destinati sunt: aut activè, ut actionem vocantis indicet, quæ significatio hujus loci est.

3. Cæ

3. Cæterùm Vocatio activè sic dicta, vel in sensu latiori, vel in sensu strictiori sumitur. Priori modo includit septem actus (1) Nominationem (2) Præsentationem coram Ecclesiâ (3) Electionem, seu Vocationem specialiter sic dictam (4) Præsentationem, coram Episcopo, seu Consistorio (5) Examinationem (6) Ordinationem (7) Investituram, seu inaugurationem, aut introductionem. Posteriori modo solam Electionem notat, atq̃ ita reliquis actibus, imprimis Examinationi Ordinationi & Investituræ opponitur; quo sensu nunc accipitur à nobis.

4. Inter hosce actus, Electio, seu Vocatio, aut Missio specialiter sic appellata, planè necessaria est, ut à Ministro constituendo abesse nequeat. Ex reliquis actibus, qui decoris & ordinis gratiâ introducti sunt, haud rarò unus alterve omititur, pro consuetudine Ecclesiæ, cui Minister est præficiendus.

5. Causa principalis, in omni vocatione, seu missione, est Deus trinus. Præ reliquis tamen personis se manifestat Spiritus S utpote qui Ministros non tantum mittit Act. XIII. 4. verum etiam donis suis instruit 1. Cor. XII. 4. seq. adeo ut propterea Ministerium Ecclesiæ vocetur *Ministerium Spiritus* 2. Cor. III. 6.

6. Agit verò Deus dupliciter, aut immediatè, aut mediantibus causis instrumentalibus, quæ à causâ primâ elewantur, ad producendum effectum, suâ virtute superiorem.

7. Immediata Vocatio potissimum spectat ad Ecclesiam constituendam, aut restituendam. Ut quis de eâ gloriari queat, non sufficit internus impetus; nisi accedat specialis Dei manifestatio.

8. Vocatio mediata spectat ad Ecclesiam & quidem totam; sed absq̃ confusione statuum. Quid autem cuilibet statui exclusivè debeat, de eo, propter variantes Ecclesiarum particularium consuetudines, certæ regulæ tradi nequeunt, Placet

con-

consilium Himmeli Syntagm. Disp. XXVII. §. 35. inquietis: *Omnibus modis cavendum, ne vel ordinis Ecclesiastici ambitio, vel Politici πολυπραγμοσύνη & curiositas, vel plebis furor, ordinem ab Apostolis monstratum turbet, neve singuli ordines cæco impetu sibi usurpent, quod universis ipso iure debetur.*

9. Imprimis prodest distinctio inter jus vocandi & juris istius exercitium. Illud est totius Ecclesiæ, nullo ejus statu vel ordine excepto: Hoc restringi potest ad certum statum, vel ordinem; ita tamen ut reliquis statibus, vel ordinibus, ad minimum relinquatur suffragium negativum, si dissensus eorum prægnantibus causis nitatur: in tali enim casu Ecclesiæ invitæ Minister de jure obtrudi nequit.

10. Nec semper & ubique requiritur singulorum statuum in Ecclesiâ, præsertim Oeconomici, consensus explicitus; sed quandoque sufficit consensus implicitus, sive interpretativus, videlicet quando populus dissensum suum nullo idoneo signo declarat, locumque facit dicto illi: *Qui tacet, consentire videtur.* In Græcâ Ecclesiâ populus, cum cæteroqui sileret, consensum tamen suum per (χειροτονίαν) *manuum extensionem*, declarabat, signo hoc sibi eum, qui sacris destinabatur, placere indicans: de quo ritu videatur doctissimi Sviceri The-saurus Ecclesiasticus col. 1514. seq.

11. Immediatè & mediatè vocati non distinguuntur ratione causæ principalis, quasi illi à Deo vocati sint; hi non item: sed ratione modi, quem causa principalis in vocando observat, quod his per ordinaria media; illis per extraordinaria, officium sanctum conferatur.

12. Illi etiam, qui exercitii gratiâ concionantur, Vocationem habent: non quidem ad perfectum Ministerium; sed tamen ad certum hunc Ministerii actum, quem obire debent.

13. Cum omnes Christiani dicuntur Sacerdotes I. Petr. II.

9. Apoc. I. 6. id non intelligendum est respectu publici Mi-

nisterii in Ecclesiâ; sed respectu oblationis hostiarum spirituum, quas quilibet Deo, etiam in cubiculo suo, sacrificare tenetur. Conf. Pl. CXLI. 2. Hebr. XIII. 15.

14. Quod ad Pontificios attinet, qui jus vocandi solis Episcopis vendicant, contra eos notentur sequentes aphorismi: (1) Ab Ecclesiâ plantandâ ad plantatam N. V. C. Cum aut Magistratus, aut populus, aut uterque in tenebris infidelitatis ambulant, utique ad vocationem Ministri adhiberi non poterant. (2) Laici non eligunt sibi Pastorem, ut qui jam oves ejus sint; sed ut qui oves ejus futuri sint. Non ergo comparantur ovibus, respectu vocationis ipsius; sed respectu vocati, quem instar ovium audire & sequi debent. (3) Particulæ TANQUAM, SICUT &c. Joh. XX. 21. Hebr. V. 4. non semper notant similitudinem specialem; sed quandoque tantum generalem. Hic certè indicatur identitas in genere, quod prouti Christi & Aaronis vocatio fuit divina; ita etiam aliorum Ministrorum vocatio debeat esse divina; non autem identitas in specie, seu modo.

Βεβαίως. Probamus I. *Neminem publicè docere & Sacramenta administrare debere, nisi qui à Deo missus, siue vocatus fuerit*, 1. ex Matth. IX. 38. Quia (1) qui in Ecclesiâ publicè docent & Sacramenta administrant, se habent ut *operarii, in messe Domini*. Nemo autem in messe Domini operari potest, nisi qui à Domino messis vocatus fuerit. (2) à Deo *exorari* jubentur: quod necessarium haud foret, si absque vocatione iis currere liceret. (3) à Deo *extrudi* perhibentur, (ὡς ἐκβάλλει ἐργάτας); quod de iis dici nequit, qui absque vocatione currunt.

2. ex Hebr. V. 4. 5. Quia, cum de Ecclesiâ sermo esset, Spiritus S. monet (1) *neminem sibi sumere honorem*, scilicet licitè & secundum Dei voluntatem. Conf. Joh. III. 27. (2) sequendum esse exemplum *Aaronis, per vocationem* ad officium perveni-

pervenientis, (3) ne Christum quidem, absque vocatione, officium Sacerdotale sibi arrogasse. Quod autem ne Christum quidem facere ausus est; illud multò minùs aliis, à Christo denominatis, audere fas est. Conf. Joh. XX. 21.

3. ex titulis Ministrorum, Ecclesiam docentium. Vocantur enim *Legati*, 2. Cor. V. 20. & *Oeconomi Dei*, 1. Cor. IV. 1. Ergo eos à Deo mitti oportet.

4. Ex aliis Scripturæ dictis. Rom. X. 15. Jerem. XXIII. 23.

II. *Mediatam vocationem esse verè divinam vocationem*, 1. ex Hebr. V. 4. Quia Aaron legitur à Deo vocatus esse, licet vocatus esset per Mosen. Conf. Exod. XXII. 1. seq.

2. ex Act. XX. 28. Quia Episcopi & Pastores Ecclesiæ Ephesinæ, dicuntur à Spiritu S. positi, ad pascendum Ecclesiam Dei: Hos verò alibi à Paulo & Barnabà vocatos esse, legimus. Conf. Act. XIV. 23.

3. Ab exemplis aliis mediatè vocatorum, qui tamen à Deo vocati perhibentur, nempe *Sosthenis*, 1. Cor. I. 1. col. IV. 1. & *Archippi*, Col. IV. 17.

4. Ab inconvenienti. Quia alioqui Dominus hodie desineret mittere operarios; contra promissionem. Jerem. III. 15. Matth. IX. 38.

III. *Jus mediatè vocandi, concessum esse toti Ecclesiæ*, 1. ex Matth. XVI. 19. ubi in Petri personâ toti Ecclesiæ traduntur claves, eoque ipso etiam potestas vocandi eos, quibus exercitium clavium, nomine Ecclesiæ est committendum. Vid. Gerhard. Loco de Ministerio §. 87.

2. 1. Cor. III. 21. 22. ubi omnia dicuntur esse Ecclesiæ, etiam Paulus, Petrus, Apollo &c. Hinc qui sacris operantur, *Ministerium Ecclesiæ* appellari consueverunt: Ecclesiæ igitur competit jus vocandi Ministros.

3. ex praxi Apostolicâ. Act. I. 15. seq. VI. 2. seq.

Ἀντίθεσις est eorum 1. qui negant, opus esse externâ vocatione. Sic Anabaptistæ, Schwenckfeldiani, Weigeliani, Sociniani, Arminiani, Quackeri, Brownistæ, Pietistæ &c. De Quackeris vid. Quackerilmus confutatus Art. 26. Hypoth. n. 1. & 3. sq. p. 453. 455. de Pietistis Supplement. Synopf. Art. 28. Th. 2. p. t. & Wigandiana sub tit. de Ministerio n. 4. p. 97. seqq.

2. Qui mediatam vocationem non agnoscunt pro divinâ. Sic iidem, inprimis Quackeri l. c. n. 4. p. 455.

3. Qui jus mediatè vocandi, solis Episcopis, præsertim Romano, tribuunt, ut Pontificii.

4. Qui jus vocandi ad solum magistratum referunt, ut Arminiani, & quidam Pseudopolitici, qui Antichristo Ecclesiastico alium sui nominis surrogare conantur.

Thesis II. Vocationem in Ecclesiis nostris, sequitur Ordinatio, tanquam ritus in praxi Apostolicâ fundatus, quò à Presbyterio, per manuum impositionem, inter adstantium preces, recens vocatus, solenniter à seculi negotiis segregatur, & postquam ille se publico voto, ad debitam fidelitatem obstrinxit, in ordinem sacrum cooptatur.

Ἐνθεσις. 1. Distingvimus inter Ordinationem & inter ceremonias superstitiosas, quæ à Pontificiis Ordinationi assuuntur. Illam probamus; has improbamus v. gr. tonsuram, unctionem, &c.

2. Ordinationem ipsam derivamus ex praxi Apostolicâ. Nam Apostoli eâ usi sunt, exemploque suo, quid aliis faciendum sit, docuerunt.

3. Quapropter & nos eandem retinemus ut necessariam: non tamen ut absolutè, sed conditionatè talem.

4. Ordinatio nunquam in Ecclesiâ omittenda est, si haberi queat. In casu autem necessitatis, v. gr. tempore belli, pestis &c.

fi Ecclesia Ministro diutius carere nequeat, nec tamen illi, à quibus noviter vocatus ordinetur, suppetant, censemus vigore vocationis, functiones Ecclesiasticas tam diu extraordinariè peragi posse, donec per ordinationem ordinaria intromissio sequatur.

5. Peragitur Ordinatio à Presbyterio, cujus nomine is, qui præcipuus est, aut cui à reliquis partes præcipuæ demandantur, ea quæ peragi solent, exequitur.

6. In primitivâ Ecclesiâ, ordinabant Apostoli; sed non soli. Similiter largimur, nunc ordinare posse Episcopos, qui se Apostolis immediatè successisse gloriantur; sed non solos.

7. Manuum impositionem retinemus: non tamen propter indelebilis characteris impressionem; sed propter benedictionem & segregationem.

8. Segregatio ista à seculi negotiis, non fit ratione loci, quasi Ministri se idcirco in Monasteria aut eremiticas cellulas occultare juberentur; neque ratione jurisdictionis, quasi eo ipso, à potestate Magistratûs politici eximerentur &c. sed tantùm ratione officii, ut admoneantur, nihil eorum ab iis curandum esse, quibus in sacrâ functione impediuntur 2. Tim. II. 4.

9. Per preces adstantium, Ministro confertur & augetur gratia Spiritûs S.: non tamen gratia reconciliationis cum Deo, qualis à Sacramentis propriè sic dictis proficiscitur; sed gratia officii, quâ desuper in munere obeundo adjuvatur.

10. Quandoque inferiores Ministri, ex constitutione Ecclesiasticâ, in ipsâ ordinatione se obligant Superiori suo: quæ obligatio nunquam simplex est; sed semper restricta, sub exceptione Dei, cui magis obediendum est, quàm hominibus. Idcirco rectè fecit Lutherus, quod promissione non obstantè, se idololatricis mandatis Episcopi sui ipsiusque Romani Pontificis opposuit.

11. In sacrum ordinem per vocationem cooptatus, accipit potestatem docendi Verbum & administrandi Sacramenta: non tamen ubique; sed ordinariè in illâ parochiâ, aut diœcesi, ad quam vocatus est: Extraordinariè tamen, ad requisitionem Ecclesiæ, aut Ministri alterius, etiam in aliâ parochiâ vel diœcesi, officium suum validè exequitur.

12. Hinc singulis Pastoribus commendata esse perhibetur cura universalis Ecclesiæ, quoad habitum; sed particularis tantum Ecclesiæ, quoad actum.

Βεβαιωσις. Probamus *I. Ordinationem Vocationi rectè in Ecclesiis nostris subungi.*

1. ex *I. Tim. IV. 14. 15.* Quia **(1)** Ordinatio est ritus in praxi Apostolicâ fundatus. Inter eos enim, qui ordinarunt Timotheum, ipse etiam Apostolus Paulus fuit *2. Tim. I. 6.* **(2)** confert ordinato donum (*διὰ τοῦ Φνετίας*) per *Prophetiam*, seu monita Seniorum ordinantium. *1. Tim. I. 18.* **(3)** incitamento est ordinato, ut *meditetur & in his occupetur*, quæ illi in Ordinatione præcepta sunt.

2. ex aliis Scripturæ dictis. *Act. XIII. 2. II. Tim. I. 6.*

II. *Ad ordinationem sufficere istas ceremonias: ut recens vocatus, per manuum impositionem, inter adstantium preces, solenniter à seculi negotiis segregetur, & postquam se publico voto ad debitam fidelitatem obligavit, in ordinem sacrum cooptetur.* Nam de his & non aliis ceremoniis Scriptura testatur, v. gr. **(1.)** de (*χειροτονία*) manuum impositione. *1. Tim. IV. 14. V. 22. II. Tim. I. 6.* **(2)** de precibus adstantium *Act. VI. 6. XIII. 3.* **(3)** de segregatione à seculi negotiis *Act. XIII. 2.* **(4)** de publico voto, ad debitam fidelitatem obligante, *1. Tim. IV. 14. 15. 16.* Ad quod enim exequendum, Paulus Timotheum, intuitu ordinationis suæ hortatur, ad illud exequendum se Timotheus in Ordinatione suâ obligavit.

III. *Non*

III. Non solum Episcopum, Presbytero contradistinctum, sed & Presbyterum specialiter sic dictum, Ordinationem conferre posse.

1. ex I. Tim. IV. 14. Quia Timotheus ordinatus legitur, per *impositionem manuum Presbyterii*, seu collegii Ministrorum Ecclesiæ, qui Seniores vocabantur. Sic enim vox hæc in N. T. accipitur, Luc. XXII. 66. Act. XXII. 5.

2. ex praxi Pontificiorum, qui per titulares Episcopos, qui nihil minus, quàm veri Episcopi sunt, ordinationes fieri curant.

Αντίθεσις est eorum, 1. qui ordinationis necessitatem quamcunque, imo & utilitatem negant, ut Sociniani, Arminiani & Fanatici plerique.

2. qui varias ceremonias humanitùs inventas, tanquam necessarias ad ordinationem requirunt, ut Pontificii.

3. qui solum Episcopum, ordinationis conferendæ Ministrum esse posse, censent, ut Pontificii & Reformati Episcopales in Angliâ.

III. VINDICATIO.

Accusamur,

I. Quod sublatâ ordinatione, imo omni Ordine Ecclesiastico, rem Christianam penitus confundere nitamur. Ita Andr. Fabritius Resp. à sublatione ceremoniarum superstitiosarum in ordinatione, ad sublationem ipsius ordinationis omnisq; ordinis ecclesiastici, non valere consequentiam. Luce meridianâ clariùs patet, ordinem ecclesiasticum non minùs apud nos, quàm apud Pontificios reliquis ordinibus contradistingui.

II. Quod in ordinem ecclesiasticum à nostris cooptentur textores, calcearii, imo lenones & carnifices: Ita Johan. Hoffmeisterus. Resp. putidissimam calumniam ab ipsâ experientia

tiâ refelli. Apud Pontificios ejusmodi ordinis ecclesiastici de-
honestamenta reperiuntur, ubi, qui heri impius miles fuit,
hodie manus, sanguine humano vix ac ne vix quidem purga-
tas, ut Presbyter, imo ut Episcopus, ad Deum extendit.

III. Quod recefferimus ab Aug. Conf. quippe quæ requirat
ordinationem ab Episcopis petendam; cum nullus omnino
nostrorum Prædicantium, ab Episcopo aliquo ordinatus sit.
Ita Colonitſch. in Antiaugustanâ Confessione. Resp. Or-
dinationis ab Episcopo petendæ necessitatem nullibi in Aug.
Conf. aut ullo libro symbolico Ecclesiæ nostræ stabiliri. Con-
trarium potius habetur in articulis Smalcaldicis P. III. art.
10. p. 519. (334) Reliqua eruditè soluta legantur in laudati D.
Alberti Refutatione P. II. cap. 3. pag. 160.

ARTICULUS XV.

DE

RITIBUS ECCLE- SIASTICIS.

I. EXPLICATIO.

Variata Confessio eandem rem pluribus verbis repetit, ni-
hil tamen, quod Orthodoxiæ præjudicer, hac in parte immi-
ſcuit, nisi fortè in gratiam Calvinianorum, inter exempla rituum
servandorum, omisit *Festa*. Quomodò autem circa Adiaphora pec-
cetur, nervosè ibi explicatum legimus, in istis: *Sentiendum est,*
quod sint res adiaphoræ, quæ extra casum scandali omitti possint:
sed & illi peccant, qui cum scandalo eas violant, ut qui suarum
Ecclesiarum tranquillitatem temerè perturbant.

Cæterùm

Cæterum Confessio invariata pag. 19. (13) de Ritibus agit,

RESPON.

I. Θετικῶς,

1. Quod aliqui Ritus locum habeant in Ecclesiâ. *De ritibus Ecclesiasticis docent, quod servandi sint.*

JOHAN-
NE AN-
DREA

2. Qui Ritus intelligantur. Ubi

1. Descriptio eorum ponitur, nempe quod debeant esse

HABEL,

1. pii. *Ritus illi, qui sine peccato servari possunt.*

Gedan.

2. utiles. *Et profunt ad tranquillitatem & bonum ordinem in Ecclesiâ.*

2. Exempla subjiçuntur. *Sicut certa Feria, Festa & similia.*

3. Sub quâ cautione Ritus isti admittantur. *De talibus — necessarius sit.*

II. Αντιθετικῶς. Quando

1. in genere damnantur certi Ritus. *Admonentur etiam — doctrina fidei.*

2. in specie, exempla quædam adducuntur. *Quare vota & traditiones — contra Evangelium*

In APOLOGIA, quæ titulum Articuli mutat, eumq. de Traditionibus humanis in Ecclesiâ inscribit, p. 313. (205.) seqq.

I. Proponitur, quid Adversarii de Articulo isto hoc judicaverint, nempe

1. quod receperint primam ejus partem. *In Articulo XV. recipiunt — in Ecclesiâ profunt. p. 313. (205.)*

2. quod rejecerint alteram ejus partem. *Alteram partem omnino — adversari Evangelio. ibid.*

II. Exponitur uberius nostra sententia,

I. De Antithesi heterodoxâ, ostendendo

1. quod Adversarii judaizent, atque Evangelium doctrinis Dæmoniorum obruant, id quod

1. demonstratur. *Quoniam in ipsâ Confessione — Christo honorem mediatoris. p. 324. 325.*

a b c

S s

(205.)

a b c

(205. 206.)

2. ab instantiis vindicatur. Excipiebant enim Adversarii

1. Distingvendum esse inter ceremonias Mosaicarum & Christianas. Respondent nostri: *Nec interest inter nostras traditiones — mereamur remissionem peccatorum*, 325. (206.)

2. Neminem per Traditiones mereri Justificationem; sed tamen justificados per eas mereri gratiam. Respondent nostri: *Si quis huc dicat — accepti & iusti reputemur*. p. 326. (206. 207.)

2. quod nulla Traditio à Patribus, eo, quo adversarii volunt, consilio instituta sit, aut institui potuerit. Nam

1. Deus prohibet cultus novos sine mandato introductos. *Quamquam quid opus est — custodite & facite ea*. p. 327. (207.)

2. Si liceret introducere novos cultus, etiam gentium cultus probandi forent. *Si licet hominibus instituere — fidei non norant*. ibid.

3. Nemo certus est de effectu cultuum, ab hominibus introductorum. *Postremò unde reddimur — utrum placeant Deo* p. 328. (208.)

3. quod sic constituatur regnum Antichristi. *Et quid in re manifestà — in traditusenibus humanis*. p. 328. 329. (208. 209.)

4. quod traditiones tantum habeant speciem sapientiarum. *Paulus ad Colossenses — non imitantur fidem eorum*. p. 330. 331. (209. 210.)

5. quod ex specie illa sapientiarum sequantur varia incommoda, præprimis

1. fiducia operum. *Postquam sefellit — talium operum*. p. 331. (210.)

a

b

2. con-

a b

2. contemptus præceptorum Dei. *Deinde obscurantur — sanctiores & meliores. ibid.*

3. fluctuationes conscientiarum. *Neque hoc satis est — interpretatio traditionum. p. 332. (210)*

II. De Thesi orthodoxâ, docendo

1. quod ex ritibus humanis nulla proficiscatur justitia coram Deo. *Nos igitur contra — traditiones humana. p. 332. 333. (210. 211.)*

2. quod Episcopi non habeant potestatem instituendi cultus, tanquam justificantes. *Nec habent Episcopi potestatem — mereantur justificationem. p. 333. (211.)*

3. quod traditiones ejusmodi servari queant, sed citra superstitionem. *Tunc etiamsi quis observat — in traditionibus est impia. p. 334. (212.)*

4. quod veterum traditiones utiles, apud nos melius, quam apud Adversarios, servantur. *Ceterum traditiones veteres — diligenter conservare. p. 335. 336. (212. 213.)*

5. quod mortificatio corporis fiat

1. juxta nos utiliter,

1. per patientiam sub cruce, à Deo impositâ. *Ac de mortificatione carnis — timoris & fidei. p. 337. (213.)*

2. per voluntariam abstinentionem à voluptatibus. *Verum propter hanc mortificationem — perpetuum mandatum Dei. p. 338. (213.)*

2. juxta Adversarios inutiliter. *Et illa præscripta — in canonibus traditam. p. 338. (214.)*

6. quod laquei disputationum in hoc articulo feliciter per Paulum solvantur. *Multas & difficiles — supra justitiam fidei. ibid.*

a

S s 2

7. quod

a

[7. quod ex charitate in adiaphoris, propter concordiam, libenter cedere velimus. *Et tamen usum libertatis—de potestate ecclesiasticâ disputabimus.* p. 339. (214.)

II. DEMONSTRATIO.

Thesis I. *Ecclesia non habet potestatem instituendi Ritus, qui spirituales effectus edant, & sine peccato, etiam extra casum scandali, omitti nequeant: proindeq. Ritibus ab Ecclesiâ institutis, nec absoluta necessitatis, nec cultus, aut meriti opinio, adscribenda est.*

²¹**E**xθεσις. 1. Ex thesi patet, non esse nunc sermonem de Ritibus à Deo præceptis, v. gr. ut aquâ baptizetur, ut coenâ in pane & vino administretur &c; sed de ritibus humanâ auctoritate introductis.

2. Ecclesiæ non adimimus potestatem instituendi Ritus; quamvis limitemus potestatem dirigendi ritus, ad finem menti Spiritus Sancti contrarium.

3. Nulli Ritus ab Ecclesiâ instituti, spirituales effectus edunt, quales sunt placare Deum, promereri gratiam, satisfacere pro peccato, iustificare &c. tametsi quandoque subjectum, in quo spirituales effectus edendi sunt, moveant, afficiant & aliquo modo disponant.

4. Qui violat Ritus ab Ecclesiâ institutos, non peccat per se & immediatè; sed tamen per accidens & mediatè, quatenus aut in Ecclesiâ Deus contemnitur, aut scandalum proximo præbetur.

5. Loquimur autem de Ritibus adiaphoris; non palam impiis & superstitiosis.

6. Adiaphora, seu ἄδιαφορα, item Indifferentia, Germanicè Mittel-Dinge dicuntur, quæ in se, & ex naturâ suâ neque bona

bona sunt, neque mala; etsi per applicationem, propter usum fiant bona, & propter abusum mala v. gr. cibi & potus usurpatio, & quæ his sunt similia.

7. In his, ex naturâ suâ æstimatis, negatur positum esse regnum Dei. Rom. XIV. 17. quamvis si rectè illis uramur, benè faciamus. Eph. V. 29. si abutamur, malè. Luc. XXI. 34.

8. Observatio adiaphororum ab Ecclesiâ receptorum, necessaria est: non tamen absolutè & simpliciter; sed conditionatè, & secundum quid, præprimis ut excipiat casus necessitatis.

9. In illis non consistit per se cultus divinus; quamvis per accidens conferant aliquid ad cultum, quatenus scilicet rebus, quibus per se colitur Deus, applicantur.

Bezae notæ. Probamus I. *Ecclesiam non habere potestatem instituendi tales ritus, quales in Thesi descripsimus*, ex Jac. IV.

12. Quia (1) unus dicitur esse legislator, scilicet spiritualis seu animarum, qui conscientias simpliciter & directè obliget. Cont. Esa. XXXIII. 22. (2) uni illi vendicatur *non perdere & liberare*, seu quod idem est, damnare & absolvere. Ex quo sequitur, illos potestatem Dei sibi rapere, qui jus instituendi ritus, æternæ salutis aut damnationis meritorios, sibi arrogant. (3) increpantur, qui *proximum judicant*, videlicet potestate judicandi à Legislatore isto unico, non acceptâ. Id autem faciunt, qui Ritus tales instituunt, eorumque observationem, sub opinione necessitatis urgent.

II. *Ritibus ab Ecclesiâ institutis, non esse adscribendam opinionem* (1) *absolutæ necessitatis* ex Gal. V. 1. Nam (α) omnibus Christianis commendatur *libertas* (β) & quidem propterea, *quia Christus eos liberos fecit*, (γ) in illâ libertate jubentur stare, i. e. constanter, abjectâ omni fluctuatione, permanere, (δ) *neque iugo servitutis illaqueari rursus*, nempe postquam à ritibus Mosaicis liberati sunt. Unde colligimus: Qui

liberati sunt à ritibus Mosaicis, ipsi Deo originem debentibus, illi nullâ rituum humanitus institutorum necessitate constringuntur. Atqui Christiani. Ergo. Vid. Apolog. p. 333. (211.) (2) *cultûs* ex Matth. XV. 9. Quia Deus expressè indicat, se nolle coli *mandatis hominum*. Quæ autem de Traditionibus Phariseorum dicebantur, etiam ad Ritus ab Ecclesiâ institutos referri posse, ostenditur in Apolog. p. 325. (206) (3) *meriti*, ex eodem. Quia Deus fatetur, se mandatis ejusmodi coli (*μνην*) *frustrâ*, seu inaniter, aut sine fructu. Vid. argumenta nostrorum reliqua in Apolog. p. 324. (205) sqq. *Atque Deus est Pontificiorum.*

Thesis II. *Qui Ritus jam introducti sine peccato servari possunt, tranquillitatis causâ servandi, nec temerè, præsertim in gratiam hostium veritatis, abrogandi sunt.*

Εκδοσις. 1. Ritus qui sine peccato servari possunt, opponuntur Ritibus idololatricis, superstitiosis, aut ex aliâ causâ palam impiis, utpote qui sine peccato servari nequeunt.

2. Non loquimur de ritibus introducendis; sed introducetis. Hic sæpè toleratur, quod ibi rectius omittitur. Vid. Apolog. p. 338. (214.)

3. Profunt ritus ad tranquillitatem dupliciter, directè, aut indirectè. Priori modo, si eorum introductio animos dissidentes jungat; posteriori modo, si eorum abrogatio scissioni animorum, aut ruinæ ab hostibus metuendæ, occasionem præbeat.

4. Etsi autem Ritus faciant ad Ecclesiæ tranquillitatem; nequaquam tamen causantur, aut disturbant Ecclesiæ unitatem. Unde à diversitate talium Rituum, ad diversitatem Ecclesiæ, N. V. C.

5. Non omne illud Papisticum est, quod antea apud Papistas

pistas in usu fuit. Hinc abusus rituum quorundam Papisticus improbat; ut tamen rituum eorundem legitimus usus servetur.

6. Aliud est cedere infirmitati verorum fratrum, aut qui veris fratribus, per cessionem nostram, aggregari posse videntur. 1. Cor. IX. 19. 22. Aliud est cedere malitiæ hostium fallorumque fratrum, quicessione nostrâ prævidentur usuri esse, ad propagandam Heterodoxiam suam, aut ad laqueum conscientis injiciendum.

7. Adiaphora in se & per se semper sunt & manent libera; per accidens verò & quoad exercitium contingere potest, ut fiant necessaria, E. gr. cum ritus quidam ab Adversariis, Ecclesiæ invitæ obtruduntur, aut prohibentur: tum quæ antea fuerunt Adiaphora, non amplius sunt talia: neque enim in tali casu de re indifferenti agitur; sed de libertate Christianâ, in quâ necessariò standum est.

8. Proinde circa usum Adiaphororum aliter judicandum est extra casum Confessionis; aliter in casu Confessionis. Ubi Confessio exigitur, nec ore nec opere veritatem abnegare licet. E. gr. si quis jubeatur genua flectere, in signum cultûs Pontificiorum approbati.

9. Sic quoque cum hostes veritatis mutationem Adiaphororum urgent, in constanti eorum usu Confessio veritatis consistit: neque retentio rituum pristinorum est nota inobedientiæ erga Magistratum, quippe qui jure suo in Ecclesiâ abutitur; sed est nota obedientiæ erga Deum, quippe cui magis obediendum est, quàm hominibus.

10. Ex duobus quidem malis pœnæ, eligendum est minimum; non item ex duobus malis, quorum minus est culpæ, majus pœnæ. E. gr. si aut ferenda sit persecutio; aut in casu Confessionis deferenda libertas christiana. Conf. Rom. III. 8.

11. Scandala accepta, non semper præcaveri queunt; à scandalis autem datis, sedulò ubique est cavendum.

12. De

12. Denique observandum, quod Adiaphora non dicantur libera, respectu singulorum Ecclesiæ membrorum; sed respectu totius Ecclesiæ, cujus est communi consensu illa instituire, suspendere, aut abolere.

Βεβαίως. Probamus I. *Ritus jam introductos, qui sine peccato servari possunt, tranquillitatis causâ servandos esse.* Ita Apostoli, in Ecclesiâ nascente ritus Judaicos, usque ad templi dissolutionem, *ut Synagoga cum honore sepeliretur*, tolerabant, seque ipsos Judæis accommodabant. Vid. Act. XV. 29. XVI. 3. XII. 18. Id quod concordie gratiâ, se imituros esse Confessores nostri pollicebantur, in Apolog. p. 339. (214.)

II. *In gratiam hostium veritatis, nullos ritus temerè abrogandos esse.* Sic exemplo suo nos docuit Paulus, Gal. II. 4. 5. quando ne *ad momentum quidem, per subjectionem, cedere audebat falsis fratribus*, libertati Christianæ insidiantibus, *ut veritas Evangelii permaneret.* Vid. plura in Form. Concord. p. 1092. (792.) seqq.

ARTICULUS. 1. est Calvinianorum, qui Ecclesias nostras adhuc Papismi contagio infectas esse, dicunt & scribunt, propter imagines, signum crucis, exorcismum aliasque ceremonias baptismales, privatam confessionem & munuscula confitentium, altaria, placentulas orbiculares, luminaria accensa & ritus quosdam eucharisticos, genuflexionem ad nomen Jesu, pericoparum evangelicarum & epistolicarum prælectionem ac explicationem, festa à Sanctis denominata, preces & cationes Latinas, Musicam figuralem & instrumentalem, distinctos Ministrorum gradus. &c.

2. Socinianorum, qui pariter multa talia simpliciter prohibent, ut imagines, auricularem Confessionem, Eucharistiæ morientibus privatim exhiberi solitæ administrationem, pericoparum evangelicarum & epistolicarum usum, festa, &c.

3. Quackerorum, qui templa sub nomine turritarum ædium, itemq;

inque altaria, imagines, campanas, præscripta cultui temporaria, Musicam &c. detestantur. vid. Quacker. confut. Art. 18. Hypoth. n. 3. seq. p. 189. seqq.

4. Pietistarum & Hyperpietistarum, de quibus conf. Wigan-diana p. 70. 73. & Supplem. Synopf. Art. 32. Th. 4.

III. VINDICATIO.

Accusamur

I. Quod omnes antiquas Traditiones & Ceremonias ex Ecclesiâ proscribamus. Sic Thômas Henrici, cui priusquam ista effutiret, jam abundè respondit ipsa Apologia. p. 335 (212. 213.)

II. Quod injuriam faciamus Pontificiis, quando illis tribuimus, quod doceant, nos observatione Traditionum mereri promissionem peccatorum, & placare Deum. Ita idem Henrici, nec non Bellarminus L. 4. de Pœnit. c. 13. & L. 2. de Sacram. in genere, c. 30. 31. Atat quî jam negari potest, quod olim in Augustanis Comitibus, ab ipsis Pontificiis concedebatur? Cum enim hi negarent alteram partem Articuli nostri, eo ipso affirmabant oppositum illius. Vid. Apolog. p. 324. (205.) Conf. etiam Carpzovii Isagog. ad h. l. p. m. 439.

III. Quod discesserimus ab hoc Articulo, sublatis multis festis, itemq; exorcismo baptismali: cum tamen ipsimet fateamur, *ritus illos servandos esse, qui sine peccato servari possunt & profunt ad tranquillitatem ac ordinem.* Hæc urgentur in Antiaugustanâ Confessione, jussu Episcopi à Collonitsch editâ; cui respondit D. Alberti in Refutatione, P. 1. c. 3 p. 172. seq. Nimirum Exorcismus in plerisq; adhuc Ecclesiis nostris retinetur; Festorum verò non necessariorum numerum minuimus, utpote tranquillitati ac ordini magis adversû, quâ conducentê.

IV. Quod Calvinianos sine causâ arguamus, tanquam articulo huic adversos. Sic enim conqueritur Altingius in Exegesi. p. 93. Verùm sol in meridie negatur: cum non ipsi tantum multos ritus, qui sine peccato servari poterant, sustulerint; verùm & nos propterea, quia ritus eos adhuc servamus, fuggillent.

ARTICULUS XVI.

DE

REBUS CIVILIBUS.

I. EXPLICATIO.

Variata Confessio, quoad rem, nihil immutavit. Nonnulla tamen explicationis gratiâ addidit. Nam post illa: *Sicut bona opera: sequitur: Et ordinationes Dei, sicut Paulus testatur: Quæ sunt potestates à Deo ordinate sunt.* Pro illis: *Ducere uxorem, nubere: extrahi: contrahere legitima conjugia, artes probatas legibus exercere.* Quæ contra Anabaptistas adferuntur, in initialibus paululum interpolata sunt, sequentem in modum: *Damnant & illos, qui Evangelicam perfectionem collocarunt in desertione civilium officiorum: cum Evangelica perfectio sit spiritualis, h. e. consistat in motibus cordis, in timore Dei, fide, dilectione, obedientiâ. Evangelium enim concionatur de quadam aternâ iustitiâ cordis, nec abolet jus in politiam, aut æconomiam.* Reliqua cum nostro Exemplari conveniunt.

In Confessione invariata p. 19. (14) Articulus hic inscribitur *de Rebus Civilibus*, sumtâ voce generaliter, in oppositione ad res Ecclesiasticas. Agitur autem de istis rebus

§ 1. *Dei iussus.* Nam explicatur, *quid doceamus,*
 § 1. in genere, de conservatione Politicæ & Oeconomix.
Evangelium tradit iustitiam aternam — exercere charitatem
 § 2. in specie,
 § 1. Dei statum politico, cupimus enim condere.
 § 2. à parte eorum qui præfunt,
 § 1. quod legitime ordinationes civiles sint bona
 a bono d.

o c d

opera Dei.

2. quod Christianis liceat gerere Magistratus.

3. quod liceat judicare res, ex imperatoris & aliis presentibus legibus.

4. quod liceat supplicia jure constituere.

5. quod liceat jure bellare, militare.

2. à parte eorum qui subsunt,

1. quod obedire teneantur Magistratui, dummodo nihil contra Deum præcipiat. Itaq; necessario debent — hominibus. Act. V. 29.

2. quod liceat iusjurandum, postulantis Magistratibus, dare.

2. De statu Oeconomico,

1. quod liceat lege contrahere.

2. quod liceat tenere proprium.

3. quod liceat ducere uxorem, nubere.

II. Antidistinctio, contra

1. Anabaptistas. Damnant — Christianis.

2. Monachos. Damnant & illos — officijs.

IN APOLOGIA p 340. (214.) Articulus hic inscribitur de Ordine politico, ibidemque

I. Narratur, quod Adversarii receperint hunc articulum. Articulus XVI. recipiunt — Christianus uti potest p 340. (214. 215.)

II. Explicatur uberius nostra sententia,

1. quod non confundendum sit regnum Christi & regnum civile. Hic totus locus — eternam inchoans. p 340. (215.)

2. quod Christianus uti possit legibus politicis cujuscunque loci, ubi vivit, secus atque censuit Carolstadius. Interim foris sinat nos — leges judiciales Moysi. ibid.

3. quod Monachi malè de rebus civilibus senserint. *De his ideo copiosius—divina ordinationi.* p. 341. (215.)
4. quod Julianus, Celsus &c. perperam accusaverint Evangelium, quod parum apta societati civili tradat. *Julianus Apostata—mutare civilem statum.* p. 342. (215. 216.)
5. quod lege Dei, & vindicta privata prohibeatur, & vindicta publica præcipiatur. *Itaq; privata vindicta—probare statum civilem.* p. 342. (216.)
6. quod non tenere proprium malè pro Christianâ perfectione habeatur. *Vanissimum & hoc—sacerdotibus tenere proprium.* p. 343. (216. 217.)
7. quod contractus eatenus liciti sint, quatenus approbantur à Magistratu. *Sunt infinita Disputationes—leges approbant,* p. 344. (217.)
8. quod doctrina nostra à bonis viris probetur & probari mereatur. *Hic totus locus—habeat mandatum Dei.* p. 340. (217.)

II. DEMONSTRATIO.

Thesis I. Magistratus est DEI ordinatio, & salvâ conscientiâ à Christiano geri potest.

Expositione. 1. Vocabulum Magistratus propriè non nisi præfecturam politicam notat; impropiè verò & per ampliationem Pontificiis usitatam, etiam ad præfecturam Ecclesiasticam transfertur, quæ acceptio à præsentis instituto aliena est.

2. Porro idem vocabulum nunc abstractivè solum officium significat; nunc concretivè ipsum subjectum connotat. Hinc in thesi nostrâ Magistratus (i. e. officium) geri, & alibi Magistratus (i. e. persona officium gerens) *aliquid agere* dicitur.

3. Siquidem ergo Magistratus nomen officii est, cavendum, ne vitium accidentarium subjecti, Magistratum gerentis,

gr. crudelitas; iniustitia; &c. imputentur ipsi officio, nempe Magistratui. A concreto enim ad abstractum, N. V. C. Bene Augustinus serm. 15. de Divers. c. 5. *Magno errore magnaque dementia, in res ipsas, quibus homines male utuntur, crimen male utentium transfertur.*

4. Magistratus Ordinatio Dei est, & nihilominus etiam *humana ordinatio* dicitur, 1 Petr. II 13. scilicet ut à Petro non respiciatur ad causam principalem, quæ est Deus; sed partim ad causam instrumentalem, quia plerumque mediantibus hominibus constituitur; partim ad subiectum recipiens, quia non nisi hominibus committitur.

5. Quando autem Diabolus salutatur *Princeps & Dominus mundi*. Joh. XII. 31. XVI. 11. Eph. VI. 12. sensus non est, quod Diabolus præfecturas hujus mundi suo arhitrio dispense, prouti ipse mendacissimè gloriabatur Luc. IV. 6. sed quod impiorum voluntatibus imperet; utpote *cujus regnum non est natura, sed malitia*, juxta Cyprianum Serm. de Jejun. & Tentat.

6. Semper ergo Magistratus à Deo est; quamvis modus consequendi Magistratum quandoque non sit à Deo. Hof. II X. 4.

7. Cum Christus recusaret regnum Joh. VI. 15. neque discipulis facultatem regendi indulgeret, Matth. XX. 22. id non ideo factum est, quod Magistratum damnaret; sed quod inter Magistratum & munus Ecclesiasticum, distingueret.

8. Reges gentium, quos Christus dominari dicit Luc. XXII. 25. non opponuntur Regibus Christianorum; utpote Ministris Dei, in regno potentiae. Sap. VI. 5. sed tantum Apostolis Apostolorumque successoribus, tanquam Ministris Dei in regno gratiae. Nomen igitur *τῶν ἐθνῶν* non accipitur hic specialiter, pro solis paganis & idololatriis; sed generaliter, pro quibusvis populis, uti Matth. XXV. 31. Luc. VII. 5.

9. Christus est Rex & Protector fidelium : sed ita ut non in omnibus immediate regat & protegat ; sed in quibusdam, mediante Verbi ministerio & Magistratus officio.

10. Regnum gratiæ Christo competens, à regnis mundanis distinguitur. Joh. XII. 36. At regna mundana à regno gratiæ non abolentur.

11. Imperium Magistratus subordinatur regno Christi ; non opponitur. Neque enim homines imperant sine Christo ; sed Christus per homines. Prov. II. 15.

12. Unde & in hac vitâ, Regum est, coronas suas ante thronum cœlestis Regis dimittere. Apoc. IV. 10. non quidem Magistratu se abdicando ; veruntamen officium suum gloriæ divinæ impendendo & cultum Dei apud subditos promovendo.

13. Christo adveniente non debebat auferri omne sceptrum ; sed tantum sceptrum de Judâ. Genes. XLIX. 10.

14. A mundo, prouti in Scripturâ describitur I. Joh. V. 19. ad regna mundana, argumentari non licet. Mundus enim arguitur in parte, sui potiore, per peccatum corruptâ, quia constat ex hominibus res mundanas supra Deum æstimantibus. Regnum verò mundanum solummodo sic denominatur à loco, quia in mundo est, in quo boni & mali mixti commorantur.

15. Israëlita Regem cupientes leguntur rejecisse Deum I. Sam. IX. 7. non tamen propterea, quod Regem cuperent : Hujus enim eligendi potestatem jam olim acceperant, Deut. XVII. 14. 15. sed quod Regem ex diffidentia & κακογνῆσις Gentilium fastidioque ἀποστασίας cuperent. Vid. I. Sam. IX. 4. 5. 19. 20.

16. In fabulâ Jothanis Jud. IX. non excutitur quæstio, an aliquis Magistratui admoveri debeat ? sed quis ex levitate & ingratitude Sichemitarum admotus fuerit ? nempe non oliva, ficus, vel vitis, i. e. homo pius ; sed rhamnus, i. e. impius, nempe Abimelech.

ordinatio prdbatur I. ex Rom. XIII. 1. 2. 3. 4. 5. 6 quia
 (1) nulla est potestas nisi à Deo, & quæ sunt potestates, à Deo
 ordinate sunt. v. 1. (2) qui resistit potestati, Dei ordinationi
 resistit v. 2. (3) qui ordinationi tali resistunt, sibi ipsi xēuā
 h. e. condemnationem (seu supplicium) accipient. v. 2 Sic enim
 vox Græca sumitur, Luc. XXIII. 40. Rom. III. 8. Bene Chry-
 sostom. ad h. l. *Deus istud constituit, qui & vehemens ista con-
 temnentium ultor est.* (4) Magistratus Dei Minister est v. 4. 6.
 (5) necesse est subjici, non solum propter iram; sed & propter
 conscientiam. v. 5. h. e. juxta explicationem Augustini: *Non
 solum ad iram evitandam, quod potest etiam simulate fieri; sed
 ut in tuā conscientia certus sis, illius dilectione te facere, cui sub-
 ditus fueris, jussu Domini tui.*

II. Ex alijs Scripturæ dictis. 2. Paral. XIX 6. Prov. IIX
 15. 16. Sap. VI. 4. 5.

ANTI-DEUS est 1. Anabaptistarum, Weigelianorum, Qua-
 ckerorum, &c. qui negant Magistratum in N. T. salvā con-
 scientiā geri posse; tametsi plerique eorum concedant, aut
 ad minimum concedere se simulent, quod Magistratui obe-
 diendum sit. At hæc relata sunt, quæ se mutuo ponunt &
 tollunt. Unde rectè Mentzerus noſter Exeg. A. C. p. 562. *Si
 obedire Magistratui per se & naturā sui bonum est & justum,
 ratio nulla dari potest, cur imperare sit per se & ratione sui ma-
 lum & injustum.*

2. ex Hyperpictitis Dippelii, cujus hypotheses sunt (1)
 discrimen statuum inter Christianos sublatum esse. (2) Ma-
 gistratum non pertinere ad regnum Christi. (3) Verè ad Chri-
 stum converso non convenire dignitatem hanc, brevique mul-
 tos officium Magistratus deposituros esse. Verba ejus & quā
 Pietistæ etiam, Chiliasmo dediti, haud multum à rebellibus
 Anabaptistarum veterum vestigiis recedant, adduximus in Wi-
 gandianis, sub tit. Magistratus, p. 113. seqq. Add. Synopsis
 Art. 35. qv. 7. Thesis

Thesis II. Non Laici duntaxat, sed & Clerici, membra civitatis, sub potestate Magistratus sunt, eisdemq, nisi impia præcipiat, obedientiam præstare tenentur.

ΒΕΒΛΕΤΟ. 1. In civili societate manet æqualitas hominum; quoad interna & naturalia, quatenus *una caro sunt*, atque ideo ad mutua charitatis officia obligantur, *Es. LII X. 7.* quamvis necessariò introducta sit diversitas, quoad externa & moralia.

2. Sic & libertas per Christum parta, non est carnalis; sed spiritualis: nec opponitur obedientiæ Magistratui præstandæ; sed servituti peccatorum, mortis & diaboli.

3. Eadem libertas per leges honestas, quibus Magistratus voluntatem suam declarat, non evertitur; sed promovetur: cum libertas vera in eo consistat, ut possimus eligere bonum & rejicere malum, secundum normam legum. Veritati igitur exactè convenit illud: *Deo & legibus servire libertas est.*

4. Quod persona non sit aspicienda *Jac. II. 9.* intelligitur de exercitio justitiæ & charitatis; nequaquam verò de exercitio obedientiæ à Deo præceptæ: cum Deus ipse auctor sit distinctionis illius. 1. *Petr. II. 13.*

5. Non negamus, subjectionem habere suos gradus; quamvis negemus, Clericos exemptos esse ab omni subjectionis gradu.

6. In Clericis duo attenduntur, Ecclesiasticum, quod gerunt, officium; & Politicum, quo Reipublicæ obstringuntur, vinculum. Hujus ratione, sub Magistratu sunt, tanquam membra civitatis; quoad illud ulteriori disquisitione opus est.

7. Distingvimus enim inter curam Religionis externam, & internam. In externis Clerici subordinantur Magistratui; in internis Magistratus subordinatur Clericis. Idem enim Spiritus, qui *omnem animam*, adeoque & Clericos, jussit *subjici Magistratui* *Rom XIII 1.* etiam omnes auditores, ne quidem illis, qui in Magistratu constituuntur, exceptis, jussit *obedire Præpositis suis.* *Hebr. XIII. 17.*

8. Non

8. Non quæritur, an Clerici à quadam jurisdictione politica Magistratuum, præsertim inferiorum, meritò immunes esse debeant? verùm an ab omni jurisdictione tali necessariò immunes sint? Ubi inter Evangelicos Consistoria Ecclesiastica præsto sunt, Clericus non nisi coram iis conveniri potest.

9. Unde de delictis Clericorum ita scribit Gerhardus, in Loco de Magistratu. §. 441. *Si in officio suo delinquant, tum cognitio & pœna illius delicti, utpote Ecclesiastici, non pertinet ad solum Magistratum; sed ad totam Ecclesiam, vel ad illos, qui publico Ecclesia nomine hoc officio funguntur, ad Senatum scilicet Ecclesiasticum: sed si committant delicta, civilem societatem turbantia, ea, vel capitalia, vel non capitalia, tum cognitio & pœna, pertinet ad Magistratum civilem.*

10. Quod jure humano passim Clericis concessum est, perperam ab Adversariis, tanquam jure divino decretum, urgetur.

11. Denique distingvimus inter Magistratum impium & impia præcipientem. Illi obedientia præstanda est; huic verò deneganda.

Esposition. Probamus I. *Clericos quoque, tanquam membra civitatis, sub potestate Magistratus esse,* (1) ex Rom. XIII.

I. Quia (πᾶσι ψυχῇ) *omnis anima Magistratui subiecta esse jubetur. Ad quæ verba sic commentatur Chrysostomus. Homil. 23, in Epist. ad Rom: Ista imperantur omnibus & Sacerdotibus & Monachis, non solum secularibus; etiamsi Apostolus sis, seu Evangelista, seu Propheta, seu quisquis tandem fueris: neque enim pietatem subvertit ista subiectio. Similiter Theodoretus ad h. l. Omnis anima, sive sit Sacerdos aliquis, sive Artistes, sive monasticam vitam professus &c. (2) ex practicâ Christi confessione, tam verbali Joh. XIX. 11. quàm reali Matth. XVII. 27. (3) quia inter characteres Antichristi refertur extollere se super omne id quod Deus est 2. Thess. II. 4. Hoc verò facit, qui supra Magistratum se extollit, qui ut vi-*

carus Dei in regno potentiae, passim nomine (אלהים) Deorum insignitur.

II. *Magistratus impia praecipienti, non deberi obedientiam*, ex Act. IV. 19. V. 29. Quia Deo magis obediendum est, quam hominibus. Si quis autem Magistratui impia praecipienti obsequeretur, is hominibus magis obediret, quam Deo.

Artificens est 1. Quackerorum, qui quantum in ipsis est, subditos, tanquam in libertatem illimitatam à Christo assertos, contra Magistratum excitant. Quamvis enim liber, die alte Wahrheit erhöhet / conqueratur, injuriam illis fieri, si hujusmodi criminis accusentur; tamen experientia aliud loquitur, ipsique palam in Epistolâ anno 1660 mense Junii ad Hamburgensem Senatum scriptâ, profitebantur, Magistratui non nisi potestatem in Bruta & Plantas competere: Sic enim inter alia: Im Anfang sprach Gott: laßet uns Menschen machen / die regier n über die Fische in der See / über die Vögel unter dem Himmel / und über das Vieh / und über die ganze Erde: Das ist euer Regierung. Plura videantur in Quackerismo confutato, Artic. 37. Hypoth. n. 3. & 12. p. § 16. § 22.

2. Pontificiorum, qui pro omnimodâ exemptione Clericorum, tanquam pro aris & focus, pugnant. Unde Emanuel Saa in Aphorismis Confess. tit. Clerici, negat *Crimen laesae Majestatis à Clericis committi posse*.

3. Pseudopoliticorum, qui subditis omnem facultatem discernendi inter iussa pia & impia denegant. Sic inter alios Hobbesius censet: in causâ religionis, subditum teneri sequi voluntatem Domini sui, in omnibus controversiis, si modò istum fidei articulum retineat, *Jesum esse Christum*.

Thesis III. *Quemadmodum Christiano de causis, tam criminalibus, quam civilibus judicare, sententiamq; etiam capitalem, exsequi; ita pariter coram judicio, jus suum prosequi licet.*

ANOTAT. 1. Distingvimus inter judicia privata, quæ quis super personâ aut re alienâ, extra vocationem exercet; & inter judicia publica, quæ secundum vocationem Dei instituntur. Illa Spiritus Sanctus prohibet, Matth. VII. 1. Rom. XIV. 4. 1. Cor. IV. 5. De his honorificè sentit.

2. Quando autem in sacris carpitur judiciorum abusus; non propterea tollitur eorum usus. Concedimus, in judiciis sæpè peccari, (1) ratione causæ impulsivæ, cum quis ex irâ, odio, invidiâ, vel vindictæ cupiditate proximo litem intentat, aut eum injustâ denegatione rei, quam ex obligatione debebat, ad litem intentandam adigit, (2) ratione objecti, cum ob res leves, absque tentatâ compositione amicâ, ad tribunal curritur, (3) ratione finis, cum partium litigantium altera alterius ruinam & Judex commodum privatum, sepositâ ex oculis animoque justitiâ, ad quam unicè respicere debebat, quærit. (4) ratione modi, cum per convitia, calumnias, sophismata aliasque fraudes, Christianæ modestiæ, patientiæ ac æquanimittatis limites transiliuntur.

3. Quibus observatis, responderi potest ad loca dubia. Matth. V. 44. Prov. X. 12. in quibus Christianis commendatur charitas. Hæc enim cum judiciis publicis non per se pugnat; sed tantum per accidens: item 1. Cor. VI. 7. ubi non prohibentur judicia simpliciter; sed secundum quid, nempe ad quæ ex malo affectu, ob res leves, illegitimo modo, coram judicibus infidelibus, cum intentatâ alterius partis ruinâ deveniebatur: nec non Matth. V. 40. quo in dicto vetatur vindictæ studium, si quis in judicio publico, per fraudem actoris, aut iniquitatem judicis oppressus, optimâ causâ ceciderit. Ei enim injungitur graviora potius pati, ex sententiâ judicis iniquâ, quàm ut privatim se ulciscatur. Ut tamen interim causam justam, quamdiu spes obtinendi superest, eisdem licitis modis tueri liceat.

4. Concedimus, quod veri Christiani, quatenus tales, agantur à Spiritu Dei Rom. II. 14. quodque ultrò iustitiæ studeant Ps. CX. 3. Negamus autem omnes, in externâ Ecclesiæ societate viventes, esse veros Christianos: quandoquidem bonis mixti reperiuntur mali.

5. Tametsi igitur Boni non indigerent Magistratu, propter directionem in bono; indigerent tamen eodem, propter defensionem contra malos.

6. Enimverò & in ipsis bonis, præter primitias novitatis, quas per regenerationem consequuntur, supersunt reliquæ vetustatis, ex peccato originali superstites, propter quas opus habent Magistratu, ut carne adversus spiritum quandoque atrocius insurgente, intuitu pœnarum, tantò diligentius concupiscentias carnis recalcitrantis, mortificent.

7. Christiani vivunt sub curâ & protectione Dei Matth. IX, 30. 31. sed in multis per Magistratum: ut aded defensio Dei & Magistratus, non opponantur sibi invicem; sed subordinentur: neque nomen Christiani excludat nomen Judicis, Actoris, Rei, Testium. &c.

8. Similiter adversitates Christianorum, aut immediatè à Deo immittuntur; aut à malis hominibus inferuntur. In illis unicum remedium est patientia. Act. XIV. 22. Ab his Deus haud rarò suos liberare vult per Magistratum.

9. Qui ut Christianus fert crucem à Deo impositam; ille ut Judex gladium gerere, ut Actor injurias illatas coram Magistratu prosequi, ut Reus innocentiam suam tueri, ut Testis veritati suppetias ferre potest. Non enim hæc incompatibilia sunt; sed compatibilia.

10. Sic quoque executio sententiæ judicialis in foro humano, minùs rectè contradistinguitur judicio Dei. Deus enim aut judicat facinorosos immediatè, aut mediantibus hominibus, proptereà in tribunali constitutis, ut Dei vices tueantur, de quo Hebr. XIII. 4.

II. Misericordia commendatur Christianis Luc. VI. 36.
 I. Petr. III. 8 sed ne iustitia negligatur. Notanter Lutherus
 in der Haus Postill ad Rom. 16. p. Trin. Wer da will barm-
 herzig seyn / also daß er die Sünde und das Unrecht nicht
 straffe / der würde eine zwiefältige Unbarmherzigkeit seinem
 Nächsten erweisen.

Beobachtung. Probamus I. *Quod Christiano, ad hoc vocato, de cau-
 sis civium judicare liceat* (1) ex Deut. XVI. 18. Quia (1) Judicium
 constitutio non tantum conceditur populo Dei; sed etiam
 præcipitur (2) præceptum illi d. ad omnes civitates extenditur,
 (3) judicium qualitas determinatur. Quicquid verò ita à Deo
 ordinatum, nec usquam alibi abrogatum est, id Christianos
 non minus, quàm Judæos stringit.

2. Ex aliis Scripturæ dictis, in quibus judicium Magistra-
 tûs legitur esse judicium Dei. Deut. I. 17. II. Paral. XIX. 6.
 Pf. XXII. 1. Prov. II. 15.

II. *Quod Christiano coram judicio jas suum prosequi liceat,*
 I. ex Thesi præcedente: Relata enim se mutuo ponunt &
 tollunt. Hinc si Christiano de causis aliorum judicare licet;
 etiam Christiano causam suam coram judicio prosequi licet.
 2. Accedit praxis Christi & Apostolorum Joh. XII. 23.
 Act. XVI. 37. XXIII. 3. XXV. 10.

III. *Quod Christiano judici capitale sententiam ferre &
 exequi liceat* 1. ex Rom. XIII. 3. 4. 5. 6. Quia Magistratui
 expressè (1) tribuitur *gladius*, v. 4. (2) & quidem ut *Dei mi-
 nistro*, v. 4. 6. (3) ac *vindictæ in iram*, v. 4. (4) idem ille *nega-
 tur frustra gerere gladium*, v. 4. (5) sed cum ita tractare jube-
 tur, ut *qui malum fecerit, timeat*, v. 4.

2. ex aliis Scripturæ dictis Genes. IX. 6. Deut. XIX. 19.
 20. Jerem. XLIX. 10.

Aviſendus est I. Anabaptistarum, Socinianorum, Quacke-
 rorum, aliorumque Fanaticorum, qui aut omnia judicia inter

Christianos cupiunt abrogatâ; aut ad minimum â judicio capitalibus abhorrent; vel si concedant Christiano, se coram judicio defendere; nihilominus ei prohibent coram judicio causam suam agendo prosequi.

2. Pietistæ novelli, qui sub nomine Justi Clementis Leucopolitani, anno 1699. tractatum publicabat, cujus titulus hic est: *Gewissenhafte Anmerkunge/ von dem Amte einer Christlichen Obrigkeit/ sonderlich die in Brziehung auff göttliche und weltliche Rechte/ eingeführte Straffen der Uebeltäter betreffend*: In quo sequentes foventur hypotheses: (1) Maleficos esse puniendos; non tamen capitaliter. (2) Sonti in impœnitentiâ perseveranti, per mortis sententiam, non amputandum esse tempus pœnitentiæ, (3) ut Sonti pœnitenti parcatur, Christianæ lenitatis esse, (4) ne quidem homicidas dolosos capite plectendos esse. Concludit Fanaticus: *Per dominantem Evangelii gratiam supplicia, quæ nunc irrogantur, omnino seponenda sunt.*

Thesis IV. *Cum bella â Deo nullibi simpliciter prohibeantur, nihil impedit, quo minùs Christianus bello justo, salvâ conscientia interficiat.*

EXPOSITIO. 1. Bellum spirituale, quod Christianis gerendum est 2. Cor. X. 3. 4. 5. Eph. VI. 12. seqq. non excludit bellumulare, de quo nunc loquimur; sed cum eo cæteris paribus quàm optimè consistit.

2. Neque enim hoc bellum in N.T. prohibetur; quamvis propagatio Evangelii sine bello secutura esse prædicatur. Ef. XI. 9. LXV. 25. Zach. IX. 10.

3. Non invisâ est Deo quævis sanguinis effusio; sed tantum effusio injusta. Genes. IX. 5. Ef. I. 15.

4. Similiter ex eo, quod Petro prohibetur gladius, utpote perso-

personæ privatæ & ad aliud officium vocatæ Matth. XXVI. 52. colligere haud licet, etiam Magistratui prohiberi gladium, utpote personæ publicæ & ad hoc ipsum officium vocatæ.

5. Præ cæteris distingvendum est, inter bellorum usum & abusum: ille laudem; hic crimen habet.

6. Peccatur autem in bellis per abusum, contra charitatem christianam (1) ratione causæ impulsivæ, cum ex ambitione, avaritiâ, inordinatâ vindictæ cupiditate &c. suscipiuntur (2) ratione objecti, cum ob res leves, absque tentatâ amicâ compositione, ad arma decurritur, (3) ratione finis, cum de gloriâ Dei, & salute proximi parum nihilve cogitatur, (4) ratione modi, cum gladio nimia sævitia, in imbellem quoque ætatem & sexum, indulgetur; cum stupris licentia conceditur &c.

7. Ita bellum per se licitum; per accidens illicitum fieri potest.

8. Distingvimus etiam inter bellum & bellatorem, seu militem. Vitia concreti non imputanda sunt abstracto. Unde Christianus salvâ conscientiâ potest interesse bello; quamvis salvâ conscientiâ non possit participare, de vitiis bellatorum.

9. Nec misericordia, lenitudo aliæque virtutes, quarum Matth. V. 7. seqq. mentio fit, excluduntur à bello; sed in ipso etiam bello exerceri possunt. Imo bellum ideo geritur, ut virtutibus ejusmodi, in pace tantò securiùs operam dare liceat.

10. Bellum justum contradistingvitur injusto. Requiritur autem in bello offensivo, si justum censeri debeat, ut inevitabile sit, aut causam habeat gravissimam: Defensivi autem belli causa est sui & suorum protectio.

11. In judicio de justitiâ Belli, cavendum ne causa vera, cum prætextu confundatur. Sæpè enim aliud prætenditur & aliud intenditur.

12. Distingvimus quoque inter Bellum notoriè injustum &

& inter bellum, cujus causa est dubia & occulta. In hoc subditus militare jussus tutò obsequitur Magistratui; in illo magis obediendum est Deo, quàm hominibus.

13. Doctrina Christi Matth. V. 22. 39. 44. non opponitur legi divinæ; quippe quam Christus solvi noluit, v. 17. verùm Pharisaicis legis divinæ corruptelis. Quodcunque igitur tibi Christianis injungitur, unicè cum studio vindictæ privatæ pugnat; non publicæ, utpote lege divinâ institutæ.

14. Denique non statuimus, quod Bellum sit absolutè bonum; sed secundum quid, nempe ut ultimum justitiæ afflictæ remedium. Quapropter non commendatur Christianis; sed tantùm permittitur.

Βεβαίως probatur 1. ex Luc. III. 14. quia Johannes Baptista Christianis permittit bellum. Observandum enim (1) quod loquatur cum militibus, salutis suæ studiosis & propterea interrogantibus: *Quid faciemus?* (2) quod eos non repellat, aut balthem abjicere jubeat, (3) quod iisdem talem vitæ regulam præscribat, quam servare non poterant, nisi in bello manerent, inquiens: *Contenti estote stipendiis vestris.* Stipendia autem militaria non nisi actu in genere vitæ militari constitutis solvuntur. 1. Cor. IX. 7.

2. Ex consensu Christi, qui prudentiam militarem commendat Luc. XIV. 31. 32. & milites, in statione pristinâ manentes gratiâ suâ dignatur. Matth. II. 5. sqq. add. Actor X. 1. sq.

Αντιθεσις est (1) Anabaptistarum, Socinianorum, Quackeorum, &c. qui bellum Christianis interdicunt.

2. Pietistarum, de quibus evolvantur Supplement. Synops. art. 29, th. 4. Wigandiana tit. de Magistratu n. 4. p. 122.

Thesis V. Tametsi juramenta temeraria prohibeamus, nihilominus in re gravi, præsertim si Magistratus posculet, jurare fas est.

EXPOSITIO. 1. Alia quæstio est, an quodlibet juramentum censetur licitum? & alia, an juramentum debite comparatum? Illam negamus; hanc affirmamus.

2. Requisita autem liciti juramenti alia sunt à parte subjecti agentis; alia à parte subjecti recipientis; alia à parte objecti.

3. Quà subjectum agens, requiritur, ut juramentum præstetur ab homine intellectus & voluntatis, quantum opus est, compote: non autem à puero, furioso, vel cujus manus vi ad scribendum juramentum ducitur &c.

4. Quà subjectum recipiens, requiritur, ut juramentum concipiatur per Deum eumque verum; haudquaquam verò per creaturam, aut Deum fictum.

5. Testificari per creaturam licet; non jurare. Vid. Deut. IV. 26. XXXII. 1. Et. I. 2.

6. Quod si autem infidelis per creaturam juret, quam Deum esse credit, juramentum tale, etsi formaliter sit illicitum; obligat tamen finaliter: quia jurans hunc finem habet, Dei vindictam in se derivare, si pejeret, tametsi in agnitione Dei erret. Unde Augustinus scribit: *Non audit te lapis loquentem; sed punit Deus fallentem.*

7. Neque istud prætereundum, quod per Deum aut explicitè juretur, cum is conceptis verbis vindex invocatur; aut implicitè, cum quidem Dei non fit mentio, sed tamen aut beneficiorum Dei, quæ tollenda esse à nobis, indicamus; aut malorum, quæ immittenda esse nobis, innuimus, v. gr. Genes. XLII. 15. ubi sensus est: *Nisi vos probavero, Deus vitam adimat Pharaoni, à quo felicitas mea pendet*; item 1. Sam. I. 26. ubi sensus est: *Quàm verè tu vivis, cui vitam longissimam precor, tam hac vera sunt.*

8. Quà objectum, requiritur, ut duntaxat de re gravi adhibeatur, h. e. tali, quæ nisi per juramentum difficulter, aut planè non solvi posset.

9. Præprimis verò necessarium est, ut res quæ juratur, non solum cum lingvâ, sed etiam cum animo loquentis conveniat: quo ipso omnis æquivocatio excluditur, juxta regulam Isidori: *Quacunque arte verborum quis juret, Deus qui conscientia testis est, ita accipit, sicut ille, CUI JURAT UR, intelligit.*

10. Cum juramentum distingvatur in assertorium & promissorium: illius objectum debet esse res vera & certò cognita; hujus autem res possibilis & licita.

11. Quod attinet ad verba Christi Matth. V. 34. repetita à Jacobo V. 12. illa non sunt abrogativa omnis juramenti; sed tantum interpretativa vanæ glossæ Pharisaicæ de juramento, nimirum, quod solum perjurium prohibeatur, adeoque de rebus etiam levissimis jurare liceat; quod per creaturas sanctas, e. gr. per aurum templi &c. juramentum concipi posset; quod juramentum per creaturas profanas conceptum non obliget, &c.

12. Neque enim scopus Christi erat, disputare cum Pharisæis de juramenti actu; verum de modo, ad quem unice respicitur, in particula (ὅλως) OMNINO, quæ in textu exstat.

Βεβαιώσις. Probatur (1) ex Hebr. VI. 16. quia juramentum, teste Spiritu sancto, facit ad Ecclesiæ & Reipublicæ utilitatem, videlicet ut controversiæ finiantur & veritas confirmetur.

2. ex praxi Dei, Ef. XLV. 23. Hebr. VI. 13. 17. & Apostolorum. 2. Cor. I. 23. XI. 31.

Αντιθεσις est 1. Anabaptistarum, Socinianorum, Quackero-
rum, qui juramenta simpliciter prohibent.

2. Pietistarum, qui ut aditum sibi ad fraternitatem cum Anabaptistis, in hoc etiam articulo, pararent, nec tamen orthodoxos simpliciter deferere viderentur, statuunt saltem juramentum de rebus temporalibus & jurantis commodum unice concernentibus, illicitum esse. Verba eorum adducuntur in Supplemento Synops. Art. 32. Th. 9.

Thesis VI. Possessio proprij nullatenus cum pietate pugnat, falsumq; adeo est, quod in communione rerum aliqua perfectio Christiani consistat.

Ἐκθεσις. 1. Possessio proprii opponitur communioni rerum, ita tamen ut impræsentiarum non quærat, an Christianis liceat habere bona communia? sed an ut necessarium debeat?

2. Institutum primitivæ Ecclesiæ Act. II. 44. IV. 32. fuit particulare, nempe eorum tantum, qui Hierosolymis habitabant; non universale: fuit arbitrarium; non necessarium, alioqui Apostoli communionem bonorum etiam cæteris Ecclesiis præcepissent, aut ad minimum commendassent: fuit temporarium; non perpetuum, quippe quod aucto fidelium numero, ne Hierosolymis quidem continuari poterat.

3. Proprietas bonorum secularium non tollit communionem bonorum spiritalium, de quibus agitur Gal. III. 28. Col. III. II.

4. Possessio proprii, neminem Deo invisum reddit per se; sed si invisum reddat, id tantum fit per accidens: nimirum (1) si quis in bona possessa fiduciam collocet, Matth. XIX. 23. coll. Marc. X. 24. (2) si quis in bonis possessis Deum tentet, exemplo Ananiæ & Saphiræ Act. V. 3. 9. quibus licuisset retinere proprium v. 4. (3) si quis propter bona possessa, aut possidenda, dilectionem proximi abjiciat, rixis, furtis, rapinisve indulgeat &c.

5. Christiani & proprietarii dicuntur, respectu rei, quam possident, in vitâ præsentis; & peregrini hospitesque, respectu spei, quam conceperunt, de vitâ futurâ, ad quam ita tendunt, tanquam qui sua pro non suis habeant. Hebr. XI. 13. coll. I. Cor. VII. 30 31.

6. Consilium exploratorium, datum alicui in singulari Math. XIX. 21. non est lex obligatoria, data omnibus in universali, imo nec consilium svaforium cuiquam alii datum.

7. Nec æqualitas Christianorum, tanquam fratrum, Matth. XXIII. 8. petenda est ex proportionem facultatum; sed ex identitate vocationis & spei ad quam vocati sunt, à Spiritu Sancto. Eph. IV. 4. 5. 6.

8. Omnia sunt Christianorum I. Cor. III. 21. 22. non tamen quoad possessionem; sed quoad libertatem usus, civilibus legibus conformem.

Βεβαιωσις Probatur I. ex præcepto Dei, qui jubet (1) omnes edere (ἐσθῆν ἄρτον) *proprium panem* 2. Thess. III. 12. (2) curam gerere (ἰδίᾳ οἰκῇ) *propria domus* I. Tim. III. 4. (3) elemosynas reponere (παρ' ἐαυτοῦ) *apud se* I. Cor. XVI. 2.

2. Ab exemplis Sanctorum in N. T. ut Josephi Arimathienfis Matth. XXVII. 57. Camerarii Reginae Candaces Act. II. 10. 27. Lydiae Act. XVI. 14. Zachæi Luc. XIX. 8.

Αντίθεσις. est I. Monachorum apud Pontificios.

2. Anabaptistarum quorundam, qui primum in Moraviâ, deinde in Hungariâ & Transylvaniâ, sub *Fratrum* nomine, habitaverunt, de quibus legi meretur Stephani Gerlachii Itinerarium seu ut titulus habet, *Türkisches Tage-Buch* p. 535.

3. Pietistarum, qui sub respectu ad pauperes, necessariam esse aliquam bonorum communionem tradunt & facultates divitum de jure divino communes pauperibus esse pronuntiant, in Supplem. Synopf. Art. 30 th. 4. Quid Hyperpietistæ de Communione bonorum tradant, exponitur in Wiganianis tit. de Statu œconomico p. 124.

Thesis VII. Contractus civiles, super rebus mundanis, juxta leges cujuscunque Reip. inire, non adversatur officio Christiani.

Ἐκθεσις. I. De contractibus in actu signato agit ICtus; in actu exercito, cum applicatione ad Christianissimum, theologus.

2. Spectantur autem vel per se, hoc est ratione usus; vel per

h. e. ratione abusus, Usus habet laudem; crimen abusus habet.

3. Cæterum abusus ille multiplex est, nempe juxta primum Decalogi præceptum, si propter Contractum negligentur nuptiæ cœlestes. Matth. XXII. 5. Iuxta secundum præceptum, si contractus per juriis fœdantur, quod qui facit & tamen Christianus esse cupit, ille simul Deo & Mammonæ servire nititur Matth. VI. 24. Iuxta tertium præceptum, si contractui subjiciantur res divinæ Act. II. 18. 19. 20. aut si per contractus ex domo Dei fiat spelunca latronum Matth. XXI. 13. Iuxta præceptum sextum, si quis ex contractibus superbiat aut luxuriat, quod in Tyriis, Sidoniis & Ægyptiis notant Prophetæ Es. XXXIII. 5. 8. Iuxta præceptum septimum, si contractibus defraudetur proximus 1. Thess. IV. 6. Iuxta præceptum octavum, si contractibus interveniant fraudes Sir. XXVII. 2. 3. &c.

4. Ex dictis patet, contractus absolutè & in se moraliter neque bonos, neque malos judicari; sed respectivè & in applicatione, prouti regulis justitiæ congruunt, aut ab iisdem recedunt.

5. Non obstat, quod in contractibus sequamur mores gentium, quos alioqui in Scripturâ prohibemur sequi Rom. XII. 2. Neque enim Apostolus ibi agit de moribus gentium decentibus; sed indecentibus. Conf. Deut. XII. 9.

6. Sic nec cura rerum mundanarum Christiano prohibetur simpliciter; sed secundum quid, videlicet si conjuncta sit cum fiduciâ in divitiis, aut si mundana cœlestibus præferantur, vel etiam parificentur. Vid. Marc. X. 24. 1. Ioh. I. 15.

7. Christus ejecit ementes & vendentes è templo Matth. XXI. 12. sed non è foro.

Βεβαιωσις. Probatur 1. ex 1. Thess. IV. 6. ubi Paulus (1) agit cum Thessalonicensibus, mercaturam per totam Græciam

ciam exercentibus, (2) iisdem non prohibet *negotia*, seu *contractus*. Sic enim in Glossario *πραγματεύομαι negotior & πραγμαλεία negotiatio*, (3) sed tantum (*τὸ ὑπερβαίνειν καὶ πλεονεξεῖν ἐν τῷ πράγματι*) *ne terminos transgrediantur & alium circumveniant in negotio*. Ex quo ita concludimus: Qui cum de contractibus ad mercatores scriberet, non ipsos contractus, sed duntaxat abusum contractuum prohibebat, ille hoc ipso legitimum usum, tanquam officio Christiani non adversantem, concessit. Atqui Paulus. E. Similia occurrunt Iacobi IV. 13. 15.

2. Ex aliis Scripturæ locis Genes. XXIII. 16. seqq. XLVII. 14. seqq. Matth. XIII 45.

Ἀντίδοσις est Anabaptistarum quorundam, superiori seculo, qui contractus omnes, tanquam Jctorum commenta, rejiciebant.

Thesis II X. Polygamia simultanea, morali eâque positivâ & universali lege, inde à mundi principio prohibetur; contra quam nulli agere licet, nisi dispensatione à supremo Legislatore acceptâ: Hanc cum in V. T. apud Israëlitas, locum habuisset, Christus in N. T. simpliciter sustulit.

Ἐκδοσις 1. Polygamia simultanea opponitur successivæ: illa sic dicitur, cum uxori primæ, adhuc superstiti, alia pluresve superinducuntur; hæc cum mortuâ uxore priori alia ducitur: id quod fieri nullâ lege vetatur, quin imo expressè approbatur Rom. VII. 2. 3. I. Cor. VII. 39. I. Tim. V. 14.

2. Conjugium est contractus: non tamen merè secularis; sed simul spiritualis. Propterea appellatur *fædus Dei* Prov. II. 17. Mal. II. 14.

3. De eo igitur non ex praxi hominum erroribus obnoxiorum; verum ex institutione Dei, quam Christus vigore officii Prophetici, in N. T. clarissimè exposuit, statuendum.

4. Prohibetur nempe Polygamia simultanea per legem Dei,

Dei, eamque moralem: non tamen naturalem, sed positivam. Contra naturalem legem dispensari nequit; lex verò positiva dispensationem admittit.

5. Dispensationem igitur à Deo, qui legem hujusmodi tulit, proficisci oportet; cum in hominis potestate non sit id concedere, quod Deus prohibuit. Proinde peccabatur, cum Comes Gleichenfis Ao. MCCXVII. sub conditione matrimonii, à foeminâ Saracenicâ ex captivitate liberatus, hanc indulgente Papâ, cum uxore Christianâ, quam antea habuerat, conjugem retineret. Sepultus ille jacet Erfurti in Monasterio D. Petri, medius inter duas uxores, imaginibus defunctorum lapidi incisus, quas Ao. 1663. ipsimet spectavimus. Conf. Dresser Millen. 6. p. 545. sq.

6. Polygamia Patriarchis ac reliquis Israelitis, ante adventum Messiae, praviâ dispensatione, permittebatur. Hanc enim præsto fuisse, tamen in Scripturâ explicitè non legamus; implicitè tamen indicari, ex eo colligimus, quia alioqui Polygami non potuissent simul in statu mortalis peccati & iustificantis fidei versari. Cæterum causa dispensationis partim multiplicatio generis humani Gen. XVI. 2. partim durities cordis Matth. XIX. 8. fuisse, innuitur.

7. Dispensatio interveniens faciebat, ne factum in se damnable, actu coram divino iudicio damnaretur.

8. Contra reliquas objectiones, notentur sequentes aphorismi (α) Moses potuit disponere de consequente rei vitiosæ; quamvis non approbaret rem ipsam vitiosam Deut. XXI. 15. Quemadmodum legislatores etiamnum disponunt de delictis per ebrietatem commissis, de filiis ex adulterio, vel incestu natis &c.

9. (β) Dare aliquid in sinum 2. Sam. XII. 8. non solum de Matrimonio usurpatur; sed & de aliâ subiectione, concessione, vel attributione, ut Luc. VI. 38. Quandoque etiam vox ~~in~~ indicat nudam tolerantiam & conniventiam, ut Gen. XX. 6. Num. XXI. 23. Judic. XI. 19. 10.

10. (γ) Conjuges una caro fiunt ordinatè h. e. contra Dei institutionem; Scortatores inordinatè h. e. contra Dei institutionem 1. Cor. VI. 16.

11. (δ) Multa in Scripturis habentur, quæ inibi non leguntur: Hinc præmissa negatur in illo: Israëlita non leguntur reprehensi propter Polygamiam: Ergo nec reprehensi, aut etiam reprehensibiles fuerunt. Quin imo suppetit etiam Reprehensio, cum generalis, in præcepto VI. Prohibito enim adulterio, simul prohibetur Polygamia; tum specialis Mal. II. 16. qui locus, ex mente D. Varenii, consensu R. Abenesæ suffulti; ad literam vertendus est: *Ego odio habeo dimittere* (seu ipsam dimissionem) &c. *Ich hasse das Scheiden / spricht der Herr / der Gott Israel / als daß auch derselbe (qui se separat) sein Kleid mit Frevlen bedecket.* Vid. Varenius, in Malach. p. 172. 173, itemq; B. Dn. Joh. Joach. Reuffii *Periculum Heremeneviticum* super l. c.

12. (ε) Relatio conjugis ad conjugem arctior est, quam Patris ad filios, aut Domini ad servos: illa enim unitati carnis superstruitur; quod de hac dici nequit.

13. (ζ) Maritus uxoris caput est Eph. V. 23 cui uxor obsequi tenetur *ibid.* 22. non tamen in omnibus, sed tantum in iis, quæ per legem Dei moraliter fieri queunt.

14. (η) Multiplicare genus humanum, propter Dei præceptum Gen. I. 18. IX. 1. bonum & laudabile est: videlicet si juxta Dei ordinationem fiat; non si contra eam. Bonitas enim actionis non ex solo fine; sed simul ex fine & mediis æstimatur.

15. (θ) Lutherus de permissione Polygamie differens, non absolutè intelligendus est; sed conditionatè, sub hypothesi, si Christiani juxta leges Mosaicæ forenses vivere deberent.

16. (ι) Christus Polygamiam in N. T. sustulit: non tamen ut novus legislator (quod Sociniani volunt), sed ut veteris legis restaurator.

Beßelworts.

Βεβαιώσις. Probamus I. quod Polygamia simultanea, lege Dei RESPON.
 morali adeoq; omnes homines obligante, prohibeatur, I. ex Matth JOHAN.
 XIX. 4. 5. 6. ubi Christus, adversus divortia, per quæ maritus, JACOB.
 vivente, à quâ illicitè separabatur, uxore, aliam ducens, in Stroby
 polygamiam incidit, agens (1) ad primam conjugii institutio- Gedan.
 nem provocat v. 4. *Nonne legistis, quod faciens ab initio* (hominem), *masculum & fœminam fecit eos*? Enimverò si Poly-
 gamiam probasset, masculum & fœminam facere potuisset, &
 procul dubio, præsciis futurorum, fecisset. (2) v. 5. *Et di-*
xit (non immediatè, sed per Adamum ex divinâ inspiratione
 loquentem): *propter hoc, dimittet homo Patrem & Matrem*
 (ut licet arcta inter parentes & liberos conjunctio intercedat,
 conjunctio tamen inter conjuges intelligeretur esse arctior)
 & *adharebit* (Græcè *ωρονοληθήσεται* à κόλλα gluten, con-
 glutinabitur: Hebraicè *דבק* à quo *דבק* ferrumen, conferru-
 minabitur Gen II. 24.) *uxori suæ*, (4) & *erunt duo* (quot
 ante conjugium fuerant) in *carnem unam* (quales consummato
 matrimonio fiunt.) (5) v. 6. *Itaq; non amplius sunt duo, sed*
caro una (quibus verbis unitas opponitur duobus, non pluri-
 bus). Hinc argumentamur (1) Qui cum pro uno masculo plu-
 res fœminas creare potuisset, nihilominus pro uno masculo
 non nisi unam fœminam creavit, ejus factum hominibus loco
 legis est, contra polygamiam. Atqui Deus. Ergo. Major sta-
 bilitur autoritate Christi Marc. X. 6. qui cum polygamiam, ex
 divortiis orituram, præcavere vellet, nos *ad initium creationis*
 remittit, indicans, istud ipsum necessariò ab hominibus con-
 tinuandum esse, quod Deus facto suo incepit. (2) Quicunq;
 ex voluntate Dei matrimonium instituentis, uxori quam du-
 cit conglutinari, imò conferruminari perhibetur, illi prohibe-
 tur polygamia; quippè conglutinationi & conferruminationi
 illi adversa. Atqui maritus. Ergo. (3) Qui cum uxore caro una
 fieri jubetur, illi per jussum hoc, tanquam legem, non licet
 Y y plures

plures ducere uxores. Nam si jam una caro cum primâ uxore est, quomodo simul esset una caro cum secundâ, tertiâ, quartâ &c? Unitas sanè formaliter in indivisione consistit, ita ut quod divisum inter plures est, unum perperam dicatur. Quo spectant illa Lactantii L. 6 Instit. c. 23. *Non sicut juris publici ratio est, sola mulier adultera est, qua habet alium; maritus autem, etiamsi plures habeat, à crimine adulterii solutus est. Sed divina lex ita duos in matrimonium, quod est in corpus unum pari jure conjungit, ut adulter habeatur, quisquis compagem corporis in diversa distraxerit.* Atqui Maritus. Ergo. (4) Quicunq; in N. T. expresse indicat, Deum in primâ conjugii institutione voluisse, ut duo sint in carne unâ, imò ut sint caro una, ille hoc ipso simul indicat, Deum lege prohibuisse Polygamiam, per quam plures quam duo sunt in carne unâ, aut caro una. Atqui Christus: Ergò Ad Majoris confirmationem facit, quod vocula DUO in V. T. omissa, in N. T. aliquoties de conjugibus repetatur, e. gr. Marc. X. 8. 1. Cor VI. 16. Eph. V. 31. nec pro duobus unquam, vel ullibi, plures substituantur.

2. ex Matth. XIX. 9. unde hunc in modum concludimus: Si quisquis *divortio injustè facto aliam ducit*, iudice Christo, *mœchatur*: utique non minus certum est, etiam eum, qui re-tentâ priori uxore, aliam superinducit, mœchari. Nam qui divortio injustè facto aliam ducit, adulterii propterea reus sit; quia ex judicio Dei adhuc uxoris dimissæ maritus est: Longè itaque evidentiùs adulterii reatum contrahit, qui, cum non solum ex judicio Dei, sed ipsorum quoque hominum, imò & sui ipsius adhuc primæ uxoris maritus maneat, nihilo tamen fecius aliam ducit. Quemadmodum igitur omne adulterium lege morali prohibetur; ita pariter Polygamia, ut species adulterii, lege morali prohibetur.

3. ex 1. Cor. VII. 2. — 4. *Propter fornicationem unus-quisque suam uxorem habeat, & unaquaque* (τὸν ἰδίον ἀνδρα)

proprium

proprium virum habeat. Uxori vir debitam benevolentiam reddat; similiter autem & uxor viro. Mulier (τῇ ἰδίῃ σώματι) proprii corporis non habet potestatem; sed vir. Similiter autem vir (τῇ ἰδίῃ σώματι) proprii corporis non habet potestatem, sed mulier. Ne fraudetis invicem &c. Hæc verba sequenti argumento materiam suggerunt: Per quod (1) vir qui uxori debet esse proprius, fit pluribus communis v. 2. (2) mutuae benevolentiae redditio impeditur, & à marito cum injuriâ in uxorem redundante, quod huic soli debetur, aliis impertitur v. 3. (3) mulier potestate, quam aequè in corpus viri ac vir in corpus mulieris habet, privatur v. 4. (4) defraudatio reciproci inter conjuges officii invehitur &c. illud lege morali prohibetur: Atqui per Polygamiam. Ergo.

II. Quod in V. T. Deus circa Polygamiam Israëliitarum dispensaverit; ex ratione in BnD. n. 6. Poterat Deus circa Polygamiam eorum dispensare: Quia lex contra Polygamiam lata, erat positiva. Quod etiam actu dispensaverit in loco allegato evictum est. Quis enim de statu gratiæ, in quo Patriarchæ vixerint & de beatâ eorum morte dubitabit?

III. Quod in N. T. dispensatio illa sublata sit: ex manifestis Christi verbis, quæ in Βεβαίωσιν explicabantur n. 1.

AVTΘΕΩΝ foverunt 1. Valentinus Imperator, qui teste Nicephoro L. 11. Hist. Eccles. c. 33. legem promulgavit, ut cuicumque liberet, duas legitimas uxores habere liceret: quemadmodum & ipse Severam ac Justinam Imperatrices, simul uxores sibi junxit.

2. Bernhardus Ochinus Italus, qui Polygamiam Christianis, non minùs quàm Judæis, concedendam esse defendere conatus est, propterea ex Helvetiâ proscriptus.

3. Anaptistæ Monasterienses, qui Polygamiam introduxerunt per Regem, quem ex Sartore sibi præfecerant, Johannem Leidensem, cognomine Bucoldum.

4. Cajetanus, qui teste Catharino, in libello, cui titulum fecit *CCIIIX. errores Cajetani*, statuisse fertur, *jure divino uxorum pluralitatem* esse licitam.

5. Rex Tunchinensis à metropoli regni, Sinensibus vicini, sic dictus, quem Jesuita Alexander de Rhodes, patriâ Avinionensis, in *Relatione de successu prædicationis Iesuitarum*, Ao. 1650. Italicè editâ l. 2. c. 22, 26. 29. Christianismi prædicationem, per edictum publicum prohibuisse refert; quod gentiles quosdam, ad fidem conversos, ad dimittendas uxores & concubinas, quas præter unam habuerant, induxissent. Sic enim eos, priusquam in exilium pellebantur, allocutus esse scribitur: *Vultis, ut mei subditi tantum unam habeant mulierem: Ego autem volo, ut plures habeant, ut possint producere filios, qui mihi sint fideles subditi &c.*

6. Populi à Christianismo abhorrentes in regnis Turcico, Persico, Mogulico, Japonico, Sinensi, Javanensi, Tartariâq; Europæâ æquè ac Asiaticâ.

7. Impius homuncio, cujus nomini, quod ipse reticuit, nobis verò innotuit, ex reverentiâ in sanctam celebremque, ex quâ ortum duxit familiam, parcimus, cujus libri *Mardder Lânder* & qui Latine prodiit, *Polygamia victrix*, ad reducendam Polygamiam in lucem emissi sunt: propter quos Auctor ex Daniâ clanculum se subducebat; ex Sveciâ autem, post devoratas carceris molestias, cum interitum ejus foeminæ lapidibus armatæ quærent, vix incolumis, per navim, cui imponebatur, in loca transmarina deportari potuit. Observandum verò, quod qui Polygamiam aliis persuadere conabatur, cum se uni maritæ imparem esse haud ignoraret, in cælibatu mortuus esse perhibetur.

8. Hugo Grotius, in Opere (si quæ à Scripturâ S. & orthodoxâ Theologiâ deviant excipias) utilissimo L. 2. c. 5. n. 9. scribens: *Scio à plerisque existimari, in utroq; hoc capite* (Matth.

XIX, & I. Cor. VII.) non novam à Christo conditam legem; sed restitutam quam Deus pater rerum primordio condiderat: in quam sententiam adduxisse eos videntur ipsa Christi verba, ubi ad primordium illud nos revocat. Sed responderi potest, ex primâ illâ conditione, quâ uni mari fœminam non nisi unam Deus attribuit, satis apparere, quid optimum sit Deo gratissimumq; & hinc sequi, semper id fuisse egregium ac laudabile: non tamen ut aliter facere nefas esset: quia ubi lex non est, ibi non est legis transgressio: at lex de eâ re nulla illis temporibus extabat. Sicutaq; Grocius Polygamiam lege nullâ in V. T. divinitus prohiberi censet.

Thesis IX. *Haudquaquam necesse est, imo nec per omnia utile, ut abrogatis Romanorum aliarumve gentium legibus, leges forenses Judæorum, in Rempub. Christianorum, introducantur.*

EX THEOS. I. Non tam videndum est, quis tulerit leges forenses Judæorum; quàm quo fine, quâve intentione latæ sint.

2. Optimè quidem dici merentur: non tamen absolute & per se; verùm respectivè & alicui, nimirum pro certo populo, tempore & loco.

3. Nam Deus non tulit illas ut universales; sed ut particulares: non ut perpetuæ; sed ut temporariæ essent.

4. Quod si easdem ratione fundamenti spectemus, dividuntur in merè civiles & simul morales. Illarum exempla sunt sanctiones de emancipatione servorum; de conjugii intra patriam tribum coarctandis. &c. Harum verò de puniendis homicidis, adulteris, blasphemis, parentum contemtoribus &c. Illæ simpliciter cum Republ. Judæorū cessarunt; hæ quoad morale quod continent, adhuc aut ex toto, aut ex parte servantur.

5. Cum verò leges merè civiles Judæorum cessasse statuimus, non adimitur magistratui facultas eas introducendi, quoadusq; civitati conveniunt; sed tantum negatur necessitas,

magistratum obstringens, ad talem introductionem. Neque enim quæritur, quid liceat; sed quid ut necessarium debeat.

6. Et si tota Judæorum Respublica ad Deum conversa, nec per Romanos eversa fuisset, nihilominus leges quædam forenses, reliquis manentibus, concidissent, v. gr. de Divortio, Polygamiâ. &c. quippe circa quas Christus dispensationem, ad V. T. pertinentem, in N. T. sustulit. Math. XIX. 4. 9.

7. Quamvis nonnullæ leges forenses, quæ Judæorum sunt in Republ. Christianâ locum inveniant, nullæ tamen Christianos obligant *quatenus* Judæorum sunt.

8. Vox **סֵדֶק** *Seculum* in Scripturâ non semper accipitur simpliciter pro æternitate; sed quandoque tantum secundum quid, pro tempore longiore. e. gr. Deut. XV. 17. *Sic tibi servus in seculum* i. e. usque ad annum Jubilæum: item cum Deus minatur, se ex Hierosolymis facturum esse solitudinem *in seculum* Jerem. XXV. 9. quod mox *ad LXX. annos* restringitur v. 11. Atque ita vocabulum intelligendum est, quando de Leviticis ceremoniis, aut politiâ Judæorum, usurpatur.

Βεβαιώται Probat ex Rom. XIII. 1. ubi (1) Paulus scribit, ad Romanos Judaicis legibus non utentes, (2) eos æquæ ac alias gentes Magistratui suo obsequi jubet. Hoc enim indicant initialia verba: (**πᾶσι ψυχή**) *Omnis anima*, (3) qui magistratui suo obsequi jubentur, eo ipso legibus magistratus obsequi jubentur: Nam magistratus per leges loquitur.

Αντιστοιχεί erat Carolstadii, Anabaptistarum Monasteriensium, quorundam ex Reformatis ut Piscatoris in Appendice Exodi, Castellionis, &c.

III. VINDICATIO.

Accusamur,

I. Quod nobis ipsis contradicamus, quando in hoc Articulo docemus, observandas esse humanas traditiones, quas tamen antea damnaverimus. Sic Joh. à Daventriâ. Resp. contradicatio-

traditionem tantum esse apparentem. Observandæ enim sunt traditiones in Curiâ seu Republ. damnandæ verò, cum pro doctrinæ Christianæ principio venditantur, in templo seu coram Ecclesiâ: Evangelium enim non tollit Politiam.

II. Quod seditiosis scriptis & concionibus, Carolstadio, Anabaptistis, & seditiosis Rusticis præluferimus, eisdemque discipulos habuerimus. Sic Andreas Fabricius, Ioh. Hoffmeisterus, Alphonsus Virvesius, Thomas Henrici. &c. Resp. Dicit hæc; non probari. Contrarium ex ipso articulo patet, quem constantissimè nostri observarunt, atque ideo voce pariter & calamo, contra allegatos publicæ pacis turbatores, semper egerunt.

III. Quod cum in Apologiâ distinguamus inter regimen seculare & spirituale, nihilominus utrumque confundamus, adeoque enormiter (*grob*) ab Augustanâ Confessione recederimus. Assumptum probatur, quia quæ solius *spiritualis Magistratus*, i. e. Episcoporum & Papæ sunt, ad secularem magistratum, imo etiam ad fœminas referamus, v. gr. *vocare prædicantes, illisq. potestatem predicandi & Sacramenta administrandi conferre* &c. Sic Antiaugustana Confessio Episcopi à Collonitsch. Resp. Regimen spirituale, quod penes Episcopos & Papam, ceu principes, & supremum Monarcham, sit, Scriptura ignorat, imo & impugnat Math. XX. 25. seqq. Apologia autem distinguit inter regnum Christi, quod intra nos est, & regnum civile quod extra nos est. Ubi per Regnum Christi perperam intelligitur Monarchia papalis & episcopalis. Salvo certè Christi regno potest Magistratui relinqui directio Ecclesiæ externa: quousq; autem illa se extendat, pluribus ex mente Spiritus S. eruditè exposuit D. Alberti, in responsione ad Antiaugustanam Confessionem P. 2. c. 3. Qu. 14. p. 182. seqq. Nempe falsum est, quod Magistratui exclusivè tribuamus ipsum jus vocandi

candi Prædicantes: quippe quod totius Ecclesiæ est: quamvis exercitium illius juris, magistratui relinqui possit: falsum etiam quod Magistratus apud nos Ministris conferat potestatem prædicandi, & Sacramenta administrandi; quippe quam in Ordinatione à Presbyterio accipiunt &c.

IV, Quod per calumniam Pontificiis adscribamus, eos perfectionem collocare in desertione rerum civilium. Sic Bellarminus in Judic. de libro Concordiæ & Thomas Henrici. Resp. negari nunc à Pontificiis, quod olim ab iisdem agnitum & concessum est. Cæterum nec recentiores vitæ monachalis encomiastæ, ab ejusmodi assertis abstinere, de quo vid. Hülsemannus in Disp. 14. Anti-Hag. p. 528.

ARTICULUS XVII.

DE

REDITU CHRISTI AD JUDICIUM.

I. EXPLICATIO.

Variata Confessio nihil quoad rem immutavit, sed Antithesin duntaxat uberius illustravit. Ita enim ibi legimus: *Damnatus Anabaptistas, qui nunc Judaicas opiniones spargunt, fingunt ante resurrectionem, pios regna mundi occupaturos esse, ubique deletis aut oppressis impiis. Scimus enim, quod pii debeant obedire presentibus magistratibus, non eripere eis imperia, non dissipare politias per seditionem, quia Paulus præcipit: Omnis anima magistratui suo subdita sit. Scimus item, quod Ecclesia in hac vitâ subiecta sit cruci, & primum post hanc vitam glorificabitur, sicut Paulus inquit: Oportet nos similes fieri imagini Filii Dei.*

Dei. Quare Anabaptistarum amentiam, & diabolicum furorem prorsus damnamus & execramur. Damnamus & Origenistas, qui sinxerunt, diabolis & damnatis finem pœnarum futurum esse.

In Confessione Invariata p. 20. (14) agitur de Novissimis, prouti etiam titulus Articuli à Carpzovio, Calovio &c. concipitur. De illis autem tractatur

I. Θεδικῶς, mentione factâ

1. Iudicii extremi. *Item docent, quod Christus apparebit ad judicandum.*

2. Consummationis seculi. *In consummatione mundi.*

3. Resurrectionis carnis. *Et mortuos omnes resuscitabit.*

4. Vitæ æternæ. *Piis & electis dabit vitam æternam & perpetua gaudia.*

5. Inferni. *Impios autem homines ac diabolos, condemnabit, ut sine fine crucientur.*

II. Ἀνιδετικῶς, contra

1. Anabaptistas. *Damnant Anabaptistas — futurum esse.*

2. Chiliastas. *Damnant & alios — oppressis impiis.*

IN APOLOGIA p. 345. (217) ferè eadem, quæ in Thesi ipsius articuli extant, repetuntur, cum additamento illo, quod Adversarii hanc doctrinam sine exceptione receperint. *Articulum XVII. recipiunt — sine fine crucientur,*

II. DEMONSTRATIO.

Thesis I. *In Consummatione seculi, omnes creaturæ, præter Angelos & Homines, essentialiter interibunt.*

²⁾ Εξιδιος. 1. Vox seculi aut notat durationem, sive temporis, Col. I. 26. Mal. III. 4. sive æternitatis Rom. I. 25. Pf. XC. 2. aut conversationem hominum in mundo, vel tempore, Rom. XII. 2. Gal. I. 4. aut ipsum mundum, seu cœli terræque systema Hebr. I. 2. quæ ultima acceptio hujus loci est.

2. Forma consummationis seculi non consistet in nudâ qualitatum immutatione; sed in totali substantiæ abolitione.

3. Instrumentum, per quod interitus creaturis accersetur, erit ignis: qui tamen non aget secundum naturam suam; sed supra eandem. Deus enim rem naturalem, ad producendos effectus supernaturales, evehere potest, ut videre est in miraculis.

4 Ab interitu excipiuntur Angeli & Homines, qui ipsi non abolebuntur; quamvis circa eos aliquid abolendum sit. Nam Angeli boni desinent custodire homines & Angeli mali desinent seducere homines. Homines pii desinent vexari à Diabolo, mundo & propriâ carne; impii autem desinent omninò lætari &c. Cessabunt Oeconomix, Politix & particulares Ecclesiæ.

5 Ceterum in hac Thesi duntaxat propugnamus sententiæ veritatem; nequaquam verò credendi necessitatem. Articulus fidei est; sed non fundamentalis.

6 Qui igitur, cum Patribus quibusdam, opinionem diversam amplexus fuerit & mundum solummodò renovatum iri censuerit, falsitatis quidem reus erit; non tamen hæreseos.

7. Quod ad dicta Scripturæ attinet, quibus Antagonistæ nostri abutuntur, eorum dissolutioni sequentes aphorismi inservient (1) Pl. CIV. 5. CXLIX 6. Eccl. I. 4. III. 14. עולם *Seculū* non semper notat strictè sic dictam æternitatem; sed quandoq; longi temporis diuturnitatem, uti Exod. XXI. 6. I. Sam. XXVII. 12. (2) Esa. XXX. 26. literaliter agitur de felicitate Israëlitarum post devictos Assyrios, quæ per splendorem solis & lunæ describitur; sicuti infelicitas adumbratur mentione factâ tenebrarum Esa. XIII. 10. Jer. IV. 23. (3) Act. III. 21. quando dies iudicii vocatur *dies restitutionis omnium*; hæc verba non intelligenda sunt absolutè; sed restrictè, videlicet de omnibus, quorum restitutionem promisit Deus. Sic restituentur corpora è pulvere, homines primævæ

primævæ felicitati. &c. (4) 1. Cor. VII. 31. figura mundi, quæ præterire memoratur, Naturæ mundi non opponenda est; sed subordinanda (5) Rom. II X. 19. seqq. Apostolus loquitur de creaturis ratione carentibus, *quæ vanitati subjectæ sunt*, propter abusum hominum: Tolerant autem hanc subjectionem *non volentes* h. e. præter inclinationem naturalem atque interim (per prosopopœiam) *sperant liberari* (εἰς ἐλευθερίαν, pro ἐν ἰλευθερίᾳ) *in libertate filiorum Dei* (particulæ enim εἰ & ἐν, in simili constructione, permutantur Math. II. 23. Marc. I. 9.) Sensus igitur est: Filiis Dei liberatis, per gloriosam salvationem; etiam creaturas irracionales liberatum iri, per sui destructionem: quippe quarum naturali inclinationi convenientius est non esse, quàm contra voluntatem conditoris, ad peccatum homini inservire. Sic communiter locus hic exponi solet. Ex recentioribus Commentatoribus Lic. Tilemanno Rivino in *Vesper-Stunden* Dom 4. p. Trin. p. 85. seqq. *Creatura vanitati subjectæ*, sunt gentiles, ex Marc. XVI. 15. coll. Math. XXII X. 19. Hos enim Deus in pœnam vanitati subjecit Rom. I. 24. sed tamen in spem liberationis Hof. I. 1. quâ appropinquante, cum vanitatem agnoscerent & detestarentur, cœperunt id, quod antea volebant, nolle & anxie anhelare ad communionem salutis cum filiis Dei.

8. Sic etiam quæ Lutherus dixit καὶ συνκαταβασιν, infirmiorum captui se, accommodando; malè urgentur, quasi ab eo dicta sint καὶ θέσιν, ex mente & sententiâ propriâ. Qualia sunt, quæ in colloquiis mensalibus, & in Epistolâ ad Filium, de animalibus alterius vitæ, adferuntur.

βεβαίωσις. Probamus 1. ex Pl. CII. 26. 27. 28. Quia de cœlo & terrâ perhibetur (1) *quod pereant* p. 27. i. e. omnino esse desinant, ut Matth. XXIV. 35. (2) *quod veterascant* v. 27. (3) *quod ut vestimentum mutantur* v. 27. At vestis

tandem, ita ut vestis non amplius dici queat, corrumpitur (4) quod sic desinant, quemadmodum cœperunt esse. v. 26. 27. Jam verò cœperunt esse ex nihilo: Unde sequitur, quod & desinant in nihilum (5) quod ratione permanentiæ opponantur Deo, *cujus anni non consummentur*, v. 27. 28. Ex quo concludimus, annos creaturarum istarum consumptum iri: oppositorum enim opposita sunt prædicata.

II ex 2. Pet. III. 10. Quia prædicatur, quod debeant (1) *cæli transire cum strepitu & fragore*. Conf. Apoc. XXI. 1. (2) *elementa*, seu prima rerum principia, *astuantia solvi solvere* (λύσειν) verò hic est destruere, ut Joh. II. 19. 1. Ioh. III. 8. (3) *terra & quæcunque in eâ sunt comburi*. Ex adverso autem ab interitu isto excipiuntur (1) angeli, utpote cum quibus Dominus in *die suo* veniet. Vid. 2. Theff. I. 7. (2) homines, utpote quorum in gratiam hæc scribuntur, ut se præparent: vid. Luc. XXI. 36.

Αντίθεσις. est 1. Scholasticorum plerorumque inter Pontificios, qui consummationem seculi, solâ qualitatum mutatione absolum iri, tradunt.

2. ex Reformatis eorum, qui destructis reliquis creaturis, cœlum Empyreum conservatum iri opinantur. Sic Timplerus in Phyl. Keckermannus in cursu Philos. Disp. 20. qu. 11. & Maresius contra Tirinum. &c.

3. Weigelii & Affectarum, qui similiter ut Scholastici, non nisi accidentalem creaturarum mutationem admittunt.

4. Peterfeniæ ex Pietistis, cujus nugæ repetuntur in Supplem. Synops. art. 34. th. 7.

Thesis II. *Falluntur, qui Christum visibiliter reversurum, & ante judicium universale, cum sanctis, partim adhuc viventibus, partim è morte resuscitatis, per mille annos, in terris regnaturum esse opinantur.*

Εκθεσις.

"Εκθεσις. 1. Adversarii distinguunt inter Resurrectionem universalem & particularem, Illam & nos agnoscimus; hanc verò, quatenus ut futura concipitur, impugnamus.

2. Regnum Christi in terris, ante universale judicium, credimus; quippe in regno potentiae & gratiae viventes: At contra regnum Christi novum, per visibilem ejus reditum, aut majestaticam potentiae manifestationem, posthac in terrâ erigendum, & per mille annos continuandum, disputamus.

3. In alterâ petitione Orationis Dominicae, intelligitur regnum praesentis gratiae & futurae gloriae; non autem regnum temporariae cujusdam felicitatis.

4. Vita aeterna saepe describitur verbis vitae praesentis: ubi Metaphoram subesse certum est, ut Marc. XIV. 25. Luc. XXII. 29.

5. Pro solvendis aliis adversariorum objectionibus, observentur sequentes regulæ Hermeneuticae, à solidissimo Theologo, D. Augusto Pfeiffero, cum quo inde ab Academicis annis, ad beatam usque illius ἀνάλυσιν, intemerata mihi amicitia, nec dispar erga veritatis hostes odium intercessit, in Antichiliasmo ipsius congestæ (1) Sensus Scripturae non est inferendus, sed inde efferendus. (2) Oratio tropica non est ad litteram accipienda. (3) Quæ sub conditione dicuntur, non sunt absolute intelligenda. (4) Distingvenda sunt tempora & concordabit Scriptura. (5) Typus non est confundendus cum Antitypo. (6) Quæ ex pravâ hypothese aliorum relative adducuntur, non sunt capienda, ceu normative vera. Exempla applicationis, quoad hasce regulas in eodem libro suggeruntur, examinatis Chiliastarum objectionibus. Ostenditur autem, quod Fanatici ad Scripturam provocantes, impingant in Regulam I. allegando Dan. II. 31. seq. praesertim 44. VII. 18. XII. 2. Matth. V. 5. Marc. X. 29. Act. 1. 6. 1. Cor. XV. 23. 24. Eph. V. 5. 1. Thess. IV. 16. 17. Apoc. V. 10.

V. 10. XIV. 1. XX. 1. 2: In Regulam II. allegando Pf. XCIII. 1. 1q. CX. 6. Ef. II. 2. LXV. 70. Matth. XXVI. 29. Luc. I. 32. 33. XXII. 29. 30. In Reg. IV. allegando Num. XX. 17. Pf. II. 8. 9. LXXII. 7. 1q. XXXVI. 9. Jer. XXV. 32. Joh. V. 25. X. 16. Hebr. IV. 8. 9. In Reg. V. allegando Ezech. XL. 1eq. In Reg. VI. allegando Matth. XX. 20.

6. Quid ad præcipuam Objectionem ex Apoc. XX. 1 — 6. respondendum sit, compendiosè ostendimus in Synopsi nostrâ Art. 35. qu. 2.

Βεβαίωσις exhibetur ibidem qu. 1.

Αντίθεσις est Chiliastarum seu Millenariorum: inter antiquos chorum duxit Papias, qui ut Eusebius tradit L. 3. H. E. c. 39. in hanc opinionem incidit, *ex malè intellectis Apostolorum narrationibus*. Recentium, qui nostrâ ætate delirarunt, nomina & scripta allegavimus in Piet. Sect. Art. II. itemque in Supplem. Synops. Art. 35, Th. 1. ad lit. ε. His Quackeros annumerandos esse, demonstravimus in Quackerismo confutato Art. 4. Hypoth. n. 17. p. 377.

Thesis III. *Ante extremum judicium, homines mortui omnes resuscitabuntur, ita quidem, ut corpora ratione substantia cum pristinis, quæ olim deposita fuerunt, planè eadem, animabus reduniri, atque hoc modo resurgere debeant*

Εκθεσις 1. Vocabulum Resurrectionis nunc propriè accipitur, non impropriè. Sic enim Tropus subest, & quidem vel Metonymia, e. gr. quando Christus dicitur *Resurrectio nostra* Joh. XI. 25. vel Metaphora, e. gr. quando *Resurrectio* significat liberationem ex calamitatibus Pf. IX. 14. vel resipiscientiam à peccato. Rom. VI. 6. 1eq. Eph. V. 14. Col. II. 12. III. 1. quæ resipiscencia Apoc. XX. 6. vocatur *prima Resurre-*

Resurrectio, secunda morti i. e. æternæ damnationi, locum non factura.

2. Concedimus, justos esse resurrecturos Luc. XIV. 14. sed negamus tantum justos esse resurrecturos. Unius enim positio, non est alterius exclusio.

3. Similiter quando *multi* perhibentur resurrecturi, Dan. XII. 2. vox *Multi* non accipitur exclusivè; sed inclusivè. Seu ut clarius nos expediamus: Multi non opponuntur omnibus; sed iidem sunt cum omnibus. Nam & ubi omnes sunt, ibi multitudo est. Hinc Multi illi qui resurgent, in eodem versiculo distinguuntur in duos ordines, eorum videlicet, qui ad gloriam, & eorum, qui ad opprobrium resurgent: Ad duos verò ordines hosce, homines sine exceptione omnes referuntur.

4. Cum homines resurrecturos esse dicimus, eosdem spectamus ut Subjectum QVOD Resurrectionis. Alioqui enim Subjectum QVO est solum corpus: quia anima, ut immortalis, Resurrectione opus non habet.

5. Resurget totus Homo, qui mortuus fuit; sed non totum hominis: Sive quod idem est: Resurget homo; sed quæ corpus.

6. Loco corporis, in Symbolo Apostolico substituitur Caro, quæ per Synechdochen partis, integrum corpus notat, ne ossibus quidem exceptis, quæ alibi à carne distinguuntur, Luc. XXIV. 39. Inde Lutherus monuit, rectius dici *Auf-
erstehung des Leibes oder Leichnams* / quàm *des Flei-
sches*. Addit autem; *Doch liegt nicht grosse Macht an / so
man nur die Worte recht versteht.*

7. Quod verò attinet ad locum Manichæis familiarem 1. Cor. V. 5. non quæritur, an *Spiritus salvetur in extremo die* & id enim concedimus: sed an *solus Spiritus salvetur in extremo die*? id quod negamus.

8. Corpora hominum resurgentium, non specie duntaxat eadem erunt cum illis, quæ nunc sunt; verum etiam numero: quemad-

quemadmodum vestis eadem numero est, quæ dissuitur & rursus confuitur.

9. Non potest resuscitatio Substantiæ, quæ eadem dicitur, propter identitatem materiæ ex quâ, comparari cum resuscitatione Entis per accidens, quod idem dicitur, propter identitatem formæ externæ. Unde ineptè obijcitur illud, quod Sigillum ceræ impressum, deinde confusum & denuò impressum, non possit dici idem numero; atque adeo nec homo, cujus corpus destruitur & restituitur. Nam sigilli confusi forma prorsus annihilatur: at hominis destructi materia, tantum dissolvitur. Si igitur forma denuò ceræ imprimatur, ea nova est & à priori, utpote quæ annihilata est, omnino diversa: At materia corporis pristina est, quæ animæ in Resurrectione restituitur.

10. Instant adversarii: Quod Generatio & Reparatio diversi sint termini, quâ substantiam: Resp. Si per substantiam abusivè intelligatur essentia generationis & reparationis in se considerata, concedi: Sic enim generatio non est reparatio, & vice versâ. Si verò substantia propriè accipiat, pro subjecto generationis & reparationis, negari: Potest enim idem numero Subjectum, manente eadem materiâ, primò generari, deinde destrui & tandem reparari; quod in bombycibus videre est.

11. Distingvimus tamen inter corporum essentiam & accidentia. Eadem erunt corpora; sed non eadem corporum qualitates. Homines enim immutabuntur 1. Cor. XV. 37. 52. eruntque *ἰσόγγελοι* Matth. XXII. 13. non per essentiam naturæ; sed per convenientiam beatitudinis & gloriæ. Propter hanc immutationem, Paulus corpora resuscitatorum vocat *Spiritalia*, in oppositione ad corpora. *Naturalia* 1. Cor. XV. 44.

12. Inde etiam, quæ de corpore & partibus corporis dicuntur secundum quid, nempe quatenus juxta adjunctam pravi-

pravitatem & corruptibilitatem spectantur; non debent extendi ad corpus & partes corporis simpliciter, e. gr. 1. Cor. XV. 50. *Caro & sanguis non possidebunt regnum Dei.*

13. Deus legitur *ventrem destruere* 1. Cor. VI. 13. Ast idem quoque legitur hominem totum, & consequenter etiam ventrem, resuscitare ac reparare. Utrumque igitur admitendum est.

14. Quod ad partes corporis attinet, etsi in alterâ vitâ non habituræ sint eundem usum, quem habuerunt antea; nihilofecius habebunt aliquem usum, nempe ut ceu partes constituent totum & mercedem reportent actionum, in quibus arma justitiæ fuerunt.

15. In locis Scripturæ Job. XIV. 12. & Es. XXVI. 14. non negatur resurrectio absolutè; sed restrictè. Jobus enim seipsum exponit, quando verbis illis: *Homo cum dormierit, non resurget*: statim subjicit: *donec atteratur cælum*: quo ipso non impugnatur Resurrectio; sed tantum differtur. Esaias autem inquit: *Gigantes non resurgent*: loquitur de Resurrectione ad vitam æternam. Conf. 2. Macc. VII. 14.

16. At Ps. I. 5. in verbis illis: *Non resurgent impii in iudicio*: haudquaquam agitur de Resurrectione ex sepulchro; sed tantum de Resurrectione ex calamitatibus ac pœnis.

ΒΕΒΑΙΩΜΕΝ. Probamus I. *Quod Resurrectio mortuorum certò futura sit* (1) ex 1. Cor. XV. ubi Paulus de hoc fidei articulo ex professò agit. Demonstrat verò eum sequenti inprimis argumento, quia Christus resurrexit v. 13. seqq. At membrorum & capitis h. e. Christianorum & Christi eadem est ratio v. 23. In eodem capite, illi qui impossibilitatem obvertebant, *stultitiæ* arguuntur & convincuntur, v. 35. seqq. (2) ex disputatione Christi, cum Sadducæis habitâ Matth. XXII. 23. seqq. Add. Luc. XX. 37. 38. (3) ex aliis Scripturæ dictis Esa. XXVI. 19. 1. Cor. VI. 14. 1. Thess. IV. 14.

II. *Quod mortui omnino omnes resurrecturi sint*, (1) ex I. Cor. XV. 42. Quia *quicquid seminatur corruptibile, surget incorruptibile*. Subsumimus: Omne corpus mortuum. Ergo. (2) ex Act. XXIV. 15. & Dan. XII. 2. Quia Resurrectio erit *justorum & injustorum*: quorum illi salvabuntur; & hi damnabuntur. In has verò classes, quotquot mortui sunt, adæquatè distinguuntur, (3) ex aliis Scripturæ dictis Joh. V. 28. Matth. XXV. 31 II. Cor. V. 30.

III. *Quod corpora ratione Substantia, cum illis, quæ olim deposita fuerunt, eadem resurrectione sint* I. Ex. I. Cor. XV. 53. ubi urgemus (1) articulum demonstrativum (τὸτο) HOC, qui bis in eodem versu repetitur. Apostolus enim Resurrectionem adstringit ad *corruptibile HOC & mortale HOC*, quod tunc præsens erat. (2) prædicatum, quod de hoc corruptibili & mortali corpore enunciat. Legitur enim ἐνδύσασθαι *induere incorruptionem & immortalitatem*. Quicquid verò induit, seu per modum vestimenti, recipit aliud, illud reverà adest, quando induit alterum; cum accidentia nequeant esse sine subjecto suo. (3) verbum certissimæ affirmationis (δὲ) OPORTET. Cum enim Apostolus in antecedentibus de Resurrectione egisset, jam concludit, *oportere* hoc corruptibile & mortale corpus induere incorruptionem & immortalitatem. Nam si id non fieret, nulla foret Resurrectio: quia nihil nisi quod antea cecidit, resurgere potest.

2. ex Jobi XIX. 23. seqq. Sunt qui insignem huncce locum de restitutione pristinae felicitatis, in hac vitâ obtinendâ interpretantur, contra quos prolixè egit Gerhardus in *Loco de Resurrectione* §. 9. Argumentis ergo ejus nixi, præsupponimus, de Resurrectione corporis agi, atque hinc ulterius pro thesi nostrâ urgemus illa: (1) *Novi Redemptorem meum vivum & novissimè, super pulvere staturum* v. 25. nempe super pulvere, in quem corpus, ex justo Dei judicio convertendum est.

est Gen. III. 19. Super hoc virtute suâ stabit Redemptor Christus, cum in extremo die omnes resuscitabit Joh. VI. 40. (2) *Et postquam pellem meam contriverint hanc, de carne meâ videbo Deum* v. 26. Contritio pellis est à corruptione & vermibus Job. XVII. 14. quâ tamen non obstante, sperat vir Dei, se in carne suâ, cujus pellis conteretur, visurum esse Deum. (3) *Quem ego visurus sum, & oculi mei videbunt & non alienus* v. 27. Rursus de se, qui tunc erat, & de oculis, quos tunc habebat, loquitur, indicans, post Resurrectionem se & oculos suos præstid futuros. Addit (וְלֹא־אֲנִי) *Et non alienus*: quo ipso se ab eo, qui tunc non erat, distinguit: Si autem aliud corpus resurgeret, quàm quod tunc Jobus habebat, sequeretur loco Jobi, alienum à Jobo resurrecturum, Deumque visurum esse.

3. ex Dan. XII. 2. & Joh. V. 28. 29. ubi Resurrectio adscribitur ei, quod *in pulvere dormit, & in monumentis jacet.*

Αὐτῶν ἐστι 1. Empæctarum, qui Articulum de Resurrectione mortuorum, tanquam mentis humanæ somnium, irrident. Vid. 1. Cor. XV. 12.

2. Judæorum, qui universalitatem Resurrectionis negant. His accedebat Weigelius scribens, *corpora damnatorum, cum mundo interitura esse.*

3. Socinianorum, Anabaptistarum aliorumq; Fanaticorum, qui in novis à Deo creatis corporibus, nos resurrecturos esse, fingunt.

Thesis IV. *Christus gloriose venturus, juxta ipsam quoque humanam naturam, super omnes homines diabolosque exactissimum judicium exercebit.*

Ἐκδοσις 1. Uti tota S. S. Trinitas causa efficiens judicii extremi, tanquam operis ad extra est, quoad decretum, consensum & auctoritatem Gen. XII. 21. Deut. XXXII. 36.

PF. IX 8. Hebr. XII 23; ita istud specialiter Filio tribuitur quoad exercitium, promulgationem & executionem latæ sententiæ: Sic enim Pater, negatur judicare quenquam Joh. V. 22.

2. Utraque autem natura Christi, Filii Dei, concurret in faciendo iudicio & quidem non subordinatis; sed coordinatis operationibus.

3. Divina enim natura non aget per humanam, ceu per instrumentum; multoque minus adducet humanam naturam, ut otiosè triumphum aspiciat; sed aget cum humanâ naturâ, quæ idiomatibus communicatis, nempe omnipotentia, omniscientiâ, omnipræsentiâ &c. plenissimè, propter sessionem ad dextram Dei, utetur.

4. Notandum tamen, quòd cum Christus legitur, *habere potestatem iudicium facienti* (ὅτι υἱὸς ἀνθρώπου ἐστὶ) QUATENUS FILIUS HOMINIS EST Joh. V. 27. in isto dicto Tò QUATENUS non sumatur reduplicativè; sed specificativè. Unde cadit Adversariorum cavillatio: Si Christus quatenus Homo accepit potestatem iudicandi, sequitur omnem Hominem accepisse illam potestatem: Atqui falsum est consequens: E. & antecedens. Negatur enim connexio: Nam à Quatenus reduplicativo ad de Omni valet consequentiâ: non autem à Quatenus specificativo.

5. Cum venturus dicitur Christus ad iudicium, respicitur ad πᾶ unde venturus sit; nempe ad Cælum: quod etiam in Symbolo Apostolico, per particulam INDE, cum Ascensione ad cœlos conjungendam, indicatur.

6. Neque tamen Christus quando venturus est, proptereâ desinet esse alibi invisibiliter & quoad essentiam; licet in certo tantum πᾶ futurus sit visibiliter & quoad revelationis œconomiam. Vid. Art. 3. de Filio Dei Th. 6. p. 123.

7. Cavendum quoque, ne adventus Christi primus, ubi *notebat judicare quenquam* Joh. IIX. 15. XII. 47. confundatur

datur cum adventu ejus secundo, qui propterea instituetur, ut judicet alios.

8. Objectum judicii erunt omnes homines, partim è morte resuscitati, partim quadam morti ac resurrectioni analogâ ratione immutati 1. Cor. XV. 51. 52. 53. non quoad substantiam; sed quoad accidentia: Nam exutâ corruptibilitate & mortalitate, induent incorruptibilitatem & immortalitatem; id quod in eis locum mortis ac resurrectionis supplebit.

9. Ipsi etiam pii, expectant judicium discussionis; quamvis negentur venire in judicium condemnationis, Joh. III. 18. V. 24.

10. Impii autem, tametsi jam reportaverint judicium internum propriæ conscientiæ Joh. III. 18. nihilominus accedere cogentur, ad judicium externum, divinæ sententiæ.

11. Judicium istud extremum erit exactissimum; quia exactissimè conveniet cum normâ, juxta quam exercebitur: nimirum non cum absoluto aliquo Dei decreto; sed cum verbo in Scripturis revelato.

12. Pii enim judicabuntur juxta Evangelium strictè sic dictum, quatenus Legi opponitur. Gal. III. 9. Matth. XXV. 34.

13. Impii verò judicabuntur juxta Legem Gal. III. 10. 1. Cor. VI. 9. 10. non tamen solam & per se spectatam; sed Evangelio collustratam, ita ut infidelitatem tanquam matrem omnium peccatorum præcipuè damnet Marc. XVI. 16.

14. Iplaque sententia Iudicis, in novissimo die, accurate loquendo non erit prorsus nova absolutio, aut damnatio; sed potius absolutionis aut damnationis, adhuc in terris à Ministerio verbi, juxta Legem aut Evangelium profectæ, solennior publicatio, promulgatio & confirmatio. Ioh. XII. 48.

15. Præter homines, judicabuntur quoque diaboli: quibus

bus *catena caliginis* nunc sunt ad custodiam; sed tunc erunt ad ineffabilem pœnam: nunc laxiores relinquuntur; tunc verò arctissimè constringentur, Conf. Matth. II X. 29.

Βεβαιώσις Probamus I. *Quod Judicium extremum certo futurum sit* (1) ex Act. XVII. 31. Quia Deus statuit diem, in quo judicaturus est orbem in justitiâ, per virum, quem designavit. (2) Ex locis Scripturæ aliis Ps. I X. 8. XCII X. 10. Eccl. XII. 14. Hebr. IX. 27. 28. Matth. XII. 40. sq.

II. *Quod Christus judicaturus sit, juxta ipsam quoque humanam naturam* 1. ex Act. XVII. 31. Nam (1) Iudex appellatur *vir*: quâ descriptione ad humanam ejus naturam respicitur (2) dicitur *definitus esse* ad judicandum, scilicet *per traditam sibi potestatem* Ioh. V. 22. 27. Quæ autem Christo tradita sunt in tempore, juxta humanam naturam tradita intelliguntur (3) ut iudex, distinguitur ab eo, qui statuit per iudicem judicare. Cum igitur divina Christi natura, cum Patre & Spiritu S. statuerit per iudicem judicare: necesse est, nunc ad humanam ejus naturam respici, per quam, ex statuto divino, judicandum erat.

2. ex Ioh. V. 22. 27. Matth. XVI. 27. XXIV. 30. Dan. VII. 13. sq.

III. *Quod judicio extremo omnes omnino homines sistendi sint.* 1. ex Act. XVII. 31. Quia Deus statuit judicare (ὁρίζμενον) *habitata* i. e. terram, quæ non solum tunc habitabatur, sed unquam ante habitata fuerat, aut posthac habitanda erat. Terra autem habitata metonymicè pro hominibus inhabitantibus ponitur. Post horum Resurrectionem, judicium proximè sequetur. Conf. 2. Tim. IV. 1. Act. X. 42.

2. ex Matth. XXV. 31. 32. 34. 41. Quia coram tribunali Christi, leguntur (1) *congregende esse omnes gentes* (2) *distinguende in oves & hædos* (3) *absolvende aut damnande* Conf. 2. Cor. V. 10.

3. ex aliis Scripturæ dictis Ef. LXVI. 16. Rom. XIV. 10.

IV. *Quod diaboli aequè ac homines judicandi sint* (1) ex 2. Petr. II. 4. & Iudæ v 6. Quia diaboli *vinculis tenebrarum ad judicium reservantur* (2) ex Matth. II X. 29. Quia diaboli de Christo conquerebantur, quod *veniret* torquere eos, *ante tempus*: quo ipso agnoscebant imminere tempus, quo ex judiciali sententiâ meritò torquerentur.

ARTIS. Est I. Empæctarum, qui judicium extremum pro ludibrio habent.

II. Reformatorum, qui negant Christum quâ humanam naturam verè judicaturum esse.

III. Pontificiorum, qui numero judicandorum eximunt Mariam Deiparam, & consilia evangelica secutos, itemque parvulos.

Thesis V. Electorum quisque, in suo ratione graduum ordine, sanctis Angelis sociatus, vitam æternam consequetur.

EXΘΕΙΣ. I. Vita hominis duplex est, temporalis & æterna. Illa subdividitur in vitam naturæ, quæ piis & impiis communis est Gen. II. 7. & vitam gratiæ, quæ solis piis competit Gal. II. 19; Eph. IV. 18. Hæc vocatur vita gloriæ, de quâ nunc pluribus erit agendum.

2. Vita igitur æterna non significat nudam viventis existentiam; sed simul connotat felicissimam ejus conditionem.

3. Tamen verò Electos omnes expectet eadem vita æterna; non tamen omnes expectat idem gradus gloriæ, in vitâ æternâ.

4. Præmium essentielle commune erit omnibus; diversitas autem & inæqualitas occurret in præmiis accessoriis, nempe in dotibus quibusdam accidentalibus, imprimis claritate & splendore corporum.

5. Unusquisque equidem fulgebit ut Sol, absolutè loquendo Matth.

do Matth. XIII. 43; comparativè tamen alter fulgebit præ altero: sicuti Sol quoad nos nunc clariùs, nunc obscuriùs lucet.

6. Rem ex Scripturâ scimus; de modo autem, tacente Scripturâ, filere præstat, quàm incerta dicere. Undè quæ Pontificii de Laureolis suis adferunt, securè præterimus.

7. Hoc seriò observandum, quod inæqualitatis istius causæ non in meritis hominum propriè sic dictis; sed in gratuitâ Dei promissione & benignâ promissorum expletionè, quæri debeant.

8. Electi Angelis sociabuntur; non verò in Angelos mutabuntur: quia corporibus receptis, cælum gloriæ ingredientur.

BeSalwors. Probat. I. *Quod electi vitam æternam consecuturi sint.* 1. ex Dan. XII. 1. 2. Quia qui scripti sunt in libro, salvabuntur & evigilabunt ad vitam æternam.

2. ex Ioh. V. 24. Quia credentes (1) in condemnationem non veniunt. (2) à morte ad vitam transeunt (3) vitam æternam habent.

3. Ex aliis Scripturæ dictis Matth. XXV. 46. I. Ioh. II. 25. Rom. II. 29. 30.

II. *Quod in vitâ æternâ, distincti gloriæ gradus futuri sint.* 1. Ex Dan. XII. 3. Quia docentes & ad justitiam erudientes, præferentur cæteris in splendore.

2. ex 1. Cor. XV. 41. 42. Quia in resurrectione ita beati à se invicem different, quemadmodum alia claritas solis, alia lune, alia stellarum est & prouti stella à stellâ differt in claritate.

AvriDsons. est 1. Empæctarum, qui vitam æternam expectantes, pro parùm prudentibus habent.

2. Socinianorum & quorundam ex Reformatis, nempe Martyris, Cameronis &c. qui distinctos gloriæ gradus, in vitâ æternâ futuros esse, inficiantur.

3. Pietistarum, qui se in hoc mundo jam vitæ æternæ com-

compotes esse factos, gloriantur, de quibus evolvatur Supplementum Art. 34. th. 6. Didicerunt hoc, ut multa alia, à Quackeris, idem sentientibus. Conf. Quacker. Confut. Art. 29. Hypoth. 7. p. 575. item Art. 17. Hypoth. 14. p. 134.

Thesis VI. Homines reprobatī, unà cum diabolis, in infernum detrusi, æternis pœnis, quisq̃ in suo, ratione graduum, ordine, afficientur.

Ἡ ΘΕΩΣΙΣ 1. Nomine inferni, impræsentiarum non tam πᾶς damnatorum intelligitur; quàm status & misera conditio.

2. Pœnas infernales igne inferendas esse, passim Scriptura dicitur: quomoddò autem ignis infernalis differat à vulgari, prolixè exponit Gerhardus L. de Inferno §. 48. seq. & §. 68.

3. De qualitate & activitate istius ignis, nolumus cum Scholasticis altercari, memores istius, quod Augustinus monuit: *Melius est dubitare de occultis, quàm litigare de incertis.*

4. Reprobati omnes eidem generi pœnarum subjicientur; sed non eidem gradui.

5. Omnium erit æterna pœna: ita scilicet, ut æternitatis nomine indicetur, cum pœnarum continuitas, quod nullum habituræ sint intervallum; tum pœnarum perpetuitas, quod nullum habituræ sint finem.

6. Iis verò qui erga damnatos se justo molliores exhibent, opponantur sequentes Aphorismi: (1) Proportio pœnæ & culpæ, non in morâ temporis; sed in peccati qualitate & in Dei, qui peccatis offenditur, infinitate quærenda est. (2) Continuatio pœnarum, in hac vitâ irrogandarum, conditionata est; in alterâ autem vitâ inferendarum, absoluta. (3) Misericordia Dei magna est: sed objectum ejus non sunt vasa iræ; verùm vasa misericordiæ Rom. IX. 22. 23. (4) Quidam impii vapulabunt paucis; sed non pauxillo tempore.

Luc. XII. 48. (5) Deus vult omnium misereri Rom. XI. 32. non quoad actualem applicationem; sed quoad gratiosam oblationem.

7. Plura huc facientia petantur ex Synopsi. nostrâ Art. 34. qu. 3. in Resolutione Objectionum.

Βεβαίως. Probatur I. *quod homines reprobati in infernum detrudendi sint*, 1. ex Dan. XII. 1. 2. Quia qui non scripti sunt in libro, *evigilabunt ad aeternum opprobrium*.

2. ex 2. Thess. I. 6. 8. 9. Quia iis, qui *non noverunt Deum, nec Evangelio Christi obediunt*, imminet (1) *retributio*, juxta tenorem *justitiae divinae* v. 6. (2) *flamma ignis ultericis* v. 8. (3) *pœna exitii aeterni* v. 9. (4) *abjectio à facie Domini & à gloria virtutis ejus* v. 9.

3. ex aliis Scripturæ dictis Ps. XXXI. 18. Matth. II. 12. Luc. XVI. 23. sq. Apoc. XXI. 8.

II. *Quod in inferno distincti pœnarum gradus futuri sint*, (1) ex Matth. XI. 22. 24. Quia Christus *remisorem pœnam*, in extremo judicio infligendam, dicitur *Tyro, Sidoni & Sodomois*; quàm Judæis, à quibus præfens & tot miracula edens, nihilominus contemnebatur. (2) ex aliis Scripturæ dictis Matth. XXIII. 14. Luc. XII. 47. 48. Sap. VI. 7.

III. *quod pœnae infernales aeternam duratura sint*, ex Apoc. XIV. 11. Quia (1) *sumus cruciatuum infernalium ascendet (εις δίκηναι δίκηναι) in secula seculorum*; ex quo colligitur pœnarum perpetuitas; (2) *damnati negantur habere requiem die ac nocte*; ex quo evincitur pœnarum continuas. Similia repetuntur Apocal. XX. 10.

2. ex aliis argumentis, quæ Synopsis nostra suggerit Art. 34. qu. 3. posit. 3.

Αντίθετος est I. *Empæctarum*, qui comminationes infernalium tormentorum pro inanibus terculamentis habent. Vid. Job. XXI. 13. Eccl. XXII. 15.

2. Soci-

2. Socinianorum, qui pœnas damnatorum in omnimodâ eorum annihilatione consistere tradunt.

3. Origenistarum, qui damnatis spem misericordiæ olim faciebant. Ex eorum cineribus surrexerunt novi, ut vocatur, Evangelii præcones, Peterfenius cum uxore suâ, & quibusdam aliis nugivendulis, â quibus erronea opinio ex orco revocata est, de quâ vid. Supplement. Synops. Art. 34. th. 3.

III. VINDICATIO.

Accusamur,

I. Quod majores nostrî, ex hypocrisi & placendî studio, articulum hunc addiderint, utpote de quo nulla fuerit controversia. Sic Andreas Fabricius & Balthasar Hagerus. Resp. nostros graves habuisse causas, propter calumniâs adversariorum, qui eis apud externos affingebant, quod nec resurrectionem mortuorum, nec judicium extremum, nec infernum, aut vitam æternam crederent.

II. Quod nostra sententia sit, post Christi ascensionem, nullius hominis animæ aditum ad æternam vitam patere, usque ad futuram resurrectionem corporum. Sic iidem. Resp. injuriam nobis manifestam fieri: Qui enim asserunt resuscitatis æternam vitam datum iri, quoad totum hominis, quatenus hic animâ & corpore constat; non propterea inficiantur, ante resurrectionem vitam æternam datum iri, quoad partem hominis, nempe animam â corpore separatam.

III. Quod ab Aug. Conf. docente Christum rediturum esse ad judicium, discedamus, statuendo, omnipræsentiam Christi, quâ humanam naturam. Sic Episcopus à Collonitsch, in Antiaug. Conf. Resp. hæc non esse *avertum*. Nam & omnipræsens est Christus, quâ humanam naturam invisibiliter, & redibit ad judicium visibiliter. Unde etiam Aug. Conf. reditum istum describit, per *apparitionem Christi*; in quo se-

quitur Apostolum 1. Tim. VI. 14. 2. Tim. IV. 1. Tit. II. 13. 2. Theff. I 7. Col. III. 3. Plura videantur in D. Alberti Refutatione Confess. Antiaugust. P. 2. c. 3. Qu. 16. p. 203. sq.

ARTICULUS XIIIX.

DE

LIBERO ARBITRIO.

I. EXPLICATIO.

IN Confessione variatâ Melanchtoni manifesta Synergismi semina sparsit. Nam (1) postquam genuinam Confessionem retinuerat, usque ad illa: *Justitia spiritualis*: pergit: *Quia Paulus dicit: Animalis homo non percipit ea, quæ sunt Spiritus Dei: Et Christus dicit: Sine me nihil potestis facere. Efficitur autem spiritualis justitia in nobis, CUM ADJUVAMUR A SPIRITU S.* Porro Spiritum S. concipimus, cum verbo Dei assentimur, ut nos fide in terroribus consolemur: sicut Paulus docet, cum ait: ut promissionem Spiritus accipiat per fidem. Hæc totidem verbis dicit Augustinus L. 3. Hypognost. Esse fatemur &c. (2) verbis Augustini usque ad illa: *velle homicidium &c.* retentis, sequentia subnectit: *Hæc Augustini sententia, præclare docet, quid libero arbitrio tribuendum sit & discretè discernit, civilem disciplinam seu exercitia rationis humanæ, à spiritualibus motibus, vero timore, patientiâ, constantiâ, fide, invocatione, in asperis tentationibus, inter insidias diaboli, in terroribus peccati: In his certè opus est, REGI NOS ET JUVARI à Spiritu S. sicut Paulus ait: Spiritus adjuvat infirmitatem nostram.* (3) pro illis *Damnant Pelagianos & alios*: ponit: *Damnant Pelagianos & similes*: ut Synergistæ, tanquam alii à Pelagianis, & quidem dissimiles, exciperentur, (4) ultimis verbis, in Confessione invariata affuitur illud: *NISI SPIRITUS*

*TUS S. GUBERNET ET ADIUVET CORDA NO-
STRA.* Et tamen in hoc loco etiam illud docemus, Dei man-
datum esse, ut etiam carnales coërceantur, diligentia rationis
& illâ civili disciplinâ: sicut Paulus inquit: Lex est Pædago-
gus in Christum: Item: Lex est injustis posita. Similiter in Ger-
manicâ Confessione, cum invariatur Exemplar habeat: So sa-
gen wir doch / daß der freye Wille und Vernunft in
göttlichen Sachen nichts vermag: variatur unius voculæ
adjectione, Synergismus patrocinatur, ponens: So sagen wir
doch / daß der freye Wille / in geistlichen Sachen AL-
LEIN nichts vermag.

Cæterum in Confessione genuinâ p. 21. 22. (14. 15.)
proceditur

I. ΘΕΣΙΣ,

1. verbis propriis, ubi homo

1. statuitur habere libertatem in rebus inferioris or-
dinis. *De libero arbitrio*——*rationi subiectas.*

2. negatur habere libertatem in rebus superioris or-
dinis. *Sed non habet vim*——*Spiritus S. concipitur.*

2. verbis alienis, ex autore Hypognosticon, quem olim
Augustinum esse crediderunt, petitis: *Hac totidem
verbis*——*velle homicidium.*

II. ΑΝΤΙΘΕΣΙΣ

1. per rejectionem heterodoxæ sententiæ: *Damnans
Pelagianos*——*quoad Substantiam actuum.*

2. per oppositionem orthodoxæ sententiæ: *Quamquam
enim externa*——*castitatem, patientiam &c.*

IN APOLOGIA p. 345. (217.) seq.

1. Repetitur ex auditis,

1. quod Adversarii probarint hunc articulum. *Articu-
lum XLIX recipiant Adversarii de L. A.*

a b

B b b 3

2. quod

a b

2. quod testimonia quædam incongrua adjecerint. *Etsi quædam addunt testimonia, parum apta ad eam causam.*
3. quod cum Pelagianismo Manichæismum cavere jusserint. *Addunt & declarationem—cum Manichæis.*

II. Docetur ulterius,

1. quod Pelagianiâ Pontificiis parum dissent. *Praclare sanè, sed quid interest—de Justificatione recitavimus.*
2. quod nos voluntati non adimamus libertatem in rebus rationi subjectis. *Neque verò adimimus—efficit sine Spiritu S.*
3. quod libertas in bonis, quæ rationi subjiciuntur, admodum hebetata sit. *Quamquam tanta est vis—videntur eam expetivisse.*
4. quod operibus extra gratiam factis, ab Adversariis nimium tribuatur. *Illud autem falsum est—impossibile est placere Deo.*
5. quod L. A. in spiritualibus nihil possit. *Igitur etiam si concedimus—consolationem concipiunt.*
6. quod distinctio objectorum in doctrinâ de L. A. multum profit. *Prodest igitur ista distributio—ad quid opus sit Spiritu S.*
7. quod eandem distinctionem Scriptura & saniores Doctores probent. *Neq. hac distributio—respectus meritarii.*

II. DEMONSTRATIO.

Thesis I. *Homo irrogenitus, post lapsum, habet aliquam, etsi debilem libertatem, ad bonum inferioris ordinis, quod rationi subjectum est; nullam verò prorsus ad bonum superioris ordinis, sive in spiritualibus: Hoc enim respectu, arbitrium ejus non liberum, sed servum dici haberiq. debet.*

EX DEOTIS.

Exθεσις I. Arbitrium, juxta considerationem generalem simul ad intellectum & voluntatem refertur; at juxta considerationem specialem & magis propriam, soli voluntati vendicatur. Tamen enim intellectus concurrat antecedenter & præparatoriè, per cognitionem & deliberationem; cum ignoti nulla alioqui cupido sit: formaliter tamen & constitutivè Arbitrium solâ electione, quæ voluntatis actus est, absolvitur.

2. Ex Theſi quodammodò patet, quod in controversiis præſentibus diſtinguamus, inter Hominem, quatenus hujus aut alterius vitæ civis est: & quâ hanc vitam, inter hominem, prouti conſideratur ante lapſum & poſt lapſum: denique poſt lapſum, inter hominem, quatenus irrogenitus & regenitus eſt. Nonnulli eadem h. m. efferunt: Homo conſideratur quadriſariam, ſcilicet in naturâ inſtitutâ, deſtitutâ, reſtitui cœptâ & plenè reſtitutâ. Neque alio tendit Auguſtinus, cum hominem expendit, qualis eſt ante legem, ſub lege, ſub gratiâ & in pace. Vid, Form. Concord. p. 818 926. (578.654.)

3. Non minori cautione opus eſt, in diſtinctione objectorum, circa quæ arbitrium hominis verſatur. Ea enim aut inferioris, aut ſuperioris ordinis ſunt.

4. Inferioris ordinis cenſentur (1) actiones naturales ſtrictè ſic dictæ v. gr. edere, bibere, ambulare, videre, audire &c. (2) actiones merè morales, partim Ethicæ v. gr. inebriari & abſtinere ab ebrietate, irasci & temperare iram &c. partim Politicæ v. gr. gerere Magiſtratum & abdicare ſe Magiſtrato, punire ſontes & impunè eos dimittere &c. partim Oeconomica, v. gr. domui præeſſe, liberos educare, vel negligere &c. (3) actiones ſacræ pædagogicæ, quæ ſunt abſque motu ſpirituali v. gr. ſolius curioſitatis gratiâ adire templum, audire concionem, legere Biblia &c. (4) actiones artificiales v. gr. ædificare, ſculpere, pingere &c.

5. Supe-

5. Superioris ordinis censentur spiritualia, nempe (1) actiones sacræ pædagogicæ, quæ sunt cum motu spirituali, e. gr. ex desiderio informationis adire templum, animo proficiendi in viâ salutis legere vel audire verbum Dei &c. (2) actiones sacræ apoteleumaticæ e. gr. Deum, prouti se in Scripturâ revelavit, cognoscere; de peccatis dolere, in Christum credere; secundum Spiritum vivere &c. ac quæ his sunt oppositæ.

6. Nunc ad Libertatem progredimur, à quâ Arbitrium denominatur liberum, ut hujus quoque vocabuli homonymiam discutiamus. Datur ergo Libertas à coactione, ab immutabilitate, ab obligatione, à dominio peccati & à miseriâ.

7. Libertas à coactione, quæ etiam libertas naturæ vocatur, & violentiæ externæ opponitur, voluntati ita naturalis & essentialis est, ut homini post lapsum remanserit; quippe qui *non voluntate, sed voluntatis sanitate privatus est*, prouti loquitur Prosper L. 1. de Vocat. Gent. c. 3. A tali libertate Deus dicitur ἀνθεκτός & ἀντεξέτος; Homo autem ἐκτός, i. e. sponte agens, h. e. absque violentiâ. Nam voluntas ejus, ad minimum quoad actus elicitos, cogi nequit; etsi aliquando cogatur, quoad actus imperatos: qui potius volentis; quàm voluntatis sunt. Et de ejusmodi libertate, pleraque Patrum dicta intelligenda sunt, qui homini sibi relicto plus tribuere videntur, quàm tribuendum est.

8. Libertas ab immutabilitate, quæ etiam libertas à necessitate vocatur & internæ determinationi ad alterum oppositorum, contradistingvitur, præcipuè nunc locum obtinet. Sic autem Homini irrogenito, post lapsum, libertatem arbitrii ad bonum superioris ordinis denegamus, quandoquidem ei necesse est peccare: non culpâ Dei; sed vitio naturæ corruptæ & tantum ad malum propensæ.

9. Porro Libertas ab immutabilitate duplex esse perhibetur, nempe contrarietatis, seu specificationis; & contradictionis, seu exercitii. Illa describitur, quod sit indifferentia ad plures actus specie diversos v. gr. ad bonum & malum in genere, aut ad hoc vel illud bonum in specie: Hæc describitur, quod sit indifferentia ad terminos contradictorios, circa obiectum jam electum v. gr. ad velle & nolle, ad agere & non agere: ubi denuò hominem irrogenitum circa bonum superioris ordinis, omni libertate carere statuimus.

RESPON
ADAM.
Arguer/
Gedan.

10. Libertas ab obligatione, seu à jure, opponitur normæ agendi, videlicet Legi, atque in solum Deum cadit; quandoquidem & homines & angeli lege Dei tenentur.

11. Libertas à dominio peccati, seu libertas gratiæ, opponitur servituti peccatorum regnantium, atque Regenitis in hac vitâ competit.

12. Libertas à miseriâ, seu libertas gloriæ, opponitur oneri cuicunque peccati, tam originalis, quàm actualis, etiam non regnantis, itemq; calamitatum omnium: qualis demum beatis in alterâ vitâ continget.

13. His præmissis, jam diversas actionum classes accuratius examinabimus. Initium verò facturi ab actionibus inferioris ordinis, dispiciendum est, utrum illæ tendant ad bonum, an ad malum? Quoad has, libertas adhuc plena est; quoad illas, admodum debilis. Nam frequentissimè in proposito, consilia mentis exorbitant, vel in executione voluntas, ob impedimenta multiplicia, intentione suâ excidit: quo respectu Arbitrium ab Augustino vocatur *claudicans & vulneratum*. Vid. Mentzer. Exeg. h. l. p. 603.

14. Similiter & actiones superioris ordinis, aut ad bonum, aut ad malum vergunt. Ad malum arbitrio irrogenitorum, æquè ac regenitorum, concedimus libertatem Prov. I. 24. Matth. XXIII. 37. Act. VII. 51. Hebr. X. 26. Ad bonum

verò irrogenitis omnem libertatem denegamus: quippe quorum vires non tantum attenuatæ; sed omnino amissæ & extinctæ sunt: ut adeo Spiritus S. in regeneratione eas non modò suscitet & augeat; sed penitus de novo producat, juxta illud Augustini de Corrupt. & Gratiâ c. 14. *Deus trahit homines suis ipsorum voluntatibus, sed quas ipse operatus est.*

15. Defectus ille virium ad bonum, non dependet ex subordinatione causæ secundæ ad primam; sed ex originali corruptione in causâ secundâ, quæ à parentibus, per carnalem generationem, in posteros propagatur.

16. Non tamen ex istâ corruptione fluit necessitas peccandi specialis; sed duntaxat generalis. Proinde Irrogenitus non necessario est fur, homicida &c. quamvis necessario sit peccator.

17. Discernendæ etiam sunt quæstiones: an irrogenitus habeat libertatem, ad averfandum bonum spirituale? & an habeat libertatem, ad appetendum; vel perficiendum illud? Posteriores inficiamur, priorem admittimus. Averfatio autem boni non aliquod bonum est; sed malum.

18. Inde itaque Arbitrium irrogeniti ad bonum in spiritualibus non liberum, sed servum dici haberi que debet: quem titulum Lutherus libro suo contra Erasmus, qui de *Libero Arbitrio* scripserat, præposuit. Neque tamen primus eâ descriptione usus est, sed ante eum Augustinus aliquoties *Arbitrium*, in eodem sensu, *servum* dixit, de quo exempla collegit Gerhardus in Loco de L. A. n. 66.

19. Reliqua in illo Lutheri libro de *Servo Arbitrio*, emolliet prudens lector, observando, quod ista omnia non absolute intelligantur; sed respectivè, habitâ ratione Adversariorum Lutheri.

20. Neq; enim quærebatur, an nullo modo; sed an in sensu Scholasticorum admitti posset Arbitrii libertas? quod Lutherus magnâ vehementiâ inficiebatur.

βεβαιώσις. Probamus I. *Hominem irrogenitum, post lapsum, habere aliquam libertatem, ad bonum inferioris ordinis, quod rationi subiectum est*, 1. ex Rom. II. 14. 15. Quia Gentes, quæ legem non habent, dicuntur (1) sibi ipsis Lex esse, (2) ea quæ legis sunt, scilicet juxta convenientiam operis externam, facere (3) talia (Φύσις) naturâ, seu naturaliter præstare. Hæc est illa *justitia carnis*, quæ justitiæ Spiritûs opponitur Rom. X. 3. de quâ etiam discrimen virtutum & vitiorum, in libris & vitâ gentilium testatur.

2. ex aliis Scripturæ dictis, Ezech. XXIII. 30. 31. Marc. VI. 20. Actor. XIII. 7.

II. *Hominem irrogenitum, post lapsum, nullam prorsus habere libertatem ad bonum superioris ordinis, seu in Spiritualibus*, 1. ex 1. Cor. II. 11. 12. 14. Quia irrogenitus (1) non habet Spiritum, qui ex Deo est. Spiritualia verò, utpote, quæ ex Deo sunt, nemo novit, nisi Spiritus Dei v. 11. Jam si ne novit quidem, multo minus liberè circa ea versatur (2) habet Spiritum mundi, pugnantem cum spiritu, qui ex Deo est v. 12. Ejusmodi spiritu mundi inflatus, in omni sapientiâ suâ nequit cognoscere Deum 1. Cor. I. 21. Nam in meris tenebris versatur, nec lucem capit Joh. I. 5. (3) est (ψυχικός) animalis, in oppositione ad (πνευμαλικός) spiritualem, v. 14. Describitur autem homo animalis, quod Spiritum non habeat. Judæ v. 19. At ubi Spiritus non est, ibi nec libertas ad spirituales operationes esse potest (4) non percipit, quæ sunt Spiritus Dei v. 14. Ex quo colligimus, quod nec liberè agat, quæ sunt Spiritûs Dei (5) non potest intelligere v. 14. Satis esset, si non intelligeret. Nam quod non est intellectu, illud nec est in voluntate adeoque nec in Arbitrio. Paulus verò ulterius progreditur, asserens, quod ne quidem intelligere possit, (6) Stultitia ei est v. 14. Quæ autem stultitia nobis sunt, ea tantum ridemus & rejicimus, ac consequenter nullo modo approbamus, aut approbare possumus.

2. ex aliis Scripturæ dictis Ps. XIV. 2. 3. Joh. I. 5. 2. Cor. III. 5. Ephes. IV. 18.

Avr^{te} J^{te}is. Sunt, qui errant 1. in defectu; quando homini irrogenito, ne quidem ad bonum, inferioris ordinis, libertatem aliquam concedunt, ut (1) Manichæi, de quibus in Apol. p. 346. (217) (2) Ex Reformatis, quotquot omnia immutabili DEI decreto fieri contendunt. Ita autem non possunt non sentire, qui præscientiam Dei, rerum præscitarum causam faciunt. Vid. Mentzer. Exeg. p. 613. (3) Quackeri Vid. Quackerismus Confut. Art. 8. Hypoth. n. 1 p. 472.

2. in excessu, quando homini irrogenito, etiam ad bonum superioris ordinis, libertatem adscribunt, ut (1) Pontificii, quotquot Jansenium & assēclas oppugnant. (2) Sociniani, qui inter hominem ante lapsum & post lapsum, sub respectu ad voluntatem hujusque libertatem, distinctionem nullam intercedere contendunt. (3) Synergistæ, qui nomen inde acceperunt, quod hominem Deo, in primâ sui conversione, cooperarium associant. (2) Pietistarum, quorum Synergismus manifestò ex eo elucet, quia statuunt (α) homini naturâ inesse propensionem ad reduntionem cum Deo, à quo per peccatum avulsus est. Supplem. Synops. Art. 14. Th. 1. (β) hominem, priusquam verbum Dei in corde percipiat, abnegatione sui, humilitate, obedientiâ & precibus se ipsum præparare, Spiritui S. sistere, divinarumque operationum capacem reddere. Ibid. Th. 3. (γ) hominem prius cor suum à peccati sordibus purgare, quàm fidei capax fieri queat. Ibid. Art. 20. th. 4. (δ) Hyperpietistarum, quorum hypotheses exhibentur in Wigandianis tit. de Lib. Arbitr. p. 45.

Thesis II. *Homo regenitus, post conversionem, novis gratiæ viribus instructus libertatem aliquam, ad bonum superioris ordinis, sive spirituale accepit, ita ut Deo cooperari queat; non tamen in præsentî hac vitâ, absq. luctâ carnis perpetuâ.*

ΕΚΘΕΣΙΣ 1. De Homine irrogenito actum est, jam ad regnitum progredimur.

2. Ille post conversionem accipit libertatem aliquam ab immutabilitate, in eo consistentem, quod voluntas non amplius tantum determinetur ad malum; sed & bonum aliquod spirituale præ malo eligere, itemque circa illud bonum, operari vel non operari queat.

3. Ita tamen, ut libertas hæc non sit à naturâ; sed à gratiâ.

4. Nam Spiritus S. initio per gratiam prævenientem in homine spiritualiter mortuo, ante omnem motum salutarem voluntatis, obicem cordis ita removet, ut ille ulteriores gratiæ motus admittere queat; ac deinde per gratiam perficientem, ipsum conversionis actum operatur, mentem illuminando, voluntatem renovando & facultatem verè Deo obediendi concedendo, ut homo è statu peccati in statum fidei translatus, nova creatura efficiatur; tandemque per gratiam subsequenter, homini converso in sanctitatis studio assistit atque ita cooperando absolvit, quod operando incepit.

5. Huc pertinent dicta Patrum, quæ malè ad convertendos transferuntur; cum de conversis agant, v. gr. Chrysostomi: *Deus nolentes non cogit, sed volentes trahit*; & Basilii: *Tantum velis, & Deus præcurrit*: videlicet per concessionem novarum virium, quibus homo regenitus, ad renovationem vitæ opus habet.

6. Sic actus Conversionis est solius Dei; actus autem conversi, simul est Dei & Hominis. Qui enim à Deo tantum patiebatur in conversione; jam Deo cooperatur post conversionem. Eoque tendunt Scripturæ dicta Esaia I. 19. 1. Cor. IX. 17. 2. Cor. IX. 11. 1. Joh. V. 3.

7. Homo tamen, etiam post conversionem, non potest dici causa sociæ Dei in bono opere; sed causa subordinata. Vid. Form. Concord. p. 945, 950. (674, 675.)

8. Porro distinguimus inter præsentem & futuram vitam.

9. In præsentī hac vitâ, regenitus, post conversionem, bonum liberè agit, sed non absque luctâ carnis adversus spiritum: ubi electio boni procedit ex viribus supernaturalibus, in conversione concessis; adhæsiō autem mali, ex reliquiis carnis naturalibus, usque ad mortem superstitibus.

10. In alterâ demum vitâ libertas omnimoda concedetur, de quâ Eph. V. 27. Col. I. 28. Huic libertati non officiet defectus indifferentiæ ad bonum & malum; quippe quæ potius perfectionis, quàm imperfectionis indicium est. Nam imperfectio est, peccare posse; maxima autem perfectio erit, peccare non posse.

Βεβαιώσις. Probamus I. *Hominem regenitum novis gratiis viribus instrui, atq; ita libertatem aliquam, ad bonum superioris ordinis accipere, ut Deo cooperari queat*: 1. ex Ezech. XXXVI. 25, 26, 27. ubi processus, quem Deus ante Regenerationem, in ipsâ Regeneratione & post Regenerationem observat, eleganter describitur. Audimus enim, quod Deus *cor lapideum amoveat*, scilicet per gratiam prævenientem: quod *cor novum idque carneum det*, scilicet per gratiam perficientem: quod *Spiritum suum ponat in hominibus*, scilicet per gratiam sublequentem. Sic instructi novis viribus, accipiunt libertatem (1) in præceptis Dei ambulandi, (2) judicij æjus custodiendi, (3) bene operandi. Obiter notandum, quod in initialibus verbis, quando mentio fit aspersiōis, respiciatur ad *aguas vacce ruffæ cineribus temperatas* Num. XIX. 9. tanquam ad typum baptismi Act. II. 38. 1. Cor. VI. 11. itemque sanguinis Christi. 1. Johan. I. 7.

2. ex 1. Cor. II. 12. 13. ubi Apostolus de Regenitis loquens, indicat, eos accepisse *Spiritum, qui ex Deo est*, à quo renovetur (1) intellectus, ut *sciant, quæ à Deo donata sunt nobis & possint dijudicare omnia* (2) voluntas, in actus externos

ternos se diffundens, ut loquantur sermonibus, quos docet Spiritus S. & spiritualibus spiritualia comparent.

3. ex aliis Scripturæ dictis Matth. VII. 17. XII. 35. Rom. VIII. 5. 2. Cor. III. 17.

II. *Hominem, licet regnitum, in præfenti hac vitâ, bonum agere cum lucâ carnis perpetuâ.* 1. ex Rom. VII. 14, 15, 17. — 24. Quia ipse etiam Reginitus, qualis Paulus Apostolus, cum de se hic loqueretur, erat, ex parte reliquiarum pristinæ vetustatis, manet (1) carnalis v. 14. *venundatus sub peccato* v. 14. (3) *cum peccato in se habitante* v. 17. 20. & *adjacente* v. 21. (4) *agens, quod non probat* v. 15, 19. (5) *non reperiens, ut faciat bonum, quod vult* v. 18. (6) *habens legem in membris, repugnantem legi mentis* v. 23. (7) *captivatus in lege peccati* v. 23. (8) *infelix, quod liberari nequeat* (ix & ἀσπάζομαι & ὁ δαυδὸς τὰ τὰ) *de corpore mortis huius, vel de corpore hoc mortis* v. 24. Si prior expositio placeat, videtur Paulus peccatum comparare cum re subsistente, nempe corpore, propter vires, quas in ipsum edebat; uti & alibi facit Rom. VI. 6. Si posterior interpretatio arrideat, sensus erit, quis me liberabit ex hoc corpore, tanquam subiecto peccati, & per peccatum etiam mortis; uti alias *Vir mortis* dicitur, qui mortem promeritus est, aut morte affici potest. 1. Sam. XII. 5. XIX. 28.

2. Ex aliis Scripturæ dictis 1. Cor. XIII. 10. Gal. V. 17.

Avriθεος est 1. Socinianorum, qui nullam distinctionem inter hominem irreginitum & reginitum, hac in parte admittunt.

2. Enthusiatarum, ut Quackerorum & quorundam Anabaptistarum, qui nullam in piis concupiscentiam malam; adeoque nec lucram inter carnem & spiritum superesse fingunt.

3. ex Pietistis eorum, quos scribere non pudet (1) hominem durante hac vitâ ejusmodi statum obtinere posse, in quo

quo extra sensibilem luctam adversus peccata constitutus, cum Christo ut victor & triumphator regnet. Supplem. Synops. Art. 13. Th. 1. lit. 6. (2) reatum se ex Catechismo peccatorum à Decalogo, quem non servaverit, convictum, fateri non debere. Ibid. Th. 2. ad lit. ψ.

III. VINDICATIO.

Accusamur,

I. Quod doctrina nostra de Libero Arbitrio sit impia & stulta, quâ homo, saltem irrogenitus, in bestiam, rationis expertem, convertatur. Sic Bellarm. Præfat. Librorum de Gratiâ & Lib. Arb. Resp. Calumniam ex iis quæ superius dicta sunt, facile dilui. Conf. Th. 1. Addatur, si placet, *die Prüfung des Balthus* c. 6. p. 68.

II, Quod Lutherus & Melancthon aliter docuerint ante & aliter post Confessionem exhibitam, ut proinde in Confessione fucum fecerint Cæsari & Statibus. Sic Fabricius, Daventriensis, Hoffmeisterus &c. Resp. Dici illud; non verò probari. Contrarium ostendunt Balduinus L. 4. Anti-Pazmanni c. 5. & Gerhardus Loco de Libero Arbitrio §. 64. Carpzov. Ilagog. in Libros Symbol. h. l. p. 483.

3. Quod Augustana Confessio & Formula Concordiæ pugnent: quandoquidem illa Liberum Arbitrium concedat; hæc verò rejiciat. Sic Collonitsch in Antiaugust. Confess. Resp. Augustanam Confessionem concedere Liberum Arbitrium, in actionibus inferioris ordinis; Formulam Concordiæ verò rejicere idem in actionibus superioris ordinis. Nulla igitur pugna est. Plura vid. in D. Alberti Refutat. P. 2. c. 3. Qu. 16. p. 203.

IV. Quod Augustana Confessio, prouti exhibita fuit, admiserit, hominem sibi relictum posse spirituales justitias facere, si modò à Spiritu S. adjuvetur. Sic Fabricius & Daventrien-

Ambrosienſis, itemque Synergiftæ. Reſp. Diverſum patere ex ipſo textu. Addatur Form. Concord. p. 932. (664.)

V. Quod exemplar Auguſtinae Confeſſionis, Libro Concordiæ inſertum, in hoc Articulo non conveniat cum Proto-ty-po. Sic Fabritius & Forerus. Reſp. Sycophantiam hanc reſutari in Apolog. Pupillæ Saxon. c. 26.

VI. Quod Pontificii, per calumniam accuſentur Pelagianifmi, imprimis quodd doceant, hominem ex naturalibus viribus, poſſe diligere Deum. Sic Daventrienſis, Hoffmeiſterus, Fabricius, Henrici, Bellarminus. Reſp. Veritatem ad oculum patere, ſi evolvantur Svarez L. 3. de Auxiliis Gratiæ c. 1. Tannerus, Leſſius, Molina &c. Conferantur etiam Scripta Janſeniſtarum contra Jeſuitas & ex noſtris, Mentzerus Exeg. A. C. h. l. p. 605. ſeqq.

VII. Quod Pelagiani illa non docuerint, quæ ipſis in Aug. Conf. tribuuntur. Sic Hagerus. Reſp. Ipſum Bellarminum L. 6. de Gratiâ & Lib. Arbit. c. 7. eadem pro Pelagianis agnoſcere, cum quo Obtreſtator prius tranſigat, quàm nobis negotium faceſſat.

II X. Quod Auguſtinus, aut quiſquis Autor eſt Libri 3. Hypo-gnoſt. unde illa, quæ in Auguſtina Confeſſione ſub nomine Auguſtini extant, petita ſunt, non omnia dicat, quæ à noſtris in hoc Articulo aſſeruntur, ut adeo perperam ibi ſcribatur: *Hæc totidem verbis dicit Auguſtinus*: cum nihil dicat de defectu virium in ſpiritualibus. Sic Thomas Henrici. Reſp. Pronomen relativum HÆC, non referri ad proximè præcedentia, ubi de ſpiritualibus agitur; ſed ad totum contextum, imprimis ad ea, de quibus potiffimum controverſia erat. Imputabatur enim noſtris, quod ſimpliciter negarent, hominem habere ullam libertatem, etiam in rebus rationi ſubjectis: id quod negatur, allegatis Auguſtini verbis, tanquam ſententiæ noſtræ conſentaneis.

ARTICULUS XIX.

DE

CAUSA PECCATI,

I. EXPLICATIO.

IN brevissimo hoc Articulo, Autor variatæ Confessionis, nihilominus quod mutaret reperiit, partim augendo, partim iminuen-
 nuendo. Auxit enim, quando post verba: *Avertit se à DEO*:
 addidit: *ad alias res, contra mandata Dei*: quæ haud multum
 moramur. Minuit verò, dum tres priores voculas amputat in istis:
Non adjuvante Deo, avertit se à Deo. Quæ cum extruderet Me-
 lanchton, procul dubio rimam elabendi aperuit iis, qui de concursu
 Dei circa peccata, impiè philosophantur.

Cæterùm in Confessione invariata p. 12. (15) exhibetur

I. THESIS IPSA

1. remotivè: quod causa peccati non sit Deus. *De causâ peccati docent, quod tamen si Deus creat & conservat naturam.*
2. positivè, quod causa peccati sit voluntas malorum. *Tamen causa peccati est voluntas malorum, videlicet diaboli & impiorum, quæ non adjuvante Deo, avertit se à Deo.*

II. THESEOS PROBATIO, ex Joh. IIX, 44. *Sicut ait Christus Joh. 8. Cum loquitur mendacium, ex se ipso loquitur.*

IN APOLOGIA p. 349. (p. 219, 220) eadem propè verba repetuntur, atque hoc tantùm additur, quod Articulus iste ab Adversariis recipiatur.

II. DE.

II. DEMONSTRATIO.

Thesis. *Tametsi Deus peccatorem creet & conservet; malumq; prævideat & dum violenter haud impedit, fieri permittat; peccata etiam peccatis puniat; ac impenitentem, per ulterioris specialisq; gratiæ suspensionem, vel ablationem, deferat; imo quandoq; Satana, à quo induratur, tradat: nihilominus ad ipsum peccatum nequaquam cooperatur, adeoq; ejus nec causa per se, nec causa per accidens, dici haberive potest, aut debet.*

²¹ **E**xpositio 1. Ante omnia distinguimus inter malum poenæ & culpæ. De illo agitur Es. XLV. 7. Thren. III. 38. Amos. III. 6. Hoc idem est cum peccato, de quo jam pluribus dicemus. Augustinus eodem sensu (Contra Adimant. c. 26. T. 6) discernit mala, *qua homo facit & qua patitur.* Ac Tertullianus (L. 2. contra Marc.) mentionem facit *malorum delicti, ac malorum supplicii.*

2. Deus creat peccatorem materialiter; non formaliter spectatum: sive quod idem est: creat eum, qui peccat & mala operatur; sed non quatenus peccat & mala operatur.

3. Conservatio Peccatoris in eo consistit, quod Deus subiectum peccati, tam proximum, quàm remotum, in esse suo sustentat. Per subiectum remotum intelligimus ipsum hominem; per subiectum proximum actionem hominis, in se consideratam. Sic e. gr. blasphemans, sine Deo neque esset, neque os aperiret, aut linguam moveret, verbaque adeo formaret; quod tamen necessariò facit, blasphemando. Enimverò ἀνία seu vitiositas, tam naturæ, quam actioni blasphemantis adhærens, à Deo non est; sed tantùm ab homine: Deus enim de illâ non magis participat, quàm aër aut aqua, sine quibus peccator existere aut agere non posset. Videantur plura superiùs Art. 1. de Deo Th. 10. p. 42.

4. Ex prævisione mali, ad influxum, non valet consequentia. Sic Mathematicus prævidet ecclipsin; Medicus eventum morbi; Esaias direptionem thesauri Hierosolymitani 2. Reg. XX. 17. sine influxu ad rem prævisam. Reliqua jam dicta sunt ad Artic. I. de Deo. Th. 9. p. 38. 39. n. 5. seq.

5. Permissio mali, à parte Dei, tantum consistit in eo, quod non violenter impedit. Neque enim Deus antevergens peccata agit juxta potentiam absolutam; sed juxta ordinatam, quâ non vult creaturam voluntariè agentem, violenter à peccato retrahere; quippe quod nihil aliud foret, quàm liberè agendi potentiam ei adimerè & ex agente voluntario, involuntarium facere. Huc respiciens Augustinus in Enchirid. inquit: *Non dubitandum est, Deum facere bonè, etiam sinendo fieri, quæcumq; sunt malè.*

6. Certè Deus non vult malum fieri; quamvis velit permittere, ut malum fiat: sive ut alii efferunt: Deus permittens, non vult peccatum; quamvis Deus volens permittat peccatum. Aliud enim est permissio; aliud objectum permissionis: Illa à Deo est; hoc à Deo non est.

7. Circa objectum malum, quod permittitur, Deus neque versatur volendo; neque nolendo; sed non volendo. Nam velle aliquis dicitur, in quod pleno assensu fertur: Nolle autem notat absentiam voluntatis, cum actione contrariâ: Non velle significat nudam *scienon*, absque reluctatione.

8. Ex dictis constat, permissionem peccati respectu Dei non esse ignorantis, neque simpliciter inviti, neque concurrentis; sed duntaxat non operantis & ab actione, quâ validè peccatum impediretur, abstinens.

9. Eadem permissio non excludit concursum Dei, causam secundam in agendo sustentantis; quamvis excludat concursum Dei, causam secundam in malè agendo adjuvantis.

10. Istud quoque addendum, quod Deus peccatum impedit;

pediat; non tamen violenter. Nam & ante peccatum dehortationibus ac comminationibus, in verbo suo, cavet, ne fiat; & post peccatum, invitatione ad poenitentiam curat, ne continetur.

11. Quò de viribus ad evitanda peccata necessariis, aliquid dicamus, illis ante lapsum sufficienter instructus erat homo, ut ex gratiâ creationis, posset non peccare; quamvis nondum accepisset, ex gratiâ confirmationis, ut non posset peccare. Hoc enim præmii loco Angelis, in sanctitate fortiter persistentibus, concessum est. At verò cum homo Satanæ ultro obsecundaret, per lapsum vires in supernaturalibus, iusto Dei punientis iudicio, amittebat, ut proinde ipse in culpâ sit, quod jam defectu virium laboret.

12. Errant gravissimè, qui Deum proptereâ causam peccati esse contendunt, quod hominem non fecerit impeccabilem. Neque enim omnis denegatio est causa rei, ex denegatione sequentis; sed tantum denegatio ejus, quod ex obligatione debetur. Sic Josephus non fuisset causa homicidii, si uxor Potipharis se, ex impatientiâ amoris, cujus expletionem ille denegabat, interemisset: cum Josephum nulla obligatio ad hoc faciendum impelleret; sed contraria potius obligatio retraheret. Cur igitur à Deo majorem virium mensuram, quam primo homini concessit, exigeremus: cum nulla eum obligatio ad quicquam largiendum obstrinxerit? Rectè Augustinus L. 11. de Genesi ad Lit. c. 10. *Quia omnipotens posset, cur non fecit? quia noluit: Cur noluit, quia IPSE noluit. Puto autem non parvi boni esse rationalem creaturam, quæ maiorum comparatione, cavet malum.*

13. Quandoque Deus peccata peccatis punit. Tamen si enim poena & culpa formaliter & in abstracto differant; nihilominus materialiter & in concreto convenire possunt. Rom. I. 28. 2. Thess. II. 11.

14. Hâc videlicet observatâ cautione, ut non eodem, sed diverso respectu, aliquid simul pœna & culpa dicatur: pœna quidem ratione passionis; culpa autem ratione actionis: ubi locum invenit Prosperi versiculus:

Actio displicuit, passio grata fuit.

15. Atque inde patet, pœnam quæ culpa est, à Deo esse; sed non quatenus culpa est. Sive ut aliis verbis efferamus: Id quod culpa est, non convenit Deo, ratione essentiae & in actu signato; veruntamen ratione applicationis & in actu exercito, quando nimirum Deus justissimus, pro tribunali decernit, ut per quod homo peccat, per idem quoque puniatur: si non per id, quod numericè vel specificè idem est; saltem quod genericè,

16. Ejusmodi pœna, nunc per actum reflexum redundat in peccatorem ipsum; cum ille propter rejectionem gratiæ, ut paulò post uberius declarabitur, indurescit, atque ex unâ injustitiâ in aliam delabitur; quod expertus est Judas Ischariothes, cujus proditio plectebatur desperatione: nunc per actum directum, ab uno peccatore tendit in alterum, e. gr. cum per rebellionem Absalomis castigaretur adulteriû Davidis.

17. In his similibusque casibus, Deus in Scripturâ circa peccatum agendo occupari dicitur: videlicet ratione finis; nequaquam verò ratione objecti. Nam posteriori respectu, verba biblica, quibus actio ejusmodi describitur, in Deo meram permissionem significant 2. Sam. XII. 11. XVI. 10. XXIV. 1. 2 Paral. XII. 22. Rom. I. 24. 2. Thess. II. 12.

18. Destinatio peccati ad pœnam Peccatoris, à Deo est; tamen si ipsa res destinata, à Deo non sit, sed duntaxat ab homine ac diabolo.

19. Impœnitentem Deus haud rarò deserit; sed aliâ prorsus ratione, quàm pium. Desertio enim Dei, respectu piorum, est exploratoria, ut 2. Paral. XXXII. 31. & emendativa,

tiva, ut Esa. LIV. 8. At respectu impœnitentium, est vindicativa, quæ ex voluntate Dei consequente & judiciali derivatur, juxta illud Augustini de Naturâ & Gratiâ c. 23. *Nunquam Deus deserit hominem, nisi prius ab homine deseratur.* Quemadmodum verò Medicus, ob incorrigibilem ægroti intemperantiam, à curatione ulteriori desistens, non est causa mortis: ita nec Deus, propter præfractam impœnitentiam hominis, ab ulterioris gratiæ concessione desistens, est causa peccati.

20. Desertio ista aut infert temporariam suspensionem, aut perpetuam denegationem gratiæ. Suspenditur nempe ulterioris gratiæ concessio in illis, qui corrigibiles fore prævidentur, v. gr. in Davide post adulterium & homicidium. Conf. Ps. LI. 12, 13. Auffertur in illis, qui incorrigibiles esse prænoscentur, v. gr. in Judâ Ischariothe. Conf. Matth. XXVII. 4, 5.

21. Deus unicuique offert gratiam sufficientem; non tamen irresistibiliter: quia homo Spiritui S. obicem ponere potest. Hoc si pertinaciter fecerit, locum invenit tritum illud: *Ab ingrato tolluntur beneficia.*

22. Loquimur de speciali gratiâ: quia Deus generali gratiâ hominem quemcunque, atque adeo etiam Peccatorem post desertionem, usque ad extremum vitæ halitum persequitur. Semper Deus vult omnium & singulorum misereri: Hinc omnes & singulos semper vocat: Sed gratiam vocationis spernenti ultiores & specialiores gratiæ gradus v. gr. per conversionem, justificationem, sanctificationem &c. non impertit. De gratiâ igitur haud ineptè usurpaveris, quod Phisici de naturâ dicunt: Nam ut natura *non facit saltum*; ita nec Gratia.

23. Interdum Peccator omnino incorrigibilis Satanz traditur, tanquam executori divinæ justitiæ, à quo induratur.

Hæc

Hæc ut rectè percipiantur, sciendum, indurationem dupliciter dici, passivè & activè: Passiva induratio semper peccatum est, cujus respectu homini, ob naturalem habitualemq; malitiam, *cor lapideum* adscribitur Ezech. XI. 19. XXXVI. 26.

24. Activa verò induratio, vel ut actus reflexus adscribitur Homini, in seipsum agenti & à seipso patienti. Exod. II. 32. 2. Reg. XVII. 14. Hebr. III. 8. vel ut actus directus tribuitur Deo. Exod. IV. 21. VII. 3. IX. 12. X. 27. XI. 10. XIV. 8. Deut. II. 30. Jos. XI. 20. Esaiæ LXIII. 17. Joh. XII. 40. Rom. IX. 18. itemq; Diabolo Act. V. 3. Joh. XIII. 2. eo videlicet sensu, ut à Diabolo provenire intelligatur ceu culpa; à Deo autem ceu pœna.

25. Sic igitur Induratio simul est (1) à Deo, judicante ut homo sit in potestate Diaboli, qui noluit uti gratiâ Dei, (2) à Diabolo, propter odium erga hominem avidè potestatem, sibi divinitus concessam, arripiente, adeoque à Deo desertum ad peccatum instigante, in executione mali propofiti adjuvante, vitiisque magis magisque immergente. (3) ab Homine, in Diaboli intentionem & operationem consentiente & à peccato in peccatum prolabente.

26. Ex quo patet, quod Induratio ratione subjecti, cui inhæret, sit peccatum; ratione consequentium, causa peccati; & ratione antecedentium, pœna peccati.

27. Quatenus autem Induratio pœna est, non notat ipsam cordis durtièm; sed judicalem actum, quem sequitur cordis durtiès: Et hoc quidem non per culpam Dei, utpote jure suo in puniendo utentis; sed per culpam hominis, ultrò judicium Dei sibi attrahentis.

28. In causam peccati inquirentes, loquimur de causâ verâ; cui opponitur conditio sine quâ non, ut causâ æquivocè sic dicta.

29. Quomodo autem Deus maneat causa universalissima, tametsi

tametsi ad formale peccati non concurrat, exposuimus in Art. I. de Deo Th. 10. in Ex⁹. Observ. 6. p. 42.

30. Nomen causæ per accidens bifariam sumitur, propriè & impropriè: Impropriè quidem & abusivè, vel pro eo, quod tametsi causa non sit, causæ tamen accidentaliter jungitur, uti se habet Clericus iter faciens, ad pluviam; vel pro eo, ad cuius absentiam sequitur causatum, quemadmodum Christus se habere dicebatur ad mortem Lazari Joh. XI. 21. Propriè autem & competenter, pro causâ, quæ non ut talis, verè tamen influit ad causatum.

§ 1. Ubi sciendum, quod non quærat, an dentur causæ malarum actionum per accidens? sed an Deus sit talis causa? Illud concedimus; hoc negamus.

§ 2. Non juvat Adversarios, Deum causam peccati per accidens statuentes, excusatio: Quod causa per accidens sit causa æquivocè sic dicta: Nam ut verum id foret: quod tamen verum esse pernegamus: phrasis illa nihilominus Deo haud conveniret: quippe de quo *non modo rectè sentiendum; sed & circumspicte loquendum est*. Impium verò & blasphemum, ipso- rum gentilium iudicio, censetur, dogma illud, quod DEUS ullo modo sit causa peccati. Hoc enim Plato in Epinomide item L. 2. & 10. de Republ. nec non Simplicius in Epictet. c. 13. 34. &c. simpliciter rejiciunt. Vid. Mehovii Philos. Parænet. L. 4. c. 2. p. 306. seqq.

33. Deus conclusit omnes sub incredulitatem Rom. XI. 32. non hanc in illis operando; sed manifestando. Unde Gal. III. 22. conclusio eadem attribuitur Scripturæ, à quâ videlicet peccatum revelatur.

Βεβαιωσις. Probamus, Deum nullo modo causam peccati dici posse, nec per se, nec per accidens: 1. ex Ps. V. 5. 6. 7. Quia (1) Deus non vult iniquitatem v. 5. Id quod specialiter observe- tur contra eos, qui Deum peccata ideo velle statuunt, ut in quibusdam hominibus misericordiam, in aliis justitiam ma-

nifestare posset. Negabat istud olim & rectè quidem Augustinus L. 11 de Genes. ad Lit. c. 7. inquit: *Non indiget Deus justitiâ recti; quanto minus iniquitate perversi.* Et rursus L. 3. Confess. c. 2. *Malevola benevolentia est, si quis miserum aliquem esse velit, ut ejus misereatur.* (2) *non habitat juxta Deum malus* v. 5. Ubi verbum גור emphaticum est: notat enim *commorari velut peregrinum*; unde גר *peregrinus*. Ex quo colligimus, malis nullum planè locum esse apud Deum, ne quidem ad tempus, ut accolis, aut inquilinis. (3) *non stant (הוללים) stulti coram oculis Dei* v. 6. Adhibetur verbum הלה *insanavit*, de Impiis Pl L X V. 5. quorum etiam conatus dicuntur (הללות) *insania* Eccles. VII. 25. *Stare autem coram Deo* est *judicium Dei perferre* 1. Sam. XII. 7. (4) *Deus odit operantes iniquitatem* & quidem OMNES: v. 6. quod non faceret, si apud quosdam peccati causa existeret. (5) *perdit loquentes mendacium* v. 7. Ab unâ autem specie peccatorum, nempe Mendacio, argumentamur ad reliquas: Nam Deus alibi iniquitates quascunq; punire legitur. Es. XIII. 11. Gal. V. 19. 21. Locum igitur hic invenit illud Fulgentij L. 1. ad Monim. c. 27. *Cujus Deus est ultor, ejus non est autor.* (6) Deus (תעב) *abominatur peccatores* v. 7. Inde alibi peccata dicuntur (תועבות) *abominationes*, Levit. XIX. 26. Deut. XX. 18. 2 Reg. XVI. 3.

2. ex 1. Joh. II. 16. 17. Quia (1) *quæcunque in mundo sunt (videlicet quatenus mundus in maligno positus est. 1. Joh. V. 19.) non sunt à Patre cælesti.* (2) *Deus mundum cum concupiscentiâ suâ destruit* (3) *qui voluntatem Dei, tanquam oppositam voluntati mundi, facit, in æternum manet.*

3. Ex alijs Scripturæ dictis. Deut. XXXII. 4. Pl. XLV. 10. Sirac. X. 21. XV. 21.

Αντιθεως est ex veteribus Florini Montanistæ; quî primus expressis verbis asseruisse perhibetur, Deum peccati autorem esse. Hunc secuti sunt Seleuciani. Ex propioribus huc pertinent

mentis Calviniani, præsertim veteres. Tametsi autem recentiores quidam de calumniâ protestentur nullumq; ex antecessoribus suis blasphemum hoc dogma suum fecisse, jactitent, aliud tamen ex scriptis eorum patet. Nam Zwinglius de Provid. c. 5. scribit: *Numen ipsum autor est ejus, quod nobis est injustitia.* Et Calvinus L. 1. Instit. c. 18. §. 3. *Jam satis aperte ostendi, Deum vocari eorum omnium* (nempe peccatorum, de quibus ibi agitur) *autorem, quæ isti Censores volunt, otioso tantum ejus permisso contingere.* Item Petrus Martyr in Epist. ad Rom. c. 1. *Non possumus inficiari, Deum esse causam peccati.* Plura exempla ex Zwinglio, Martyre, Szegedino, Eglino &c. congescit Schertzerus, in Colleg. Anticalvin. Loc. de Prædestinat. p. 344. sqq. Neque aliò tendunt hypotheses, expressis Scriptorum, qui iisdem servierunt, nominibus adductæ à Menzero in Exeg. A. C. h. l. p. 629. & Huttero super F. C. p. 183. seq. &c.

2. Inter Pontificios Dominicani, qui physicam prædeterminationem Dei, ad peccata usque extendunt.

3. Syncretistæ, ex quibus Calixtus tantum censuit licitum esse, Deum dicere causam peccati per accidens. Multò autem audentior Dreierus, statuit necessarium hoc esse, quod aliter Scriptura explicari nequeat. Videatur liber Dreieri, cujus titulus est: *Solida Vindicatio Sanctitatis Dei.*

4. Inter Pietistas Spenerus, de quo vid. Supplem. Synops. Art. 13. Th. 3.

III. VINDICATIO.

Accusamur, quod Lutherus in *Libro de servo Arbitrio* & Melancthon in *Commentario super Epistolam ad Romanos*, aliter docuerint, quàm in hoc Articulo reperitur. Sic Andreas Fabricius & Johannes Hoffmeisterus. Resp. Dici illud; non probari: Tum etiam prioribus Lutheri scriptis derogant posteriora, in quibus mentem suam clariùs exposuit & declaravit.

ARTICULUS XX.

DE

BONIS OPERIBUS.

I. EXPLICATIO.

IN mutatâ Confessione, integer hic Articulus, aliis planè verbis, orthodoxiæ tamen non adversantibus, proponitur. Nam Melancton, postquam de calumniâ protestatus erat, initio exponit & perstringit, quæ Pontificii hætenus de bonis Operibus docuerant, scribens: *Quod adversarii criminantur, — an hac vita genera placerent Deo.* Hinc nostram sententiam subjicit, ita ut primò agat de fide, pergens: *Itaque concionatores nostri — incipiat esse in homine justitia, non sua, sed Dei.* Deinde verò ad bona Opera progrediatur, in illis: *Cum necessariam de fide doctrinam — quomodo sint meritoria.*

Invariata Confessio tria exhibet,

- I. Protestationem adversus calumnias. *Falsò accusantur nostri — vocatione Deo placeant.* p. 23. (15. 16.)
- II. Inculpationem Adversariorum, de quibus dicitur,
 - { 1. quod olim ineptissima docuerint. *De quibus rebus olim — monachatum & similia.* p. 23. (16.)
 - { 2. quod nunc, in comparatione ad priora, aliquantò tolerabiliora adferant: *Hæc adversarii nostri — verus ipsorum doctrina.* ibid.
- III. Expositionem nostræ sententiæ
 - { I. de Justificatione, quod eam non ex operibus, sed solâ Fide consequamur. *Cum igitur doctrina de Fide — recipiamur in gratiam* p. 23, 24. (16) Id verò in Confessione ipsâ ulterius declaratur,
 - { 1. ex Scripturâ. *Qui solus positus est mediator — non ex*

a b

ex operibus. p. 24. (16.)

2. ex Patribus, nempe Augustino ac Ambrosio: Hic enim, tempore exhibitæ Confessionis, autor librorum *de Vocatione Gentium* censebatur; quos recentiorum solertia Prospero Aquitanico vindicavit, *Et ne quis cavilletur — merces esset operantis p. 24. (17.)*

3. ex rationibus,

1. quia nostra doctrina conscientias tranquillat. *Quamquam autem hac doctrina — philosophicam justitiam. p. 25. (17.)*

2. quia Pontificia doctrina conscientias perturbat. *Olim vexabantur conscientia — peccatorum & justificationem. ibid.*

II. de Fide, ubi quid Fidei nomine intelligamus,

1. explicatur. *Admonentur etiam homines — ab eo expectant. p. 26. (17, 18)*

2. autoritate Augustini illustratur. *Augustinus etiam — perterrefactas mentes p. 26. (18.)*

III. de bonis Operibus,

1. quod ea necessaria sint, non tamen ad justificationem. *Præterea docent nostri — peccatorum & gratia. p. 18. (26. 27.)*

2. quod ea non proveniant ex humanis viribus, sine gratiâ Spiritus S. *Et quia per fidem — nihil est innocentium. p. 27. (18, 19.)*

APOLOGIA Augustanæ Confessionis. p. 349. (220.)

I. Adversarios arguit, malè ferentes, quod pernegemus, hominem bonis operibus mereri remissionem. *In Articulo XX. disertè — quo Spiritu agantur p. 349. (220.)*
Ostenditur autem

1. Idem doceri in Scripturâ. *Quid est enim certius — blasphemant Christum. ibid.*

a b

a b

2. neminem, ex majoribus adversariorum, idem cum ipsis hac in parte sensisse. *Nam etiamsi qui fuerunt, — audent ferre. p. 350. (220.)*
3. Imperatorem & Status ab illis circumveniri. *Neg. dubitamus — si essent admoniti. ibid.*
4. Christo non citra injuriam, ea quæ ipsi ab Esaiâ tribuuntur, auferri. *Infinita hoc loco — qualia opera deceant. p. 350, 351. (220, 221.)*
5. propter orthodoxiam in hoc nostro articulo, omnia patienter esse ferenda. *Videmus horribile decretum — articulo proposita est. p. 351. 352. (221)*
6. Animum testimoniis Pauli confirmari. *Non deerunt querenti — iram Dei sufficere. p. 352, 355. (221, 222.)*
7. Reliqua plenius exposita esse, in superioribus, nempe in Art. IV. de Justificatione. *Sed supra de totâ — gratiis propter Christum. p. 353. (222.)*

II. Objectiones Adversariorum dissolvit, petitas

1. ex Scripturâ. *Adversarii etiam addunt — non melius coherentia, ibid.*
2. ex Antiquitate. *Postremò dicunt — fructus Spiritus. p. 354. (222. 223.)*

II. DEMONSTRATIO.

Thesis I. *Tantum abest, ut de bonis Operibus per se spectatis, contemptim sentiamus eademve prohibeamus, ut potius illa justificato, ad declarandam erga Deum obedientiam fideiq. vere præsentiam, necessaria esse statuamus.*

Expositio I. Quæ Opera verè bona sint, & apud quos reperiantur, exposuimus ad Articulum VI. de Novâ Obedientiâ Th. I & II. Jam reliqua, huic argumento illustrando inservientia, adjiciemus.

2. Distingvendum verò ante omnia, inter bona opera considerata per se, de quibus Lutherus satis honorificè sentit; & considerata per accidens, nimirum ratione fiduciæ in opera collocatæ, de quibus idem ille vir Dei in L. de Missâ inquit: *Carveamus à peccatis; sed multò magis à Legibus & OPERIBUS BONIS; Tantùm attendamus Dei promissionem & fidem.*

3. Necessaria autem sunt bona Opera justificato; non ad justificationem, de quo plura adferentur in expositione Theſ. IV.

4. Causæ impellentes ad B. O. sunt à parte Dei, mandatum ejus; à parte nostri, obligatio ad declarandam erga Deum obedientiam, Mich. VI. 8. atque erga homines fidei præsentiam. Jacob. II. 18.

5. Rénatus libertatem agendi & non agendi, itemque sic & aliter agendi habet, in adiaphoris; nequaquam verò in operibus à Deo præceptivè, aut prohibitivè, determinatis.

6. Christus enim, prouti nos liberavit à legis maledictione & coactione; ita non liberavit à legis obligatione.

7. Hinc justificato necessitas incumbit juxta legem operandi: non tamen serviliter & metu pœnæ; sed filialiter & amore justitiæ.

8. Ex dictis patet, non loqui nos de necessitate coactionis, quæ cum libertate voluntatis consistere nequit. Rom. II. 9. 2; sed de necessitate (1) mandati ex parte Dei, (2) debiti, ex parte hominum; (3) ordinis, ex parte justitiæ, suum cuique tribuentis; (4) consequentiæ, ex parte fidei & justificationis, unde B. O. tanquam ex fonte profluunt.

9. Sic etiam distinctæ Quæstiones sunt, an facienda sint B. O. & quomodo facienda sint? Illam simpliciter affirmamus; ad hanc respondemus: B. O. non fieri debere coactè; sed spontaneo spiritu. Pl. CX. 3. 2. Cor. II. 9. 12.

Beſchluß. Probamus I. Nos de B. O. non contemptim loqui.
multo q.

multoq; minus eadem prohibere. 1. ex ipsâ Confessione Augustanâ; qui liber Ecclesiæ nostræ Symbolicus est, atque de animi nostri sententiâ certissimè testatur. p. 23. (15. 16.)

2. ex praxi quotidianâ: cum â nostris non ex suggestu dun-
taxat in concionibus; verùm etiam in libris publicè editis,
bona Opera Christianis sollicitè commendentur & inculcentur.

II. *Bona Opera justificatio esse necessaria, ad declarandam erga Deum obedientiam fideiq; vera presentiam.* 1. ex Rom XII. 1. 2. Cum enim Apostolus, in præcedenti capite, de Justificatione egisset, jam ad studium sanctificationis progreditur, atque (1) bonorum Operum necessitatem indicat. Nam *per miserationes Dei hortatur*, vel etiam *obsecrat*: utrumq; enim denotatur per verbum *ωφραλῶ* (α) ut exhibeamus *corpora nostra hostiam viventem, sanctam, Deo placentem*, sc. per quotidianam mortificationem I. Cor. IX. 27. Gal. V. 24. in quo consistit (λογικὴ λατρεία) *rationalis cultus*, olim per umbras irrationales, videlicet pecora immolata, significatus (β) ne *conformemur huic seculo*, malis operibus planè immerso I Joh. V. 19. sed potius *transformemur* (ἀνακαινώσει ἑ voὺς) *renovatione mentis*. Conf. Rom. VI. 4. (2) Causam propter quam bona Opera agenda sint; addit. Nam remittit nos ad Legem Dei, jubens sic operendo *probare, quæ sit voluntas Dei bona & beneplacens & perfecta*.

2. ex Gal. V. 13—18. Rursum Apostolus justificatis, cum quibus agit, ob oculos ponit (1) eos quidem *in libertatem* â maledictione legis, per Christum *vocatos esse*; sed hac conditione, ne *libertatem arripiant, seu occasionem datam carni*, h. e. naturæ corruptæ, seu carnalibus desideriis v. 13. (2) illos obligari, *per charitatem servire proximo* & quidem juxta tenorem Legis: ed quod tota Lex, quantum ad proximum attinet, compleatur in hoc: *Diliges proximum tuum, sicut te ipsum* v. 14. Vid. Rom. XIII. 8, 9. (3) ipsis *in Christo*, hoc est;

... in nomine ipsius, adeoque juxta ejus voluntatem dici, seu præcipi, ut *spiritu ambulent, nec concupiscentiam carnis persequantur* v. 16. (4) pugnam spiritus adversus carnem fortiter esse continuandam v. 17. (5) eos, si *spiritu ducantur*, ita ut legis opera sponte & libenti animo faciant, *non esse sub lege*, scilicet quâ coactionem v. 18. Conf. 1. Tim. I. 9.

3. ex aliis Scripturæ dictis, in quibus bona opera exiguntur, ad declarandam erga Deum obedientiam 1. Cor. VI. 18. sq. 1. Petr. III. 15. Matth. V. 16. Phil. I. 9 seq. & fidei præsentiam. Jacob. II. 14. seq. Matth. VII. 18.

Antithesis est 1 Pontificiorum, per calumniam nobis tribuentium, quod B. O. fusque deque habeamus, imo ab iis nostros abducamus.

2. Antinomorum, qui docebant, legem, bona opera, novam obedientiam &c. non pertinere ad regnum Christi; utpote in quo non prædicandum sit, nisi de gratiâ, redemptione, salute &c.

3. Pietistarum, qui in calumniis de neglecto protritoque apud nos bonorum Operum studio, ipsos Pontificios propè superant, de quo evolvantur Wigandiana. p. 159.

Thesis II. *Nemo post lapsum, tametsi renatus sit, operibus suis, Legem Dei perfectè implere, multoq. minus opera, ut vocant, supererogationis præstare potest.*

Exthesis 1. Lex Dei requirit omnimodam obedientiam: non solum externam, quam jactabant Pharisei. Matth. XIX. 20. verum & internam, quæ scilicet perfecta sit, quoad partes. Jacob. II. 10. Deut. XXVII. 26. quoad gradus. Matth. XXII. 37. Deut. VI. 5. & quoad durationem. Gal. III. 10. Ezech. XII. 24. XXXIII. 12.

2. Aliud autem est loqui de debito, seu obligatione; aliud de facultate implendi debitum, seu obligationem. Illa in omni

homine est; hæc in nullo. Frustrà igitur obijciuntur mandata Dei. Matth. V. 48. Joh. V. 14. 1. Cor. XV. 34. 1. Jo. II. 1.

3. Id quod tamen haudquaquam ita accipi debet, quasi impletionem Legis, homini impossibilem esse statuamus simpliciter; cum nos jam hominem consideremus juxta statum præsentem, in quo versatur, postquam lapsus est.

4. Nimirum, qui ex Dei gratiâ acceperat vires sufficientes, in statu integritatis; is ex propriâ culpâ amisit vires illas, in actu corruptionis.

5. Ideo Lex ipsa dicitur *imperfecta* Hebr. VII. 19. nimirum non per se; sed per accidens: quia hominem lapsum non potest Deo reconciliare, tametsi in se sit sancta & spiritualis. Rom. VII. 12.

6. Ex dictis fluit, rationem, propter quam homo post lapsum Legem perfectè implere nequeat, non quærendam esse in imperfectione gratiæ divinitus concessæ; sed in imperfectione hominis, cui gratia illa conceditur: quippe qui eam non recipit, pro modo imprimantis; sed pro modulo receptivitatis suæ.

7. Proinde Sanctificatio activè, quâ causam efficientem; rectè dicitur perfecta; tametsi passivè, seu quâ subjectum recipiens, statuatur esse imperfecta.

8. Renatus aut spectatur sub reduplicatione, quatenus renatus est; aut sub specificatione, quatenus adhuc reliquias carnis habet. Ille non peccat, imò nec potest peccare. Joh. III. 6. 1. Joh. III. 6. 9. Huic *volenti bonum facere, semper adjacet malum*. Rom. VII. 21.

9. Observandum verò, quod hæc divisio non sit realis; in diversa subjecta; sed modalis, unius ejusdemque subjecti, juxta diversos considerandi modos spectati. Idcirco non licet argumentari: Renatus, quatenus renatus, non peccat: Ergo aliquis renatus, perfectè implet Legem. Nam impletio Legis

Legis est actio: Actio autem est suppositi: Nullum verò suppositum est Renatus, sub illâ præcisione, quatenus renatus est; propter corruptionem naturæ, post lapsum, in ipsis etiam sanctis, quamdiu vivunt, remanentem.

10. Interim opus hominis renati, per & propter Christum non definit esse verè bonum; etsi sit imperfectè bonum. Nam veritas boni operis opponitur hypocrisi; non imperfectioni.

11. Similiter penes Renatos est puritas secundum quid talis, nempe à peccatis regnantibus, eoque sensu vocantur immaculati. Ps. CXIX. 1. At jam requiritur puritas absolute talis, nempe à peccatis omnibus.

12. Quandoque bonis operibus Renatorum adscribitur perfectio: sed partium duntaxat præcipuarum, si videlicet juxta præcepta utriusque tabulæ, per qualemcunque dilectionem Dei & proximi incedere studeant Luc. I. 6 non etiam perfectio partium omnium, multòque minus graduum.

13. Sic fulget perfectio in affectu, sive intentione, à quâ laudatur Josias 2, Reg. XXIII. 25, ut nihilominus desideretur perfectio in effectu, seu executione; quod ex temerariâ actione Josiæ liquet. c. eod. v. 29.

14. Sæpè Renati dicuntur in bonitate perfecti comparatè, sub respectu ad alios multò deteriores; nunquam verò absolute.

15. Huc etiam spectant loca, in quibus Sancti jactant justitiam suam; in causâ videlicet cum adversariis; non cum Deo. Ps. VII. 9. XVII. 1. XIIIX. 21. Nam coram Deo dicunt: *Si iniquitates observaveris, Domine, quis sustinebit?* Ps. CXXX. 3.

16. Quando iidem provocant ad tribunal Dei; intelligitur tribunal misericordiæ; non justitiæ: quippe quod David deprecatur. Ps. CXLIII. 3.

17. Præ cæteris conducit distinctio, inter Opera Renatorum considerata νομικῶς, seu legaliter; & εὐαγγελικῶς, seu gratiosè. Legaliter nemo perfectus est, propter aberrationem

multiplicem, à normâ actionum; sed tantùm evangelicè, propter satisfactionem Christi pro peccatis, fide apprehensam. Col. II. 10.

18. Hinc justitia Renatorum, per quam justificantur, non est inhærens; sed imputativa. Pl. LI. 9. Matth. V. 20.

19. Quod ad Opera, quæ à Pontificiis supererogationis vocantur, attinet, ea locum invenire possunt, inter homines mutuo, videlicet si quis plus erogat, quam impendendi gratiâ ab altero accepit, ut Luc. X. 35. ubi vulgata habet: *Si quid supererogaveris; nequaquam verò inter DEUM & homines.*

20. Tum enim quæ finguntur esse opera supererogationis; Luthero iudice, rectiùs appellantur *opera superarrogantia.*

Βεβαιώσις. Probamus I. *Neminem post lapsum, tametsi renatus sit, operibus suis, Legem Dei perfectè implere posse.* 1. ex Proverb. XX. 9. Quia *nemo potest dicere: Mandavi cor meum: Mundus sum à peccato meo.* Add. Job. XIV. 4. Eccl. LXIV. 6. Observandum verò, quod dicta hæc non opponantur piorum fiduciæ; sed hypocritarum jactantiæ. Nemo potest dicere, se mundum esse, scilicet munditiæ propriâ: quamvis omnes in Christum verè credentes teneantur se agnoscere pro mundis, scilicet munditiæ Salvatoris sui ipsis imputatâ. 1. Joh. I. 7.

2. ex Gal. V. 17. Quia (1) in omnibus hominibus *caro concupiscit adversus Spiritum.* Hæc autem concupiscentia peccatum est. Rom. VII. 7. (2) etiam sancti homines, interq; eos Paulus Apostolus, ex infirmitate *faciunt, quæ, juxta legem, non volunt facere.* Conf. quæ dicta sunt Art. XII. de Libero Arbitrio Th. II. in membro Βεβαιώσις II. p. 389.

3. ex aliis Scripturæ dictis. Act. XV. 10. Rom. VII. 14. seq. II. 3. 4.

II. *Neminem opera, ut vocant, supererogationis, præstare posse.*

^{III}
posse, 1. ex membro priori Theseos. Nam si ne quidem perfectè implere possumus Legem, multò minus possumus plus præstare, quàm Lex postulat. Qui perfecti non sunt, illi nec queunt haberi pro plus quàm perfectis.

2. ex Luc. XVII. 10. ubi positâ conditione, si vel maximè *omnia* fiant, nihilominus prohibetur gloriatio; quia injungitur agnitio (1) quod quæ facta sunt, facta sint *ex debito*; (2) quod proptereà *servi inutiles* maneamus. Conf. Rom. III. 23. 1. Cor. I. 29.

Αντίθεσις est 1. Perfectistarum inter Pontificios, Socinianos, Arminianos & Fanaticos, quibus jure meritoque accensemus Pietistas & Hyperpietistas, de quibus evolvantur Wiggandiana tit. de Perfectione p. 60. seq. itemque p. 155. nec non Supplem. Synopf. Art. 24. Th. 6. & 7.

2. Pontificiorum, quibus perfectionem operum jactare parum est, nisi etiam de operibus supererogationis, quæ aliis communicari queant, gloriantur. Exempla literarum, quibus opera supererogationis aliis communicantur, referimus in *Exploratione Papatus*, (*Prüfung des Papstthums*) c. 22. in Appendice p. 382. seq.

Thesis III. *Cum meritum strictè sic dictum sit opus agentis liberi, propriis viribus præstitum, in commodum ejus, qui mercedem operi proportionatam, secundum justitiam permutativam, retribuere tenetur; falsum omnino est, bona opera ad remissionem peccatorum & salutem æternam modo meritorio quicquam facere.*

Εκθεσις. 1. Ante omnia cavendum, ne Meritum & Merces confundantur. Hæc enim latius patet, quàm illud: Unde vita æterna vocatur *merces*. Matth. V. 46. sed ita, ut etiam dicatur *gratia*. Luc. VI. 32. Gratia autem & meritum sunt ἀντιτά, quæ se mutuò tollunt. Rom. XI. 6.

2. Deinde distingvimus inter Meritum stricte & late dictum. Ad illud necessarium omnia requisita concurrunt; ad hoc sufficit, si unum vel alterum requisitum adsit.

3. Requisite verò Meriti vel respiciunt subjectum, vel efficientem, vel finem.

4. Quà subjectum, debet esse opus agentis liberi; non coacti. Nam ut actus moralis se habet.

5. Quà efficientem, debet propriis viribus præstari: quod enim ab alio gratiosè in nobis præstatur, per id non possumus ab illo, qui præstitit, quicquam mereri.

6. Quà finem, debet tendere in commodum ejus, qui mercedem retribuere tenetur: Loquimur autem de mercede secundum debitum; præter quam etiam datur merces secundum gratiam. Rom. IV. 4. cujusmodi merces dicitur vita æterna. Matth. V. 12. Es. XL. 10.

7. Porro merces illa debet operi esse proportionata, seu analoga. Si enim inæqualitas obveniat inter opus & mercedem, jam merces non solvitur ex merito: quia aut plus solvitur, aut minus quàm par est.

8. Et quidem in retributione attendi debet justitia permutativa, seu compensationis, cujus fundamentum est dignitas rei; non tantum justitia veritatis, cujus fundamentum est nuda promissio. De posteriori agitur, cum vita æterna justè conferri perhibetur. 2. Thess. I. 6. 7. 2. Tim. IV. 7. 8. Hebr. VI. 10. nimirum ex justitiâ, quæ promissione Dei nititur; quod patet ex Matth. XIX. 29. 1. Tim. IV. 8. Jacob. I. 12.

9. His præmissis patet, accuratè loquendo, hominem nihil prorsus mereri coram Deo; quia in nullo ejus opere omnia isthæc requisita concurrunt. Quod si autem, ex usu antiquiorum Ecclesiæ Scriptorum, primi duntaxat requisiti præsentia contentorum, accipiatur Meriti vocabulum, nos etiamnum

namnum cum Apologiâ Aug. Conf. p. 159. (96.) admittimus, bona Opera meritoria esse: non remissionis peccatorum; gratiæ aut justificationis (hæc enim fide consequimur); sed aliorum premiorum corporalium & spiritualium. Eadem propè repetuntur p. 213. (137) Quibus in locis *Mereri* idem significat ac *τὸν χάριν* *obtinere*, seu *consequi*. Spectat huc illud Bellarmini L. 1. de Gratiâ & L. A. c. 14. *Solet Augustinus Meritum appellare quemlibet actum bonum, ratione cujus aliquid aliud accipimus*: Et Cassandri, in Schol. Hymn. Eccles. *Vocabulum Merendi, apud veteres Scriptores Ecclesiasticos, ferè idem valet quod consequi, seu aptum idoneumq. fieri ad consequendum.*

10. Nos jam missis reliquis bonis, quæ à Deo consequimur, unicè, de remissione peccatorum & salute æternâ dicemus; quam nullatenus meritorio modo, ab operibus derivare licet. Cum ergo homines *digni esse* memorantur *vita*. Luc. XX. 35. Apoc. III. 4. ista dignitas non est operum seu activa, quæ procedit ex Merito; sed est personæ Deo reconciliatæ, seu passiva, quæ procedit ex gratiæ divinitus collatæ beneficio.

11. Ab eo quod locum habuisset in statu integritatis, ad id quod locum habet in statu corruptionis N. V. C. Tunc obtinuisset salvatio legalis Rom. II. 13. nunc ad salvationem evangelicam nobis est confugiendum. Huc referimus dicta Scripturæ, in quibus homini præcipitur, quid agere debeat, ut experimento frustrâ factò, à Lege ceu pedagogo, ad Christum dimittatur. Lev. XII. 5. Deut. VI. 25. XXIX. 1. Ezech. XX. 11. Matth. XIX. 17. Luc. X. 28.

12. Non statim definitur causa salvationis; cum describitur modus, quem Deus in salvando homine observat. Matth. V. 11. Rom. II. 13. 2. Cor. IV. 17. Jac. I. 12.

13. A merito damnationis, ad meritum salvationis, non licet argumentari. Illud procedit ex operibus perfectè malis, qualia

qualia ab homine præstari possunt; hoc procedere deberet ex operibus perfectè bonis, qualia ab homine præstari nequeunt.

14. Non negamus, Deum bona opera permutare seu compensare præmiis, etiam æternis; quamvis negemus, hanc permutationem institui, ex tenore divinæ justitiæ, adeoque meritoriè. Dat Deus aliquid *pro* alio; sed non *propter* aliud: reddit *secundum opera*; sed non *secundum mensuram seu proportionem operum*. Matth. XVI. 27. Rom. II. 5, 6, 7. I. Cor. III. 8. Gal. VI. 8. Apoc. II. 10. XXII. 12. Psal. XXXII. 10. Prov. XIX. 17.

15. De Particula *PER* sciendum, quod non semper indicet meritum; sed quandoque nudam conditionem subiecti: ut adeo I. Tim. II. 15. sensus sit, *Fæminam salvam QUÆ parit*; non vero *QUIA parit*.

16. Similiter particulæ *NAM*, *QUIA*, *PROPTEREA* &c. in sensu strictiori notant causam; in sensu autem latiori, antecedens quodcunq; præsertim signum, ut Matt. XXV. 34. 35.

17. Tribulatio nostra operatur gloriam æternam, 2 Cor. IV. 17. non tamen causaliter; sed occasionaliter, quatenus nos à rebus humanis avocat, & ad quærenda, quibus fides excitatur & conservatur, media impellit. Alioqui enim afflictiones nostræ negantur esse *digna gloriâ aternâ*. Rom. II. 18.

18. Charitas operit peccata I. Petr. IV. 8. non in subiecto diligente; sed in objecto, quod diligitur. Conf. Glossa marg. Lutheri.

19. Hebr. XIII. 16. malè, juxta Theologiam æquè ac Grammaticam, reddidit vulgata: *Hostiis promeretur DEUS*: Vertendum quippe erat: *Hostiis (ἐὐαρεστήσας) beneplacet sibi DEUS*. Luth: Solche Opffer gefallen Gott wol.

928. Pontificii distinguunt inter Meritum de congruo & de condigno. Utrumque, juxta illos, est actus liberè elicitus: utrique retributio præmii convenit: utrobique inter laborem & præmium aliqua est proportio. In eo autem occurrat diversitas, quod ex eorum hypothesebus, merito de congruo respondeat liberalitas acceptantis; merito autem de condigno debitum præmiantis. Ut clarius ista exprimamus, Meritum de congruo illis est, cum homo juxta rigorem justitiæ, posset sibi ipsi relinqui; sed intuitu bonæ intentionis, quæ in illo est, decet misericordiam DEI, ei conferre gratiam primam: Meritum verò de condigno est, cum homo jam ita se gesit, ut Deus ex debito justitiæ, teneatur ei conferre gratiæ continuationem vitamque æternam.

RESPOND.
PAULC
MATTH.
Wundsch/
Mavá-Bor.

21. Ita Pontificii, quibus non possumus assentiri. Nam bona intentio, tanquam fundamentum Meriti de congruo, nequit esse ante primam gratiam, adeoque nec mereri eam: Neque Deus unquam ex debito justitiæ, homini obligatur; quo ipso etiam Meritum de condigno evanescit.

Βαδαίων. Probamus, *bona Opera ad remissionem peccatorum & salutem æternam, modo meritorio haudquaquam influere.*

1. ex Definitione Meriti strictè sic dicti, quæ in ipsâ Thesi proponitur: Negatâ autem Definitione, negatur quoque Definitum.

2. ex Ps. CXXX. 3. *Si iniquitates observaveris, Domine, Deus, quis stabit?* Ubi interrogatio, more Hebræorum vim universalis negationis habet, sensusque est: *nemo stabit.* Si autem nemo coram Deo stare potest, sequitur nec quenquam coram Deo remissionem peccatorum & salutem æternam mereri posse: Qui enim hæc mereretur, ille utique coram Deo staret.

3. ex Rom. VI. 23. *Stipendium peccati mors: Gratia autem Dei, vita æterna, in Christo Jesu Domino nostro.* Ubi indi-

catur (1) quod mortem peccato mereamur: quippe cap-
dicitur esse stipendium (2) quod *vitam æternam ex gratiâ* con-
sequamur, adeoque non ex merito. Rom. XI. 6. (3) quod
unica causa meritoria vitæ æternæ, sit *Christus JESUS*: Nam
vita æterna dicitur *gratia*, seu gratuita donatio *in Christo JESU*,
Domino nostro, tanquam eo, qui solus gratiam istam prome-
ritus est. Conf. Rom III. 24. seq.

4. ex analogiâ fidei, in aliis articulis. Nam si B. O. me-
rerentur remissionem peccatorum & salutem æternam, seque-
retur (1) Justificationem non esse gratuitam (2) Electionem
è prævisione operum suspendi (3) Bonis Operibus perfectè
legem impleri; quæ omnia veritati adversantur.

Αντίθεσις est Pontificiorum.

**Thesis IV. Bona Opera, sub respectu ad salutem, sive
producendam, sive conservandam, aut noxia, aut necessaria
dicere, forma sanorum verborum prohibet.**

Έκθεσις 1. Cum Paulus nos jubet habere (*ὑποτάσσων ὑγι-
αινόντων λόγων*) *formam sanorum verborum* 2. Tim. I. 13. eo
ipso indicat, in rebus Theologicis, non solum rectè sentien-
dum; sed & circumspectè loquendum esse. Unde non fe-
rendæ phrasæ quoquo modo suspectæ, etsi commodâ inter-
pretatione ad orbitam reduci queant, ne quod plerumque
fieri solet, *ex novis loquendi modis, nova* & quidem erronea
dogmata oriantur.

2. Tale est illud, cum B. O. aut noxia, aut necessaria ad sa-
lutem, dicuntur. Utrumque enim si ab heterodoxo pro-
feratur, damnamus, ut heterodoxum; si ab orthodoxo, casti-
gamus, ut minùs circumspectum.

3. Qui ex nostris B. O. dixerunt noxia ad salutem, intel-
lexerunt B. O. non per se, sed per accidens spectata, videlicet
respectu fiduciæ, in ea collocatæ. Qui adeò monendi fuerunt,
ut sententiam retinerent; at linguam calamumq; mutarent.

gallæ
4. Similiter pronuntiarem, si quis ex nostris B. O. diceret necessaria ad salutem, videlicet non producendam, vel conservandam, sed significandam & declarandam. Sententiæ mentis bona foret; sed expressio sententiæ, absque additâ declaratione, non satis tuta.

5. Concesimus, imo & demonstravimus, B. O. esse necessaria in Th. I. sed jam negamus, esse necessaria ad salutem. Hanc enim appendicem, nec volumus, nec possumus ferre.

6. Interim cum de salute quæritur, non negamus Operibus bonis, in subjecto habili (exclusis scilicet infantibus, iisq; qui in ultimo vitæ articulo convertuntur) necessitatem præsentis, sub nudo respectu ad subjectum, de quâ Apostolus loquitur Rom. II. 2. IIX. 13. X. 10. Hebr. X. 36. quamvis impugnemus, necessitatem efficientiæ, quatenus ad salutem, seu producendam, seu conservandam, ut causæ influentes referuntur; itemque sub respectu quocunque alio ad salutem, juxta illud quod in Formulâ Concordiæ legitur: *In Ecclesiis nostris merito hoc notum, certum & firmam esse debet, quod phrasæ & propositiones illas, de bonis operibus ad salutem necessariis, non sint docenda, defendenda, pingenda, sed potius, ut falsa & non sincera, explodenda atq; rejicienda.* Art. 4. p. 986. (705.)

7. Distingvamus etiam inter loca Scripturæ, in quibus describitur homo justificatus & in quibus describitur causa justificationis ac consequenter salutis. B. O. nunquam habent respectum ad justificationem, ut causæ; sed ad justificatum, ut adjuncta 1. Joh. II. 10. IV. 12. Jac. I. 25. 1. Tim. II. 15. similiter 2. Pet. I. 10. ubi in vulgatâ perperam textui originali adduntur hæc verba: *PER BONA OPERA.* Huc spectat illud Augustini L. de Fide & Operibus C. 4. *Bona Opera non præcedunt justificandos; sed sequuntur justificatos.*

8. B. O. ut antea innuimus, pertinent ad salutem de-

monstrativè ; non autem causativè : quo sensu accipiuntur loca, Luc. VII. 47. 1. Joh. III. 14. & præ cæteris Jac. II. 21. 22. 24. in quo Jacobus Paulo contradicere videtur ; sed tantum videtur : Nam Paulus per justificationem intelligit absolutionem à peccatis ; Jacobus autem declarationem absolutionis, seu signum ejus externum, coram Ecclesiâ, prouti constat ex v. 18. 20.

9. Plura videantur superiùs Art. IV. de Justificatione Th. 4. p. 152.

Βεβαιώσις. Probamus I. generaliter, quod in Ecclesiis Evangelicis abstinendum sit ab ejusmodi modis loquendi, utpote qui expressè rejiciuntur in Formulâ Concordiæ p. 834, 835, 984 989. (590, 591. 704, 708.)

II. Specialiter, quod cum formâ sanorum verborum pugnet assertio 1. *Bona Opera esse noxia ad salutem.* Nam Scriptura eorum necessitatem inculcat, quamvis sine respectu ad salutem. Vid. in hoc Art. Thes. 1.

2. *Bona Opera esse necessaria ad salutem* : Hoc enim si intelligatur (1) de salutis productione, ex adverso Scriptura docet, nos salutem consequi solâ fide, prouti ostendimus Art. 4. Th. 4. p. 152. sq. (2) de salutis conservatione, tum Scriptura, prouti fidem depingit, tanquam unicum medium apprehendendi salutem ; ita eandem quoque sistit, tanquam unicum medium retinendi salutem. 1. Petr. 1. 5. Proinde repetimus memorabilia verba celeberrimi, cum viveret, Theologi & Philosophi, Amici animo meo conjunctissimi, D. Alberti, de Interesse Religionum Art. 6 Th. I. §. 9. p. 298. Ille enim, postquam verbis Hülsemanni ostenderat, propositionem, de quâ agimus, ab Ecclesiâ Evangelicâ tribus vicibus exclusam esse, nimirum in Artic. VI. August. Confess. in Colloquio Altenburgensi & per Formulam Concordiæ, ipse pergit: Addo ego: (4) *Rejecta est in nupera hæc lite cum*
Helmsta-

Helmstadiensibus, à maximâ parte Ecclesiâ Lutherana. Imo jam anno 1535. Lutherus Witteberga, cum in quadam publicâ disputatione pro Papisticâ sententiâ de Operum necessitate, argumentum proponeretur, plus quinqueies ingeminavit hanc vocem, suo & totius sui collegii nomine: Propositionem, bona Opera esse necessaria ad salutem, volumus damnatam, abrogatam, ex Ecclesiis & Scholis nostris penitus explosam.

Antijon est 1. Nicolai Amsdorffii, magnorum alioqui meritorum Theologi, qui phrasin illam, B. O. esse noxia ad salutem, quamvis citra hæreseos contagium adhibuit, inter paradoxa referendam.

2. Majoristarum & Syncretistarum, qui B. O. necessaria ad salutem dicenda esse censuerunt & scripserunt.

3. Pietistarum & Hyperpietistarum, qui Majoristicum dogma, ex Ecclesiâ proscriptum, per posticam reducere annuntiantur. Vid. Supplem. Synops. Art. 22. Th. 7. Wigandiana Tit. de Justificatione n. 2. p. 58, 59. Piet. Sect. Art. 16. n. 6, 7, 8 & 9. item n. 16.

III. VINDICATIO.

Accusamur,

I. Quod bonis Operibus *detrahamus*; sic plerique Pontificiorum: quod *venerimus legem solvere & prorsus ex hominum animis extingvere*; sic Andreas Fabricius: quodque *Epicureismum & Atheismum* introducamus; sic Antonius Possévinus, Lorichius & Adamus Hungerus. Resp. Calumniam istam, perlectâ Augustanâ Confessione ejusque Apologiâ, in hoc Articulo, veluti nebulam à sole dispelli. Ipse Bellarminus L. 4. de Justific. c. 7. nobis testimonium sequens præbet: *Adversarii in eo conveniunt, quod Opera bona non sint necessaria nisi necessitate præsentia, cujus propositionis hic sensus est: ut Opera bona fieri debeant, quoniam alioqui fides nec esset viva, nec vera, nisi fructus bonos faceret; quomodo ignis non est ignis,*

nisi calefaciat; tamen bona Opera non habeant ullam relationem ad salutem. &c.

II. Quod calumniemur Pontificios, quasi ante Lutherum de Operibus verè bonis parum docuerint, & in Concionibus tantum puerilia & non necessaria urserint. &c. Sic Bellarminus in Judic. de Lib. Concord. Resp. ubi rerum testimonia adsunt, non opus esse verbis. Atqui illi, qui Aug. Conf. in quâ hæc extant, confutare jubebantur, suo tempore negare ista non audebant. Et Bellarminus expressè fatetur Tom. VI. Oper. Conc. 26. *Aliquot annis, antequam Lutherana hæresis oreretur, nulla propemodum fuerat religio.* Vid. plura ap. Carpov. Itag. ad h. l. p. m. 513.

III. Quod *miseri nesciamus, quid dicamus*: Si enim fides, quâ justificamur, nihil aliud sit, quàm fiducia, quæ credit, quod propter Christum habeamus remissionem peccatorum; sequi illud, quod nihil ad fidem pertineat, quicquid utriusque Testamenti scriptis traditur, extra hunc articulum remissionis peccatorum: Sic Andreas Fabricius. Resp. Committi ignorance elenchi: Neque enim docemus, quod Fides nihil aliud sit, quàm fiducia remissionis; sed quod illa fiducia sit præcipua pars fidei, præter quam etiam, ut partes fidei se habeant Notitia & Assensus: Harum verò partium objectum est, quicquid Deus in Scripturâ nobis revelavit.

IV. Quod articulus XX. per *παιδολογίαν* repetitus sit; eo quod in antecedentibus, nimirum in Art. IV. & VI. eadem jam proposita fuerint: Sic Johannes à Daventriâ. Resp. Superius de bonis Operibus tantum incidenter actum esse; jam igitur etiam ex professo de iis agendum fuisse: præsertim cum in hoc Articulo, præ cæteris adversarii in docendo te impios & erga plenariam Christi satisfactionem ingratos ostenderent. Accedit, quod impræsentiarum aptè locum inveniat

niat tritum istud: *Nunquam satis dicitur, quod nunquam sati discitur.*

V. Quod Augustinus perperam pro nobis adducatur p. 17. quippe qui in Justificatione non excluderit opera ipsa, in se spectata, sed tantum opera, quæ extra gratiam fiant, qualia intellexerint Pelagiani: Quinimo ipsum Augustinum in libro de Fide & Operibus eos hæreseos accusasse, qui arbitrantur, *Fidem sine operibus salvare*. Sic Bellarminus & Andreas Fabricius. Resp. quod ab Augustino, quando de Justificatione agit, opera ipsa, quomodocunque se habeant, in oppositione ad fidem, excludantur, testimoniis ex isto allegatis ad oculum ostendi à Gerhardo in Loco de Justific. §. 159. Cum verò Augustinus eos, qui Fidem sine operibus salvare dicunt, hæreseos accusat, ille tò *sine operibus* non ad prædicatum refert, sed ad subiectum, prouti ipsemet explicat L. de Spiritu & Literâ C. 25. scribens: *Cum dicat Apostolus, gratis justificari hominem per fidem, sine operibus legis, non hoc agit, ut perceptâ ac professâ fide, opera justitiæ contemnuntur, sed ut sciat quisque, per fidem posse justificari, etiamsi Legis opera non præcesserint: sequuntur enim justificatum, non præcedunt justificandum.*

VI. Quod ab Augustanâ Confessione recefferimus: siquidem ista bonorum operum necessitatem adstruxerit, quam Formula Concordiæ destruxerit: Sic Episcopus Collonitsch in Confessione Antiaugustanâ. Resp. Nullam occurrere contradictionem. Nam & Formula Concordiæ agnoscit bonorum operum necessitatem; non tamen ad salutem; qualis necessitas nec in Augustanâ Confessione adstruitur. Pluribus ista explicat D. Alberti, in Refutat. Antiaugustan. Confess. P. 2. c. 3. Qu. 17. p. m. 209. seqq.

ARTICULUS XXI. DE CULTU SAN- CTORUM.

I. EXPLICATIO.

MUtata Confessio propè totum huncce Articulum, aliis verbis exhibet, ita tamen, ut orthodoxiæ nihil derogarit: Namque ibi legimus: *De veneratione Sanctorum docent, quod utile sit Sanctorum memoriam proponere, ut eorum exemplis fidem nostram confirmemus: Item, ut eorum fidem & bona opera imitemur, quantum cujusq. vocatio requirit: ut Caesar exemplum Davidis imitari potest, in bello gerendo, ad repellendos Turcas; namuterq. Rex est. Debemus etiam gratias Deo agere, quod tam multa & gloriosa exempla misericordie sue proposuerit Ecclesia in Sanctis. Item quod Ecclesiam pulcherrimis donis ac virtutibus Sanctorum ornaverit. Laudandi sunt & ipsi Sancti, qui donis Dei pie uti sunt, & ad ornandam Ecclesiam contulerint. Caterum Scriptura non docet invocare Sanctos, seu auxilium à Sanctis petere, sed unum Christum nobis proponit mediatorem, propitiatorem, pontificem & intercessorem. De hoc habemus præcepta & promissiones, ut & ipsum invocemus, & statuamus, exaudire preces nostras, cum ad hunc Pontificem & intercessorem confugimus, sicut inquit Johan. XVI. Quicquid petieritis Patrem in nomine meo, dabit vobis. Et Johan. XIV. Quicquid petieritis in nomine meo, id faciam: Hæc testimonia jubent ad Christum confugere, jubent ut Christum sentiamus esse intercessorem & placatorem, jubent ut confidamus nos exaudiri à Patre propter Christum De Sanctis*

actis verò, nec præcepta, nec promissiones, nec exempla sunt in hanc sententiam in Scripturis. Et obscuratur officium & honor Christi, cum homines confugiunt ad Sanctos, & hos ducunt esse mediatores, eosque invocant, & sibi fingunt opinionem, Sanctos esse benigniores; atque ita fiduciam, debitam Christo, transferunt in Sanctos. At Paulus inquit: Unus est Mediator Dei & hominum. Hunc igitur cultum præcipue requirit Christus, ut sentiamus ad ipsum confugiendum esse, ipsum esse intercessorem, propter quem certo exaudiamur.

Invariata Confessio p. 28. (19) de Cultu Sanctorum agit

I. Positivè, indicans in quo debeat consistere. *De Cultu Sanctorum—uterque Rex est.*

II. Remotivè, ostendens, in quo non debeat consistere: Ubi exhibetur

- I. Thesis: *Sed Scriptura non docet invocare Sanctos, seu petere auxilium à Sanctis.*
- 2. Theseos ratio. *Quia unum Christum—advocatum apud Deum &c.*

APOLOGIA Augustanæ Confessionis p. 355. (223)

I. Examinat, quæ contra hunc Articulum adferuntur: Sistitur enim

- I. Censura nostræ Confessionis. *Articulus XXI.—rhetorizantur. p. 355. (223)*
- 2. Judicium de censurâ illâ, quod
 - 1. constet meris paralogismis. *Neg. tamen aliud—non de invocatione. ibid.*
 - 2. adversetur antiquitati. *Neg. reliqui veteres—testimonia veterum Scriptorum. p. 355. 356. (223)*

II. Declarat uberiùs,

I. quid nostri hac in parte sentiant, videlicet quod statuunt,

2

1. Sanctos esse trifariam honorandos. *Confessio nostra probat—necessaria, rixantur* p. 356. (223.224)
2. In Scripturis Canonicis legi de oratione Angelorum pro nobis; non autem de oratione Sanctorum mortuorum, quamvis interim haudquaquam negetur. *Præterea & hoc—Machabæorum posteriorem.* p. 356. 357. (224.)
3. Si vel maximè Sancti pro nobis orent, non tamen propterea invocandos esse:
 1. quia de eo in Scripturâ nihil habetur. *Porro us maximè pro Ecclesiâ—singulorum preces.* p. 357. (224.)
 2. quia oratio talis absque fide peragitur, & consequenter oratio non est, neque ad eam quisquam cogi debet. *Nihil afferri potest—non est oratio.* p. 358. (225.)
 3. quia exemplum Ecclesiæ, quod à Pontificiis allegatur, novum & inconveniens est. *Nam quod allegant Ecclesia—invocationi singulorum.* ibid.
- II. quid Adversarii præterea in medium proferant, videlicet
 1. quod Sanctis divinitatem tribuant, fingendo, eos cogitationes hominum cernere: *Quidam planè tribuunt—quæstuosos cultus defendant* p. 357. 358. (224. 225.)
 2. quod merita Sanctorum pro aliis applicent, atque ita ex Sanctis non solùm deprecatores, sed etiam propitiatores faciant. Hic
 1. Thesis Heterodoxorum
 1. generaliter proponitur. *Deinde adversarii—etiam propitiatores.* p. 358: (225)
 2. specialiter exponitur

a b c

¶ quod

1. quod frustra distinguant inter Mediatorem intercessionis & redemptionis. *Faciant enim eos mediatores—mediatores redemptionis. ibid.*
2. quod magis confidant misericordiae Sanctorum, quam Christi. *Fingunt enim homines—re ipsa mediatores redemptionis. p. 359. (225)*
3. in compendio repetitur. *Hic adversarii primum jubent—meritis eorum salvemur. p. 361. (227)*
4. exemplis illustratur. *Passim usurpatur—in hora mortis suscipe. p. 362. 363. (227. 228)*
2. Antithesis orthodoxa opponitur, consistens in eo
1. quod honor Christi perperam transferatur in Sanctos. *Id nullo modo ferendum est. Nam hic prorsus transfertur in Sanctos proprius honor Christi. Et post pauca: Atque etiam illud—transfert in Sanctos. p. 358. (225.)*
2. quod quæ ad propitiatorem requiruntur, in solo Christo inveniantur; non in Sanctis. *Itaque ostendimus quod verè—placatum Patrem. p. 359. 360. 361. (225. 226. 227.)*
3. quod malè ex aulis Regum deducatur, per mediatores ad Deum esse eundum. *Ubi autem institutus est—cur querimus alios? p. 361. (227)*
4. quod Maria non æquanda sit Christo, aut in ejus locum substituenda. *Ubi largiamur, quod—judex & ultor. p. 362. (228.)*
5. quod opinio adversariorum, tanquam injuria in Christum, meritò explodatur. *Nos autem sentimus—aut aliorum Sanctorum. p. 361. 362. (228. 229)*
3. quod Sanctis certas procuraciones assignent: Ubi sententia Adversariorum

- a { 1. delineatur. *Hæret & hic error*—*invenitur equivo-*
 364. (229)
 2. refutatur, tanquam
 { 1. ex gentilismo orta. *Ha persuasiones*—*defendere*
equites &c. ibid.
 2. Scripturæ contraria. *Et fingamus*—*idq. res ostendit.* ibid.
 3. ex tenuibus & tolerabilibus initiis nimium pro-
 vecta. *Videtur initio*—*abusus secuti sunt.* p. 365. (229.)
 4. quod imagines Sanctorum colant
 { 1. vulgares. *Ab invocatione ad imagines*—*certo tempore*
sculpsit. ibid.
 2. artificiosè, ad decipiendum vulgus, fabricatas. *Vi-*
dimus in quodam—*aut annuere.* ibid.
 5. quod prodigiosas fabulas de Sanctis confinxerint, atque
 interim, quæ expendi in illis merebantur, neglexerint.
 Ubi considerandum specialiter
 { 1. quid adversarii fecerint. *Et tamen omnium*—*Polyphe-*
mus aliquando existisset. p. 365. 366. (229. 230.)
 Et post quædam alia: *Sed histriones quidam*—*in cultu*
Sanctorum taxamus. p. 367. (230. 231.)
 2. quid iidem facere debuerint. *Cumq. Sancti maximas res*
proderat recitari. p. 366. 367. (230.)

II. DEMONSTRATIO.

Thesis I. Tametsi verisimile sit, Sanctos demortuos in Ecclesiâ triumphante, generaliter orare pro Ecclesiâ militante; atq. nos insuper fateamur, eos gratâ memoriâ, celebratione virtutum ac piâ imitatione merito honorari; nullatenus tamen admittere possumus, vel ut mediatores seu propitiatores, aut adjuvatores, vel etiam ut intercessores seu deprecatores, invocandos esse; falsaq. sunt, quæ de procuratione certorum negotiorum, Sanctis singulis competente, in Papæ traduntur.

Ex *9th* 1. ex Thesi patet, de Sanctis demortuis nunc agi; non de viventibus. Ab his ad illos N. V. C. Unde impertinenter allegantur loca Joh. XLII. 8. Jerem. XV. 1. Baruch III. 4.

2. Adversarii, in formatione status controversiæ monent, se non loqui de Sanctis V. sed N. T. Nobis Sanctorum in utroque Testamento eadem ratio est; sed quia Adversarii Sanctis V. T. cultum invocationis denegant, eo ipso omnia testimonia, pro tali cultu, ex V. T. conquesta, tutò rejiciuntur.

3. Largimur, dari communionem inter Ecclesiam triumphantem Sanctorum in cœlo, & militantem Sanctorum adhuc supersitum in terrâ; negamus verò ejusmodi subjectionem militantium erga triumphantes, ut illi hos religiosè invocare debeant.

4. Alia quæstio est, an Sancti demortui orent pro viventibus fratribus? & alia, an propterea invocandi sint, ut orent? Illam admittimus; hanc inficiamur. Atqui & in Ecclesiâ militante, alter pro altero orare jubetur 1. Tim. II. 1. Jac. V. 16. quamvis nullus ab alio invocari debeat, ut oret,

5. Oratio Sanctorum demortuorum pro viventibus, duntaxat generalis est; non specialis: quia specialia, quibus viuentes indigeant, non norunt, prouti in Thesi sequenti exponemus.

6. Porrò haud inficias imus, Sanctos demortuos esse honorandos; quamvis negemus, esse invocandos.

7. Distingvimus ergò inter honorem ordinatum & inordinatum. Quomodò Sancti demortui, juxta voluntatem Dei, in Scripturâ revelatam, honorari debeant, exponitur in Apolog. p. 156. (223. 224.)

8. Nempe consistit honor ille, in *gratâ memoriâ, celebratione virtutum, ac piâ imitatione*: sed quoad ea, quæ verè narrantur de Sanctis; non autem quoad ea, quæ affinguntur

Sanctis. Nugas enim illas, quæ in Legendis, Passionibus, similibusque libris, *ferrei oris & plumbei cordis*. (ut Claudius Espencæus de *Legenda*, quæ vocatur, *aurea* loquitur) de prodigiis & superstitiosis Sanctorum actionibus, nihil ad ædificationem facientibus, adferuntur, jure meritoque spernimus. Conf. 1. Cor. XIV. 26.

9. Excusatio Adversariorum, quod Sanctos pro Mediatoribus intercessionis; non redemptionis habeant, nulla est: quia ad merita eorum provocant. Vid. Apolog. p. 358. (225) In Scripturâ verò, ne quidem ut intercessores invocandi, describuntur.

10. Mentio quidem fit in Sacris promissionum sanctis Patribus factarum: sed à promissionibus Dei, ad merita hominum non licet argumentari. Conf. Exod. XXXII. 13; 1. Reg. II. 25. Pl. CXXXIII. 1. in quo ultimo loco vulgata habet: *Memento, Domine, David & mansuetudinis ejus*: pro quo in textu Hebræo legitur: *Memento, Domine, David & afflictionis ejus*; quia videlicet afflictio videbatur impugnare promissionem de regno Davidi factam 1. Sam. XVI. 13.

11. Alius Vulgatæ error est, in illo Gen. XLII. 16. *Invocetur super eos nomen meum* (scilicet Jacobi); nomina quoque Patrum meorum, Abraham & Isaac: cum verti debeat: *Vocentur de nomine meo, & Abrahami, & Isaaci*: Sic enim exprimitur Hebraismus ille, El. IV. 1. Jac. II. 7. Act. XV. 17. Vid. Exercitatio nostra de Concil. Hierol. c. 34. §. 9.

12. Hominis impii, qualis Saul fuit, exemplum, non nisi impiè Christiano, ut norma actionis, proponitur, ex 1. Sam. XXII. 14. Ut nil dicimus, de eo, quod Saul ibi non Samueli, sed diabolo, in Samuelis formâ apparenti, honorem exhibuerit.

13. Simile illud, quod per Sanctos adeundus sit Deus, quemadmodum per Ministros adimus Regem, jam suo tempore

rejecit Auctor Commentar. in Epistolam ad Romanos, Ambrosio adscriptorum, inquires: *Solent miserâ uti excusatione, dicentes, per istos posse ire ad Deum; sicut per Comites pervenitur ad Regem. Age nunquid tam demens est aliquis, aut salutis suæ immemor, ut honorificentiam Regi vendiderit Comitibus; cum de hac re, si qui etiam tractare fuerint inventi, jure ut rei damnentur Majestatis. Et isti se non putant reos, qui honorem nominis Dei, deferunt creatura & relicto Domino, conservos adorant, quasi sit aliquid plus, quod servetur Deo. Nam & ideo ad Regem per Tribunos aut Comites itur, quia homo utique Rex est & nescit, quibus debeat Remp. credere. Ad Deum autem, quem utiq; nihil latet: omnium enim merita novit: ad promerendum, suffragatore non opus est, sed mente devotâ. Ubicunq; enim talis locutus fuerit illi, respondebit illi. Add. Apol. p. 362. (227.)*

14. Si propterea invocandi sunt Sancti, quia sunt Filii ac Servi Dei, sequitur omnes Christianos in mundo superflites esse invocandos, quia omnes sunt Filii ac Servi Dei. Joh. I. 12. Rom. VI. 22. 1. Petr. II. 10.

15. Miracula, quæ pro invocatione Sanctorum urgeri solent, nos haud movent, præmonitos à Spiritu S. ne hujusmodi argumento nimium tribuamus. 2. Thess. II. 9. 10.

16. Quod Sancti non sint otiosi, credimus: quod vero post mortem procurationibus certis defungantur in terris, non credimus; e. gr. quod curam gerat boum Pelagius: equorum Eulogius, & cum his vena est secanda, Stephanus: ovium Wendelinus: anserum Gallus: porcorum Antonius &c. quod mures avertat Nicasius: glires Gertrudis & Ulricus: bruchos Magnus: fulmen Scholastica: quod fruges tueatur Lupus: vites Urbanus & Medardus: sanitatem Servatius: quod conjugio præsit Andreas: fecunditati cingulum Mariæ: parturientibus Margaretha & Notpyrgis: negotiatoribus Eras-
mus:

mus: equitibus Georgius: Theologis Augustinus: Ivo: Medicis Cosmus & Damianus: Philosophis Catharina: Studiosis Gregorius: Fabris ferrariis Eulogius: fabris lignariis Josephus: figulis Goarus: sartoribus Gutmannus: sutoribus Crispinus & Crispinianus; textoribus Severus, pictoribus Lucas; venatoribus Hubertus & Eustachius: nautis Nicolaus: molitoribus Arnoldus: quod opituletur contra febrim Petronella & in specie contra quartanam Sigismundus: item contra epilepsiam Johannes & Valentinus: contra oculorum vitia Otilia: contra dentium dolores Apollonia: contra asthma Blasius: contra mammarum exulcerationem Agatha: contra pudendorum morbos Apollinaris: contra matricis affectum Stephanus: contra arthritidem Wolfgangus: contra calculum Liborius: contra rabidi canis morsum Hubertus: contra venena Johannes Evangelista & Benedictus: contra pestem Sebastianus, Rochus & (rile teneatur) sanctus Sudarius: contra obsessionem à dæmone Anastasius & Romanus &c. Sic & regiones quæque suos habent præfectos, ut Germania Georgium: Hispania Jacobum: Gallia Dionysium & Genovesam: Polonia Stanislaum & Ladislaum: Hungaria Ludovicum & Mariam Aquisgranensem: Borussia Albertum &c.

Βεβαιωσις. Probamus I. *Verisimile esse, sanctos demortuos in Ecclesiâ triumphante, generaliter orare pro Ecclesiâ militante: quia legimus eos orare contra tyrannos Apocal. VI. 9. 10. Convenientius autem videtur Sanctis pro alio orare, quàm contra alium. Cæterùm directè Thesis ista ex Scripturis demonstrari nequit, juxta Apolog. p. 357. (224.)*

II. *Eos meritò honorari à viventibus, gratâ memoriâ.* Hebr. XIII. 7. *celebratione virtutum,* Sirac. XLIV. 1. seq. *piâ imitatione,* Hebr. XIII. 7.

III. *Eos non esse invocandos,* 1. ex Pl. L. 15. *Quia Deus sibi*

Cultum vendicat. Nam (1) jubet *se invocare in die tribulationis*; non autem alios (2) promittit ultro auxilium, tametsi nullus alius interveniat: *Eripiam te*; (3) indicat sibi gratias referendas esse; non alii: *Glorificabis me*. Quis ergo sanæ mentis honorem Deo debitum Sanctis deferret? Conf. XLII. 8

2. ex Luc. XI. 1. 2. Quia Christus, cum ab Apostolis rogaretur, ut eos orare doceret, jubet *Patrem cælestem* invocare; non Sanctos. Conf. Matth. IV. 10. ubi ad *solum* Deum expresse restringitur, quod hic indefinitè de *Patre* dicitur.

3. ex aliis rationibus, quæ exhibentur in Apologiâ p. 357. 358. (224. 225.)

IV. *Eos nec pro mediatoribus, nec pro intercessoribus habendos esse*, ex 1. Tim. II. 5. & 1. Joh. II. 1. 2. Quia (1) non nisi (*ὁ ὁ μόνος*) *unicus mediator est, inter Deum & homines*, (2) idemque etiam est *advocatus* noster. Add. Rom. IIX. 34. 1. Joh. II. 1. (3) Et quidem talis Advocatus, qui tum voce, tum *merito* sufficienter interpellat: Nam *propitiatio est pro peccatis totius mundi*.

V. *Falsa esse, quæ de procuratione certorum negotiorum, Sanctis singulis competente, in Papatu tradantur*, (1) Quia de iis nec vola nec vestigium in Scripturâ exstat, quæ Deum describit, ut ubique præsentem, Jer. XXIII. 23. 24. omnia quibus in verbo suo alios non præfecit, immediatè regentem. Sap. XII. 15. precantes ubique audientem Psal. XCIV. 8. 9 (2) Quia figmentum hoc, de procuratione certorum negotiorum, Sanctis, seu ut in Papatu vocantur, Divis singulis, quasi Semideis, competente, ex gentilismo originem ducit, quod uberius ostenditur in Apolog. p. 364. (229)

Aviſendus est Pontificiorum, qui (1) Sanctos invocant, Apol. p. 355. (223) (2) plus commodi ex misericordiâ Sanctorum, quam Christi expectant. Apol. p. 358. (225) (3)

Sanctis certas procuraciones assignant Apol. p. 364. (4) Prodigiosa de Sanctis fingunt, Apol. p. 365. sq. (230. 231)

Thesis II. *Quod Sancti demortui omnia, quæ in toto terrarum orbe geruntur, aut in precibus ab iis expetuntur, ipsasq. etiam cogitationes hominum cognoscant, nec in Scripturâ, nec in sanâ ratione, ullum fundamentum habet.*

Expositio I. Ante omnia distingvimus inter notitiam generalem eorum, quæ in terris, præsertim in Ecclesiâ, geruntur; & inter notitiam specialem. Illam habent Sancti demortui, ex reminiscentiâ eorum, quæ dum ipsi in vivis essent, accidebant, & consideratione moniti Salomonei Eccl. I. 9. seq. Hanc verò iisdem denegamus; quâ tamen instructi esse deberent, si invocandi forent.

2. Posito, non concessô, quod Sancti demortui quædam, ex peculiari revelatione, de statu superstitum in terris percipiant, ex eo tamen concludi nequit, quod uniuscujusq. miseras, gemitus &c. norint. Hæc verò si non norunt, frustra ad avertendas miseras, aut exaudiendos gemitus, vel etiam ad deprecandum pro aliis, invocantur. Id qui faciunt, surdis fabulam narrant.

3. Sequuntur Sancti Agnum quocunq. iverit Apoc. XIV. 3. sed quoad communionem beatitudinis; non omnipræsentia, vel omniscientia.

4. Scholastici cognitionem Sanctorum in cœlis, distingvunt in matutinam & vespertinam. Illam vocant, quâ divinam essentiam in lumine verbi, & creaturas in ipsâ DEI essentiâ, veluti in speculo relucens, cognoscunt; hanc verò, quâ naturali intellectus sui virtute, res creatas cognoscunt. Origo distinctionis petita est, ex libro Augustini super *Genesin ad Literam*, qui Angelis Matutinam & Vespertinam visionem assignat: Scholastici verò eadem, ad quoscunque Beatos,

beatos, in cœlesti patriâ degentes, transfulerunt. Cate-
rûm Scriptura nullum planè illius doctrinæ fundamentum
suppeditat. Contrarium potiùs reperimus, nempe quod
specularis cognitio, huic vitæ, in oppositione ad alteram vitam
tribuat, 1. Cor. XIII. 12.

5. Similiter & ista sine testimonio Scripturæ finguntur;
quod Sancti miseras nostras cognoscant, ex relatione Ange-
lorum ascendentium & descendantium: item quod ipsi mirâ
celeritate, instar Angelorum, nunc in cœlis, nunc in terrâ
sint &c. Cui commentò Augustinus in L. de Curâ pro mortuis c.
13. T. 4. contradicit, inter alia scribens: *Si rebus viventium in-
teressent anime, ut de aliis taceam, me ipsum pia mater nullâ
nocte desereret &c. Sed profectò, quod sacer Psalmus personat,
verum est: quoniam Pater meus & mater mea dereliquerunt
me, Dominus assumpsit me. Si ergo dereliquerunt nos Patres
nostri, quomodò nostris curis & rebus intersunt? Si autem Pa-
rentes non intersunt, qui sunt alii mortuorum, qui noverunt,
quid agamus, quidve patiamur? Et post pauca sequitur: Ibi
sunt spiritus defunctorum, ubi non vident, quacumq; aguntur,
aut eveniunt, in istâ vitâ hominum.*

Beſaias. Probamus, quod quæ de cognitione isthac San-
ctorum dicuntur, nullum fundamentum habeant 1. in Scripturâ.
Hæc enim contrarium docet. Es. LXIII. 16. & 2. Reg.
XXII. 20. ex quibus dictis ita argumentatur Augustinus l.c.
*Eſaias Propheta dicit: Tu es Pater noster; quia Abraham nos
nescivit & Israel non cognovit nos. Si tanti Patriarcha, quid
erga populum ex his procreatum, ageretur, ignoraverunt, qui-
bus Deo credentibus, populus ipse de illorum stirpe promissus est:
quomodò, mortui vivorum rebus atq; actibus cognoscendis ad-
juvandisq; miscantur? Quomodò dicimus, eis fuisse consultum,
qui obierunt, antequam venirent mala, quæ illorum obitum con-
secuta sunt: si & post mortem sentiunt, quacumq; in vita hu-*

mana calamitate contingunt. Et post pauca idem sanctus Episcopus, de mortuis ait: In pace requiescunt, ubi mala ulla, nec patiendo, nec compatiendo sustinent.

2. in sanâ Ratione. Sic enim infinita foret Sanctorum scientia: Si autem scientia eorum infinita esset, utiq; & essentia infinita foret.

Avrithensis est Pontificiorum, de quibus vid. Apol. p. 225. (358) lqq.

Thesis III. Reliquias Christi, aut Sanctorum colere, gratiave impetranda ergo, quocunq; modo tractare aut adhibere, superstitio est.

Exsens. 1. Reliquiarum nomine, in sensu Pontificio, veniunt, quæcunque de Christo & Sanctis, sive ut partes, sive ut adjuncta corporis supersunt, v. gr. Ossa & Vestimenta; item Instrumenta, quibus olim usi, vel excarnificati sunt, similiter Lignum, Lapides &c. sanguine eorum tincti, vel tantum contactu honorati; nec non Terra sepulchris imposita, &c.

2. Ejusmodi res nec irreverenter habendas, nec religiosè colendas; sed ita tractandas esse docemus, ne superstitioni fomentum suppedietur.

3. Ossa igitur Sanctorum, nisi hi aliud rationabiliter præceperint, in loco honesto sepeliantur, aut si jam sepulta sint, ibi relinquantur: quod Josias fecit, ad cujus exemplum in aliis adversarii provocant, 2. Reg. XXIII. 18.

4. Josephus Patriarcha, jussit transferri ossa sua in Palæstinam: sed ut sepelirentur; non ut colerentur, Exod. XIII. 9. cum quo conf. Jos. XXXIV. 32.

5. Ab eo, quod Deus asservari jussit super terram, ad id quod Deus recondi jussit in terram (ut videlicet in pulverem redeat Gen. III. 19.) infirmum necitur argumentum.

6. Quapropter cum Sanctorum ossibus nihil commune habent Manna, Tabulæ legis & Virga Aaronis: quæ quidem

in arcâ asservabantur, Hebr. IX. 4. sed ad memoriam; non ad cultum.

7. Fatemur, Deum miracula fecisse ad corpora, vel vestimenta Sanctorum, quando in Ecclesiâ plantandâ, aut reformandâ, miraculis opus erat, in testimonium veræ doctrinæ, per Sanctos annunciata 2. Reg. XIII. 21. Act. V. 15. XIX.

12. Enimverò negamus, propterea Sanctis eorumve reliquiis quibuscunque religiosum cultum deberi.

8. Versio vulgata perperam reddidit Pl. XCIX. 5. *Adorate scabellum pedum ejus*: cum transferri deberet: *Adorate ad scabellum*.

Beſaloms. Probamus 1. ex silentio Scripturæ. Quia de ejusmodi cultu ibi nec mandatum, nec promissio, nec exemplum reperitur. Contrarium verò nobis injungitur. Es. XLII. 8.

2. ex fraude multiplici, quæ circa reliquias occurrit, adeo ut Christianus nunquam possit esse certus, quæ reliquiæ veræ sint, quæ falsæ. Ipsi Pontificii negare nequeunt, easdem reliquias in diversis locis ostendi, atque ubi ostenduntur, ibi progeniis haberi. Ex hoc autem veritati reliquiarum nihil decedere, nemo fortè credet, nisi æquè stolidus aut impudens ac Johannes Ferrandus Jesuita, qui in *Disquisitione Reliquiariâ* scribere non veretur, L. I. c. I. p. 6. *Cur mihi non erit integrum, qui clarè pervideam principem causam tanta, tamq. suspiciende earundem numero Reliquiarum affluentia (non omnium quidem, at cerè aliquot) nullam aliam concipi, adducive posse, quàm omnium potentis pollentisq. Numinis interminatam virtutem, & in Fideles suos eximiam benignitatem. Duplici autem ratione (quantum cogitatione consequi valeo) infinitam suam potentiam hâc in re, quàm maximè exerit, ac prodit Deus. Prior est, quia ejusdem generis Reliquias, tam secundum entitatem, quàm secundum virtutem divinitus assusam, ita multiplicat, & ut in Scholis loqui usu venit, admi-*

rabiliter replicat, ut quæ una sunt, una quodammodo non sunt. vel potius, ut suâ naturâ unitate singulares sint. & sui unitate singulari miro modo multiplices. &c.

ARTICULUS est Pontificiorum, quorum superstitio ab Erasmo, in Colloquio de *Peregrinatione Religiosâ*, falsè exagitur.

Theſis IV. *Imagines pertinenter formatas, memoriæ, ornatus, & doctrinæ; non autem cultûs gratiâ, in templis habere licet.*

EXERCITIO I. Alia est quæstio, an liceat habere imagines; & alia, an liceat colere. Priorem affirmamus; posteriorem negamus.

2. Distingvimus autem inter Imagines pertinenter ac impertinenter formatas. Posterioris generis sunt, quæ inferunt aliquid (α) lasciviæ v. gr. nudorum hominum, (β) mendacii v. gr. Georgii Christophori, undecim mille Virginum, aliorumque his similium, de quibus conf. Voëtius Disput. Select. art. 3. de *Sanctis Chimericis* p. 472. (γ) monstrositatis v. gr. hominis cum tribus capitibus, vel cum duobus, intervalante columbâ, ad denotandam S. S. Trinitatem: (δ) sceleris per hominem depictum commendati, v. gr. Garneti Regicidium meditantis.

3. Essentia & Natura Dei depingi non potest; sed tantum ejus revelatio. Unde in templis nostris non exhibentur Imagines Dei, quas Anthropomorphitis relinquinus; sed Theophanias.

4. Non autem loquimur de Revelatione Dei, factâ per species intelligibiles; sed sensibiles. Hinc Deum haudquaquam depingimus ut ebrium, quamvis se ita manifestarit Davidi. Ps. LXXII. 66.

5. Propter id, quod per accidens adest imagini; non tollitur Imago ipsa, per se spectata. Utrum probamus; abusum improbamus,

6. Pro-

6. Prohibitio divina Imaginum, non est absoluta; sed conditionata. Eo enim tantum sine interdicuntur, ne pro Diis habeantur, vel divino cultu afficiantur. Lev. XXVI. 1.

7. Hinc aliud est Imago; aliud Idolum. Sæpè conveniunt materialiter, cum idem quod nobis Imago est, superstitioso homini sit Idolum; formaliter verò semper differunt, cum Imago quatenus Imago, à solâ repræsentatione alterius; Idolum verò, quatenus Idolum, ab opinione cultus ita dicatur. Serpens à Mose in deserto erectus, initio erat imago; accedente verò cultu, fiebat idolum, atque ideo destruebatur ab Hiskîâ. 2. Reg. XII. 4. Ex quo clarè patet, quod εἰκονοποιία non semper sit εἰδωλοποιία. Spectat enim huc illud Martialis L. 5. Epigram. 24.

*Qui fingit sacros, auro vel marmore, vultus,
Non facit ille Deos; qui rogat, ille facit.*

8. Neque tamen asserimus, quod imagines in templis necessariò debeant haberi; sed quod eas ex libertate Christianâ liceat habere. Tolli possunt; sed non privatâ autoritate, aut per tumultum.

Εὐβαίως. Probamus 1. quod Imagines in templis memoria, ornatus & doctrina gratiâ habere liceat. Quia ipse Deus eas templo suo inferri permisit, imò iussit, nempe Cherubinarum Exod. XXV. 18. Boum, 2. Paral. IV. 3. 4. &c.

II. quod imagines in templis, cultûs gratiâ habere non liceat, (1) Quia interdicta prostant (α) in V. T. Exod. XX. 4. 5. Deut. V. 7. 8. 9. (β) in N. T. Matth. IV. 10. (2) Quia Israëlita verum Deum per Imaginem colentes idololatriam committebant: Ergò multò magis idololatriam committunt, qui Sanctos in Imaginibus colunt.

Αντιθεσις est Calvinianorum, qui Imagines à templis eliminant.

II. Pontificiorum, qui cultui Imaginum patrocinantur. Vid. Apol. p. 365. (229). In modo autem cultus determinando

nando variant. Nam (1) Moderatiores docent, ^{ad}colendas esse per accidens, quatenus vicem gerunt exemplaris ita ut cultus ultimò referatur ad eum, qui in Imagine repræsentatur: Quo spectat versiculus:

*Effigiem Christi, qui transis, semper honora:
Non tamen effigiem; sed quem designat adora.*

(2) Crassiores contendunt, Imagines etiam colendas esse per se, ita ut ipsæ terminent cultum: in quâ opinione non solum plerique ex vulgo sunt, sed haud pauci quoque ex eruditis, v. gr. Bellarminus, Tannerus, Azorius &c.

Thesis V. Mariam Deiparam, uti præ reliquis hominibus, gratiam apud Deum invenisse credimus, atq; eo nomine, tanquam benedictam inter mulieres, magni facimus; ita religioso cultu venerari, aut Christo equare, vel etiam, ut magis propitium, Filio antepone, idololatricum censemus.

EXPOSITIO. 1. Non quæritur inter nos & Adversarios, an Maria honore afficienda sit; sed quo genere honoris. Prius illud nemo nostrum inficiatur.

2. Gratiola vocatur Maria: non tamen activè, quod gratiam attulerit ad Deum; sed passivè, quia gratiam invenit apud Deum. Luc. I. 30.

3. Eidem concedimus prærogativam, præ reliquis Sanctis, tam viventibus, quàm mortuis; nequaquam verò divinitatem, quæ nisi adsit, cultus religiosus locum habere nequit.

4. Quod Mater præferenda sit Filio, qui tantum homo est, nec quicquam, nisi quod humanum sit, habet, concedimus: Quod verò Mater præferenda sit Filio, qui simul Deus & homo est, imo in quo ut homine, tota plenitudo divinitatis habitat corporaliter. Col. II. 9. pernegamus.

5. Vide-

videantur etiam quædam huc pertinentia, Art. II. de Peccato Originis Th. 4. Observ. 5. 6. 7. p. 72.

Βεβαίως. Probamus, *Mariam non esse religioso cultu afficiendam*: Quia de eo in Scripturâ S. nec mandatum, nec exemplum, nec promissio extat. Contrarium verò inculcatur Matth. IV. 10. Et Maria ipsa suos ad Christum amandat, Joh. II. 5. Vid. plura in Thesi I. probationis membro 3. p. 430.

Ἀντίθεσις est Pontificiorum, quorum Idololatria hac in parte supremum apicem conscendit. Simillimi omnino sunt Collyridianis, in primitivâ Ecclesiâ damnatis: Id quod Disputatio nostra de Collyridianis, anno 1686. d. 3. Octobris habita, pluribus detexit, in cujus Thesi 20. ex Epiphani. Hæres. 79. n. 7. adducuntur illa: *Honoretur Maria: Pater verò, Filius & Spiritus S. adorentur: Mariam adorare nemo velit.* Et n. 9. *Maria in honore sit: Dominus adoretur.* Merentur etiam legi à Pontificio Scriptore, cum approbatione Superiorum, Gandavi anno 1673. edita *Monita salutaria B. V. Mariæ ad cultores suos indiscretos.*

Thesis VI. *Angelis creatis religiosum cultum deferre, nefas est.*

Ἐκθεσις I. Ex Thesi patet, de Angelis creatis nunc agi; non de increato, qui ipse Dei Filius est, de quo loquebatur Jacobus Patriarcha Gen. XLIX. 16.

2. Cultus religiosus opponitur cultui civili, qualem Angelis non denegamus.

3. In verbis Pauli: *Hæc nocte mihi adstitit Angelus DEI, cujus sum & cui (λατρεύω) servio.* Act. XXVII. 23. pronomen relativum utrumque, nempe CUIUS & CUI ad Deum pertinet; non ad Angelum. Nam ipsis Adversariis consentientibus, λατρεία soli Deo debetur.

4. Apoc. I. 4. per VII. Spiritus describitur unus numerus Spiritus S. septiformi charismate insignis.

Βεβαιώσεις. Probamus ex Apoc. XXII. 8. 9. ubi, cum Johannes Evangelista Angelum adorare vellet, istud ei interdictum: *Observentur vero tria, (1) Prohibitio seria: (ἴσα μὴ) Vide ne, scilicet feceris, (2) Ratio prohibitionis, non solum ad Evangelistam, sed etiam ad quoscunque Christianos pertinens: Conservus tuus sum & fratrum tuorum prophetarum, & servientium verba libri huius, (3) Mandatum contrarium: DEUM adora, videlicet solum.* Nam quod inclusiva subintelligatur, patet ex collatione Matth. IV. 10.

Ἀντίθεσις est Pontificiorum.

III. VINDICATIO.

Accusamur,

I. Quod falsò in Apologiâ p. 325. (223) statuamus, *veteres Scriptores ante Gregorium, nullam fecisse mentionem invocationis Sanctorum;* cum doctrina illa tam antiqua sit, ut *vix ejus reperiri possit initium.* Sic Daventria, Hoffmeisterus, Virvesius, Bellarminus &c. Resp. Quæ ex Patribus, quotquot ante Gregorium vixerunt, pro Invocatione Sanctorum ab Adversariis adducuntur, aut depromi solent ex scriptis supposititiis, vel suspectæ fidei; aut sic comparata sunt, ut per manifestam petitionem ejus, quod est in principio, ab honore vel memoriâ qualicunque, ad invocationem concludatur. Vid. Chemnitius, Gerhardus, Chamier.

II. Quod nostri in Apologia p. 337. (224) quæ ex libro Maccabæorum allegantur, satis *inverecundè* somnium appellarint. Sic Cochlæus & Virvesius. Resp. In ipso Maccabæorum Libro II. c. XV. v. 11. juxta vulgatam ita dicuntur.

Quis-

Quisquis ergò nostros propterea *inverecundæ* postulat, hoc ipso Vulgatam, quæ Pontificiis authentica est, simul accusat.

III. Quod Confessio syadens Cæsari, ut in bello contra Turcas Davidem imitetur p. 28. (19.) contradicat Luthero, qui statuerit, bellum gerere contra Turcam, esse bellum gerere contra Deum. Sic Fabricius. Resp. Nullibi Lutherus ipsum bellum contra Turcas improbavit; sed duntaxat modum gerendi bellum tunc usitatum, ubi sine præviâ pœnitentiâ, ex solâ fiducia in Bullas Papales collocatâ, expeditiones ejusmodi suscipiebantur. Vid. Gerh. Loco de Magistratu §. 386.

IV. Quod Sanctos contemnamus & probro afficiamus. Sic Bellarminus, Daventria, Cochläus, & quis non? Resp. Calumnia hæc est luculenta, quæ ex ipsâ Confessione ejusq; Apologiâ nullo negotio, velut nebula à sole, dispellitur. Conf. p. 28. 328. (19. 223) seq.

V. Quod ab Augustanâ Confessione, in hoc articulo, recesserimus, eò quod apud nos jam minus tribuatur Sanctis, quàm olim à Majoribus nostris tributum fuerit. Sic Antiaugustana Confessio, jussu Episcopi Collonitsch edita, quam D. Alberti sufficienter refutavit P. 2. c. 3. Qu. 18. p. 213.

EPILOGUS PARTIS I.

Variata Confessio plurima addidit & in illis, quæ retinuit, verba mutavit, sed citra heterodoxias misturam. Sic enim illa: *Hæc summa est doctrina, quæ in Ecclesiis nostris traditur. Et consentaneam esse judicamus & Prophetica ac Apostolica Scriptura, & Catholica Ecclesia, postremò etiam Romana Ecclesia, quatenus ex probatis Scriptoris nota est. Atq; idem judicatos esse speramus omnes bonos & doctos viros. Non enim*

aspernamur consensum Catholica Ecclesia, nec est animus nobis ullum novum dogma & ignotum sancta Ecclesia, invehere in Ecclesiam. Nec patrocinari impiis aut seditiosis opinionibus volumus, quas Catholica Ecclesia damnavit. Non enim adducti pravâ cupiditate, sed coacti auctoritate verbi Dei & veteris Ecclesia, amplexi sumus hanc doctrinam; ut & gloria Dei fieret illustrior, & consuleretur piis mentibus in universâ Ecclesiâ. Constat enim plerosq; abusus irrepisse in Ecclesiam, qui emendatione opus habent. Et cum propter gloriam Christi, tum propter salutem omnium gentium maximè optamus, ut diligenter cognitis his controversiis, Ecclesia repurgetur, & ut iis abusibus liberetur, qui dissimulari non possunt. Quam ob causam diu jam omnes boni viri in omnibus nationibus expetunt Synodum, cujus quidem spem aliquam clementissimus Imperator omnibus gentibus ostendit. Faciet igitur Imperator rem dignissimam suâ magnitudine & felicitate, & exoptatam universæ Ecclesiæ, si in Synodo permiserit iudicium de tantis rebus, non illis, qui privatos affectus in consilium adhibent, sed delectis piis & doctis viris, qui gloriæ Christi, & salutis universæ Ecclesiæ consulere cupiant. Hæc est usitata & legitima via in Ecclesiâ, dirimendi dissensiones, videlicet ad Synodos referre controversias Ecclesiasticas. Hunc morem servavit Ecclesia inde usque ad Apostolis. Et præstantissimi Imperatores, Constantinus ac Theodosius, etiam in rebus non valde obscuris, & dogmatibus absurdis, tamen sine Synodo, nihil constituere valuerunt, ut Ecclesiæ libertatem in iudiciis dogmatum conservarent. Et honestissimum est Cesari, illorum optimorum Principum exemplum imitari, præsertim cum nos nihil mutaverimus, sine exemplo veteris Ecclesiæ. Et speramus, hanc tantam felicitatem Imperatori divinitus datam esse, ad Ecclesiæ emendationem & salutem. Certè hanc gratiam Deus ab ipso reposcit, ut potentiam suam conferat ad ornandam Christi gloriam, ad Ecclesiæ pacem,

ad

ad prohibendam immanem & injustissimam crudelitatem, quæ mirâ quadam rabie passim exercetur in membra Christi, in homines pios & innocentes. Harum maximarum rerum curam mandavit Deus summis Principibus. Ideo excitat Monarchas, ut injusta imperia prohibeant, quemadmodum excitavit Cyrum, ut liberares à captivitate populum Judæorum; Constantinum, ut illam infinitam sevitiâ, quæ tunc in Christianos exercebatur, depelleret. Ita optamus, ut Cæsar, & curam emendandæ Ecclesiæ suscipiat, & injustam crudelitatem prohibeat.

Jam accedimus ad invariatum Exemplar, in quo
in CONFESSIOE ipsâ

Epilogus totus est Apologeticus. Depellit enim ab Ecclesiis nostris crimen

I. Hæreses, eo argumento, quia nihil docemus, quod discrepet

1. à Scripturis, scilicet Canonicis.
2. ab Ecclesiâ Catholicâ i. e. perpetuo consensu omnium, qui ante nos vixerunt, puræ Ecclesiæ Doctorum.
3. ab Ecclesiâ Romanâ, nimirum vetere illâ & orthodoxâ, cui opponitur Ecclesia Romana recens & ab Antichristo subjugata. *Hæc ferè est summa—pro hæreticis haberi postulant.* p. 29. (19)


II. Schismatis, eo argumento

1. quia retentâ verâ doctrinâ tantum Abusus resecurimus, perperam Ecclesiæ obtrusos. *Sed dissensio—irrepresserunt.* ibid.
2. quia ne Canones quidem postulant, ut similes sint omnium Ecclesiarum ritus. *In quibus etiam—ritus fuerunt.* p. 29. (19. 20)
3. quia etiam apud nos ritus sacri retinentur, quotquot salvâ conscientia retineri queunt. *Quamquam apud nos—correcti sunt.* p. 29. (20)

In APOLOGIA p. 367. (231.)

Quæ hic tractantur, ad duo summa capita revocari queunt. Nam

- I. Incusantur Adversarii, tanquam officii sui immemores,
 1. quod dissimulent abusus, tametsi
 1. omnes boni eorum abolitionem exoptent. *Cumq[ue] omnes boni viri—irrep[er]sisse in Ecclesiam.* p. 367. 368. (231)
 2. jam ante Lutherum de iisdem querelæ extiterint. *Neg[ue] enim primus fuit Lutherus—degeneravit istorum Theologia.* p. 368. (231.)
 3. Lutherus propter emendationem eorum in pretio esse coeperit. *Nec alia causa fuit—dissimulaverunt abusus.* p. 368. 369. (231. 232)
 2. quod Imperatorem non melioribus consiliis instruant. *Ac si vellent Ecclesia—nos quoquo modo opprimant.* p. 369 (232.)
 3. quod de Ecclesia parùm solliciti sint, imo saluti ejus officiant,
 1. quæ in Ecclesiâ haberi deberent, non suppeditando. *De statu Ecclesia—dogmatum Ecclesiasticorum.* ibid.
 2. abusus crudeliter defendendo. *Manifestos abusus—idoneos Doctores.* ibid.
 3. fanaticis viam sternendo. *Sed hac via—cupimus conservare.* p. 369. 370. (232)
- II. Compellatur Imperator, oblatâ
 1. Petitione, ne orthodoxiam opprimi sinat. *Quare Te optime Imperator—in Ecclesiâ opprimatur.* p. 370. (232.)
 2. Petitionis ratione, quia ad hoc à Deo vocatus sit. *Hoc officium Deo—innoce[n]tium defendant.* ibid.



PARS POSTERIOR

AUGUSTANÆ CONFESSIONIS,

DE ABUSIBUS.

PROLOGUS.

DEsideraverat Imperator in Comitii Augustanis A.C. 1530. ut tam nostri, quam adversarii, sententiam de presentibus Fidei controversis & Abusibus exhiberent. Cui mandato, ut obsequerentur nostri, in Confessione suâ, post præcipuas Fidei controversias, de Abusibus agunt i. e. de Ritualibus: ita tamen, ut nomine illo vitia & errores, cum ipsarum actionum externarum, tum etiam fidei de iisdem actionibus, complectantur.

Ejusmodi Abusus non imputarunt Ecclesiæ Catholicæ; sed tantum Curia Romanæ, & iis qui à Curia Romanâ se captivos detineri patiebantur, in Ecclesiâ Catholicâ.

Germanicum Latinumque Exemplaria, quoad Proœmium nonnihil discrepant; verum in nudis duntaxat verbis. Cum autem utrumque Exemplar Cæsari oblatum sit, coordinari sibi invicem; non opponi debent.

In Proœmio Latino continentur tria,

I. Protestatio. *Cum Ecclesia apud nos — vitio temporum recepti. p. 30. (20)*

II. Petitio,

- 1. Ut Cæsar benevolè audiat. *Rogamus — contra conscientiam observare. ibid.*
- 2. ne fidem calumniatoribus habeat. *Nec habeat fidem — iniqui & malevoli describunt. ibid.*

III. Promissio boni effectus. *Facile autem hoc — risè fiant in Ecclesiis, ibid.*

ARTI-

ARTICULUS I.

DE

UTRAQUE SPE-
CIE.

I. EXPLICATIO.

Variata Confessio tres priores Articulos transposuit. Agit enim (1) *de Missâ*, (2) *de Utraq. Specie*, (3) *de Confessione*. In ipso hoc Articulo ibidem omittuntur, quæ in invariata Confessione, circa finem de Processionibus dicuntur: cætera autem pluribus verbis exponuntur & illustrantur, citra orthodoxiæ jacturam, aut periculum, modò non communi Ecclesiæ Evangelicæ nomine proferrentur. Studio brevitatæ non nisi pauca quædam inde decerpemus: *Et quoniam communis Missa apud nos celebratur, ut intelligat populus, se quoque sanctificari sanguine Christi, & discat verum usum ceremoniæ; datur Laicis utraq. pars Sacramenti, in Cænâ Domini; quia Sacramentum institutum est, non solum pro parte Ecclesiæ, scilicet pro Presbyteris, sed etiam pro reliquâ Ecclesiâ: igitur & populus utitur Sacramento, sicut Christus instituit, &c.* Item circa finem: *Hæc doctrina invitat pios ad usum & reverentiam Sacramenti. Etenim non solum ceremonia mutilata fuit antea, sed etiam neglecta præcipua doctrina de fructu. Et fortassis ceremoniæ mutilatio significavis obscuratum esse Evangelium de sanguine Christi, hoc est de beneficio mortis Christi. Nunc DEI beneficio renovatur ac restituitur pura doctrina de fide, unâ cum ceremoniis, &c.*

Quod

Quod ad invariata[m] Confessionem attinet, ab eâ reprehenditur duplex abusus, nempe

RESPON.
GEOR.
DANIEL
Seiler /
Spir. Palat.

I. Sacrilegium Calicis. Ostenditur enim,

1. quid apud nos fiat. *Laiicis datur utraq[ue] species Sacramenti, in Domini Cœnâ.* Pro defensione facti illius urgetur
1. Mandatum Christi. *Quia hic mos — ut omnes bibant*, p. 30. (21)
2. Praxis Apostolica. *Et ne quis possit — specie usam esse*, p. 30. 31. (21.)
3. Consensus Antiquitatis. *Et diu mansit — Cap. Comperimus*, p. 31. (21)
4. Adversæ Consuetudinis novitas & iniquitas. *Tantum consuetudo — Ecclesie recepta est.* ibid.

2. quid Pontificii concedere debeant. *Quare si qui — offensione conscientie* p. 32. (21)

II. Processio cum Sacramento, ex Sacrilegio Calicis orta. *Et quia divisio — fieri solita est.* ibid.

IN APOLOGIA p. 371. (233) seq.

I. Usus utriusque speciei probatur,

1. quia Christus sic instituit, & quidem pro totâ Ecclesiâ. *Non potest dubitari — usus alterius speciei* p. 371. (233)
2. quia ordinatio ista rationem testamenti habet, atque adeo immutabilis est. *Cur mutatur ordinatio Christi — rescindere licebit.* Ibid.
3. quia Paulus ita tradidit, prouti à Christo acceperat. *Et Paulus inquit — Sacramentum institutum esse*, p. 371. 372. (233)
4. quia idem adhuc apud Græcos obtinet, atque antehac etiam apud Latinos obtinuit. *Et manet mos adhuc — de divinâ ordinatione.* p. 372. (233)

II. Confutatio Adversariorum refutatur. Exponitur autem

1. quid debuissent facere. *Adversarii in Confutatione — nisi pars Sacramenti.* p. 372. (233. 234.)
2. quid fecerint. *Examinantur nempe eorum*
 1. Antithesis. *Nunc ipsi defendunt — utriusque partis* p. 372 (234)
 2. Antitheseos rationes,
 1. quod initio mos fuit alterutram duntaxat speciem dare. *Primum fingunt — ullum adferre posunt.* p. 373. (234) Hic diluuntur ulterius, quæ proferuntur,
 1. ex Luc. XXIV. 30. 35. &c. Ubi tantum Panis fit mentio. *Sed allegant locos — communi consuetudine sermonis.* ibid.
 2. de Laicâ communione. *Addunt de Laicâ communione — tantum pars Sacramenti.* ibid.
 2. quod hac ratione Clerici à Laicis discriminandi sint. *Ac videte impudentiam — facile judicari potest.* p. 373. 374. (234)
 3. quod, cum posteri Eli amitterent unam partem Sacerdotii, 1 Sam. II. 36. adumbrata sit ablatio calicis, sub respectu ad Laicos. *Et in confutatione allegant — ab alterâ parte poena causâ.* p. 374. (234. 235)
 4. quod Laici teneantur contenti esse alterâ tantum specie. *Debent, inquit, esse contenti — plura non dicemus.* p. 374. 375. (235)
 5. quod metuendum sit periculum effusionis, si calix Laicis porrigatur. *Allegant & periculum — faciât res indifferentes.* p. 375. (235)
3. quàm malè fecerint, ubi
 1. excusantur, qui talia passi sunt. *Nos quidem Ecclesiam — contingere non posset.* ibid.

(2. incusantur, qui hac ratione Ecclesiam oppreslerunt. *Sed auctores qui defendunt—peribit lex à Sacerdote. p. 375. 376. (236.)*

II. DEMONSTRATIO.

Thesis I. Christus Eucharistiam, sub utrâque specie, esculentâ ac potulentâ, instituit, & quidem eo fine, ut Sacramentum istud, ab omnibus fidelibus, qui illo utuntur, sine discrimine statûs, integrum, atq; adeo sub utraq; specie accipiat.

Ε^{κθεσις} 1. Hic ante omnia, cum Durando, Bonaventurâ aliisque veteribus Scholasticis, distingvimus inter integritatem totius Christi & totius Sacramenti. Non dicit Christum dividi, qui statuit, Sacramentum, omisâ actione à Christo præceptâ, dividi. Quapropter ex actione sacrilegii, quam adversariis, propter calicis subtractionem, intentamus, minimè sequitur, nos cum Nestorio Christum dividere: Id quod ex sequentibus evidenter constabit.

2. Observandum scilicet, quod non quærat, an sanguis Christi sit cum corpore; sed an communicantibus dispensetur cum corpore. Sive ut alii explicant: Non de coëxistentiâ sermo est; sed de compartitione. Neque enim omne illud, quod cum corpore Christi est, communicantibus distribuitur cum corpore Christi; nisi communicantes animæ & divinitatis Christi participes fieri dicamus; quod Bellarminus rectè nobiscum inficiatur.

3. Nihil mediante pane dispensatur, nisi quod ex voluntate Christi, cum pane unitur; uti pariter nihil mediante vino dispensatur, nisi quod ex voluntate Christi, cum vino unitur. De voluntate autem Christi, ex institutione iudicandum est.

4. Piè enim faciunt, qui Sacramentum non aspiciunt opus naturæ; sed ut mysterium fidei: quæ non ratione; sed solo Dei verbo nititur.

5. Cæterum cum Quæstione hac, de integritate & mutilatione Sacramenti, non confundenda est Quæstio alia, de fructu integri & mutili Sacramenti.

6. Si quis interroget, an communicantes sub Papatu, ante reductam Evangelii lucem, ex mutilo Sacramento fructum salutarem perceperint? distingvimus inter defraudantes & defraudatos. Speramus à divinâ misericordiâ, illorum tyrannidem & iniquitatem, his non cesfisse in reatum; secus atque nunc, discussis tenebris, fieri existimamus, Gal. VI, 7. Vid. Apol. p. 375. 376. (235. 236.)

7. Tò *Facere* in verbis Institutionis non modò respicit primum actum Sacramentalem, nempe Consecrationem; sed etiam duos reliquos, nempe Distributionem & Communionem: quia postponitur omnibus. Proinde inane est effugium, quod Christus per eos, qui *Facere* debebant, solos Sacerdotes intellexerit.

8. Svaretz rectè distinguit, inter Præceptum, quod circa ipsum exercitium actûs versatur, v. gr. de dandâ eleemosynâ; & quod specificationem, seu modum in agendo, determinat, v. gr. de ratione jejunii. Illud semper obligat; hoc non semper, sed tamen ita, ut cum actus fit, non alio modo fiat, quàm præceptum est. Tale omnino præceptum, in institutione Cœnæ accepimus: unde frustra discrimen inter Præceptum & Institutionem nobis obvertitur.

9. Disjunctiva particula in Scripturâ non semper disjunct; sed quandoque copulat: quod ex Versione vulgatâ patet Marc. XIII. 32. Joh. III. 8: Act. VII. 42. XXV. 11. si loca illa cum originali textu conferantur. Hinc solvi potest objectio ex 1. Cor. XI. 27. ex quo Adversarij, libertatem

communicandi sub unâ, probant; cum tamen in ipsâ Vulgatâ pro (¶) A U T, legamus E T.

10. Cavendum, ne epulum vulgare Act. XX. 11. XXVII. 35. confundamus cum epulo Sacramentali.

11. Epuli sacramentalis denominatio non semper adæquata est; sed quandoque inadæquata & synechdochica, ut sub nomine partis intelligatur totum v. gr. cum *Fractio panis* dicitur Act. II. 42. 46. XX. 7. 1. Cor. X. 17. Vid. Apol. p. 373. (234.)

12. Discretio inter Clericos & Laicos, non quærenda est in mediis salutis: quia utriq̃ue ad vitam æternam æqualiter tendunt: sed in actibus officii, utrisq̃ue præcepti. Vid. Apol. p. 374. (234.)

13. Communio Laicâ, in primitivâ Ecclesiâ, à communionem Clericorum, non differebat numero symbolorum; sed loco: quia Laici extra cancellos, seu ut hodie loquuntur, extra chorum accipiebant eucharistiam; Clerici autem intra cancellos, seu chorum. Vid. Apol. p. 373. (234.)

14. Non attendendum, quid olim Christiani, ex religioso, non tamen satis ordinato affectu, fecerint; sed quid juxta voluntatem Christi, facere debuerint. Fatemur, nonnullos partem benedicti panis domum asportasse, ac privatim comedis; quos verò eodem quoque modo, cum vino egisse, ex antiquitate ostendit Gerhard. Conf. Cathol. L. 2. P. 2. Art. 14. c. 7. Sufficit, quod in publicis cætibus, nunquam panis sine vino distributus fuerit. Vid. Apol. p. 373. (234.)

15. In Oratione Dominicâ Matth. VI. 10. non petimus panem animæ; sed corporis. Malè igitur existâ Petitione, argumentum ducitur ad communionem sub unâ.

16. Concomitantia (ut Adversarii vocant) corporis ac sanguinis Christi, aut naturalis, aut sacramentalis esse concipitur. Illam admittimus; hanc, propter honorem, quem

Christianus quilibet divinæ institutioni debet, impugnari. Merentur hic legi, quæ Lutherus T. 3. Jenens. Germ. p. 514. non sine cupido sale, Adversariis obvertit, im Bericht an einen guten Freund/ von beyderley Gestalt des Sacraments/ auffß Bischoffs von Meissen Mandat Ao. 1528. außgegeben.

17. Articuli fidei, non ex typis & figuris; sed ex propriâ fede sunt confirmandi. Proinde nihil probant, quæ de Agno Paschali, quod sine potu absumtus fuerit, adducuntur.

18. Hypothesis falsa est, quod Joh. VI. 32. 35. 48. 50. 51. 58. de Manducatione sacramentali agatur, prouti in Thesi sequenti ostendemus. Ponamus tamen, rem ita se habere: Atqui ibidem & Bibitionis necessitas maximo conatu inculcatur. v. 53. 54. 55. 56.

19. Quæ de periculo effusionis urgentur, nullius momenti sunt; quia Vinum extra usum, nempe bibitionem, nudum est Vinum: Addimus, quod idem periculum imminet Sacerdoti conficienti & bibenti. Vid. Apol. p. 375. (235.)

20. Reliqua prorsus frivola sunt v. gr. ex 1. Sam. II. 36. item quo *Laici debeant esse contenti* &c. seu uti Eccius protulit, quod *Laicis non conveniât equi donati dentes inspicere*. Vid. Apol. p. 373. 374. (234. 235.)

Βεβαιώσις, Probatur 1. ex Matth. XXVI. 26. seqq. quia (1) quibus dicitur *Manducate*, ad eos pariter pertinet *Bibite*: Parium enim par est ratio. At omnibus dictum est *Manducate*, fatentibus Adversariis *E. & Bibite*. (2) Christus prævidens futuram ποθησιονικήσαν, ut eidem occurreret, de re potulentâ addebat manifestum universalitatis signum, dicens, *Bibite OMNES*, nempe omnes, quotquot Eucharistiam accipitis. Nullus enim ex Apostolis, tum, ut Pontificio stylo utar, *Conficiens* erat; sed omnes *Accipientes*, atque Ecclesiam, pro quâ Sacramentum instituebatur, repræsentantes, (3) Pro quibus sanguis

sanguis in remissionem peccatorum effusus est, ab iis in Eucharistiâ accipi debet, v. 28. Atqui pro omnibus, nullo prorsus excepto, tam Laicis, quàm Clericis, effusus est. Ergo.

2. Argumenta plura petantur ex Confessione Augustanâ p. 30. (21) ejusque Apologiâ p. 371. (233) quorum Analysis repetatur ex Sect. I.

Antistes Est Pontificiorum.

Thesis II. Christus Eucharistiam semel tantum, nempe in eâ nocte, quâ traditus est, instituit ac celebravit; proindeq; falsum est, quod Joh. VI. & Luc. XXIV. institutio, aut celebratio Eucharistie describatur.

Expositio 1. Quod Christus in eâ nocte, quâ traditus est, Eucharistiam instituerit ac celebrarit, Adversarii nobiscum concedunt: illud verò in quæstione est, an Christus semel tantum & quidem in eâ nocte, quâ traditus est, istud fecerit; quod Adversarii negant, utpote statuentes, Christum ante hunc actum, jam alibi quoque Eucharistiam instituisse Joh. VI. & post hunc actum denuò celebrasse Luc. XXIV.

2. Quod ad primum locum attinet Joh. VI. in eo non agitur de comestione & bibitione sacramentali; sed merè spirituali.

3. Panis, qui ibi describitur, est satisfactorius; non confirmatorius ac obsignatorius, qualem accipimus in Eucharistiâ.

4. Interim concedimus, quæ in capite isto extant, posse aliquo modo ad nostrum Sacramentum referri: videlicet cum de fructu & usu Eucharistiæ; nequaquam verò cum de essentiâ agitur.

5. In altero loco Luc. XXIV. Cœna Emauntica & Cœna Eucharistica habent convenientiam generalem; destituuntur autem convenientiâ speciali.

6. Neque enim consecratio panis tum facta est ad usum
sacra-

(p) 13
201
205
1

sacramentalem; sed tantum ad usum vulgarem, planè u.
Actor. XXVII. 35.

7. Apologia Aug. Conf. fatetur, aliquos locos, in quibus
fractio panis memoratur, de Eucharistiâ intelligi p. 373.
(234) non verò omnes, neque etiam præcise hunc, de
quo disputatur.

Βεβαιωσις. Probatur I. quod Joh. VI. non describatur in-
stitutio Eucharistiæ: Quia ad Eucharistiam requiritur Panis
naturalis, acceptio oralis, & comestio à bibitione distincta.
At Joh. VI. agitur de Pane mystico, v. 33. 50. 58; acceptio-
ne spiritali v. 40. 47. & comestione, quæ eadem planè est
cum bibitione v. 35. Addimus (1) quod Johannea usurpa-
tio necessaria fuerit, ante Eucharistiam institutam; Sacra-
mentalibus verò non nisi post Eucharistiam institutam (2) quod
Johannea usurpatio ad salutem simpliciter sit necessaria, v. 53.
Sacramentalis autem usurpatio non item, dummodò absit
contemptus (3) quod Johannea usurpatio non nisi ad vitam
fiat v. 51. Sacramentalis autem usurpatio è contrario etiam
ad mortem fieri queat. 1. Cor. XI. 27.

II. Quod Luc. XXIV. 30. non describatur celebratio Euchi-
ristiæ: Quia (1) institutio Eucharistiæ est testamentaria 1. Cor.
XI. 25. Testamentum verò non potest mutari, post mor-
tem Testatoris Gal. III. 15. Hebr. IX. 17. Id quod factum
esset, si Eucharistia sub utraque specie ante mortem Christi
instituta, ab ipso Christo post mortem celebrata fuisset sub
unâ specie (2) Paulus institutionem Eucharistiæ post histo-
riam Luc. XXIV. descriptam, totidem verbis repetit, quod
Christus usus est ante istam historiam 1. Cor. XI. 23. sq. Unde
colligimus, primam institutionem non fuisse immutatam.

Αντίθεσις est Pontificiorum.

III. VINDICATIO.

Accusamur,

I. Quod mutaverimus Augustanam Confessionem; eradendo, quæ antehac ibi lecta fuerint, & alia substituendo. Sic Fabricius. Resp. nobis non posse imputari, quæ Melancthon propriâ auctoritate fecit, nisi eum sequamur: Id quod haftenus à nobis factum non est.

II. Quod Augustana Confessio Canonî Gelasii falsum sensum affinxerit: quippe qui de solis Sacerdotibus, non etiam de Laicis, intelligi debeat. Sic Fabritius, Daventria, Cochleus. Resp. verba clara esse, si integer Canon aspiciatur: ita autem ille se habet: *Comperimus, quod quidam desumtâ tantummodò corporis portione, à calice sacri cruoris abstineant, qui procul dubio, quoniam nescio quâ superstitione docentur obstringi, aut Sacramenta integra percipiant, aut ab integris arceantur: quia divisio unius & ejusdem mysterii, non potest sine grandi sacrilegio provenire.* Quis non videt, de percipientibus, qui ad mitti, vel arceri à conficiëntibus (ut vocant) queunt, sermonem esse? Unde Cassander & Lindanus fatentur, Canonem istum ad laicos pertinere. Vid. Gerh. loco de Cœnâ §. 44. p. m. 34.

III. Quod in Augustanâ Confessione agnoscamus, consuetudinem communicandi sub unâ esse antiquissimam; quia ibi legitur: *Non constat, quando aut quo autore cœperit.* Sic Daventria, Hoffmeisterus, Virvesius. Resp. His verbis non indicari consuetudinis istius antiquitatem; sed duntaxat latentem originem: quemadmodum v. gr. si quis de Phrysico dicat, non constare, quando aut quâ ex causâ morbus ejus cœperit: is propterea non innuit morbum esse inveteratum; sed tantum morbi originem latere. Vid. Carpz. Isag. p. 588.

IV. Quod nos, introducendo communionem sub utrâ-

M m m

que

que non liberaverimus Ecclesiam ab aliquo abusu; sed potius abusu novo eam oneraverimus. Sic Fabricius. Resp. Quicquid nobis hac in parte impingitur, ipsum Sacramenti Autorem Jesum Christum ferire, cujus mandatis hac in parte obsequimur.

V. Quod Lutherus statuerit, cujusvis arbitrio relinquendum esse, utrum sub unâ, an sub utraque communicare velit; quodque idem Collocutores nostri, in Augustanis Comitiis fecerint, Sic Hoffmeisterus & Antiaugustana Confessio, jussu Episcopi à Colonitsch edita. Resp. De mente Lutheri non ex Scriptis primorum, sed posteriorum annorum, judicandum esse. Ostendi autem nequit, quod post Augustanam Confessionem tale quid scripserit, aut suis indulserit. Collocutoribus autem nostris injuriam fieri, luculenter demonstravit D. Alberti in Refut. Antiaugust. Conf. P. 2. c. 3. Qu. 19. p. 229. seq.

ARTICULUS II.

DE

CONJUGIO SACERDOTUM.

I. EXPLICATIO.

Articulus hic, qui genuinæ Confessioni secundus est, in Confessione variatâ quintum locum occupat, in quo Melancthon, tamen rem ipsam retineat, verba tamen prorsus alia substituit, & quæ brevius antehac dicta erant, prolixius exposuit: id quod concedi, imo &, propter quædam memoratu digna, laudari posset, nisi sub nomine Confessionis Augustanæ prodiiisset.

anisset. Excerpemus nonnulla, quandoquidem ne omnia apponamus, prolixitate prohibemur: Ita autem Philippus: *Cum doctrina Christiana honorificè prædicet conjugium, eoque uti jubeat, non solum pro creationis causâ, sed etiam ad frenandas vitandasq; libidines, nunc non solum Pontificiâ lege, sed etiam novâ atq; inusitatâ severitiâ, prohibentur conjugia Sacerdotibus, & contraria dirimuntur. Idq; hoc est indignius, quod hæc in Ecclesiâ fiunt, quæ ut maxime debet abhorrere à turpitudine; ita conjugium ad vitanda multa ingentia flagitia, summo studio rueri debebat. Adhuc cum in omnibus ethnicis Rebus publ. mediocriter constitutis, propter gravissimas causas, conjugium in magno honore fuerit; quid minus decet in Ecclesiâ, quàm & sanctissimum fœdus conjugii distrabere, aut capitalibus pœnis, velint summum scelus, punire conjugium? Unde hæc in Ecclesiâ, in quâ debet excellere mutua dilectio, pervasit immanitas? Item: Quod verò objicitur autoritas legis Pontificiæ, cur non allegant auctoritatem Canonum adversus turpia exempla impuri cœlibatus, & scelera digna animadversione? Nulla debet esse autoritas Pontificii decreti, pugnantis cum Jure Nature, & cum mandato divino: Naturâ homines ita conditi sunt, ut sint fœcundi. Concluditur: Deniq; cum legis Pontificiæ defensio multa peccata conjuncta habeat, confirmationem vagarum libidinum, superstitiones & necesse piorum sacerdotum, manifestum est, nostras Ecclesias rectè facere, quæ legem illam Pontificiam abolent ac damnant. Rogamus etiam ineluctum Imperatorem, ne se defensione impuri cœlibatus, & cæde Sacerdotum polluat. Scriptum est enim: Beatus qui miseretur egeni & pauperis; in die malâ liberabit eum Dominus.*

Cæterum in Confessione invariata

I. Rationes reſtituti Sacerdotibus conjugii redduntur, depromtæ

I. à querelis plurimorum ipsiusque Pii II. Pontificis, de incontinentiâ Sacerdotum. *Publica querela fuit*

a b

M m m 2

— liceat

a b

- liceat ipsiſ contrahere matrimonium. p. 31. (21. 22.)*
2. à mandato Pauli. *Primum quia Paulus — nubere quam uri. p. 31. (22)*
 3. à consilio Christi, *Secundò Christus — idoneos esse. ibid.*
 4. à primavâ institutione conjugii. *Quia Deus creavit — sibi licere uxores ducere. p. 32. 33. (22)*
 5. ab exemplis antiquæ Ecclesiæ. *Constat etiam — qui sit maritus. p. 33. (22)*
 6. à novitate cœlibatûs imperati. *Et in Germaniâ primum — à laudatissimis Synodis distraherentur. ibid.*
 7. à fine conjugii, qui est, ut sit remedium infirmitatis. *Et cum senescente — fiat & in hoc negotio. p. 34. (22)*
 8. à periculo *Ac videntur — prohibeatur conjugium. p. 34. (23)*

II. Querelæ de sævitiâ adversariorum annectuntur, utpote quæ

1. nudè describitur. *Cum autem extet — adversus conjugium Sacerdotum. p. 35. (23.)*
2. ulteriùs exaggeratur, tanquam contraria,
 1. Legibus divinis & humanis. *Deus precipit — nisi propter conjugium. ibid.*
 2. doctrinæ Apostolicæ. *Paulus vocat — conjugii defenditur. p. 35. 36. (23)*

III. Argumenta adversariorum refutantur. Urgebant autem, quod Conjugio Sacerdotum obstat

1. Lex Ecclesiastica. *Sicut autem nulla lex humana potest mandatum Dei tollere. p. 36. (23)*
 2. Votum. *Ita nec votum — hæcenus fieri consuevit, ibid.*
- IN APOLOGIA p. 376. (236) seqq.

II. Aditus ad disputationem paratur. Nam

1. Narratur, quid Adversarii de hoc Articulo judicaverint. *In tantâ infamiâ — sic enim loquuntur. p. 376. 377. (236)*
2. Osten-

a b

- a b
2. Ostenditur iniquitas illius iudicii. *Qua major impudentia—summâ licentiâ faciunt.* p. 377. (236)
 3. Oratio ad Imperatorem convertitur, quem
 1. ad sævitiam stimulabant Adversarii. *Et has suas libidines—immanis ac fera posset audire.* p. 377; 378. (236. 237)
 2. à clementiâ & æquitate commendant nostri. *Sed quia nulla cadit—persuasiones opponunt.* p. 378. (237)
 4. vera causa imperati cœlibatus detegitur. *Et tamen non inveniuntur—munire conantur,* p. 378. 379. (237)
- a II. Rationes pro conjugio Sacerdotum adferuntur, & à cavillationibus Adversariorum vindicantur,
1. per generalem propositionem. *Nos hanc legem—ad argumenta nostra.* p. 379. (237)
 2. per specialem recensionem. Urgent enim nostri
 1. Quod Deus hominem ad conjugium in primâ creatione ordinavit, Gen. I. 28. ubi
 1. Ratio ipsa ponitur. *Primum Genesis docet—tollit statuta aut votis.* p. 479. 380. (237. 238)
 2. Exceptio refutatur, scilicet quod nunc repletâ terrâ cesset prima ordinatio. *Hac cavillantur adversarii—sine speciali opere Dei.* p. 380. (238)
 2. Quod conjugium sit juris naturalis, ubi
 1. Ratio ipsa ponitur. *Secundò, & quia hæc creatio—legibus humanis tolli.* p. 381. (238)
 2. Exceptio refutatur, scilicet, quod initid mandatum sit conjugium, non verò hodierno etiam tempore. *Ridiculum igitur est—labefactari queant.* p. 381. 382. (238. 239)
 3. Quod Paulus I. Cor. VII. 21. præceperit, *ut propter fornicationem unusquisq; habeat uxorem suam,* ubi

a b c

1. Ratio ipsa ponitur. *Tertiò Paulus ait — idonei ad cœlibatum* p. 382. (239)
2. Exceptiones refutantur, scilicet
- 1. quod non specialiter hoc Sacerdotibus præcipiatur. *Adversarii jubent — ad conscientiam cuiusq. pertinent* p. 382. 383. (239. 240.)
 - 2. quod Sacerdotes debeant à Deo continentiam petere & corpus affligere. *Nam quod hic jubent — quam præcepti est.* p. 383. 384. (240)
 - 3. quod Christus laudet eos, qui se castrant propter regnum cœlorum. *Matth. XIX. 12. Si quis hic objecerit — per hanc legem.* p. 384 (240)
4. Quod dissentiat lex Pontificia à Canonibus Conciliorum, ubi
- 1. Ratio ipsa ponitur. *Quartò dissentit Lex — homo non separet.* p. 384. 385. (240. 241)
 - 2. Exceptio refutatur, scilicet quod cœlibatus præceptus sit à Conciliis. *Adversarii vociferantur — contemptum mulierum.* p. 381. (241)
5. Quod Adversarii superstitiosas opiniones, sub prætextu religionis, foveant, ubi
- 1. Ratio ipsa ponitur. Tales enim superstitiones sunt,
 - 1. quod cœlibatus sit mundities. *Quintò eisi adversarii — justificationem, quam conjugium.* p. 385. (241) Atque iterum: *Sed respondebimus ordine — habere Deum propitium.* p. 386. 387. 388. (241. 242. 243)
 - 2. quod quia continentia in V. T. præcepta sit, ad eam magis obligentur Sacerdotes in N. *Et huc allegant — prohibebat ne orarent.* p. 386. (241) Atque iterum: *Ad exempla Sacerdotum Leviticorum*

a b c d

c d

corum — abutuntur prae-textu religionis. p. 390.
391, 392. (244. 245)

[2. Exceptio refutatur, scilicet, quod Joviniani more, conjugium æquemus virginitati. *Hic exclamabunt — remissionem peccatorum aut salutem.* p. 385. (243)]

[6. Quod propter pericula animarum & publica scandala, sententiam nostram defendere cogamur: ubi

{ 1. Ratio ipsa ponitur. *Sextò cum habeamus — defendit his parricidiis.* p. 392. 393. 394. (245. 246. 247.)

{ 2. Exceptio refutatur, scilicet quod schismaticè separemur ab Episcopis. *Scimus aliquando offensionis — tot parricidiorum cum adversariis.* p. 394. 395. (247.)

[3. per summariam recapitulationem. *Exposuimus causas — contracta matrimonia dissolvere.* p. 395. 396. (247.)

III. Argumenta Adversariorum diluuntur, ita ut

{ 1. praesentia cum antecedentibus connectantur. *Obiter etiam dum — defendant legem.* p. 396. (247)

{ 2. argumenta ipsa proponantur & solvantur, nempe
{ 1. quod lex de coelibatùs necessitate, divinitus revelata sit. *Primum dicunt à Deo — prae-textu illius legis.* p. 396 (247. 248)

{ 2. quod Sacerdotes debeant esse mundi. *Secundum argumentum — fiant mundi conjuges.* p. 396. 397. (248)

{ 3. quod foveamus hæresin Joviniani. *Tertium argumentum est — mereatur justificationem.* p. 397. 398. (249)

IV. Tota

a

IV. Tota disputatio concluditur, ostendendo

- { 1. quàm mala sit causa adversariorum. *Talibus argumentis — quasi flos sæni.* p. 398. 399. (249)
 2. quàm bona sit causa nostratium. *Nostri Principes quicquid — aliarum rerum omnium.* p. 399. (249)

II. DEMONSTRATIO.

Thesis I. *Sacerdotes, æquè ac alij homines, matrimonium licitè contrahunt, nec voto quomodocunq; concepto, si dono continentia carcant, hac in parte impediuntur,*

E^{ndosis I.} Ex Thesi patet, quod de conjugio Sacerdotum acturi, non propugnemus ejus necessitatem; sed duntaxat libertatem.

2. Itemque quod distinguamus inter Sacerdotes dono continentia gaudentes & carentes. Qui dono illo gaudent, non quidem peccant, si extra persecutionis periculum constituti, matrimonium contrahant. 1. Cor. VII. 28. Melius tamen faciunt, si dono utantur. Ib. v. 38. Qui autem dono eodem non gaudent, ad matrimonium, quando fieri potest, contrahendum obligantur: Ib. v. 9.

3. Donum isthoc continentia spectat ad dona administrantia; non sanctificantia. Haudquaquam igitur cœlebs, ut cœlebs, melior est coram Deo, quàm conjugatus; tamen ad rem Dei gerendam aptior sit. Vid. Apol. p. 386. (241) 398. (249) & imprimis p. 391. (243).

4. Utilis est in Ecclesiâ pressâ cœlibatus: sed non minus Laicis, quàm Ecclesiæ Ministris. De omnibus enim fidelibus indifferenter loquitur Apostolus 1. Cor. VII. 26. 27.

5. Malè verò consilium istud Pauli, habetur pro præcepto, sive lege. Conf. ib. v. 35.

6. Nec quod ab eodem Dei viro suadebatur secundum quid, nempe propter *presentem necessitatem* v. 26. urgendum est simpliciter, quasi semper & indiscriminatim observari debeat.

7. Vita spiritualis, non excludit curas & actiones seculares quascunque; sed tantum vitiosas, Luc. XXI. 34. 2. Tim. II. 4. Alioqui enim nec edere, aut bibere liceret.

8. Quare distingvimus inter curas vitæ spirituali oppositas ac coordinatas: itemque inter curas ipsas & curarum excessum.

9. Castitas triplex est, Virginalis, Vidualis ac Conjugalis. Perperam igitur ab Adversariis Conjugium Castitati contradistinguitur; cum potius ei subordinari mereatur.

10. Promittitur equidem à Deo precum exauditio Matth. VII. 7. sed si secundum voluntatem ejus petierimus 1. Joh. V. 4. non si contra voluntatem: Hoc enim foret tentare Deum. Temerariè igitur faciunt, qui continentiam, spe auxilii divini, profitentur; tamen si sciant, se dono continentiae à Deo instructos non esse, atque ideo divinitus conjugio destinari. Vid. 1. Cor. VII. 7. Add. Apol. p. 383. (240)

11. Laudantur, qui se castrant propter regnum cælorum, Matth. XIX. 12. sed sub conditione, si donum istud à Deo acceperint. Unde mox additur: *Qui potest capere, capiat.* Neque ibi sermo est de consecutione regni gloriæ; sed de promotione regni gratiæ. Conf. Apol. p. 384. (240)

12. Leges ceremoniales V. T. qualis extat Exod. XIX. 15. non obligant in N. T. Neque ibi solis sacerdotibus; sed toti populo continentia à mulieribus injungitur: & quidem non continentia perpetua; verum duntaxat triduana. Conf. Apol. p. 386. 390. (241. 244)

13. Mundities decet Sacerdotes: sed vera; non fictitia, aut hypocritica. Conjugium certè immundum dici nequit;
 N n n quod

13 quod Deus verbo suo sanctificavit. Conf. Apol. p. 385. (247)
 90 seqq. item p. 397. (248)

14. Non æquamus conjugium Virginitati, cum Joviniano; sed Virginitatem in iis, qui donum continentiae habent, statuimus præstare conjugio: videlicet juxta illum sensum, quem in oblierv. 3. expressimus. Conf. Apol. p. 389. 398. (243. 249)

15. De Votis, quousque obligent, dicemus ad Art. 6. hujusce Partis posterioris. Legantur interea, quæ in ipsâ Aug. Conf. extant. p. 36. (23)

Beſaiwos Probatur 1. ex 1. Tim. III. 2. 4. Quia Episcopum & Maritum uxoris esse, non pugnant: *Oportet*, inquit Paulus, *Episcopum esse unius uxoris maritum*: ubi verbum necessitans *Oportet* non ad *Maritum*, sed ad *unius Uxoris* refertur: ut sensus sit, non indignum esse officio Episcopali eum, qui in Conjugio vivit; modò sit *unius* tantum & non plurium simul uxorum maritus. Sic Chrysostomus in Tit. Homil. 2. *Paulus obstruere prorsus intendit hæreticorum ora, qui nuptias damnant, ostendens, eam rem culpâ carere, imo ita esse præziosam, ut cum ipsâ etiam possit quispiam ad sanctum Episcopatus solium evehi.* Atque iterum in 1. Tim. III. Homil. 10. *Non hoc veluti sanciens dicit Apostolus, quod non liceat absq[ue] uxore Episcopum fieri, sed ejus rei modum constituens. Judæis quippe licitum erat, etiam secundo Matrimonio jungi, & duas simul habere uxores.*

2. Argumenta plura petantur ex Confessione p. 32. (21) seqq. ejusque Apologiâ p. 379. (236) seqq. Item in Articulo V. inferius proponendo, ubi plura exhibentur in Confessione p. 53. (33) seqq. & in Apologiâ p. 457. (288)

Avriſwos est Pontificiorum, ex quibus Jesuita effrons Cofferus, in Enchirid. tit. de Cœlibatu c. 19. propos. 9. p. m. 550. scribit: *Sacerdotem gravius peccare, si contrahat matrimonium, quàm si fornicetur, aut demi concubinam foveat.*

Plura

plura hujus furfuris congeffimus in Exercit. ad Concil Hie-
rof. c. 41. n. 5.

Thesis II. *Mortuâ priori conjuge, Sacerdotes aequè
ac alii homines, ad secundas nuptias licitè tranfeunt.*

Εξήγησις 1. Distinguiamus inter Polygamiâ simultaneâ
& fucceffivâ. Illa prohibetur; hæc conceditur.

2. Conceditur verò non tantùm permiſſione facti; ſed
& permiſſione juris, tam divini, quàm humani.

3. In locis 1. Tim. III. 2. Tit. I. 6. non agitur de ſingula-
ritate nuptiarum, videlicet quod Sacerdotibus non niſi ſe-
mel nuptias celebrare concedatur; ſed de ſingularitate mu-
lieris, quod non niſi unam, uno eodemque tempore, mu-
lierem habere debeant.

Βεβαιωσις. Probatur 1. quia ſecundæ nuptiæ omnibus pro-
miſcuè conceduntur, Rom. VII. 2, 3. 1. Cor. VII. 39.
1. Tim. V. 14. Malè igitur excipiuntur Sacerdotes, quos ea-
dem cauſa ad ſecundas nuptias ſtimulare poteſt, quæ ad pri-
mas ſtimulavit, aut quæ Laicos ſtimulat.

2. Quia Paulus 1. Cor. VII. 8. ſeipſum inter viduos nu-
merat: & tamen 1. Cor. IX. 5. aſſerit, *ſe habere poteſtatem
circumducendi uxorem, ſicut Cephas & reliqui Apoſtoli.*

3. Quia in primitivâ Eccleſiâ, ſacerdotibus hoc licuit. Alio-
qui enim non potuiſſet orthodoxis objicere Tertullianus,
jam Montaniſta L. de Monogamiâ c. 12. *Cur non erubeſcunt,
quotquot ex digamiâ præſident apud vos.* &c.

Αντιſτεσις eſt Græcorum, qui tametſi primas nuptias Sacer-
dotibus concedant, ſecundas tamen, niſi ut digami loco mo-
veri velint, illis prohibent.

III. VINDICATIO.

Accuſamur,

I. Quod apud nos Miniſtri Eccleſiæ, quamvis dono con-

N n 2

tinem.

inentiæ gaudeant, necessitate præcepti, uxores habere teneantur. Sic Fabricius, Daventria, Cochläus. Resp. Calumniam dispelli per Apologiam. p. 383. (239. 240)

II. Quod dicendo, hominem ad hoc creatum esse, ut generet, idem sit, ac si statueremus, hominem creatum esse Epicuri de grege porcum. Sic Fabricius. Resp. Injuriam hancce in Deum ipsum redundare, qui eadem nobiscum dicit, Gen. I. 27. 28.

III. Quod nostri ridiculè scripserint, *Ecclesiis aliquando defuturos Pastores, si diutiùs prohibeatur conjugium Sacerdotibus*, p. 34. (23) Sic Fabricius. Hæc non intelligenda esse de Sacerdotibus, quomodocunque se habentibus; sed de Sacerdotibus castis, & gregi bono exemplo prælucentibus.

ARTICULUS III.

DE MISSA.

I. EXPLICATIO.

Hic Articulus, qui in invariata Confessione tertium locum occupat, in Confessione variata primus est, ubi utrinque in initio quidem & sine eadem propè verba retinentur, sed in medio plurima adduntur, quamvis sine orthodoxiæ præjudicio, aut contaminatione. Inter multa alia repetere liceat ista: *Constat autem, multis seculis publicam fuisse querelam bonorum virorum, de Missarum abusu ac prophanatione: non enim obscurum est, quàm latè pateat hic abusus, in omnibus templis, à qualibus celebrentur Missæ, contra Canonum interdictum. Deinde quàm turpiter ad sacrilegum quæstum conferantur. Plurimi enim celebrant Missas, & sine pœnitentiâ, & tantùm ventris causâ. Hæc notiora sunt, quàm ut dissimulari possint. Nec videtur*
unquam

unquam ulla res divina, ab initio mundi, adeo vulgò ad quæstum collata esse, sicut Missa: Paulus autem horribiliter minatur his, qui indignè tractant Sacramentum, cum ait: Qui indignè ederit panem hunc, aut biberit calicem Domini, reus erit sanguinis Domini. Et in Decalogo scriptum est: Qui Dei nomine abutitur, non erit impunitus. Ut igitur sæpè aliàs mundus dedit pœnas pro idololatriâ; ita haud dubiè hac ingens prophanatio Missarum atrocissimis pœnis punietur. Et fortassis propter eam causam præcipuè plectitur Ecclesia, his postremis temporibus, cæcitate, discordiis, bellis & aliis multis pestibus. Item circa finem: Ex Nicenæ Synodi decretis apparet, unum aliquem celebrasse Liturgiam, ut Græci vocant, qui cæteris omnibus porrexerit corpus & sanguinem Domini. Hac enim sunt verba decreti: Accipiant Diaconi secundum ordinem post presbyteros ab Episcopo, vel à presbytero sacram communionem. Hic disertè ipsos presbyteros ait accipere Sacramentum, ab uno quodam porrigente. Nec privata Missa ulla fit mentio, ante Gregorii tempora; sed quoties veteres de Missâ loquuntur, apparet, eos de unâ quadam communi Missâ loqui.

Caterùm in invariata Confessione, p. 36. (23)

[I. Innocentia Nostrorum demonstratur,

[1. Negatione eorum, quæ obiciebantur. *Falsò accusantur nostri, quod Missam aboleant.* p. 36. (23)

[2. Recensione eorum, quæ apud nos fiunt,

[1. quod reverenter Missam, in sensu orthodoxo sic dictam, tractemus. *Retinetur — celebratur.* Ibid.

[2. quod ceremonias in primitivâ Ecclesiâ usitatas servemus, *Servantur & usitata ceremonia fere omnes.* Ib.

[3. quod sacra illa in lingvâ notâ celebremus. *Præterquam quod Latinis — humano jure.* p. 36. 37. (23. 24)

[4. quod populus cum Ministro utatur Sacramento. *Assuevit populus — publicari ceremoniarum.* p. 37. (24)

a

b

N n n 3

5. quod

a b

5. quod non nisi sufficienter instituti & edocti, ad usum Sacramenti admittantur. *Nulli enim admittuntur— pietatem erga Deum. Ibid.*

6. quod non minori religione apud nos, quàm apud adversarios Missa fiat. *Itaq; non videntur— quàm apud nos. Ibid.*

II. Abusus Pontificiorum detegitur. Nam

1. ex Missâ quæstum faciunt. Istud

1. proponitur. *Constat autem hanc— Canonum celebrant. p. 37. (24)*

2. exaggeratur

1. quod sit contra monitum Apostoli. *Paulus autem graviter— sanguinis Domini. p. 37. 38. (24)*

2. quod propterea Missæ privatæ prorsus abolendæ fuerint. *Itaq; cum apud nos— quæstus causâ fierent. p. 38. (24)*

3. quod conniventia Episcoporum, in hac causâ, dissensiones auxerit. *Neg; ignoraverunt— de Sacramento extiterunt. Ibid.*

4. quod prophanatio ista Dei pœnam provocaverit. *Fortasse dat pœnas— collata fuisse, ut Missa. p. 38. (25)*

2. Missam pro sacrificio, quod ex opere operato peccata delet, venditant. Istud

1. proponitur, sistendo

1. Hypothesin adversariorum, de insufficientiâ satisfactionis Christi. *Accesit opinio— mortalibus & venialibus. Ibid.*

2. Theses hypothese illi superstructas,

1. de Sacrificio Missatice. *Hinc manavit— ex opere operato. Ibid.*

a

b

c

2. de

F^c

- { 2. de finitâ Missarum efficaciâ, adeoque necessariâ earum multiplicatione. *Hinc cœptum est — multitudinem Missarum.* Ibid.
- { 2. Refutatur, quia talia dogmata adverfantur Scripturæ S. ex quâ discimus,
 - { 1. Christum sufficienter satisfecisse, Hebr. IX. 26. 28. *De his opinionibus — in perpetuum sanctificatos.* p. 39. (25)
 - { 2. Nos per fidem in Christum justificari, non ex ullo opere, Rom. III. 25. *Item Scriptura docet — Scriptura non patitur.* Ibid.
 - { 3. Missam fieri debere in Christi memoriam, ut fides recorderetur, quæ beneficia per Christum contingant, Sacramento utentibus Luc. XXII. 19. *Sed Christus jubet — debso accipere medicinam.* p. 39. 40. (25, 26.)

III Substitutio unius communis Missæ, in locum plurium solitarum, defenditur. Exponitur enim

- { 1. quid apud nos fiat. *Cum autem Missa — qui petunt.* p. 40. (26)
- { 2. quod idem in veteri Ecclesiâ factum sit: Provocatur autem ad testimonia,
 - { 1. generaliter. *Neque hic mos — plurimum loquuntur.* Ibid.
 - { 2. specialiter
 - { 1. Chrysostomi. *Chrysostomus ait — alios arcere.* Ibid.
 - { 2. Canonum veterum. *Et ex Canonibus — sacram Communionem.* Ibid.
 - { 3. Pauli Apostoli, 1. Cor. XI. 33. *Et Paulus — communionis participatio.* Ibid.
 - { 4. Historiæ Tripartitæ. *Nam olim etiam — oblationis morem.* p. 41. (26)

a

IV. Brevis recapitulatio totius articuli instituitur. *Postquam igitur Missa—certè moderari prodesse.* Ibid.

IN APOLOGIA p. 399. (250) seqq.

I. Repetuntur quædam ex ipsâ Confessione. *Initio hoc iterum—& alia similia.* p. 399. (250)

II. Disputatio instituitur,

1. de Ufu linguæ Latinæ in sacris, ubi sistitur

- 1. heterodoxa Thesis. *Adversarii longam—prodesse sine intellectu.* p. 400. (250)
- 2. orthodoxa Antithesis. *Hæc nolumus odiosè—Pharisaica opiniones.* Ibid.

2. de Missis solitariis, quibus opponuntur

- 1. Praxis Græcæ Ecclesiæ. *Quod non tantum fit—Dominicis diebus & festis.* p. 401. (250. 251)
- 2. Reliquæ consuetudinis priscæ in Monasteriis. *In Monasteriis fit—ejus rei modum desideraverint.* p. 401. (251)
- 3. Institutum Francisci, quod à Successoribus mutatum est. *Quamquam S. Franciscus—autoritatem majorum.* Ibid.

4. Testimoniū Epiphaniī. *Epiphanius scribit—ἐν τῷ εὐαγγ. p. 401. 402. (251)*

3. de Sacrificio, (ut vocatur) Missatiko. Hic

- 1. Status controversiæ, ab Adversariis neglectus & turbatus, restituitur, videlicet, quod non tam quærat, an Missa ullo modo Sacrificium dici queat? quàm an sit tale Sacrificium, quod proficit ex opere operato? *Etsi autem Adversarii hoc in loco—Monachi & Sophistæ.* p. 402. 403. (251. 252.)

2. Adversariorum socordia, in explicandâ Sacrificii quid-

a b c

quidditate, arguitur. *Quaquam autem causa—cum species sacrificii recensuerimus.* p. 403. 404. 405. (252. 253)

3. diversitas inter Sacrificium & Sacramentum manifestatur. *Theologi rectè solent—ut cum honore asficiamus.* p. 405. (253)

4. Sacrificii duæ species describuntur. *Sunt autem Sacrificii species—retributiones, primitia, decima* p. 405. 406. (253. 254)

5. quod non nisi unicum sit Sacrificium propitiatorium, nempe mors Christi, ostenditur. *Sed reverà unicum—ut exhibeat propitiationem.* p. 405. 406. (254. 255)

6. quod eucharistica Sacrificia plura quidem, non tamen satisfactoria sint, demonstratur. *Nunc reliqua sunt—h. e. fide in Christum.* p. 408 (255. 256)

7. quod cultus N. T. spiritualis sit, & opinionem de opere operato excludat, ex Scripturâ probatur. *In summâ cultus N. T. est spiritualis—afflictiones propter Evangelium, & similia.* p. 408. 409. 410. 411. (256. 257. 258)

8. Objectionibus adversariorum respondetur,

1. ex Malach. I. 11. *Et de his Sacrificiis—magnum nomen Domini.* p. 411. 412. (258. 259)

2. ex Malach. III. 3. *Citatur ex Malachiâ—more Levitici sacerdotii* p. 412. 413. (259)

3. quod sicut in Lege fuit jube Sacrificium; ita etiam in N. T. requiratur. *Allegant & jube Sacrificium—in auro & argento.* p. 413—419. (259—263)

4. ex Hebr. V. 1. *Allegant & ex Epistolâ—pro aliis*

b c d

2110

aliis ex opere operato p. 419 — 422. (263. 264. 265)

5. *ex Patribus. Et quoniam loca Scripturae — Patribus & Scripturae* p. 424. 425. (266. 267)

6. *ex vocibus Missæ, λειτουργίας, Altaris, Oblationis. Adversarii revocant nos — de gratiarum actione &c.* p. 429 — 432. (269 — 272)

9. *Monstra opinionum Pontificiarum de Sacrificio Missarico recensentur & eliminantur. Ostendimus rationem quare — neq. Patrum testimonia habent.* p. 422. 423. 424. (265. 266)

10. *Orthodoxa sententia de Sacramento proponitur,*
 { 1. *quod finis ejus duplex sit, primarius & secundarius. Quidam belli homines — ostendens promissionem.* p. 225. 226. (267)

{ 2. *quod ex opere operato, sine fide, non proficit. Ergo sicut promissio — sine fide proficit, aut facienti, aut aliis.* p. 426 — 429. (267. 268. 269)

4. *de applicatione Missæ pro defunctis, quâ in parte*
 { 1. *Opinio adversariorum, refellitur sequentibus argumentis,*

{ 1. *quod nullum habeat testimonium in Scripturâ. Quod verò defendunt — transferre ad mortuos.* p. 432. (272)

{ 2. *quod sit injuriosa in Deum. Hoc est abuti — quantum morti Christi.* Ibid.

{ 3. *quod adversetur Apostolo Rom. V. 1. Deinde peccatum — alieni operis.* p. 432. 433. (272. 273)

{ 4. *quod purgatorium ipsum nullis nitatur fulcris. Omittemus jam — vanissimam esse.* p. 432. (274)

a

b c

5. Ar-

{ 5. quod coena Domini alium in finem instituta sit. ¹³
Illud tantum opponemus — quid sit fides intelligens.

p. 433. 434. (273. 274)

{ 2. Argumentis eorum responderetur, petitis

{ 1. ex Græco Canone & Patribus. *Nec Græcus Canon*
— aliter se ipsi interpretarentur. p. 435. (274)

{ 2. à damnatione Aërii hæretici. *Falsò enim citant ad-*
versarii — gloriam Christi & justitiam fidei. p.
 435. 436. 437. (274. 275. 276)

{ III. Tota causa peroratur. *Hac de Missâ breviter — eris*
agenda causa p. 437. 438. (276)

II. DEMONSTRATIO.

Thesis I. *Quod Missa sacrificium propriè sic dictum*
verèq; propitiatorium sit, in quâ videlicet Jhesus Christus, modo
ipervento, pro vivis mortuisq; ad impetranda omnis ge-
neris beneficia, Patri cœlesti à Sacerdote offe-
ratur, pernegamus.

¹⁾ **E**NDICIS I. Vox Sacrificii, quâ sensum latiore, in Apo-
 logiâ p. 405. (253) definitur: *Opus, quod nos reddi-*
mus Deo, ut cum honore afficiamus: quæ descriptio etiam Sa-
 crificii impropriè sic dictis applicari potest, nempe (1) Fi-
 dei Phil. II. 17. (2) Precationi Ps. XLI. 2. Hebr. V. 7. (3)
 Gratiarum actioni Ps. L. 23. Hebr. XIII. 15. (4) Patientiæ
 2. Tim. IV. 6. (5) Carnis mortificationi & vitæ renovationi
 Rom. XII. 1. 1. Petr. II. 5. (6) Liberalitati Phil. IV. 18. 19.
 Hebr. XIII. 16. (7) Verbi prædicationi Rom. XV. 16. &
 (quæ loca frequenter objici solent) Mal. I. 11. III. 3.
 Conf. Apol. p. 411. (258) seqq. At in sensu strictiori Sacri-
 ficiu definitur: *Actio sacra, quâ Sacerdos, juxta voluntatem*
Dei, rem externam & visibilem Deo offert, ut Deus per illius
destructionem, colatur. O o o 2 2, Ex

2. Ex quo patet, ad Sacrificium propriè dictum requiri, ut res externa & sensibilis offeratur, (2) ut res oblata destruat, (3) ut oblatio fiat Deo & juxta voluntatem Dei, (4) ut offeratur à Sacerdote propriè dicto.

3. Pariter & vox oblationis, quâ Scriptores Ecclesiastici frequentissimè utuntur, in sensu generali notat præsentationem cuicunque objecto personali, quocunque modo, quocunque fine, & à quocunque subjecto offerente factam: in sensu autem speciali respicitur ad Sacrificium, ubi quidem Offerre nihil aliud notat, quàm Sacrificium ex eo facere, quod nondum tale est.

4. Errare igitur nequit, qui de Oblatione generaliter sic dictâ exponit, omnia loca Scriptorum, in quibus aliquid offerri legitur (1) Sacerdoti, vel alii creaturæ, (2) à Laicis (3) quod non est res externa & visibilis (4) quod non destruitur.

5. His præsuppositis, concedimus Missam, sive (quod nobis impræsentiarum idem notat) Eucharistiam, posse appellari Sacrificium impropriè loquendo, nimirum (1) per Synecdochè species pro genere, ut nomine Sacrificii intelligamus quamvis actionem sacram (2) per Metonymiam subjecti, ut Missa non per se Sacrificium vocetur, sed propter preces memoriamque & prædicationem beneficiorum divinorum; quo respectu passim *Sacrificium Eucharisticum* salutatur: item propter dona communicantium, quæ in primitivâ Ecclesiâ partim usui Sacramenti, partim sustentationi Ministrorum & Pauperum destinabantur (3) per Metonymiam effectus, propter novitatem vitæ, quam Eucharistiâ utentes stipulantur (4) per Metonymiam signi, quia fit in commemorationem illius, qui unicum sacrificium in arâ crucis factus, cum pane ac vino sacramentaliter communicantibus porrigitur. At nunc quæstio est, an Missa sit Sacrificium propriè sic dictum? quod inciamur.

6. Si.

6. Similiter largimur, non tantum Eucharistiam offerri communicantibus, sed ipsum quoque Christum, dum celebratur Eucharistia, offerri Patri suo, juxta acceptionem vocabuli generalem, videlicet si intelligatur oblatio per preces, tam à Ministro, quam ab Ecclesiâ ad Deum fusas, ut propter Christi meritum, quæ petimus, ex divinâ gratiâ consequamur. Enimverò nunc de eo quæritur, an Christus à Sacerdote, ut Sacrificium strictè sic dictum & quidem modo, quem Adversarii sic vocant, incruento offeratur? quod negamus.

7. Sic quoque alia est quæstio, an in Missâ seu Eucharistiâ præsens sit Sacrificium propriè dictum, scilicet Christus, qui semel se obtulit? Et alia rursus; an ipsa celebratio Missæ sit Sacrificium propriè sic dictum? Illam admittimus; hanc rejicimus.

8. Sacrificium & Sacramentum ita differunt, quod hic à Deo aliquid offertur hominibus; ibi ab hominibus aliquid offertur Deo. Vid. Apol. p. 405. (253)

9. Quandoquidem Adversarii ex Sacerdotum nomine ad Sacrificium argumentantur, observandum est, Sacerdotes in sensu strictiori dici eos, qui circa Sacrificia, propriè sic appellata, occupantur; quorum adeo officium, cum reliquis typis, præsentem antitypo, expiravit. At Sacerdotes in sensu latiori illi etiam vocantur, qui Sacrificia impropriè sic dicta offerunt, quales in N. T. quoad ministerium internum ac privatum, omnes Christiani sunt. Ef. LXI. 6. LXVI. 21. 1. Petr. II. 9. Apoc. I. 6. & quoad ministerium externum ac solenne illi, qui peculiari vocatione ad hoc officium à cæteris segregantur, quos Lutherus distinctionis gratiâ *Sacerdotes Ecclesiasticos* (*Kirchen Priester*) appellavit.

10. Eodem modo in N. T. præsto est *Altare* impropriè sic dictum, quo nomine Hebr. XIII. 10. totum Christi mediator-

6 ris mysterium denotatur, adeo ut *edere de altari*, sit fructum. Satisfactionis Christi percipere: Non autem suppetit Altare propriè sic dictum.

11. Cum verò Eucharistia appellatur *Sacramentum Altaris*, tunc per Altare non intelligimus aram ad sacrificandum erectam; sed mensam, cui olim, in primitivâ Ecclesiâ, Christianorum munera imponebantur. Quod enim non omne Altare propter Sacrificia erigatur, patet ex Jos. XXII. 26. 27.

12. A primitivâ Ecclesiâ, in administratione Eucharistiæ, usurpatam fuisse commemorationem mortuorum, concedimus: verum eâ de causâ, quâ hodie à Pontificiis suscipitur, usurpatam fuisse, inficias imus.

13. Finis nimirum tunc non erat satisfactio pro pœnis; sed partim gratulatio & commendatio, respectu mortuorum; partim adhortatio ad imitationem, respectu viventium; partim denique gratiarum actio, pro liberatione, respectu Dei.

14. Ipsa hæc commemoratio vocabatur *Oblatio*: nempe Oblatio verbalis; non realis. Neque enim pro mortuis Eucharistia offerebatur; sed tantum mortuorum nomina in precibus, celebrationi Eucharistiæ annexis, Domino offerebantur.

15. Verum est, quod Melchisedecus præfiguraverit Christum, videlicet in eo, quod nec Patrem, nec Matrem habuisse legitur, itemque quod Rex justitiæ & pacis, simulque Sacerdos fuerit &c. Hebr. VII. 2. 3. Interim falsum est, quod oblatio ejus facta Abrahamo, sacrificium fuerit & Missam præfiguraverit Gen. XIV. 18. Ponamus tamèn, non concedamus, rem ita se habere, sequeretur certè ex eo (1) Laicis non esse denegandum vinum; quia Melchisedecus vinum Abrahami militibus attulit: (2) aquæ mitionem cum vino, non esse necessariam; quia probabile non est, Melchisedecum vino diluto, hospites suos è prælio reduces excepisse: (3) non fieri transubstantiationem; quia panis Melchise,

enchedeci mansit panis & vinum Melchisedeci mansit vinum: (4) Missam non offerri pro mortuis; quia Melchisedecus non nisi vivorum rationem habuit: (5) non adorari debere; quia cultus ille, pani & vino Melchisedeci delatus non est. &c.

16. Pronomen demonstrativum *HOC*, cui immediatè succedit verbum *FACITE*, non referendum est ad nomen *CORPUS*; sed ad totam actionem complexam, à Christo hunc in modum præceptam; *ACCIPITE, COMEDITE, HOC EST CORPUS MEUM*. Proinde *Facere*, non est Sacrificare; nisi statuere velimus, omnes Christianos, ad-eoque & Laicos sacrificare debere; quia omnes *facere* debent, quod Christus præcepit, nempe accipere & comedere, quod pro iis in mortem est traditum.

17. Christus est æternus Sacerdos, Hebr. VII. 3. propter efficaciam Sacrificii, ab ipso semel oblato, semper permanentem; nequaquam verò propter actus sacrificii, quotidie iterandi, transeuntes.

18. Quod ex jugi Sacrificio V. T. non stabiliatur Missa-ticum, quod vocant Sacrificium, prolixissimè exponitur in Apolog. p. 413. (259) seqq.

19. Ibi quoq; agitur de vocabulo *λειτεργίας*, p. 429. (269) seqq. *Βεβαιώσις*. Probamus I. *Missam non esse sacrificium propriè sic dictum* (1) à distinctione inter Sacramentum & Sacrificium. Vid. Apol. p. 405. (253). (2) à defectu requisitorum Sacrificii propriè sic dicti, de quibus vid. *εξ* 9. observat. 2.

II. *Missam non posse dici propitiatoriam*: quia tale Sacrificium non nisi unicum est, nempe mors Christi, à quâ etiam Sacrificia veteris Testamenti, per se inefficacia, valorem acceperunt. Vid. Apol. p. 406. 407. (254. 255)

III. *Christum in Missâ non offerri quotidie*, (1) ex Hebr. IX. 12. 26. 28. (2) ex locis parallelis aliis Hebr. VII. 27. seq. X. 10. 14. Rom. VI. 10. 1. Petr. III. 18. Quia Chri-

Christus (1) non sacrificatus est, nisi SEMEL: id quod ter in citatis versiculis repetitur (2) per istud Sacrificium suum eternam (λύτρωσιν) redemptionem invenit, v. 12. ut proinde novo lytro, quod mediante Sacerdote in Missâ persolvatur, non opus habeamus (3) per hostiam suam apparuit ad (ἀθέτησιν) abolitionem peccati. v. 26. ex quo sequitur, nihil in fidelibus superesse, quod de novo, tanquam à Christo antea non abolitum, per Missam aboleatur. (4) postquam semel oblatum est expectari vult, donec in secundo adventu sine peccato videatur v. 28. Non ergo quotidie à Sacerdote offertur.

IV. Modum incruentum, quo Christus in Missâ offerri perhibetur, non facere ad propitiationem, ex Hebr. IX. 22, Quia sine sanguinis effusione nulla fit remissio.

V. Missam non ordinari pro mortuis, ex 1. Cor. XI. 24. 26. Ordinatur enim pro illis tantum, qui possunt (1) edere & bibere (2) hoc in commemorationem Christi facere (3) Mortem Domini annunciare. Conf. plura ex Apol. p. 432. (272) seqq.

Ἀντίθεσις est Pontificiorum, qui in hisce per omnia nobis contradicunt.

Thesis II. Missa meritò in linguâ populo cognitâ, celebratur.

Ἐκθεσις I. Vox Missæ Ecclesiastica est; non Biblica. Ab Ecclesiasticis enim Scriptoris, primum circa finem Seculi III. usurpata reperitur. Dicta autem est Missa, quasi Missio, uti Remissa pro Remissio. Cæterum Missio in Ecclesiâ olim duplex erat, alia Catechumenorum, ante Sacramenti administrationem; alia reliquorum Fidelium, post Sacramenti administrationem. Tunc enim proclamabatur: *Ite, missa est*: à quâ solenni voce, Eucharistia, cum omnibus suis precibus & ritibus, nomen accepit.

2. Ipsam

2. Ipsam igitur Missæ vocem non improbamus, utpote quæ in Augustanâ Confessione ejusque Apologiâ retinetur; at cum abusibus, circa rem voce ista notatam, in Papatu occurrentibus, nihil nobis commercii est.

3. Unde in Disputationibus nostris contra Missam, nunquam Missa verè Christiana; verùm unicè Missa Pontificia intelligitur.

4. Alia quæstio est, quid fieri quomodocunque possit? & alia, quid ex usu populi meritò fieri debeat? Non negamus, Missam seu Eucharistiam esse, quæ servatâ in reliquis Christi institutione, in linguâ ignotâ celebratur; at hoc inficiamur, quod ad Ecclesiæ ædificationem tantum conferat, quantum, si in linguâ notâ celebraretur, conferret.

5. Unitas Ecclesiæ, in toto orbe dispersæ, non æstimanda est ex unitate linguæ, quâ Ministri Dei utuntur; sed ex unitate fidei, quâ Christiani inter se connectuntur.

Beatus Probamus ex 1. Cor. XIV. ubi Apostolus ex professo, contra usum linguæ ignotæ in Sacris, disputat, ostenditque (1) eum, qui linguâ ignotâ loquitur, semet ipsum quidem ædificare; non verò Ecclesiam v. 3. 4. 17. ad cujus tamen ædificationem omnia tendere debent v. 12. (2) eum nihil prodesse Ecclesiæ v. 6. sed in aërem loqui v. 9. (3) eundem esse barbarum ei, cui loquitur v. 11. (4) ad illius benedictionem non posse à populo *Amen* (videlicet ex fide) responderi. v. 16. (5) linguas *in signum datas esse infidelibus; non fidelibus* v. 22. Addantur plura ex Apologiâ p. 400 (250)

Avis est Pontificiorum, ex quibus Benjamin Prioli, Pontificiorum cœtui addictus, cum Calvinii sententiam de Sacrificio Missatice detegeret, suam pariter de Linguæ Latinæ usu, prodidisse videtur Hist. L. 1. c. 20. p. 22. scribens: *Nil quicquam suos prius imbuit, quam sanctificum crustulum, sacrosan-*

Etumq; panificium non verti in Christum per murmur Sacrifici; quod horresco memorans: summum illud, quod venerantur, non manibus pistoris effingi, nec mutabile, nec interiturum; Missæ Sacrificium, & pro mortuis preces, vilia habere &c.

Thesis III. *Missæ, prouti apud Pontificios, juxta Missale Romanum, celebratur, ob plurimos enormesq; errores, probari nequit.*

EXPOSITIO I. Non quæritur de aliis veterum Liturgiis & Missis, sive veris, sive supposititiis, quæ Margarinus de la Bigne in Bibliothecâ Patrum, & Pamelius in Liturgico collegierunt & exhibuerunt; sed tantum de Missâ Romanâ.

1. Liber, in quo ratio celebrandi hanc Missam traditur, *Missale* dici consuevit, quod Zacharias Papa exorsus est, & Gregorius M. in meliorem formam redegit. Accesserunt deinde alia atque alia, donec tandem ei, ex decreto Concilii Tridentini, autoritate Pii V. ultima manus imponebatur.

3. Non inficiamur, in formulâ illâ Missaticâ occurrere quædam bona; sed negamus omnia ibi esse bona. Malorum fertilior propè segēs est, quàm bonorum.

BEŒLWORTS. Improbamus in Missâ Pontificiâ (1) quod *confessio* peccatorum non soli DEO; sed & *Mariæ, Archangelo & Sanctis* demortuis fit: (2) quod DEUS per *merita Sanctorum* oratur: (3) quod panis & vinum, ante consecrationem, prædicantur esse *immaculata hostia, pro innumerabilibus peccatis, & offensionibus & negligentis ejus*, qui hæc offert, imo & *pro omnibus circumstantibus & pro omnibus fidelibus Christianis, vivis atq; defunctis*, quibus proficiat ad salutem in vitam æternam (4) quod Sacerdos precatur, ut per *aquæ & vini* (cui aqua miscetur) *mysterium, divinitatis Christi consortes fiamus*: (5) quod ad *intercessionem Sanctorum* provocatur: (6) quod panis & vinum offeruntur in *hono-*
rem.

⁴⁸⁰
*in Maria & omnium Sanctorum, ut illis oblatio isthac ad honorem proficiat: (7) quod panis & vinum religioso adorationis cultu afficitur: (8) quod Symbola, jam ex opinione Adversariorum transubstantiata, nihilominus de novo, cruce signantur; tanquam ulterioris consecrationis, sive benedictionis capacia: (9) quod Sacerdos, consecratione jam peractâ, tanquam mediator inter Deum, Patrem & Filium, pro Filio apud Patrem intercedit, inquit: *Supra hac sacrificia, propitio ac sereno vultu respicere digneris & accepta habere, sicuti accepta habere dignatus es munera pueri tui justî Abel & sacrificium Patriaracha nostri Abraha &c:* (10) quod blasphemè supponitur, ac si corpus Christi nequeat coram Deo nisi per Angelos sisti. Hunc enim in finem preces continuantur: *Fabe hac perferri, per manus Sancti Angeli tui, in sublime altare tuum, in conspectum divinæ majestatis tuæ:* (11) quod actio sacra tot ineptis & superfluis gestulationibus contaminatur. De his & aliis exhibentur plura apud Lutherum T. 3. Jenens. Germ. f. 500. seqq.*

ΑΥΤΙΣΤΙΣ ΕΣΤ ΠΟΝΤΙΦΙΚΙΟΡΟΝ.

Thesis IV. Actus formales, Sacramentum Eucharistiae in esse suo constituentes & ad integritatem illius necessarii, tres sunt, nempe Symbolorum, per repetita institutionis verba, Consecratio; inter communicantes Distributio; & respectu eorundem Acceptio: ut proinde Missa privata, seu, solitaria, in quibus nulla sit Distributio, rejiciantur; negq. Symbola, licet consecrata, extra usum, v. g. cum reconduntur, aut ad cultum exponuntur, vel circumgestantur &c. pro Sacramento haberi debeant.

ΕΚΘΕΤΙΣ I. Sub nomine Consecrationis, non intelligitur magica immutatio; sed Symbolorum, juxta mandatum Christi, per preces & verba institutionis, suscepta præparatio.

2. Christus enim per *εὐλογίαν* (Matthæi XXVI. 26.) sive *εὐχαριστίαν* (Luc. XXII. 17) à Patre cœlesti obtinuit, atque ideo etiam ordinavit, ut quoties, juxta primam institutionem, actio isthæc celebratur, verum corpus & verus sanguis, mediantibus externis symbolis, præsto sint: id quod actu impetratur, Ministro preces, præsertim orationem Domini & verba institutionis debite repetente. Accuratè procedentes distinguunt inter Consecrationem Destinationis & Unionis. Illa fit per preces, quibus symbola ab usu vulgari ad usum Sacramentalem separantur & destinantur; hæc fit per ipsa verba institutionis, ad quorum recitationem, res cœlestis cum re terrenâ unitur.

3. In Distributione, Symbola non debent misceri, v. g. ut panis vino intinctus exhibeatur; sed debent discerni, ut quodlibet eorum, seorsim communicantibus porrigatur, juxta mandatum Christi: *Edite, Bibite.*

4. De cætero distinguimus inter (*δόσιν, καὶ δόσεως τρόπον*) Distributionem & Distributionis modum. Illa necessaria est; hic indifferens: Unde parum refert, siue Minister manibus, siue ori communicantium, Symbola inferat, dummodò nihil cum scandalo Ecclesiæ fiat

5. Pro Acceptione, alii ex Theologis nostratibus substituant Communicationem. Intelligunt autem Communicationem passivam; non activam, quippe quæ eadem est cum Distributione.

6. Hi actus conjunctim & indistractè; non autem divisim & distractè, ad Sacramenti integritatem necessarii sunt. Nam actiones incomplexæ, in Eucharistiâ debent continuari, ut inde emergat una actio complexa.

7. Quando igitur pronuntiamus, quod nihil habeat rationem Sacramenti, extra usum; tunc per usum, non significatur actio partialis; sed totalis, videlicet eo modo, quo à nobis definitum est.

8. Præ-

8. Præsentia Christi in Eucharistiâ, non initio, nec medio, nec fini actionis Sacramentalis; sed toti actioni complexæ; prouti à Christo instituta est, i. e. Consecrationi, Distributioni & Acceptioni, simul sumtis, alligatur.

9. Cum verò in scriptis nostratium, Eucharistia in manducatione & bibitione consistere statuitur, notandum, quod priores actus, nempe consecratio & distributio, non excludantur; sed præsupponantur.

10. Nam in ejusmodi loquendi formulis, definitur Eucharistia ad extra, ut separetur ab actibus extraneis; quales sunt inclusio, circumgestatio, adoratio &c. nequaquam verò ad intra, ut separetur à se ipsâ, sive ut actus ultimus reliquos actus subordinatos excludat. Adeo & hic locum invenit Axioma Logicum: *Exclusiva non tangit, nisi oppositum.*

11. Unio inter rem terrenam & cœlestem, non fit propter rem terrenam, videlicet ut hæc in statum eminentiorem elevata, reponatur, circumgestetur, colatur; sed propter hominem, re terrenâ, juxta Christi institutionem, usurum, ut is, mediante re terrenâ, rem cœlestem consequatur.

12. Ab eo quod fit secundum mandatum Dei, ad id quod fit sine mandato Dei N. V. C. Manna quidem volente Deo asservabatur in arcâ Hebr. IX. 4. At cum absque peculiari jussu, in usum futurum recondideretur, putrescebat Exod. XVI. 20. Similiter cum Deus juberet circumgestare arcam, id bene cessit Jos. VI. 14. Non item cum absque Dei mandato adversus hostes portaretur, 1. Sam. IV. 3. seqq. Jam verò nullum mandatum ostendi potest, de symbolis Sacramentalibus recondendis, aut ad cultum eis deferendum, reponendis, vel circumgestandis.

13. Licet circumgestare Symbola: sed usûs gratia v. gr. propter infirmos; non ad cultum.

14. Concedimus, symbola consecrata reverenter esse tractanda; at negamus, religiosè esse colenda: utpote quod eis ne quidem in Eucharistiæ celebratione competit; multò minus extra eam, ubi unio sacramentalis cessat, & panis, quamvis antè consecratus, nihil nisi communis panis est.

15. Alia quæstio est, an Christus in Eucharistiâ præsens, sit religiosè colendus? & alia, an Eucharistia ipsa, sive symbola Eucharistiæ consecrata, sint religiosè colenda. Illam affirmamus; hanc inficiamur.

16. Etsi enim id, quod cum Deo personaliter unitur, possit fieri objectum religiosi cultus; idem tamen nequaquam extendendum est ad id, quod cum Deo unitur sacramentaliter. Quapropter à naturâ humanâ, in hypostasim τοῦ λόγου assumptâ, ad Panem eucharisticum, argumentari non licet.

Βεβαιώσις. Probamus 1. *Actus formales Eucharistiæ tres esse, Consecrationem, Distributionem & Acceptionem* (1) ex Matth. XXVI. 26. Quia tot actuum mentio fit in institutione Eucharistiæ, nimirum (α) Consecrationis: *Jesus benedixit;* (β) Distributionis: *Panem acceptum fregit, deditque Discipulis;* (γ) Acceptionis: *Ac dixit: Accipite, Comedite.*

2. ex 1. Cor. X. 16. Quia Paulus de Eucharistiæ institutione ac administratione scribens, similiter tres illos actus commemorat, nimirum (1) Consecrationem: *Poculum benedictionis, cui benedicimus;* (2) Distributionem: *Panis quem frangimus;* Frangitur autem propter distributionem; (3) Acceptionem: *Nonne communio sanguinis & corporis est.* Huiusce communionis Finis CUI sunt homines, quibus symbola, ut accipi queant, distribuuntur.

II. *Missas privatas seu solitarias, in quibus nulla Distributio fit, merito rejici,* ex Matth. XXVI. 26. 1. Cor. XI. 23. Quia deest unus formalium & consequenter ad integritatem necessariorum actuum, contra institutionem ac exemplum Christi

Christi & praxin primitivæ Ecclesiæ. Nam (1) Christus instituendo Eucharistiam, non tantum *benedixit*, sed etiam symbola distribuit. Quisquis igitur Eucharistiam sine Distributione celebrat, ille institutionem negligit, & ab exemplo Christi, nobis loco normæ proposito, recedit (2) verba illa: *Accipite, Manducate, Bibite*: expresse requirunt usum, & quidem usum sic determinatum, ut in *Manducando & Bibendo* consistat: (3) Consecratio fit propter Distributionem. Si igitur illa necessaria est, sequitur hanc magis necessariam esse, juxta Canonem: *Propter quod aliquid tale est, illud magis tale est*: (4) Paulus & qui eum in primis sæculis exceperunt, Eucharistiam nunquam sine distributione celebrarunt. Vid. Aug. Conf. p. 37. 40. (24. 26.) & Apol. p. 403. (250) seq. ubi hæc latius deducuntur, atque alia insuper argumenta adferuntur. Nobiscum, quanto Missæ privatæ dedecori sint Ecclesiæ, agnoscit Benjamin Prioli, cum Histor. L. 2. n. 46. p. 79. de Carolo I. Angliæ Rege scriberet: *Cogitatum forsitan de solenni, ut nos loquimur, Sacrificio retinendo; amputatâ Missatum frequentiâ, quæ vulgi incuriâ & illuvie Sacerdotum, dedecorat Religionem, præsertim è privatis adibus eliminandâ; cum notetur clarè, quò crebrius privatim missificatur, eò injustiorem & iracundiorem fieri dominum adium, & deteriorem familiam.*

III. *Symbola, licet consecrata, extra usum non esse Sacramentum*: ex iis, quæ in præcedentibus adducta sunt. Quia, ut quid Sacramentum sit, oportet actus formales, indivulso nexu coherere, quos Autor Sacramenti, indivulso nexu conjunxit. At nec Symbola per se actus illi sunt, nec super illis aut cum illis extra usum actus concurrunt: Sola enim adest Consecratio, sine Distributione, aut Acceptione.

IV. *Usum Eucharistiæ non consistere in eo, ut Symbola consecrata recondantur, aut ad cultum exponantur, vel circumge-*
rentur.

ſentur &c. ex Luc. XXII. 19. 1. Cor. XI. 24. 25. Quia Chriſtus jubet *Hoc facere*, quod ipſe fecit. At ipſe nunquam talia fecit, neque facere potuit; quippe quæ Chriſtianos ad idololatriam ſeducunt, contra interdictum Dei. Eſa. XLII. 8. Deut. XXXII 3.

Antiphona eſt Pontificiorum per omnia.

Theſis V. *Sacrificia Veteris Teſtamenti abſolutè & per ſe non merebantur remiſſionem peccatorum, ſed tantùm relativè & per aliud, cujus typi erant, nempe per Chriſtum aliquando ſacrificandum, quando hic fide apprehendebatur: atq; idem ille adeò ſtriſtiſimè loquendo, unicùm Sacrificiũ propitiatorium & V. & N. T. eſt.*

Expoſitio 1. Quot modis ſumatur vox Sacrificii & oblationis & quæ ad Sacrificiũ ſtriſtè ſic dictum requirantur, expoſuimus in Theſ. I. Obſerv. 1. ſeqq.

2. De duabus Sacrificiorum ſpeciebus, quarum aliud dicitur propitiatorium; aliud *ευχαριſτικὸν* ſeu gratiarum actonium, vid. Apol. p. 405. 406. (253. 254)

3. Sacrificia V. T. non erant ſigna merè ſignificativa; ſed ſimul ejus, quod ſignificabant, exhibitiva. Habebant enim ſe ut organa, divinitus ordinata, quæ Chriſtum Patri, in arâ crucis offerendum, peccatoribus proponebant, offerbant, applicabant & obſignabant.

4. Nec tamen exhibebant Chriſtum realiter; ſed duntaxat typicè.

5. Propter hanc oblationem Chriſti, rectè dicuntur pertinuiſſe ad Evangelium: ſi non quoad actum præceptum, utpote qui legalis erat; attamen quoad finem ac effectum.

6. Uſus legalis ſacrificiorum V. T. in eo conſiſtebat, quod peccatorem, pro quo brutum interficiebatur, de reatu & atrocitate peccati admonerent. Hebr. X. 3. Uſus verò evangelicus

gelicus in eo se exerebat, quod Christum, ut unicum & sufficiens sacrificium propitiatorium adumbrarent. Hebr. IIX.

5. X. 10. 11. 12.

Beßatwng videatur in Apol. p. 406. (254) seqq. Ut tamen methodus consveta servetur, probamus

1. quod Sacrificia V. T. absolutè & per se non meruerint remissionem peccatorum, ex Hebr. X. 4. quia *impossibile est sanguine taurorum & hircorum auferri peccata.*

2. quod Sacrificia relativè, per Christum, cujus typi erant, meruerint remissionem, ex Epistolâ ad Hebræos ferè integrâ, præsertim ex c. IX. p. t.

3. quod Christus strictissimè loquendo unicum sacrificium propitiatorium V. & N. T. sit, ex Apoc. XIII. 8. Quia Christus describitur ut *agnus occisus ab origine mundi*, videlicet tempore V. T. in typis & objectivè; at tempore N. T. ut antitypus & formaliter.

Antijetis est 1. Socinianorum, qui cum Judæis censent, Sacrificia V. T. absolutè & per se, remissionem peccatorum promeruisse & propitiatoria fuisse; neque omnia Christum præfigurasse; sed duntaxat anniversarium istud Sacrificium, de quo Lev. XVI. 2. seqq. Exod. XXX. 10.

2. Pontificiorum, qui Missam pro Sacrificio propitiatorio strictè sic dicto venditant, de quo vid. Thes. 1.

Thesis VI. *Receptacula animarum, à corporibus discedentium, non nisi duo sunt, videlicet Cælum & Infernus. Cætera verò, nempe Limbus Patrum, Limbus Infantum & Purgatorium, ut signenta se habent, proindeq; orationes pro mortuis, ex Purgatorio liberandis, frustra funduntur.*

Exjetis 1. Homo confertur cum bestiis Eccles. III. 19. seqq. quoad necessitatem moriendi; non quoad statum post mortem.

2. De statu hominis post mortem, nihil constabat Salomoni, ex lumine rationis sibi relicta Ecclesi. III. 17. 21. Enimverò ex lumine revelationis probè noverat, *animas piorum ad Deum tendere* Eccl. XII. 7. Quapropter quæ conditionatè ab eo dicuntur, non accipienda sunt absolute.

3. In Jobo XIV. 7. seqq. non agitur de statu animæ separatæ; sed de conditione hominis morientis, usque ad Resurrectionem. Is enim quoad corpus non evigilabit, *donec erunt cæli.*

4. Similiter Ps. VI. 6. XXX. 10. CXV. 17. David non negat simpliciter, *mortuos laudare Deum*; sed secundum quid, nempe illos non laudare Deum, cum iis, qui in Ecclesiâ militante adhuc degunt.

5. Receptacula animarum à corporibus discedentium duo statuimus, cælum seu $\pi\sigma$ gloriæ, & infernum seu $\pi\sigma$ ignominix. Hæc juxta nostram sententiam se habent ut opposita immediata: Adversarii autem pro oppositis mediatis agnoscunt.

6. Animæ piorum, quibus cælum patet, diversimodè considerantur, vel sub respectu ad judicium futurum, quatenus adhuc separatæ manent; vel sub respectu ad judicium præteritum, quatenus ut cum corpore, rursus unitæ spectantur. Hinc Spiritus S. atque Ecclesiastici Scriptores, aliter atque aliter de animâ loquuntur, quæ ante judicium legitur esse, *in sinu Abrahamæ, in Paradiso, sub Altari, in securitatis requie* &c. post judicium verò legitur pervenire *ad consummationem gloriæ, ad perfectam letitiam, ad expectatam mercedem, ad nondum acceptas promissiones* &c.

7. Possessio gaudiorum ante unionem animæ cum corpore, ut plena se habet, quoad partes; augmentum verò capiet post unionem cum corpore, quoad gradus.

8. Quod quidem augmentum partim erit intensivum,
cum

cum anima piorum magis gaudeat, videns corpus de gaudio suo participare; partim verò extensivum, cum majus sit gaudium, quo afficitur simul & anima & corpus, quàm quo sola anima.

9. Adversarii plura receptacula comminiscuntur. Aliud juxta eos est temporarium, tum pro animabus in veniali peccato decedentibus, pro quibus nondum satisfactum est, quas in Purgatorium rejiciunt; tum pro animabus eorum, qui ante Messiae adventum in Domino obierunt, quibus Limbum Patrum assignant. Aliud est perpetuum, pro parvulis sine Baptismo mortuis, quos in Limbum Infantum relegant. De singulis speciatim dicemus.

10. Ut igitur à Purgatorio incipiamus, observandum, quod loca, quæ de totius hominis calamitatibus in hac vitâ agant, malè transferantur ad calamitates solius animæ, quas post mortem pati perhibetur Mich. VII. 8. 9. Zach. XIII. 8. 9. 1. Cor. III. 15. 1. Sam. II. 6. Ps. XXXIX. 12. XLIX. 16. LXVI. 12. XXCVI. 13. CVII. 14.

11. Vaticinium de effectis Evangelii, tempore N. T. ineptè habetur pro descriptione Purgatorii Es. IV. 4. Malach. III. 2. 3. IV. 1. Matth. III 11. Apoc. XV. 2.

12. E diversis gradibus pœnarum post mortem, in eodem receptaculo, nempe Inferno, elici nequeunt diversæ species pœnarum, in distinctis receptaculis, nempe Purgatorio & Inferno. Nihil igitur obtinent, quæ petuntur ex Matth. V. 22. Luc. XII. 47. 48. Sic & Luc. XVI. 24. Hebr. X. 27. de Inferno sermo est; non de Purgatorio.

13. Per inferos, quorum genua, in honorem Christi flecti debent, Phil. II. 10. Apoc. V. 13. intelligimus homines mortuos ac sepultos tandemque resuscitandos; vel etiam Diabolos in extremo die Judicem universalem cum tremore honoraturos, quibus genua per metaphoram attribuuntur, non

aliter ac alibi *statio ad dextram*, Zach. III. 1. *tremor* Jac. II. 19. *catena*, quibus ligatur, 2. Petr. II. 4. *laquei*, quibus ligatos tenet homines, 2. Tim. II. 26.

14. Matth. V. 26. per particulam *DONEC*, non ponitur tempus solutionis; sed negatur, æquè ac Matth. I. 25. *Conditio* enim impossibilis, in allegato loco priori, habet vim negandi.

15. Unius negatio non est alterius affirmatio, & vice versâ. Unde tametsi legamus, Peccatum in Spiritum S. non remitti in alterâ vitâ, Matth. XII. 32. haudquaquam tamen ex eo sequitur, alia peccata, quæ non sunt in Spiritum S. remitti in alterâ vitâ.

16. Theologia allegorica non est argumentativa. Quapropter nolumus immorari argumentis, pro existentia purgatorii, desumptis à gladio flammante Cherubini Genes. III. 24. à clibano fumante & lampade igneâ. Gen. XV. 17. à majestate DEI graphicè descriptâ, Dan. VII. 10. &c.

17. Reliqua absfona & penè ridicula sunt, quæ ab Adversariis urgentur, v. gr. ex Pl. VI. 1. XXXIIX. 1. *Domine, in furore tuo* (i. e. Purgatorio) *ne arguas me, neq. in irâ tuâ* (i. e. Inferno) *corripias me* &c. Item: Eccles. IV. 14. *De carcere* (i. e. Purgatorio) *quis egreditur ad regnum* (i. e. Cœlum) &c.

18. Progredimur ad Limbum Patrum, ubi in præcipuo Adversariorum argumento verum est, quod Jacobus Patriarcha non potuerit dicere, se descensurum esse ad Filium Josephum, in eundem locum, utpote quem à bestia devoratum & in ventriculo ejus sepultum credebat Gen. XXXVII. 35. Verùm nihil obstat, quò minus verba illa intelligantur de descensu in eundem statum. Imo alibi particula *Ad* non significat AD, sed PROPTER, 1. Sam. I. 27. Quod si nunc quoque ita accipiat, sensus erit, Jacobum esse descensurum propter Filium, quem tantopere lugebat.

19. Quæ Scripturæ oracula, de liberatione omnium piorum, ex captivitate Satanæ, agunt, malè adhibentur, ad probandam liberationem specialem Patrum ex Limbo e. gr. Zachar. IX. 11.

20. Christus prædicavit animabus in carcere infernali Legem; non Evangelium: Nam ad immorigeros & infideles loquebatur, 1. Petr. III. 19. ut proinde istud ad Patres morigeros & fideles trahi nequeat.

21. Restat Limbus Infantum, quod commentum, falsis nititur hypothesibus (1) de merito peccati originalis, quasi hoc solummodò damni & non etiam sensus pœnæ dignum sit. Vid. superiùs Art. II. Th. 3. observ. 5. seqq. p. 75. 76. (2) de absolūtâ necessitate Baptismi, quasi ejus non solum contemptus, sed etiam nuda privatio damnet. Vid. superiùs Art. IX. Th. 1. obs. 8. seqq. p. 223.

22. Cum in Thesi mentio fiat, Orationis, quæ pro mortuis fieri solet, observandum, quod inter nos & Pontificios non tam quærat, an pro mortuis orare liceat? quàm an pro mortuis expurgatorio liberandis aliquo cum fructu oretur?

23. Nempe & nos in Apologiâ Aug. Conf. p. 435 (274) profitemur, *Orationem pro mortuis à nobis non prohiberi*: ut tamen proptereâ in castra Pontificiorum haudquaquam transeamus. Illi enim orationis pro mortuis necessitatem adstrunt; nos libertatem concedimus: Illi orationem meritoriam faciunt; nos contra meritum tale disputamus: Illorum cum orant finis est satisfactio pro peccatis, vel pœnis in Purgatorio sustinendis; apud nos, cum oramus, finis est, primùm declaratio affectus viventium erga defunctum; deinde exhortatio & consolatio superstitum; denique celebratio & applicatio promissionum divinarum respectu defuncti.

24. Sic pro mortuis in Concionibus funebribus & denunciatione solenni, quæ post sepulturam è suggestu fieri solet,

itemque quoties in communi sermone, mortuorum, cum voto addito, memoria refricatur, oramus, corpori quietem & in extremo die beatam resurrectionem optantes, animæ autem de salute concessâ gratulantes, & Deo pro liberatione ejus gratias agentes.

25. Unde distinguimus inter orationem commemoratoriam, aut gratulatoriam; & inter orationem precatoriam, aut satisfactoriam;

26. Quia imo & bonum, quod anima sine oratione nostrâ jam habet, nihilominus peti à Deo potest, in signum confessionis, quod id animæ non nisi ex Dei beneficio contingat. Sic oramus, ut sanctificetur nomen Dei; ut passionis Christi efficacia ad nos pertingat &c. Ejusmodi ergo sensum habet votum vulgare: *Deus misereatur animæ ejus*; quod Lutherus non improbat, scribens: *Pro mortuis, quia Scriptura nihil meminit, existimo non esse peccatum, ex liberâ devotione ita vel similiter orare, ut Deus animæ misereatur.*

27. Signa luctus perperam habentur pro oratione, quâ superstitēs mortuis succurrerint e. gr. 1. Sam. XXXI. 13. 2. Sam. I. 11.

28. Neque lis est, an pro memoriâ mortuorum fas sit, distribuere eleemosynam? quod olim fiebat Tob. IV. 18. neque hodie apud nos fieri desinit; sed an pro animâ eorum ex purgatorio liberandâ, isthæc fieri debeant?

29. Isaacum post mortem matris orasse legimus Genes. XXIV. 62. sed quod pro animâ matris, ex purgatorio liberandâ oraverit, nullibi legimus. Neque anima illa ex hypothēsi Pontificiorum in Purgatorium, sed in Limbum Patrum descendit, ex quo, ante descensum Christi ad inferos, per nullam orationem liberari potuit.

30. Patriarchæ volebant sepeliri in Palæstinâ Gen. XLVII. 29. 30. L. 15. non propter metum Purgatorii, ut partici-

cipes

cipes fierent precum & sacrificiorum; sed in signum fidei de Mesſiâ, in Palæſtinâ nascendo, itemque ut cum Mesſiâ resurgerent Matth. XVII. 52. 53.

31. Locus 2. Maccab. XII. 46. allegatur ex libro apocrypho. Accedit, quod idem ille versus, nec in autographo Græco, nec in Josepho, sive Græco, sive Hebræo, inveniatur.

32. Christiani olim baptizabantur super mortuis; non pro mortuis; uti perperam redditur in vulgatâ 1. Cor. XV. 29. Fiebat hoc in signum fidei de Resurrectione; non in satisfactionem pro animabus in Purgatorio.

Βεβαιῶσις. Probamus I. *Receptacula animarum à corporibus discedentium, non nisi duo esse, videlicet cælum & infernum*, 1. ex Marc. XVI. 16. quia non nisi duo hominum genera sunt, fidelium, qui salvantur, & infidelium, qui damnantur. Add Joh. III. 18.

2. ex Luc. XVI. 19. seqq. ubi anima Lazari rectâ in cælum; anima autem Epulonis rectâ in infernum detrusa fuisse legitur. Si locus intermedius foret, saltem Lazari anima ibi aliquandiu detenta fuisset. Hæc pericope Evangelica, quæ olim etiam in Papatu Dom. I. post Trinitatis explicari solebat, hodie prætermittitur, quia aut Purgatorio, aut Limbo Patrum nimis apertè contrariatur. Quod sinus Abrahæ in cælo sit, patet ex Luc. XIII. 29.

3. ex Apoc. XX. 15. Nam *quicumque non sunt scripti in libro vite, dicuntur mitti in ignem gehennæ*.

II. *Purgatorium esse commentum*, 1. ex Rom. VI. 7. Quia qui mortuus est, dicitur liberatus esse à peccato. Qui autem liberatus est à peccato, ille non amplius obligatur, ad poenam sustinendam pro peccato. Nam sublato peccato tollitur reatus.

2. ex Rom. II. 9. 1. Quia *in illis, qui in Christo Jesu sunt, (ἐν τοῖς κατὰ Χριστὸν) nulla condemnatio superest*. Sumus autem in Christo per fidem Gal. III. 26. 27. Unde sequitur, quod qui

qui in fide obeunt, Purgatorio deputari nequeant; alioq enim superesset in illis aliqua condemnatio.

3. ex Apoc. XIV. 13. quia *qui in Domino moriuntur, (ἀντίφθ.) statim beati sunt.* Ergo nulli iis cruciatus perferendi sunt, priusquam beatitudinem consequantur.

4. ex Eccles. XI. 3. ubi homo comparatur arbori, in verbis sequentibus: *Ubi cunq, arbor ceciderit, ibi eris.* Nulla igitur spes eluctandi aliquando ex loco illo superest.

5. Ipsi Pontificii emunctioris naris Purgatorium rident. Hoc enim à Cardinali Richelio factum esse, Guido Patinus, Medicinæ Doctor & Regius in Academiâ Parisiensi Professor, in Epistolâ 2. Junii 1657. scriptâ, quæ inter literas ab ipso Gallicè editas LXVII. est, p. 218. prodit. Cum enim Parisiis per dies XIV. Missæ solennes pro defunctâ Lusitanæ Reginâ celebrarentur, Cardinalis Doctorem Mulotum, Confessionarium suum interrogabat: *Quot Missis pro animâ ex purgatorio liberandâ opus esset?* Mulotus regerebat: *Num-erum esse incertum, neq, ullâ Ecclesiæ definitione expressum.* Ad hoc verò subridens Richelius, se id definiturum esse, aiebat: *Tot videlicet ad impetrandam hanc liberationem requiri Missas, quot pile niveæ ad calefaciendum furnum pistorium, requirantur.* De quo Cardinalis pronunciato Patinus, hoc iudicium fert: *Ecce homines, qui sanctum & benedictum ignem, ad quem lautè adeo saginantur, ludibrio habent!*

III. *Limbum Patrum esse commentum*, 1. ex Eccles. XII.

7. Quia *anime* fidelium etiam in V. T. ad Deum veniebant. Add. 1. Sam. XXV. 29.

2. ex illis locis, in quibus Patres V. T. à terrâ sursum eve-cti leguntur; cum Limbus, juxta Pontificios sub terrâ sit. Ita enim de Enocho legimus Gen. V. 24. Sirac. XLIX. 16. & de Eliâ 2. Reg. II. 11. Sirac. XLIX. 9.

IV. *Limbum Infantum esse commentum*, 1. ex 2. Sam. XII.

18. 20. 23. Quia David super filiolo suo, die VII. adeoq; ante circumcisionem mortuo, gaudebat, cogitans, quod ad eum aliquando venturus esset. Si verò Limbus puerorum daretur, qui David spem concipere potuisset, se ad filiolum illum aliquando venturum esse?

2. ex Matth. II. 16. Quia inter pueros Bethlehemi trucidatos, fuerunt nondum circumcisi. Illos verò cum Pontificii Martyribus annumerent, certum est, juxta eorum hypothesin, in Limbum venire non potuisse. Huc autem pertinebant, si Limbus esset receptaculum eorum, qui sine Sacramento initiationis decedunt.

V. *Orationem pro mortuis, ex purgatorio liberandis, frustra fundi*, ex membro *anathematis*. II. Quia purgatorium non datur. Quod verò non datur, ex eo nec quisquam liberari potest: Non entis enim nulla est affectio.

Anathematis est Pontificiorum per omnia.

III. VINDICATIO.

Accusamur,

I. Quod Missam, quam in hoc articulo approbamus, postea in Articulis Smalcaldicis & praxi ipsâ sustulerimus. Sic Joh. Cochleus, Thomas Henrici, Episcopus à Colonitsch, in Antiaugustanâ Confessione &c. Resp. Missam, prouti à Christo instituta & ab Apostolis usurpata est, etiamnum apud nos retineri; sed abusûs Missæ correctos esse, de quibus in ipsâ Apologiâ jam tum Majores nostri conquerebantur. Vid. D. Alberti Refut. Antiaugust. Conf. P. 2. c. 3. Qu. 20. p. 235. & quæ superiùs à nobis proposita fuerunt Thes. 2.

II. Quod vocabulum Missæ retinendo, veram nostram sententiam dissimulaverimus & Adversariis adulati fuerimus. Sic Pontificii & nonnulli ex Reformatis, præsertim Neostadenses. Resp. Vocabulum Missæ retentum esse in significa-

tionē primitivæ Ecclesiæ, à quâ originem sumpsit, ubi pro administratione Eucharistiæ accipiebatur: Quam verò ab adulatione omni Majores nostri longissimè recesserint, patet ex Apologiâ, in quâ abusus circa Missam, cultui Baälitico æquiparatur.

III. Quod mentiamur, quando Missas privatas, ante Gregorii M. ætatem, ignotas fuisse asserimus. Sic Thomas Henrici & Bellarminus L. 1. de Sacram. c. 3. Resp. Pronunciati nostri rationem reddi in Apol. p. 401. (251) Add. Balduinus L. 4. Anti-Pazmanni c. 3. & Gerh. in Conf. Cathol. L. 2. Special. P. 2. Art. 15. c. 4. in Append.

IV. Quod falsò imputemus Pontificiis, ac si doceant, Missam ex opere operato, delere peccata vivorum & mortuorum. Sic Cochläus & Bellarminus in Judic. de Formul. Concord. Mend. 19. Resp. nostros ista non tantum dixisse, verum & probasse in Apolog. p. 402. (251) seq. 422. (265) seq. contra quæ cum eo tempore nihil exceptum fuerit, meritò pro confesis & agnitis habentur. Plura videantur in Balduino l. c.

V. Quod calumnia sit, Missas apud Pontificios ad quæstum dirigi. Resp. Solem in meridie negari. Pasim enim, imprimis in Italiâ, Sacrificuli, sine titulo ordinati, non aliter ac mercenarii, matutino tempore, in templis conductorem expectant, quem si non nanciscantur, miseris prandio cendum est. Vid. plura ap. Gerhard. l. c. itemque in Sleidani Commentar. de Statu Religionis & Reip. L. 9. p. m. 247. ubi argumentum Libelli Gallici, in Pontificios mercatores, exhibetur, interque alia scribitur: *Huc pertinet, quod eandem rem, eadem temporis puncto, pluribus divendunt in solidum, & quidem insciis emptoribus, præsertim iis locis, ubi major est hominum frequentia. Venit ex nobilitate quispiam in adem Dominicanorum, & missam deposcit: annuis Monachus: mox alius*

alius idem petit, & idem tertius, eoque plures: prodit tandem ille personatus, & Missâ peractâ, pecuniam à singulis accipit integram. Hoccine tu nihil esse putas? ingenio certeres ista non caret: ac ferè videas, non illis ad faciendum questum aliquâ majori opus esse materiâ.

ARTICULUS IV. DE CONFessione.

I. EXPLICATIO.

Hic Articulus in mutatâ Confessione numero III. est, & verbis, si pauca quædam excipias, planè novis, orthodoxiæ tamen nihil derogantibus, constat, ex quibus, cum proluxa sint, pauca hæc decerpere visum est. Initium ita se habet: *Huic parti doctrina Christiana de pœnitentiâ, imprimis magnas tenebras offuderunt theologi & canonistæ. Idq̃ testantur non solum ipsorum bibliotheca, sed etiam omnium piorum conscientia, qua fatentur, illas inextricabiles disputationes theologorum, & traditiones infinitas de pœnitentiâ, horribilem carnificinam conscientiarum fuisse. Nusquam enim quidquam certi docent, quomodò contingat remissio peccatorum, de fide prorsus est altissimum silentium. Imo jubent perpetuò dubitare de remissione peccatorum. Postea excruciant conscientias acerbâ enumeratione delictorum, item satisfactionibus: qualis enim laqueus conscientie fuit traditio, qua precipit omnia peccata enumerare: Et post multa alia: Hoc totum beneficium absolutionis & hujus ministerii, antè fuit omnino obscuratum falsis opinionibus illorum, qui docuerunt, absolutionem non valere, nisi sufficienter contriti simus. Et postea jubebant dubitare de absolutione, quia nemo sciret se satis contritum esse. Quid fuit hoc aliud, quàm Evangelii consolationem eripere conscientiis, & tollere ex Ecclesiâ ac prorsus*
abolere

*abolere ministerium Evangelii, seu potestatem clavium? Quis non videt hos tam perniciosos errores merito reprehensos esse? Concluditur: Speramus bonos viros in hoc loco non solum nihil reprehendere; sed etiam gratiam habere his, qui repurgarunt hanc doctrinam Christianam partem, quam prodest in Ecclesiis ex-
tare quàm plenissimè explicatam atq; illustratam. Christus inquit, Angelos in cælo letari, cum vident resipiscere peccatorem. Itaq; gratulantur Ecclesie, & ipsi Angeli puram de pœnitentiâ doctrinam.*

CONFESSIO INVARIATA p. 41. (27) seq. progreditur

[I. Positivè, exponendo, quid apud nos fiat,

{ 1. quod retineamus Pœnitentium Confessionem: *Confessio in Ecclesiis — & absolutis* Item in fine Articuli: *Verum Confessio — apud nos retinetur.*

{ 2. quod rectè versemur circa absolutionem

{ 1. eam magni faciendo. *Et docetur populus — per-
terrefactis conscientiis.*

{ 2. fidem requirendo. *Et quod requirat Deus — re-
missionem peccatorum.*

[II. Remotivè, exponendo, quid apud nos non fiat, scilicet

{ 1. quod non patiamur satisfactiones, more Pontificio-
rum, nimium extolli. *Antea immodicè — à nostris pa-
tesfacta sit.*

{ 2. quod non postulemus specialem enumerationem
delictorum, ubi sistitur

{ 1. Thesis. *Sed de Confessione — enumerandi omnia
delicta.*

{ 2. Probatio.

{ 1. quia talis enumeratio, Scripturâ teste, est im-
possibilis. *Sed de Confessione — inscrutabile.*

{ 2. quia Conscientiarum carnificina est. *Quod si
nulla peccata — meminisse possunt.*

{ 3. quia veteres Scriptores ejus necessitatem infici-
antur, nempe

1. Chry-

1. Chrysostomus. *Tessantur & veteres* — *conscientia tua memoria.*
2. Glossator Juris Canonici. *Et glossa* — *juris esse Confessionem.*

APOLOGIA

Articulum hunc præterit. Omnia enim quæ ab Adversariis allata erant, jam refutata exhibuerant ad Partem I. August. Conf. Art. XI. p. 146. (158) seq. itemque p. 285. (181) seq.

II. DEMONSTRATIO.

Thesis. Formulæ absolutionis, in quibus confitenti, merita seu propria seu aliorum, exceptâ solius Christi satisfactione, in remissionem peccatorum & vitam æternam cedere perhibentur, impia sunt.

Enjeon 1. ex Thesi pater, quod distingvamus, inter meritum nudi hominis; & inter meritum Christi, Dei ac Hominis. Huic unicè innitendum; non simul illi.

2. Deus peccata remittens, hominem intuetur: Exod. IV. 31. 2. Sam. XVI. 12. sed oculis gratiæ; non commutativæ justitiæ.

3. Sic in V. T. respiciebatur ad Patriarchas Exod. XXXII. 13. 2. Reg. II. 19. non propter horum merita apud Deum; sed propter Dei fœdus cum illis initum. Conf. Exod. II. 24. Lev. XXVI. 42.

4. Reliqua vid. superius Part. I. Artic. IV. de Justif. Thes. I. & IV. p. 137. 152. itemque Art. XX. de Bonis Operibus Thes. II. & III. p. 407. 411.

Beſchawung Probamus, quia quantum merito hominis adſcribitur, tantum merito & ſatisfactioni Christi adimitur, contra Ef. LXIII. 3. 1. Tim. II. 5. Vid. superius Part. I. Art. III. de Filio Dei Th. 4. p. 107. seqq.

Antjeon est Pontificiorum.

III. VINDICATIO.

Accusamur,

Quod Majores nostri falsò Pontificiis tribuerint, ante Lutherum, apud eos *fidei & meriti Christi, ac justitia fidei, nullam esse factam mentionem*. Ita Bellarminus L. I. de Sacram. c. 3. Resp. Hæc à nostris non dici absolutè; sed respectivè, videlicet, quod cum Adversarii de Confessione & Absolutione agerent, de his filuerint. Proinde verba eorum secundum substratam materiam intelligenda sunt.

ARTICULUS V.

DE DISCRIMINE
CIBORUM.

I. EXPLICATIO.

Hic Articulus in variatâ Confessione, numero IV est, in quo pauca verbotenus retinentur & quæ retenta sunt, subinde aliter, quàm ipsa Confessio habet, transposita leguntur, salvâ tamen doctrinæ veritate. Titulus haud ineptè præponitur iste: *De discrimine ciborum & similibus traditionibus Pontificiis*. Initium fit verbis sequentibus: *In hac corporali vitâ opus est traditionibus, hoc est, locorum ac temporum discriminibus, ut ordine gerantur res in Ecclesiâ, sicut præcipit Paulus, ut omnia fiant ordine. & ita, ut deceant. Ideo & Ecclesia habet traditiones, hoc est, constituit quibus temporibus, & ubi convenire populus debeat: Ad hunc civilem finem licet condere traditiones: sed homines imperiti doctrinâ Christiana non sunt hoc fine contenti; sed affingunt superstitiosas opiniones traditionibus, easq; per superstitionem sine modo cumulant. Id quasi sunt accidisse in*
Eccle-

Ecclesiâ non tantum recentiores Gerson & alii quidam, sed Augustinus etiam.

IN CONFESSIONE INVARIATA p. 28. (43)

I. Thesis heterodoxa

1. proponitur, videlicet quod Adversarii sentiant, Traditiones humanas, tanquam cultum Dei, necessariò observandum, promereri gratiam & satisfacere pro peccatis: *Publica persuasio fuit — si quid omitterent.* p. 43. (28)

2. refutatur sequentibus rationibus,

1. Quia sic obscuratur doctrina de gratiâ Christi & iustitiâ fidei: *Ex hac persuasione — penitentia tota consistere.* p. 43. 44 (28)

2. Quia sic derogatur præceptis DEI, quandoquidem iis Traditiones anteponuntur. *Secundò hæ Traditiones — observationes DEO gratiores esse.* p. 44. 45. (28. 29)

3. Quia sic conscientiiis periculum creatur, propter impossibilitatem observationis postulatæ. *Tertiò Traditiones — sic enim loquitur.* p. 45. 46 (29. 30.)

III. Antithesis orthodoxa opponitur, ita ut ordine exhibeantur

1. Occasio dissentendi ab Adversariis. *Quare nostri non debent videri — ab ipsis electas.* p. 48. 49. (30)

2. Status causæ. *Sic igitur docuerunt — sine necessarius cultus.* p. 47. (30)

3. Rationes probantes, ex Scripturæ testimoniis petitæ. *Addunt testimonia — sine tali cultu.* p. 47. 48. (30. 31)

4. Exceptionum refutatio, ubi observetur

1. Objec

a

- [1. Objectio, quod cum Joviniano aboleamus disciplinam & mortificationem carnis. *Hic objiciunt—sicut Jovinianus. p. 48. (31)*
- [2. Responsio, quod aliud constet ex nostrâ doctrinâ & praxi,
 - [1. de cruce. *Verùm aliud apprehenditur—crucifigi cum Christo. ibid.*
 - [2. de exercitiis corporalibus. *Insuper docent. quod quilibet — juxta vocationem suam. p. 48. 49. (31)*
 - [3. de Jejuniorum approbatione. *Itaq; non damnantur—sine necessarius cultus. p. 49. (31)*
 - [4. de plerarumque Traditionum legitimâ observatione. *Servantur tamen apud nos—si omittantur cum scandalo. ibid.*
- [5. Consensus Antiquitatis. *Hac libertas in ritibus—bonam conversationem & pietatem. p. 49. 50. (32)*

A P O L O G I A

de hoc Articulo nihil habet: quia adversarii eum, in Refutatione suâ videntur præterisse.

II. DEMONSTRATIO.

Thesis I. *Quemadmodum Traditiones humanæ ad decentem ordinem in Ecclesiâ spectantes, apud nos, debito in pretio habentur; ita ferendum non est, ut ulla Traditio humana, sub opinione absolutæ necessitatis, cultus aut meriti observetur, atq; adeo præceptis Dei æquetur, vel eam præferatur.*

Expositio I. Vocabulum Traditionis aut activè aut passivè sumitur. In priori significatione notat actum tradendi, quo
in

in sensu à Patribus, & ex Patribus à Chemnitio nostro insigniter commendatur: In posteriori significatione notat rem traditam, prouti impræsentiarum accipitur.

2. Divisio Traditionum triplex est, sub respectu ad principium, objectum & modum proponendi.

3. Quà principium, Traditio vel divina, vel humana est. Divina autem vocatur, sive immediatè à Deo proveniat, 1. Cor. XI. 23. sive mediantibus Apostolis, 1. Cor. XV. 3.

4. Quà objectum, Traditio aut est dogmatica, quæ versatur circa doctrinam; aut historica, quæ circa res gestas; aut practica, quæ circa ritus.

5. Quà modum proponendi, Traditio dispescitur in ἀγραφοῦ seu non scriptam, & ἑγγραφον seu scriptam: habità videlicet ratione librorum Canonicorum, qui καὶ ἐξοχὴν Scriptura dicuntur.

6. Ex Thesi patet, quod nunc quærat de Traditionibus humanis, circa ritus, in Scripturâ S. non expressos; quarum laudamus usum; reprehendimus abusum.

7. Traditiones ad decentem ordinem spectantes, sunt de Feriis, de Lectionibus evangelicis & epistolicis, de Precibus ecclesiasticis, de vestitu Sacerdotum aliisque, quæ in libris AGENDORUM, ut vocantur, determinari solent.

8. Harum Traditionum observatio necessària est: non tamen absolutè; sed secundum quid.

9. Necessaria videlicet est sub respectu ad singula Ecclesiæ membra, & in casu scandali; ut tamen libera maneat, sub respectu ad totam Ecclesiam & extra casum scandali.

10. Eadem Traditiones per se non sunt cultus divinus; quamvis per accidens conferant aliquid ad cultum, quatenus videlicet rebus, quibus per se colitur Deus, applicantur.

11. Quod qui Traditiones huiusmodi observat, bene
S s s agat,

agat, concedimus; quod verò observatione illâ etiam aliquid mereatur, negamus.

12. Reliqua videantur superius in Art. VI. de Novâ Obedientiâ Thef. 1. p. 179. & Art. XX. de Bonis Operibus Thef. 3. p. 411.

Beſchworis Probamus, quod nulla Traditio humana introducenda aut observanda sit, sub opinione

I. absolutæ necessitatis, ex Gal. V. 1. Quia hoc libertati Christianæ adversatur, *inquâ standum est*. Add. Col. II. 16. 20.

II. cultus, ex Matth. XV. 3. Quia Deus *frustrâ colitur mandatis hominum*. Id quod idem est, ac si legeremus: Deum per ea, quæ ex hominum inventionem, ut servanda, obtruduntur, nolle coli.

III. meriti, ex Luc. XVII. 10. Quia si ne quidem observatione eorum, quæ Deus tradidit, strictè loquendo aliquid meremur, sed *servi inutiles* manemus; multò minùs merebimur aliquid observatione eorum, quæ homines tradunt. Plura, quæ ad probationem theſeos faciunt, exhibentur in ipsâ Confessione Augustanâ p. 43. (28) seq.

Arriſteis est Pontificiorum, de quorum doctrinâ & praxi ibidem prolixè agitur.

Thesis II. *Jejunium, quod in abstinentiâ à quibusdam cibis, humanâ autoritate definitis, consistere, statimque temporibus perpetuò recurrentibus, sub opinione necessitatis, cultus*

& meriti, alligari putatur, meritò ex Ecclesia proscriptum est.

Enſeſis I. Non quæritur de Jejunio spirituali, seu allegorico, quod est abstinentia à peccatis Ef. LII X. 6. sed de Jejunio corporali, seu propriè sic dicto, quod est abstinentia à cibis.

2 Hoc dispescitur in coactum, quando quis ex defectu cibi,

cibi, efuriales ferias celebrat Amos. IV. 6. 2. Cor. XI. 27. & liberum, quando quis à cibo, quem habere posset, abstinet.

3. Liberum Jejunium aut est supra ordinarias hominum vires, adeoque miraculosum, ut illud Mosis Exod. XXIV. 18. Eliæ, 1. Reg. XIX. 8. & Christi, Matth. IV. 2. aut est intra ordinarias hominum vires.

4. Idque nunc licitum; nunc illicitum censetur. Licitum quidem, si suscipiatur juxta Dei institutionem, ad legitimum finem & debito modo: illicitum verò si vel contra divinam institutionem agatur; vel circa finem, aut in modo peccetur.

5. Institutio divina Jejunii, aut generalis, aut specialis est. In V. T. jejunia ordinaria dependebant ex institutione speciali, quorum mentio fit Lev. XVI. 29. Act. XXVII. 9. Ad jejunia extraordinaria sufficiebat institutio generalis, e. gr. quando præcipiebatur pietas, utpote cujus adminiculum est Jejunium. Hujusmodi autem extraordinaria Jejunia celebrabantur tam publicè Jud. XX. 26. Jonæ III. 7. 8. quàm privatim, 2. Sam. III. 35. Nehem. I. 4. In N. T. Deus ordinaria Jejunia, cum reliquis ceremoniis Leviticis, sustulit; extraordinaria autem Christianis permisit, imo & commendavit Matth. VI. 16. seqq. 1. Cor. VII. 5.

6. Jejunia extraordinaria Christianis à Magistratu, aut Presbyterio indici & ad certa tempora restringi possunt: dummodò id fiat salvâ adiaphoriâ seu indifferentiâ actus, ne res per se libera, præcipiatur cum periculo conscientiæ, tanquam ex se necessaria. Idem volunt Theologi, qui Jejunium institui ab Hominibus posse ajunt; *sed non despotice.*

7. Jejunium sic imperatum fiet necessarium, propter præcipientem; non propter se: Necessitas erit conditionata & externa; non absoluta & interna.

8. Finis Jejunii ultimus & quidem absolutè talis debet esse

gloria Dei; in suo autem genere, promotio devotionis: Finis intermedius est coërcitio carnis, & præparatio mentis ad pœnitentiam precesque tantò ardentius fundendas; quia verissimum est illud: *Plenus venter non orat ardentè.*

9. Proinde respectu finis à Christiano Ieiunio differt Ieiunium Pharisaicum & Antichristianum, quod suscipitur ostentationis gratiâ, itemque ut Deus per illud immediatè colatur. Luc. XII. 12.

10. Ieiunium per se non est cultus Dei; sed tantum per accidens, quatenus cum cultu jungitur, ut adjumentum & incentivum pietatis.

11. Modo debito celebratum Ieiunium consistit in abstinentiâ ab omni cibo; non in discretionè ciborum. Rectè enim Prosper. l. 2. de Vitâ Contempl. c. 23. *Si à quadrupedibus abstinentes, phasianis, altilibus vel aliis avibus pretiosis, aut etiam PISCIBUS perfruantur, non mihi videntur refecare delectationes sui corporis; sed mutare.*

12. Licet equidem homini abstinere à quodam cibi genere, vel ex necessitate, quod fecit Johannes Baptista in eremo Matth. III. 4. vel propter sanitatem, aliasve causas naturales, aut etiam morales, e. g. si quis possit fratris infirmam animam lucrari, Rom. XI. 21. quo fine in Concilio Hierosolymitano, abstinentia à certis cibis sanciebatur, Act. XV. 29. Sed non licet abstinere ab ullo ciborum genere, ex opinione cultûs.

13. Ab abstinentiâ certî cibi divinitus præceptâ, ad abstinentiam certî cibi humanâ auctoritate introductam, N. V. C. Unde nihil contranos obtinent exempla Nazaræorum Num. VI. 3. Samsonis, Jud. XIII. 4. Danielis & sociorum, Dan. I. 8. Quæ de abstinentiâ Antediluvianorum à carne adferuntur, commentitia sunt: id quod ostendimus in Exercit. ad Consil. Hieros. c. 39. §. 2.

14. Concedimus quod Iejunium in N. T. suas habeat utilitates; non tamen eas, quas Adversarii crepant: Debet esse excitatio ad devotionem; non satisfactio pro peccatis.

15. Laudamus Iejunii usum; disputamus contra abusum, i. e. superstitionem, hypocrisin & idololatriam.

Beßatung Probamus I. Iejunium Deo placens, non consistere in abstinentiâ à quibusdam cibis, humanâ autoritate definitis,

I. ex I. Tim. IV. l. 3. 4. Quia (1) qui talia prohibent, de-
sciscunt à fide & attendunt doctrinâ demoniorum. (2) Deus creavit cibos, homini conducentes, ad percipiendum cum gratiarum actione fidelibus & iis qui cognoverunt veritatem. (3) Omnis creatura Dei bona est & nihil rejiciendum, quod cum gratiarum actione percipitur (4) Spiritus S. manifestè monet, ut in novissimis temporibus ab ejusmodi abstinentiâ nobis caveamus.

2. ex Col. II. 16. 17. 20. 21. Quia (1) Christiani à NE-
MINE judicari debent, in cibo, aut in potu, (2) ejusmodi constitutiones fuerunt umbra futurorum, adeoque pertinuerunt ad V. T. Corpus autem est Christi in N. T. ubi locum habet tritum illud: *Præsente corpore cessant umbra*, (3) Christiani mortui sunt cum Christo (*ὅτι τὸν σὺν ἡμῶν ἔχουσιν*) ab elementis mundi i. e. à rudi illâ institutione, per quam DEUS priorem mundum, seu populum V. T. informavit (Hebr. V. 12.) proptereaque non debent, tanquam viventes in mundo, h. e. ita ac si idem status mundi, qui antea, adhuc foret se gerentes, decernere & consequenter etiam decretis talibus parere: *Ne tetigeris, ne gustaveris, ne contrectaveris*.

3. Liceat his addere Benjamin Prioli verba ex L. I. Histor. n. 20 p. 23. deprompta, quibus cum Reformatorum in Galliâ hypothesin de Iejunio Pontificio describeret, haud obscurè quid ipse de eo senserit, prodit: Ita autem ille: *Pisculentis & insanguineis cibis per XL. & quod excurret dies, stomachum*

machum pervertere insanum putant; sicut & macerantibus jejuniis illo tempore sese exinanire; quandoquidem pagina viris- que fœderis hac de re nihil præscribit. Cumq; jam se renovet annus, & humores conditi sese rursus proferant, ibi totos menses duos tyrannide occupari, & anni renascentis infantiam accersito senio vitari: & cum hoc meditetur natura, ut corpora succis insalubribus repurgata, novis succis repubescant, ingeri meros putores, merasq; sanies, idq; per deliria eorum, qui ipsi talia non attingunt, sed ferias indicunt, religiose abstinentes. Hac dicunt de Quadragesimâ nostrâ.

II. Jejunium non debere, humanâ autoritate, statutis temporibus, perpetuò recurrentibus, sub opinione necessitatis alligari, ex Gal. V. 1. Quia id pugnat cum libertate (1) quam à Christo adeoque non frustra accepimus, (2) in quâ stare jubemur (3) quam qui negligunt, iugo servitutis, rei omnino pudendæ, implicantur.

III. Jejunio, quomodocunq; se habeat, per se non coli Deum, ex Rom. XIV. 17. Quia regnum Dei non est esca, aut potus.

IV. Jejunium, quod in abstinentiâ à quibusdam cibis, humanâ autoritate definitis consistit, non habere apud Deum rationem meriti, 1. ex Matth. XV. 9. Quia ejusmodi Jejunium est mandatum hominum, juxta quod Deus colitur (*υἰάτης*) frustra seu vanè, ita ut ex eo nullum fructum expectare liceat.

3. ex Col. II. 22. Quia ejusmodi Jejunium, quod secundum præcepta & doctrinas hominum suscipitur, dicitur (*εις φθοράν*) in interitum esse ipso usu, h. e. nihil prodesse, cum fit.

V. Ejusmodi Jejunium meritò ex Ecclesiâ Evangelicâ esse scriptum, ex antea dictis: Quia non ἀναφορ duntaxat est; verum & ἀνλῆγαφορ.

Antiphonis est Pontificiorum per omnia. Præ cæteris urgent Jejunium quadragesimale ante Pascha, itemque quatuor temporum & feriæ sextæ.

III. VINDICATIO.

Accusamur,

I. Quod falsò statuamus, doctrinâ Pontificiorum, de Traditionibus humanis, obscuratam fuisse doctrinam de Fide; quippe quam illi, quoties de operibus eorumque merito agitur, semper inclusam velint. Sic Fabricius & à Daventriâ. Resp. in Articulo de Justificatione, Fidem & Opera simul consistere non posse, neque Fidem, de quâ Pontificii loquuntur esse salvificam, sed talem, quæ etiam Damonibus competat & in nudo assensu consistat.

II. Quod falsò statuamus, Traditionibus obscurari præcepta Dei; cum per eas homines, ad servanda præcepta Dei expeditiores reddantur. Sic à Daventriâ. Resp. posito quod de quibusdam Traditionibus verum sit, nos per eas ad præcepta Dei servanda expeditiores reddi; non tamen id dici posse de omnibus Traditionibus, præsertim conjunctim sumtis, & quatenus præceptis Dei æquantur, aut etiam præferuntur.

III. Quod falsò statuamus, Traditiones servatu impossibiles esse & pericula conscientis asferre. Sic à Daventriâ. Resp. nostros non loqui de Traditionibus quibusdam & divisim spectatis; sed de Traditionibus univèrsis & conjunctim sumtis. Quod jugum istud sit intolerabile & supra humanas vires, jam ante Lutherum Doctores saniores confessi sunt, quorum testimonia videantur apud Gerhardum, Confess. Cathol. L. 2. P. 2. c. 5.

IV. Quod defecerimus ab Augustanâ Confessione, utpote quæ honestè de Jejunio sentiat, à nostris hodie prorsus abolito. Sic Antiaugustana Confessio, jussu Episcopi à Colonitsch edita. Resp. nostros adhuc honestè sentire de Jejunio Christiano; at jam illo tempore proscripsisse Jejunium Antichristianum, quando scilicet, prout verba Confessionis habent, *certi dies, certi cibi præscribebantur, cum pericula conscientie.*

Plura

Plura videantur apud D. Alberti in Retut. Antiaugust. C.
P. 2. c. 3. Qu. 22. p. 247.

V. Quod Augustinus in Confessione allegatus non patrocinetur nobis. Resp. Contrarium reperiri, si ipse Augustinus evolvatur T. 2. Opp. Epist. 119. c. 18. 19. & 20.

ARTICULUS VI. DE VOTIS MONACHORUM.

I. EXPLICATIO.

Articulum hunc variata Confessio penè integrum retinuit. In sensu certè nihil mutavit: Quoad verba autem, post illa: *Eva- cuati estis à Christo, qui in lege justificamini: à gratiâ excidistis:* usque ad ista: *annon est hoc justificationem tribuere operibus?* aliqua diversitas occurrit. Sic enim variata Confessio habet: *Id est, qui sentiunt, quod mereantur propriis operibus remissionem peccatorum, & quod propter propriam legis impletionem placeant Deo, nec sentiunt, quod propter Christum gratis accipiant fide donatam remissionem peccatorum, per misericordiam Dei, & quod propter Christum placeant Deo, hi amittunt Christum, quia fiduciam debitam Christo & promissioni Dei, transferant ad opera. Item opponunt ira Dei, non propitiatores Christum, sed propria opera: quare honorem debitum Christo transferunt ad opera nostra. Constat autem Monachos hoc docere, quod suis observationibus mereantur remissionem peccatorum, quod habeant *DEI* M propitium, propter has observationes. Quare docent considerare suis operibus, non propitiationi Christi. Hac fiducia est impia, & cum Evangelio pugnat, & in iudicio *DEI* deprehendetur esse inanis.*

Non

enim possunt opera nostra opponi ira ac iudicio Dei. Tantum ita placatur ira Dei, quando gratuitam misericordiam, propter Christum promissam, fide apprehendimus. Amittunt igitur Christum, qui fiduciam non in Christum, sed in opera propria collocant. Praterea Monachi docuerunt, suum vite genus statum esse perfectionis, quia observarent non solum precepta, sed etiam consilia. Hic error maximè pugnat cum Evangelio, quod finxerunt se preceptis ita satisfacere. Et hinc natus est horribilis error, quod finxerunt, se habere merita supererogationis. Hac applicaverunt pro aliis, ut satisfactiones essent pro alienis peccatis. Hac si quis odiosè velit exagitare, quàm multa commemorare possit, quorum jam ipsos Monachos pudet.

RESPON.
PETRO
Tancf/
Gedan.

IN CONFESSIOE INVARIATA, p. 50. (32)
exhibetur

I. Thesis heterodoxa, de status Monastici

- I. Vinculis, nempe votis aliisque observationibus: ubi ostenditur
 1. quod vincula illa olim ignota fuerint. *Quid de votis — alia multa observationes.* p. 50. (32)
 2. quod multi, præsertim ex fœminis, in ea per errorem, aut vim adhibitam inciderint. *Et hæc vincula multis — magis parcendum esset.* p. 50. 51. (32)
 3. quod rigor iste, ipsis Canonibus adversus, cordatis semper displicuerit. *Hic rigor displicuit — omnino negligi & contemni.* p. 51. (32. 33)

II. Fine, nempe persuasione,

1. quod vota sint paria Baptismo, & mereantur justificationem. *Ad hæc mala — justificationem coram DEO.* p. 51. (33)

a b c

T t t

2. quod

a b c

2. quod qui eadem servet, opera supererogationis præstet. *Imo addebant—etiam consilia Evangelica.* ibid
3. quod Monastica professio præstet Baptismo & reliquis vitæ generibus, à Deo institutis. *Ita persuadebant monasticam—exstant enim in libris eorum.* p. 51. 52. (33)
- III. Receptaculis, nempe Monasteriis, quæ ostenduntur, prorsus à pristino instituto degenerasse. *Quid fiebat postea—vita generibus à Deo ordinatis.* p. 52 (33)
- II Antithesis orthodoxa,
- I. de Votis. Hæc negantur impedire
- I. quo minus Matrimonium contrahat, qui dono continentiae caret,
- I. Quia votum non tollit Dei mandatum, ut matrimonio, tanquam remedio, contra incontinentiam utamur. *Hæc ideo recitavimus—tollat mandatum Dei.* p. 52. 53. (33. 34)
2. Quia Canones Ecclesiastici in votis jus superioris excipiunt. *Canones docent—mandata Dei valent.* p. 53. (34)
3. Quia Pontifices ipsi, sæpè circa vota dispensarunt; quod fieri non potuisset, si simpliciter obligarent. *Quod si obligatio—exempla nostri temporis.* p. 53. 54. (34)
4. Quia vota monastica apud plurimos de re sibi impossibili, neque etiam spontè & consultò fiunt, contra naturam voti obligatorii. *Deinde cur obligationem—quod inconsultò admittitur.* p. 54 (34)
5. Quia haud pauci ante justam ætatem voverunt. *Pleriq; Canones—ante hanc ætatem voverunt.*

a b

b

verunt. p. 54. 55. (34. 35)

2. quod minus Matrimonium continuet, qui non obstante voto illud contraxit. *Postremo etiam si — alii postea aliter senserunt. p. 55. (35)*

2. de Persuasione, quod professio monastica sit cultus meritorius & satisfactorius, ac reliquis vitæ generibus præferendus. Hæc

1. pugnant cum verbo Dei,

1. Matth. XV. 9. & Rom. III. 20. *Quamquam autem mandatum—iniquitatis, ut Canon dicit. p. 55. 56 (35)*

2. Gal. V. 4. *Paulus dicit: Evacuati—ipsos Monachos pudet. p. 56. 57. (36)*

3. Col. II. 18. seqq. *Adhuc persvaserunt hominibus—offunduntur oculis hominum. p. 57. (36)*

2. obscurant præcepta Dei & verum cultum. *Præterea obscurantur—aut veste sordidâ. p. 57. 58. (36)*

3. populum in perniciosas opiniones & dubitationem, de genere vitæ à Deo institutæ, conjiciunt. *Verum populus concipit — necesse est admonere homines. p. 58. 59. (36. 37.)*

4. tanquam nova & antehac inaudita Gersoni displicuerunt. *Et ante hæc tempora—sit status perfectionis. p. 59. (37)*

5. alia insuper scandala involvunt. *Tam multa impie—faciunt vota irrita. p. 59. (37)*

IN APOLOGIA Augustanæ Confessionis p. 438. (276)

1. Nonnulla præmittuntur, quæ aditum quasi ad causam muniunt, nempe

1. quod Johannes Hilten cladem regni Monastici prædixerit. *Apud nos in oppido Thuringia—in certos locos Danielis. p. 438. 439. (276. 277)*

a b

T t t 2

2. quod

a b

2. quod detestanda vitia, in Monasteriis dominantur. *Quamquam autem, quantum huic voci — haud dubie brevi ulciscetur.* p. 439. 440. (277)
3. quis status controversiæ sit, in disputatione de Monachis & statu Monastico. *Neque verò accusamus — ad muniendam suam causam.* p. 440. 441. (277. 278)
4. quod reliqua, nunc præterita, ex libro Lutheri de votis Monasticis suppleri debeant. *Ideo breviter percurramus — pro repetito habere.* p. 441. (278)

II. Causa ipsa disceptatur,

1. quod Votum sit illicitum, si sub opinione merendi remissionem, aut satisfaciendi pro peccatis, concipiatur. Exhibetur autem
 1. Thesis nostra. *Primum hoc certissimum — pro peccatis coram Deo.* p. 441. 442. (279)
 2. Theseos probatio ex Scripturâ. *Nam hac opinio — crucifigunt Christum.* p. 442. (279)
 3. Exceptionum refutatio. *Audite autem, audite — contra Monasticen allegantur.* ibid. Atq; iterum: *Paulus cum negat — Hæc est Pauli sententia.* p. 443. 444. (279. 280)
 4. Antitheseos exaggeratio,
 1. per Apostrophem,
 1. ad Jesum Christum. *O Christe, quamdiu feres — sed propter te per fidem.* p. 442. 443. (279)
 2. ad Carolum V. Imperatorem & Status Imperii. *Vide autem Carole — per opera monastica.* p. 444. 445. (280. 281)
 2. per allegationem blasphemæ ex Thomâ dogmatis, quod Monastice par sit Baptismo. *Itaq; & illa blasphemia — gratiæ & vitæ æternæ.* p. 445. (281)
2. quod

a b

2. quod Obedientia, Paupertas & Cœlibatus, cæteris paribus, sint exercitia adiaphora. Hic distinctè exponitur,

1. Sententia nostra,

1. positivè, quod exercitiis illis, tanquam adiaphoris uti liceat. *Secundò Obedientia, Paupertas — sine impiis opinionibus utuntur.* p. 445. 446. (281)

2. remotivè, quod exercitia eadem non habenda sint pro cultu justificante & meritorio. *At sentire quod ille — testimonium verbi DEI.* p. 446. (281)

2. Sententia adversariorum,

1. quod exercitia talia cultus, imò perfectiores cultus sint, quàm alii, quodque per eadem supererogationis opera edantur. *Sed videte impudentiam — præcepta fieri.* p. 246. sqq. (282)

2. quod exercitia talia secundum consilia Evangelii suscipiantur. *Deinde falsum & hoc est — nugarum collocari.* p. 448. 449. (282. 283)

3. quod sacris literis expressum sit, Monasticam esse statum perfectionis & mereri vitam æternam. Refutatur autem

1. Thesis ipsa. *Nunc audite Arcopagitas — sunt perfectio Evangelica.* p. 449—452. (283. 284)

2. Theseos moderatio. *Verum adversarii videri — cibus & similibus nugis.* p. 452. 453. (284. 285)

3. Theseos confirmatio;

1. ex Matth. XIX. 29. *Item Confutatio dicit — prætextu nominis divini.* p. 453. 454.

a b c

255. (285. 286. 287)
- [2. ex Matth. XIX. 21. *Citatur & alius — verâ fide sue vocationi.* p. 455. 456. 457. (287)
3. quod votum continentiae eos, qui dono isthoc destituuntur, non obliget. *Tertiò in votis — contra mandatum Dei fecerant.* p. 457. 458. (288)
4. quod propter impios cultus Monasteriis exire liceat. *Quartò liberant hos — ab hoc vitae genere.* p. 458. 459. (288. 289)
5. quod multi ex Monasteriis ab ipsis Canonibus liberentur. *Postremò multos liberant — falsarum opinionum.* p. 459. (289)
6. quod adversariorum argumenta, pro statu monastico nullius momenti sint, videlicet
- [1. ex Num. VI. 1. seq. de Nazaræis. *Hic obijciunt ex lege — in lege traditis dici potest.* p. 459. 460 (289)
- [2. ex Jerem. XXXV. 1. seqq. de Rechabitis. *Allegantur & Rechabite — in presenti monastica.* p. 460. 461. (291)
- [3. ex I. Tim. V. 11. 12. *Citant & ex priore — petulant fides abjicere.* p. 461. 462. 463. (290. 291)
- III. Per generalem recapitulationem tota causa peroratur. *Percurrimus aliquot nostras — quod valeant in fide.* p. 463. 464. (291. 292)

II. DEMONSTRATIO.

Thesis I. *Quemadmodum vota DEO placentia etiam in novo Testamento dari atq; adeo à Christianis servanda esse agnoscimus & profitemur; ita illorum numero vota continentia, paupertatis & obedientia, qualia à Monachis hodie præstantur, contineri, negamus.*

Expositio 1. Distingvimus inter tempora V & N. T. In illo vota ceremonialia Nazaræorum, juxta normam verbi divini Num. VI. 1. seq. concepta, ut pars cultus se habebant; in hoc autem ea cum reliquis ceremoniis Leviticis, desierunt, ut proinde Monachatus patroni frustra ad asylum istud confugiant. Vid. Apol. p. 459. (289)

2. Inrim in N. T. etiam agnoscimus dari vota DEO placencia: non tamen ceremonialia; sed moralia.

3. Ejusmodi vota aut præstantur ab omnibus Christianis communiter; aut à quibusdam Christianis singulariter. Prioris generis est votum in Baptismo factum, de quo Glossa in Pf. 75. super ista: *Vovete & reddite*: sic habet: *Omnes in Baptismo vovemus abrenunciare diabolo & pompis ejus & fidem servare*: posterioris generis fit de rebus, ad quas quidem, etiam citra votum obligamur, per votum verò tanquam per vinculum, quo humanæ voluntatis inconstantia arctius constringitur, magis urgemur. Exempla suppeditavimus in *Exploratione Papatus* (Prüfung des Papstthums) c. 27. p. 482. sqq.

4. Quò votum singulariter à Christianis factum DEO placeat, necesse est, ut rectè se habeat (1) Subjectum agens, seu is, qui vovet; (2) Subjectum recipiens, seu is, cui vovetur; (3) Objectum, seu res vovenda; (4) Finis, propter quem votum concipitur.

5. Qui vover, debet actu secundo eoque pleno intellectus & voluntatis pollere, ut & sufficienter cognoscat, quæ vovet, & jus ac libertatem vovendi habeat. Deut. XXIII. 23. Excluduntur ergo, propter defectum intellectus, furiosi, infantes &c. ac propter defectum voluntatis, qui sub alienâ potestate sunt, aut vi metuque majoris mali ad vota adiguntur. Conf. Num. XXX. 4. seq. 11. seqq.

6. Cui vovetur, is debet ubique vota audire, & non servantes punire posse; quod soli Deo competit. Excluduntur ergo

ergo Angeli, Sancti demortui, Imagines ad cultum prout
tes, Reliquiæ &c. quibus stolidè aliquid vovetur.

7. Res vovenda, debet in potestate voventis esse, voluntatiq; ejus, cui vovetur, convenire; cujusmodi nihil est, nisi quod in Lege Dei, ut perfectissimâ operum bonorum normâ, nobis injungitur. Vid. superiùs in P. I. Aug. Conf. Art. 6. de Novâ Obedientiâ Thef. I. p. 179. sqq. Excluduntur ergo (1) res simpliciter indifferentes, v. gr. abstinere à carne aut alio cibo, ab induendo novo indusio. Vid. plura in der Prüfung des Pabstthums c. 27. p. 476. seq. (2) res quæ majoris boni impedimentum sunt, v. gr. pecuniam omnem largiri templo; cum interim domi pater vel mater esuriat. Matth. XV. 5. (3) res simpliciter mala, v. gr. non quiescere, donec vindictam privatam ab inimico sumserimus; (4) res naturaliter impossibilis, v. gr. in cœlum ascendere.

8. Finis, propter quem vovetur, debet esse expletio obligationis nostræ erga DEUM, hujusdemque gloria. Excluditur ergo opinio satisfactionis, aut meriti, Luc. XVII. 10.

9. Quia sub numero votorum Deo placentium vota continentia, paupertatis & obedientiæ, qualia à Monachis præstantur, contineri negamus; de singulis sigillatim erit agendum.

10. Ut à continentia incipiamus, sic aut dicitur abstinencia à solo actu externo commissionis, aut simul etiam abstinencia ab unctionibus internis: In posteriori sensu, continentia est donum Dei; in priori, de eâ observandum istud Apostoli: *Melius est nubere, quàm uri.* 1. Cor. VII. 9.

11. Non improbamus doni continentia liberum usum; quem qui servant, illi se *castrare feruntur propter regnum cœlorum.* Matth. XIX. 12. sed probare non possumus continentia perpetuæ vorum. Sive quod idem est: Non quæritur an donò continentia instructi possint à conjugio abstinere? sed an abstinenciam talem debeant vovere? Qui donum continen-

continentiæ habet, nescit, quamdiu istud habiturus sit, adeoque temerariè agit, si per votum se periculo exponat, ne fortè quod vovit, eo quo par est modo, explere nequeat.

12. Paulus ait, *se velle omnes esse sibi similes*, h. e. continentibus; sed non ait, omnes promiscuè posse esse sibi similes 1. Cor. VII. 7. Quin potius contrarium ibi innuitur, quando Apollonius addit: *Unusquisq; proprium donum habet ex Deo, alius sic, alius verò sic.*

13. Precibus omnia impetrare possumus, scilicet quæ Deus se nobis daturum esse promisit. At de continentiæ dono precantibus semper concedendo, nulla promissio extat; quia istud singulare est & non omnibus destinatum. Matth. XIX. 11.

14. Deferenda est uxor, ex Dei vocatione Matth. XIX. 29. videlicet cum simul Deo servire & uxorem habere non licet; nequaquam verò ex liberâ intentione, quando utrumq; simul consistere potest. Reliqua videantur in P. II. August. Confess. Art. 2. de Conjug. Sacerdot. Thef. I. p. 462.

15. Porro ad paupertatem progredimur: non spiritus, à Christo commendatam Matth. V. 3. quæ consistit in agnitione peccatorum & desiderio divitiarum cœlestium, à Salvatore nostro partarum; sed corporis.

16. Nec quæritur de paupertate corporis, à Deo impositâ, quam persecutionibus subiecti, propter Christum sustinent, Matth. XIX. 29; sed de paupertate corporis sponte electâ, cum quis illasâ conscientiam rem opimiorem habere queat, aut actu habeat.

17. Vendenda sunt bona in statu necessitatis, propter fratres egenos, ut horum penuria sublevetur, Luc. XII. 33. non in statu indifferentiæ, quando nulla ejusmodi necessitas nos urget.

18. Mandatum Christi, *ut omnia dentur pauperibus*, Matth. XIX. 21. non erat generale; sed personale, eò tendens,

U u u

ut

ut hypocrisis adolescentis, cum quo res Christo erat, degeretur. Quare Hilarius ad hunc locum scribit: Juvenem *ex lege insolescentem*, Dominus remittit ad legem, ut in eâ ipsâ, in quâ gloriaretur, intelligeret, nihil se exinde recti operis fecisse. Vid. plura in Apol. p. 455. (287)

19. Quod Christus ad tempus præcepit Apostolis, pro explorandâ & confirmandâ eorum fide, Matth. X. 9. 10. non habendum est pro regulâ imitatorum Christi perpetuâ. Quia Christus ipse illud postea abrogavit, Luc. XXII. 36.

20. Divitiæ non per se damnant; sed per accidens: Nimirum si homines, neglecto Deo, unicè opibus inhiant, inq̃; iis confidant. Conf. Matth. XIX. 23. Luc. VI. 24. cum Marc. X. 24.

21. Communio bonorum, qualis in primitivâ Ecclesiâ Hierosolymis obtinebat, non ideo introducebatur, ut discipuli pauperes essent; sed potius ne pauperes essent. Vid. Actor. IV. 34.

22. Supereſt Obedientia, quam Monachi *regularem* vocant. Hanc si denominetur à regulis Dei, v. gr. de abnegatione sui, Matth. XVI. 24. de honorandis Doctoribus Ecclesiæ, Hebr. XIII. 17. &c. magni facimus; si verò denominetur à regulis hominum, non item; præsertim si regulæ illæ pugnent cum regulis Dei, aut etiam cum sanâ ratione, quorum exempla extant in *der Prüfung des Papstthums*/ c. 26. p. 466. seq.

23. Rechabitar in abstinentiâ à vino obediebant Patri suo, Jerem XXXV. 1. seq. non tamen ex voto; sed ex lege œconômica. Vid. Apol. p. 460. (290) Addatur, si placeat, Exercit. nostra de Rechabitis cap. 11.

24. Viduæ juniores, quæ publico sumtu altæ lasciviebant, dicuntur *fregisse primam fidem*, 1. Tim. V. 11. 12. non voti monastici; sed Christianismi. Vid. Apol. p. 462. (290) seq.

Βεβαιώσις

Βολαιος. Probamus I. *Vota Deo placentia dari & à Christianis servanda esse*, ex Pl. LXXVI. 12. Quia jubemur *vovere & servare*. Ne quis dicat, hæc ad V. T. solummodò pertinere, addatur Es. XIX. 21. ubi de N. T. prædicitur: *Vota vovebunt Domino & solvent*. Add. Apol. p. 440. (278)

II. *Vota Monachorum non esse ex numero votorum Deo placensimum*, 1. *Generaliter*, quia (1) destituuntur testimonio Scripturæ S. (2) concipiuntur de re illicitâ, aut dubiâ, (3) fiunt sub opinione meriti ac satisfactionis.

2. *Specialiter*, quâ *votum* (α) *Continentiæ*, quia (1) concipitur de re, quæ non est in potestate hominis. Matth. XIX. 11. (2) apud multos, majoris boni impedimentum est, quando matrimonium contrahere nequeunt, tametsi ustionibus torqueantur, contra monitum Apostoli, 1. Cor. VII. 9. (β) *Paupertatis*, quia (1) concipitur de re simpliciter indifferente, (2) majoris boni impedimentum est: qui enim nihil habet, ille nec eleemosynam dare, nec alios humanitatis ac liberalitatis actus edere potest, Actor. XX. 35. (γ) *Obedientiæ*, in sensu Pontificio regularis, quia concipitur de re simpliciter malâ & à Deo prohibitâ, Gal. V. 1.

Αντίθεσις est Pontificiorum, qui (1) nobis imputant, quod vota absolutè rejiciamus; (2) *Vota Monachorum* non solum probant; sed etiam immodicè extollunt. Vid. Apolog. p. 419. 445. (277. 281) seq.

Thesis II. *Monachatus est inventum merè humanum, nec pro cultu meritorio ac satisfactorio haberi, aut etiam reliquis vitæ generibus, tanquam status perfectior, anteferri debet.*

Ενδεσις 1. Monachatum non improbamus simpliciter; sed secundum quid.

2. Alius ille erat, in seculo III. ac IV. quàm in sequentibus

tibus factus est; ut proinde haud immeritò inter Monachatum primævum ac hodiernum distingamus.

3. Initium Monachatus, sub Decio Imperatore, grassantium persecutionum metus dedit. Postea etiam alii, quod ita rebus divinis commodius vacari, atque occasiones peccandi, è malorum consortio provenientes, vitari crederent, se turbæ subdixerunt ac in eremum, aut monasterium aliquod, secesserunt. At nunc Monachatus suscipitur ex opinione, quod sit cultus meritorius ac satisfactorius.

4. Si ergo quærat, an Monachum fieri liceat? affirmamus: si verò quærat, an sub eâ, quæ in Papatu viget perfractio & superstitione, Monachum fieri liceat? negamus.

5. Monachatus haberi potest pro corporali exercitatione, quæ juxta Apostolum *ad modicum utilis est*, 1. Tim. IV. 8. sed non haberi debet pro cultu Dei, aut statu perfectionis. Vid. Apol. p. 445. (281)

6. Si quis Monachatum eorum, qui dono continentiae pollent, cæteris vitæ generibus præferat, ob temporalem commoditatem; non habebit nos dissentientes: at nunc de eo agitur, an præferendus sit, ob spiritualem perfectionem, quod inficiamur.

7. De Consiliis Evangelicis, ex quibus Monachatus deduci solet, superius actum est Th. I. observ. 7. sqq. p. 518. seqq. Addatur Apolog. p. 446. 447. (282. 283)

8. Enochus & Rechabites non possunt pro Monachis venditari, quia in conjugio vixerunt. Genes. V. 22. Jerem. XXXV. 3. 8.

9. Neque aut Elias, aut Johannes Baptista, huius instituti participes fuerunt; cum nihil de eo in Scripturâ reperiamus, extra quam in præsentî materiâ sapere, est desipere.

Beatiæ Probamus I. quod Monachatus sit inventum merè humanum, (1) ex silentio Scripturæ. Neque enim aut in V.

aut

IV. I. de Monachatu extat mandatum, promissum, vel exemplum; (2) ex testimonio Hieronymi, cujus hac in parte eo major autoritas est, quo ille majori amore alioqui Monachatum prosequeretur. Ita autem scribit, de vitâ Pauli Thebæi init: *Inter multos sæpe dubitatum est, à quo potissimum Monachorum eremus habitari cæpta sit. Quidam aliis repetentes, à B. Heliâ & Johanne sumere principium: quorum Heliâ plus nobis videtur fuisse, quàm Monachus & Johannes ante prophetare cæpisse, quàm natus est. Alii autem, in quam sententiam vulgus omnis consentit, asserunt, Antonium hujus propositi fuisse caput, quæ ex parte vera est: Non enim tam ipse ante omnes fuit, quàm ab eo omnium invitata sunt studia. Amathas verò & Macarius, discipuli Antonii, quorum superior Magistri corpus sepelivit, etiam nunc affirmant, Paulum quendam Thebæum principem istius rei fuisse, quod notam nomine, quàm opinione, nos quoque comprobamus.*

II. quod Monachatus non debeat haberi pro cultu meritorio ac satisfactorio, ex Confessionis Augustinæ P. 2. art. 5. Th. 1. p. 502. Quia quicquid denegatur Traditionibus humanis in genere, illud etiam Monachatu, ut Traditioni speciali, denegari oportet. Reliqua petantur ex Confessione ipsâ, p. 55. (35) seq. & Apologiâ, p. 441. (279) seqq.

III. quod Monachatus cæteris vita generibus, ut status perfectior, anteferri nequeat: Quia cæteri status in verbo Dei fundantur v. gr. Status Politicus & Oeconomicus; Monachatus verò ad plantas illas pertinet, quas Pater cælestis non plantavit, Matt. XV. 13. Vid. plura in Apol. p. 451. (284. 285.)

Antisecus est Pontificiorum.

III. VINDICATIO.

Accusamur,

Criminis falsi multipliciter commissi, ex eo, quod nostri scripserunt,

U u u 3

I. Mo-

I. Monasteria olim fuisse Scholas. Sic Dillingenes, Rosweydeus de Vitis Patrum &c. quibus opponatur Dorscheus in Parallelis Monasticis & Academicis.

II. Monasteria olim fuisse libera & votis non alligata collegia. Sic Cochleus, Virvesius, Fabricius, Bellarminus &c. quibus opponantur Gerhardus in Confess. Cathol. Balduinus L. 4. c. 4. Anti-Patzmanni.

III. Vota Monastica à Pontificiis æquiparari Baptismo. Sic Fabricius, Cochleus, Bellarminus &c. quibus opponatur Veielius in Exercit. de Anabaptismo Monachali.

IV. Vota Monastica, ex Pontificiorum mente, mereri remissionem peccatorum. Sic Bellarminus: cui opponatur ipse Joh. à Daventriâ & ex nostris Balduinus l. 4. Anti-Patzmanni c. 2.

V. Monachatum haberi pro statu perfectionis. Sic Bellarminus, Tannerus &c. quibus opponatur Hulfemannus Disput. 13. Anti-Hageri.

VI. Monachos merita sua applicare aliis. Sic Virvesius: cui opponimus experientiam & instrumenta publica, quorum aliquot exhibuimus, in der Prüfung des Pabstthms p. 380. sq.

ARTICULUS VII. IDEMQUE ULTIMUS.

DE POTESTATE ECCLESIASTICA.

I. EXPLICATIO.

Articulum hunc, variata Confessio, integrum retinuit, usque ad illa verba: *quod dispensaverit de praecepto Decalogi* p. 64. (40). Reliqua planè immutata sunt; sed citra orthodoxæ præjudicium.

Verba

Initialia hæc sunt: Quoties autem de hoc loco differimus, statim clamitant adversarii, labefactatâ auctoritate Episcoporum, fieri ἀταξία: non posse mores populi gubernari, non coerceri vulgi petulantiam, deniq; sequi Cyclopiceam vitam, qualis ab Euripide in hoc versu describitur: Νομάδες ἀνὲν ἔδεν, ἔδετε ἔδεvoς. Queruntur & abrogatis aliquibus legibus vulgus exemplum transferre ad omnes leges, & excussis vinculis ac frenis disciplina, sumere sibi infinitam licentiam, quæ scandala innumera, distractiones Principum, dissipationes Ecclesiarum, seditiones, bella & vastitates parit. Deniq; ostendunt, quam sit inimica generi humano ἀταξία, & ex hoc fonte, quantum in omnem vitam vitiorum & calamitatum exundet. Monent igitur ad hæc tanta mala vitanda, stabiliendam esse auctoritatem Episcoporum, retinendas leges usitatas, in quibus etiam si quæ sint incommoda, hæc docent condonanda esse communi hominum imbecillitati, & propter tranquillitatem dissimulanda, præsertim cum nullus constitui status possit, qui prorsus sit sine vitio. Allegant huc vetus illud, τὸ κατὸν εἶναι καί ποτε, καὶ κατὰ τὸν. Commemorant exempla, motis legibus, aut mutatâ politie formâ, in civitate Atticâ, Spartanâ, Romanâ & aliis, quæ clades secuta sint. Romæ dissensiones Consulû & Tribunorû, quoties civilia bella excitarint? Quamquam autem hæc senatoria conciones admodum plausibiles sunt, & multorum animos adversus nos incendunt; tamen veris & honestissimis argumentis refutari possunt. Primum igitur petimus, ut illi Accusatores nostri historiam Ecclesiæ omnium temporum intueantur, nec putent, summos viros, Prophetas & Apostolos, fuisse sine sensu communi, ac adeo ferreos, ut tranquillitatem patrie non amarint, aut adeo immanes, ut disciplinam, leges, regni εὐταξία non maximifecerint. Hi verò sapientissimi, optimi & moderatissimi viri, Esaias, Jonas, Jeremias, Baptista, Christus, Petrus, Jacobus, Paulus, & intelligebant quantum bonum sit civilis concordia, & amabant suos, amabant

amabant patriam, magno cum dolore spectabant disputationem pulcherrima politia. Quoties illachrymat Christus, loquens de discordiis & seditionibus gentis & urbis excidio! Quamquam igitur illa civilia officia, & norant optimè, & maxime amabant Propheta & Apostoli, tamen cogeantur divino mandato belligerari cum regno diaboli, proponere cælestem doctrinam, colligere Deo Ecclesiam, & servire salutis aeternae multorum hominum. Hæ sunt primæ leges, anteferenda ceteris omnibus: Non habebis deos alienos. Non usurpabis nomen Dei vanè. Item de filio Dei: Hic est filius meus dilectus, hunc audite. His legibus necesse est obtemperare, necesse est veram de Deo doctrinam, veros cultus amplecti, & fugere errores contumeliosos in Deum, vel si fractus illabatur orbis. Nulla res humana his Dei mandatis anteferenda est, non vita nostra, non amici, non civium concordia. Post pauca sequitur: Experimur & ipsi non leve onus impositum esse docentibus: servitur in nostros multis locis: nos ipsi duriter premimur: ipsa etiam patria discordia nobis ingentem dolorem adfert. Sed ut dictum est, necesse est his magnis incommodis anteferre mandatum Dei, de verâ doctrinâ amplectandâ, & abjiciendâ erroribus. Nec nobis ignota sunt ea, quæ à prudentibus de legum mutationibus scripta sunt. Meminimus illam Platonis vocem, ut delirantium parentum, ita desipientis patria mores ferendos esse. Sed hæc præcepta suas metas habent, ferenda est servitus sine impietate. Non probanda est idolomania, non Evangelii lumen extinguendum. Deinde de Pontificiis decretis, in tres ordines distinctis, prolixè admodum agitur, errores Adversariorum perstringuntur & obiectiones dissolvuntur. Tandem circa finem extat: Habet etiam Ecclesia donum interpretationis, id est, intellectum cælestis doctrinæ, sed id donum non est alligatum ad Episcoporum titulum aut ordinem, ideo nequaquam est potestas interpretandi, similis regia & pratoria; sed eruditi in verbo Dei & renati Spiritu sancto, ubicunq; sunt, adsentiuntur verbo Dei, & id intelligunt, alii magis, alii minus.

CONFESSIO IN VARIATA p. 59. (37) fqq. 113

I. Thesis orthodoxa

1. proponitur. Docetur enim,
 1. quod Potestas ecclesiastica ac politica malè confundantur. *Magna disputationes fuerunt — DEI beneficia in terris.* p. 59. 60. (37)
 2. quod potestas ecclesiastica, tantum versetur circa Verbum, Sacramenta & Claves. *Sic autem sentiunt — ad salutem omni credenti.* p. 60. 61. (37. 38)
 3. quod potestas ecclesiastica non impediatur politicam, nec se rebus politicis immisceat. *Itaque cum potestas ecclesiastica — Dei donum & beneficium esse.* p. 61. 62. (38. 39)
2. ad hypothesin transfertur. Agitur enim de modernis Episcopis,
 1. quod potestas gladii, quam jure humano habent, distinguenda sit à potestate verè Episcopali. *Si quam habent Episcopi — sed verbo.* p. 62. (39)
 2. quod iis officio suo rectè defungentibus, obediendum sit; nequaquam verò, si quid contra DEum præcipiant. *Hic necessario & de jure — Scripturas aliquid sentiunt.* p. 62. 63. (39)
 3. quod principes seculares, ea quæ Episcopis jure humano competunt, his cessantibus, ipsi exercere cogantur. *Si quam habent — ut pax retineatur.* p. 63. (39. 40)
 4. quousque potestas Episcoporum, circa institutionem ceremoniarum se extendat, ubi
 1. status controversiæ formatur. *Præter hac disputatur — ordinibus &c. condendi.* p. 63. 64. (40)
 2. Argumenta adversariorum, qui nimium Episcopis tribuunt, compendiosè recitantur. *Hoc jus qui tribuunt — de præcepto Decalogi.* p. 64. (40)

a b

3. Quod Episcopi nihil contra Scripturam possint, asseritur. *Sed de hac quaestione—Canones 9. distinctione. ib.*
4. Exempla, quomodo Episcopi potestate suâ hactenus abusi fuerint, adferuntur, videlicet
- 1. quod traditiones condiderint, aut aliqua exegerint, sub opinione meriti, vel satisfactionis. *Porro contra Scripturam—vestigia quadam videmus. p. 64. 65. (40)*
 - 2. quod in adiaphoris peccatum finxerint, atque ita libertatem Christianam everterint. *Item autores traditionum—cultus ab hominibus institutos. p. 65. 66. 67. (40. 41. 42)*
5. Objectionibus respondetur,
- 1. de institutione diei Dominici. *Quid igitur sentendum est—& libertas Christiana. p. 67—70. (42 43)*
 - 2. de sanguinis prohibitionem, Actor. XV. 10. *Apostoli jusserunt—traditiones exoleant. p. 70. (43. 44)*
- II. Summa desideriorum nostrorum hac in parte, cum negativè, tum affirmativè exponitur. *Facile autem possent—causam Schismati præbent. p. 70. 71. (44)*
- IN APOLOGIA p. 464. (292)
- I. Adversarii ex eo, quod statum controversiæ perverterint, calumniæ postulantur. *Vehementer hic vociferantur—privilegia non reprehendere. p. 464. (292)*
- II. Querelæ, de malâ Episcoporum administratione, inferuntur. *Sed utinam vicissim audirent—procuratoris vestra reddituri estis. p. 464. 465. (292. 293)*
- III. Causa ipsa dilceptatur, ita ut
- 1. Status controversiæ formetur. *Cum autem nos in confessione—de hoc articulo controversia est. p. 465. 466. (239)*
 - 2. Thesis adversariorum, quod Episcopi auctoritatem habeant leges ad consequendam vitam æternam utiles, condecendi, refutatur. *Oportet autem in Ecclesiâ—tales cultus institu-*

instituendi. p. 466. 467. (293. 294)

3. Orthodoxa sententia, de potestate ordinis ac jurisdictionis, & quousque ea se extendat, exhibetur. *Ceterum qui potestatem—acceperunt à Christo. p. 467. 468. (294. 295)*

4. Cautio de Traditionibus seu legibus ecclesiasticis, repetitur. *Quamquam nos in Confessione—quid opponi possit. p. 468. 469. (290)*

5. Objectiones adversariorum refutantur,

1. ex Luc. X. 16. *Certum est enim—vestitus & similia. p. 469. 470. (295. 296)*

2. ex Hebr. XIII. 17. *Citant & hoc—anathema sit. p. 470. (296)*

3. ex Act. V. 29. *Idem respondemus—& vitam eternam. p. 471. (296)*

4. de scandalis, ex orthodoxiâ nostrâ resultantibus. *Obiiciunt & scandala—omittamus comparationē. p. 471. (296. 297)*

EPILOGUS

In Confessione variatâ planè alius, si verba spectemus, substituitur: Ita autem se habet: *Complexi sumus summam doctrinam Evangelicam, necessariam Ecclesiis, nec dubitamus, has ipsas sententias nostras verè esse doctrinam, in scriptis Prophetis & Apostolicis traditam, & consensum catholicae Ecclesiae Christi, cui etiam eruditiores scriptores ecclesiastici testimonium sæpè perhibent. Ac offerimus nos ad explicationem longiorem, ubicunq; opus erit. Oramus autem Deum, Patrem Domini nostri Jesu Christi, ut ipse Ecclesiam suam, sanguine Filii redemptam, gubernet, servet, purget & augeat. Amen.*

In Confessione genuinâ p. 72. 73. (45. 46) nostri profitentur,

1. quod præcipua tantum attulerint, quæ inter nos & Pontificios controversa sunt. Istud

1. asseritur. *Hæc sunt præcipua—controversa.*

2. demonstratur, per inductionem eorum, quæ addi potuissent.

2

- sent. *Quanquā enim de pluribus — facilius cognosci possint.*
2. quod candidè egerint,
- 1. sine aliorum contumeliā. *Neg. hic quicquam — collectum est.*
 - 2. pro tuendā partis suæ innocentia. *Tantum ea recitata — Ecclesias nostras serperent.*
3. quod ex obedientiā Imperatori debitā
- 1. summam doctrinæ suæ obtulerint. *Hos articulos — summa cerneretur.*
 - 2. si quod ultrā desideretur, addituri sint. *Si quid in hac — juxta Scripturas exhibere.*

APOLOGIÆ

- Epilogus brevissimus est p. 471. (297) in quo
- 1. Scriptum concluditur. *Hac pro tempore respondimus ad confutationem.*
 - 2. Judicium de Confutatione & Apologiā lectori pio relinquitur. *Nunc judicium — verè confutasse.*

II. DEMONSTRATIO.

Thesis I. *Potestas Ecclesiastica Ministrorum differt à potestate politicā Magistratus, nec utraque eidem subiecto hodie committi debet.*

E^{κ θς} 1. Quod Ministri Ecclesiæ peculiarem ordinem, à reliquis hominum ordinibus distinctum constituent, suprà Part. 1. Art. 5. Th. 1. p. 164. ostendimus: Jam de potestate eorum, quæ Ministerii ipsius quasi forma est, dispiciemus.

2. Non ergo negamus, Ministris potestatem aliquam competere; tametsi negemus, potestatem istam esse talem, qualis ab adversariis describitur.

3. Distingvimus enim inter potestatem Ecclesiasticam & Politicam. Illa Ministerio propria est 2. Cor. X. 8. hæc eidem denegatur.

4. Pote-

4. Potestas Ecclesiastica & Politica ex se & per se non differunt per modum contrariorum: Habent verò se ita, ex voluntate Dei, nobis in Scripturis revelatâ; cui parendum.

5. A temporibus V. T. ad tempora N. T. in iudicio de potestate Ministerii N. V. C. Multa enim tunc competeabant Sacerdotio, quæ per Christi interdictum, Apostolorumque monitum, nunc adimuntur Ministerio.

Βεβαιωσις. Probatur ex Luc. XXII. 25. 26. Quia (1) ratione dominii seu potestatis politicæ, Ministri & Magistratus sibi invicem opponuntur. His enim tribuitur dominium; illis verò denegatur. In quo autem oppositio est, in eo convenientia locum habere nequit. (2) Ministris ne quidem titulorum secularium pompa conceditur, v. gr. ut (*ἐυεργέται*) *benefici*, quemadmodum olim Principes appellari solebant, dicantur: si autem ne titulis quidem politicorum uti illis licet, multò minus potestate politicâ. Add. 1. Petr. V. 3.

Αντίθεσις est Pontificiorum, qui sub nomine Hierarchiæ Ecclesiasticæ dominatum propriissimè sic dictum Ministris Ecclesiæ, præsertim Episcopis ac Pontifici Romano, vendicant. *Thesis II. Potestas Ecclesiastica Ministris jure divino competens, alia est ordinis, juxta quam Verbum & Sacramenta legitimè dispensant, atq; ut omnia decenter in Ecclesiâ fiant, prospiciunt: alia autem Jurisdictionis, in convenienti sensu sic dicta, juxta quam clavibus Ecclesiæ conceditis, debitè utuntur.*

Εκθεσις I. Administratio Ecclesiastica dividitur in externam, quæ versatur circa regimen Ecclesiæ; & internam, quæ versatur circa dona & bona, soli Ecclesiæ propria atque intra Ecclesiam, juxta voluntatem Christi donatoris tractanda. Illa vulgò solet appellari Episcopalis; hæc spiritualis, juxta strictiorem utriusque vocis acceptionem: illa est juris humani; hæc divini: illa uni ex Ministris exclusivè, imo & Laico cum Ministerio competere potest; hæc ad solos Ministros spectat.

2. Potestas spiritualis, quæcunque tandem Ministris jure divino attribuitur, vi nominis quod gerunt, non nisi delegata & dependens est: Solus enim Christus, utpote Dominus, habet potestatem propriam, *αὐτοκράτωρ* ac independentem, in bona spiritalia Ecclesiæ, ut ea concedat atque adimat cuicunque voluerit.

3. Quando potestatem ejusmodi, aliam ordinis, aliam jurisdictionis, cum Apologiâ p. 467. 468. (294. 295.) esse statuimus, termini hi non explicandi sunt pro cujusvis libitu; sed ex Ecclesiarum nostrarum usu,

4. Ita potestas ordinis primariò versatur circa Verbum & Sacramenta; secundariò etiam circa ea, quæ, ut omnia decenter fiant, requiruntur.

5. Ex potestate circa Verbum, Ministri est, doctrinam sanam proponere, hæreticis & schismaticis resistere, ad bona opera gregem hortari, peccata suorum prudenti zelo redarguere & imbecilliores consolari. Unde potestas ista distingui solet in Didascalicam, Elencticam, Paræneticam, Epanorthoticam & Paracleticam.

6. Cum Sacramenta non fiat signa nudè significativa divinæ gratiæ; sed simul exhibitiva; patet dispensationem eorum, non solum circa materiam terrenam, verum pariter circa materiam cœlestem occupari.

7. Intereà non opus est, ut quisvis Minister actu ipso dispenset Sacramenta; sed sufficit, si ubi Ecclesiæ consuetudo vel etiam leges non obstant, dispensare queat.

8. Institutio eorum, quæ, ut omnia decenter in Ecclesiâ fiant, quomodocunque requiruntur, totius Ecclesiæ atque adeo etiam Magistratûs, præsertim si orthodoxus sit, consensu fieri debet; conservatio autem præ reliquis ordinibus, Ministerio competit.

9. Vocabulum Jurisdictionis, nunc à significatione seculari ad sacram, à foro ad Ecclesiam revocandum est. Ibi conjunctum

unctum habet imperium, & jus coërcendi per mundanas pœnas, ut sunt mulctæ, incarceration, afflictio corporis & estimationis &c. Hic omnia geruntur solo Dei verbo, tanquam *gladio Spiritûs*, Eph. VI. 17.

10. Potestas Jurisdictionis, versatur circa Claves, ligantem & solventem. Tametsi enim potestas ista in sese non nisi una sit, variat tamen (1) ratione objectorum: cum hic se offerant pœnitentes; illic impœnitentes. (2) ratione mediorum: cum hic præsto sit verbum Evangelii; illic Legis (3) ratione effectuum: cum hic sequatur absolutio; illic condemnatio.

11. Jus clavium competit toti Ecclesiæ; exercitium verò seu applicatio hujus juris, ad certum ordinem in Ecclesiâ, videlicet ad Ministerium, restringitur.

12. Apostolis concessa est hæc potestas: non tamen solis; verum in illorum personâ, omnibus quoque eorum successoribus.

13. Usus clavium non nudam denunciationem & significationem ejus, quod in cœlis fit; sed simul veram & realem applicationem, seu benedictionis, seu maledictionis, infert, ita ut in eadem actione, Deus & Minister, seu causæ subordinatæ concurrant.

14. Cavendum, ne Ministri, pro administratione clavium, sibi illarum dominium arrogant: Neque enim horum potestas est tyrannica, aut etiam regia; sed duntaxat ministerialis: ut proinde clavibus non juxta suam, sed juxta Dei voluntatem uti teneantur.

15. Claves efficaces sunt in legitimo usu; non in illegitimo abusu. Hinc Excommunicatio vibrata in innocentem, nullius valoris est; pariter atque Absolutio denunciata impœnitenti.

16. Quædam quæ adscribuntur Ministris Ecclesiæ, etiam exerceri queunt à Laicis; sed diverso modo: ab illis publicè; ab his privatim: ab illis solenniter; ab his communiter: ab illis ordinariè; ab his extraordinariè, v. g. doctrinam fidei exponere, suos ad bona opera hortari, ægros consolari, in casu necessitatis baptizare &c.

βεβαιώσις Probamus I. *Ministris competere potestatem* v. *dinis, circa Verbum, Sacramenta & ea quæ decenter in Ecclesiâ fieri debent*, 1. ex I. Cor. IV. 1. 2. Quia Ministri constituuntur (οἰκονομοί) *dispensatores Mysteriorum Dei*, i. e. verbi ejus, Rom. XVI. 25. Eph. III. 9. adeoq; & Sacramentorum, utpote quæ ut verbum visibile se habent. Oeconomum verò oportet habere potestatem circa illud, quod alieno nomine administrat.

2. ex 2. Tim. IV. 1. sqq. Quia Timotheus Ministerio ad-
motus, accepit potestatem (1) didascalicam. Jubetur enim *prædicare verbum* v. 2. (2) elenchticam. Jubetur enim (ἐλεγ-
χειν) *arguere*, v. 2. & quidem *eo tempore, quo* auditores *sanam doctrinam* sustinere detrectant, v. 3. (3) paræneticam. Ju-
betur enim (ἐγκαλεῖν) *obsecrare* vel uti Rom. XV. 30. accipi-
tur, *hortari, in omni lenitate & doctrinâ* v. 2. (4) epanortho-
ticam: Jubetur enim *increpare & instare, tempestivè ac intem-
pestivè* v. 2. Ubi sciendum, quod qui officio suo rectè defun-
gitur, id quidem semper *tempestivè* faciat, quoad judicium
Dei; tametsi interdum *intempestivè* facere videatur, quoad
judicium hominum malè sentientium. (5) paracleticam. Ju-
betur enim *opus peragere Evangelistæ* v. 5. Evangelizare autem
est lætum nuntium afferre. (6) dispensatoriam Sacramentorum.
Jubetur enim Ministerium suum (πλήρηςφορεῖν) *plenum reddere*,
v. 5. quod ut fiat, Sacramenta accedant oportet Matth. XXII. 19. 1. Cor. XI. 23. sqq. (7) cûratoriam eorum, quæ decenter
fieri debent: Jubetur enim *vigilare in omnibus* v. 5. adeoque &
in iis, quæ ad bonum ordinem spectant. 1. Cor. XIV. 40.

II. *Ministris competere potestatem Jurisdictionis, circa cla-
ves* ex Jo. XX. 21, 22, 23. ut constet, hæc non solis Apostolis,
sed per Apostolos, omnibus eorum successoribus, Ecclesiæ Mi-
nistris, dicta esse. Observandum (1) quod usus clavium descri-
batur, ut consequens Missionis: Quotquot ergo à Christo missi
sunt, *sicut Christus à Patre missus est*, illi etiam acceperunt ean-
dem potestatem. Subsumimus de omnibus veris Ecclesiæ Mini-
stris.

Sciendum igitur, quod particula *SICUT*, notet identitatem in re; non in modo rei, ut sensus sit: Quàm verè divina est mea missio, ad enuntiandum Evangelium; tam verè divina est aliorum missio ad idem opus. Conf. Joh. XVII. 18. (2) quod si tantùm illis, qui tunc præsentes aderant, per modum specialis privilegii potestas ista concessa esset; sequeretur, ne quidem omnes Apostolos potestatem hanc accepissè. Nam Thomas aberat Joh. XX. 24. Paulus autem nondum erat vocatus. Act. IX. 3. sq. At consequens est falsum: E. & antecedens.

Antithesis est 1. Fanaticorum, qui Ministerio nullam, aut perquam exiguam potestatem concedunt.

2. Pontificiorum, qui ad potestatem Ordinis referunt (1) consecrare Eucharistiam (2) conferre Sacramentum Confirmationis, (3) Ordinare Diaconos, Presbyteros & Episcopos, (4) Chrisma conficere, (5) Oleum infirmorum sacrare, (6) consecrare Virgines, Tempia, Sacella, Altaria, Vestes, Vasa &c. Ex his primum Presbyteris & Episcopis commune est: Reliqua ad solos Episcopos pertinere statuuntur. Potestati Jurisdictionis accensent dispensationem in votis & juramentis.

3. Mosis Amyraldi, qui inter ea quæ Apostoli peculiaria habuerunt, recenset etiam *Ligare & Solvere*; quo ipso Ministris hodiernis potestas Jurisdictionis adimitur.

Thesis III. *Quamvis Ministri Ecclesiæ, quoad facultatem dispensandi media salutis æquales sint, neq. de jure divino, nulla inter Episcopos & Presbyteros distinctio, aut etiam casus peccatorum Episcopis vel Pontifici Romano reservati dentur; nihilominus quoad executionem actuum specialium officii, inæqualitas & quædam subalternatio Ministrorum, pro commodo Ecclesiæ, introduci potest.*

Expositio 1. Concedimus, inter Ministros, distinctionem loci & honoris; nequaquam verò potestatis ministerialis, quoad Verbum & Sacramenta.

2. In potestate illâ omnes Ministri æquales sunt; quam-

vis circa exercitium potestatis, ex voluntate Ecclesiæ, quodque introducatur inæqualitas e. g. ne Episcopus, vel Superintendens Sacramenta administret, ut ab eo, regimen Ecclesiæ externum, tantò diligentius curetur: item ne inferiores Ministri, inscio Episcopo vel Superintendente, clavem ligantem exerceant, ut hac ratione causarum & meritorum tantò accuratior ratio habeatur.

3. Cum Minister subalternatur Ministro, obligatio inferioris erga superiorem, non est absoluta; sed restricta, sub hac conditione, ne quid injungatur à superiori, contra obligationem, quâ inferior Deo obstringitur. Actor. V. 29.

4. Apud Pontificios, Presbyteri & Episcopi unum ordinem Hierarchicum constituunt, & nihilominus de jure divino realiter distingui perhibentur: quod absolum.

5. Nos inter Episcopos & Presbyteros discrimen statui posse agnoscimus: quin imo in Evangelicis Ecclesiis passim discrimen ejusmodi observatur, non solum in regnis septentrionalibus, ubi Episcoporum nomen retinetur; verum etiam alibi, ubi Episcopi, voce juxta Augustinum prorsus æquipollente, Superintendentes appellantur. Quod verò discrimen illud jure divino nitatur, pernegamus.

6. Proinde distinguimus inter id, quod in Ecclesiam introducitur à Deo ac immutabiliter; & quod ab hominibus ac mutabiliter. Posterioris generis est diversitas inter Episcopos & Presbyteros; non prioris.

7. Si quærat, an nonnulla Episcopis reservari queant? affirmamus: Si verò quærat, an nonnulli casus peccatorum, ita ut respectu aliorum Ministrorum irremissibiles sint, Episcopis reservari queant? negamus.

Βεβαιωσις. Probamus I. *Inter Ministros, pro commodo Ecclesiæ, inæqualitatem & subalternationem quandam introduci posse, ex I. Cor. XII. 28. & Eph. IV. 11. 12. ubi varii Ministrorum gradus recensentur.*

II. Pres-

XX. Presbyteros & Episcopos jure divino non distingui. 1. ex Act. XX. quia qui v. 17. appellantur Presbyteri, iidem v. 28. dicuntur Episcopi. Idem fit Tit. I. 5. & 7.

2. ex 1. Petr. V. 1. 2. 3. Quia Apostolus Presbyteros, quorum se vocat *Sympresbyterum* v. 1. mox describit, ut *ἑποσκοῦντες* seu Episcopalem inspectionem habentes.

3. ex Hieronymi Epistolâ 85. ad Evagrium, in quâ pluribus invictisq; argumentis Thesis nostra ex Scripturâ demonstratur.

III. *Non dari casus peccatorum jure divino Episcopis vel Pontifici Romano reservatos*, ex 2. Cor. V. 18. sq. Quia omnes veri Ministri indiscriminati (1) funguntur *Ministerio reconciliationis* v. 18. (2) acceperunt *verbum reconciliationis* v. 19. (3) *pro Christo legatione funguntur ad reconciliandum alios* v. 20.

Ἀντιθεσις est 1. Independentium in Angliâ, qui omnem Ministrorum subalternationem detestantur.

2. Pontificiorû, qui Presbyteros ab Episcopis jure divino differre, casusq; certos peccatorû, solis Episcopis reservari, contendunt
Thesis IV. Quæ Pontificii, de VII. Ordinibus Ministrorum, per quos usq; ad Episcopatum ascendatur tradunt, nullum in Scripturâ, aut etiam in primavâ ac puriori antiquitate, fundamentum agnoscunt.

Ἐκθεσις 1. Non quæritur, an graduum distinctio, inter Ministros locum habeat? quod Christus ipse haud obscure prodit Matth. XXVI. 15. sed an gradus distinguendi sint, ex recepto Pontificiorum more.

2. Jam dicti Adversarii Ordines partiuntur in Minores & Majores. Minores sunt, Ostiariorum, Lectorum, Exorcistarum & Acoluthorum: Majores verò Subdiaconorum, Diaconorum & Presbyterorum.

3. Ostiariorum est aperire & claudere fores templi: Unde in Ordinatione accipiunt *claves*.

4. Lectorum est legere ex pulpito V. T. Unde in ordinatione accipiunt *librum*, quem *Lectonarium* vocant.

5. Exorcistarum est, Exorcismos pronunciare super energumenos. Unde in ordinatione accipiunt *librum Exorcismorum*, vel etiam, in defectu illius, *Missale*.

6. Acoluthorum est præparare luminaria, itemque urceolos vini & aquæ ad Missam porrigere, & cum cereo accenso Diaconum ad locum Evangelii sequi: Unde in ordinatione accipiunt *candelabrum, cum cereo & urceolis*.

7. Subdiaconorum est calicem & patinam ad altare deferre, aquam & manutergium (seu mantile) tenere, substratoria lavare, & Epistolam legere: undè in ordinatione accipiunt *calicem vacuum, cum patinâ, ac librum Epistolarum*.

8. Diaconorum est, Sacerdoti missificanti ministrare, Evangelium legere, Eucharistiam populo distribuere, baptizare, prædicare; poenitentes reconciliare; paucis, omnia facere quæ Presbyteris conveniunt, exceptâ consecratione Symbolorum in Eucharistiâ: in ordinatione accipiunt *librum Evangeliorum*.

9. Presbyterorum est consecrare symbola eucharistica, sacrificia offerre pro vivis & mortuis, donis Dei benedicere. &c. In ordinatione accipiunt *vestem Sacerdotalem, calicem cum vino & aquâ, ac patinam cum pane superimposito*.

10. Lombardus L. 4. Sentent. Dist. 24. ex Scripturâ VII. ordines probaturus, perquam ineptè agit: *Officium Ostiarii*, inquit, *Dominus in sua personâ suscepit, quando flagello de funiculis facto, vendentes & ementes ejecit è templo. Ipse etiam se Ostiarium significans dicit: Ego sum ostium, per me si quis introierit, & intrabit & egredietur, & pascua inveniet. Officium Lectorum implevit Christus, cum in medio Seniorum librum Esaiæ aperiens, distinctè ad intelligendum legit: Spiritus Dei super me &c. Ex quo Lectoribus datur intelligi, quod gratiâ spirituali clarere debent, qui aliis verbum Dei annuntiant. Exorcistæ officio usus est Christus, cum Demoniacos multos sanavit. Hic ordo à Salomone videtur descendisse, qui quondam modum exorcisandi invenit, quo Dæmones adjurati, ex obsessis corporibus pellebantur. Huic officio mancipati, Exorcistæ vocati sunt, de quibus Christus in Evangelio: Si ego in Beelzebub ejicio dæmonia, Filii vestri, scilicet Exorcistæ, in quo ejiciunt? Acoluti officium Dominus se habere restatur, dicens: Ego sum lux mundi, qui sequitur me, non ambulat in tenebris. Subdiaconi officio usus est Dominus, quando linteo se præcinxit & mittens aquam in pelvum, pedes discipulorum lavit & linteo tersit. Diaconi officio*

officio usus est Christus, quando post canam Sacramentum carnis & sanguinis Discipulis dispensavit & quando Apostolos dormientes ad orationem excitavit: dicens: Vigilate & orate, ut non intretis in tentationem. Presbyteri tandem officio usus est Christus, cum seipsum in ara crucis obtulit, idem Sacerdos & Hostia, & quando post canam panem & vinum in corpus suum & sanguinem commutavit. Hucusq; Lombardus, cujus argumentis, si quis se moveri patiatur, idem ille etiam credat, inter Ministros Ecclesiæ peculiarem ordinem dari Peregrinantium, ex Matt. II. 13. sq. Medicorum, ex Matt. VI. 24. Pistorum, ex Matt. XV. 34. sq. Joh. VI. 35. Vinitorum, ex Joh. XV. 1. sq. &c.

II. In Ecclesiâ quidem primævâ, reperimus vestigia quædam nominum, quibus nunc Pontificii Ordinum diversitatem indicant; at res ipsa prorsus immutata est. Olim Episcopi & Presbyteri erant Ecclesiæ Ministri; hodie Episcopus est secularis Dominus & Presbyter sacrificulus: olim Acoluthi erant Ministerii Candidati, qui Episcopum assidue sequentes, sub illius ductu ad servitium Domini præparabantur; hodie sunt Luciferi in clarâ meridie: olim Ostiarii erant Æditui; hodie Thesaurarii &c.

Βεβαιώσας, Probamus ex I. Cor. XII. 28. & Eph. IV. 11. 12. Quia Apostolus de plerisque ex his Ordinibus silet, ubi ex professo de varietate Ministrorum Ecclesiæ agit. Plura ut adferamus haud opus est, cum Pontificii nullo fundamento nitantur.

Αὐτίς, est Pontificiorum, quod ex ipsâ Thesi ejusq; explicatione constat.

Thesis V. Nullus Ministrorum, quocunq; nomine, aut titulo veniat, potestatem habet novos cultus introducendi, aut leges conscientiam directè obligantes ferendi.

Εκθεσις 1. Ex Thesi I. & II. patet, quod Ministris concedamus potestatem, sed limitatam; non illimitatam. Ulterius evagari nequeunt, quàm DEUS in verbo suo concessit.

2. Ministrorum, quocunq; nomine & titulo veniant, est colere DEUM: non tamen pro suâ; sed pro Dei voluntate, juxta illud Chrysostomi Homil. 51. in Matth. *Discamus Christum ex ejus voluntate honorare. Nam qui honoratur, eo maxime honore letatur, quem ipse vult; non quem nos optamus.*

3. Minister Ecclesiæ similis esse debet patrifamilias, qui *proferat de thesauro suo vetera & nova.* Matth. XIII. 52. ita tamen ut nova non dicantur, quæ Minister de novo excogitat; sed quæ ex novo testamento promittuntur; quemadmodum vetera ex V. T. petuntur.

4. Quod Ministri, præsertim superiores, consentiente Ecclesiâ leges de bono ordine, ut omnia decenter fiant, ferre possint, concedimus; quod verò leges divinis legibus pares ferre possint, inficiamur.

5. Nimirum leges divinæ conscientiam directè obligant, ut qui eas violat, per se peccet: at leges humanæ, quales sunt, quæ à Ministris proficiuntur, conscientiam non nisi indirectè obligant, ut qui eas violat, tantum per accidens peccet, in quantum videlicet Ecclesiâ scandalizat.

6. Reliqua videantur superiùs P. 2. Aug. Conf. Art. 5. Th. 1. p. 502.

Βεβαιώσις Probamus, 1. Nullum Ministrorum, posse novos cultus introducere, ex Ef. XXI. 13. & Matth. XV. 9. Quia DEUS omnem εἰδωλόθυτον detestatur.

II. Nullum Ministrorum posse leges, conscientiam directè obligantes, ferre. ex iis quæ dicta sunt in Apol. p. 468. (295)

Αντίθεσις est Pontificiorum, qui potestatem hujuscemodi Papæ suo, imo etiam certo respectu Episcopis reliquis, attribuunt. Vid. Apol. 465. (293)

Thesis VI. Pontifex Romanus, tametsi se pro Petri successore venditet, non tamen propterea œcumenicus Episcopus & caput universalis Ecclesiæ, verum ex quo plenitudinem potestatis in Ecclesiastica, imo & Secularia sibi arrogavit, magnus ille Antichristus est, à Daniele & Paulo quondam prædictus.

Εκθεσις I. Concedimus in Ecclesiâ, ceu domo Dei I. Tim. III. 15. requiri aliquam gubernationem supremam, imo hanc quoq; esse monarchicam & ut Adversarii conjiciunt, ex istâ causâ, quoniam Monarchica est, optimam: sed respectu Christi; non Papæ. De Christo igitur intelligenda sunt, quæ legimus de uno Rege, Ezech. XXXVII. 24; de uno ovili, sub uno Pastore, Joh. X. 16; de uno capite, Hof. I. 11. de uno lapide fundamentalis, Ef. XII. 16. Similiter & Pontifex V. T. gerit typum Christi; non Papæ, Hebr. II. 17. III. 1. V. 6. Vid. plura superiùs P. I. Art. 7. Th. 3. observ. 5. & 6. p. 208.

2. Atq; ita quidem se res habet, quando Ecclesiâ spectatur quoad internam & essentialem constitutionem: alioqui si consideretur quoad externam & accidentalem gubernationem, quæ Magistratui civili, si Christianam religionem profiteatur, competit, excusari potest, quod Rex Angliæ se caput Ecclesiæ vocet: videlicet non Ecclesiæ universalis, seu in toto mundo, (quod Papa prætendit); sed particularis, in ditionibus sibi subiectis.

3. Alia

Alia ratio est corporis merè moralis, ubi propter absentiam, aut impotentiam capitis supremi, quod regendis membris sufficere nequit, interdum assumitur caput subordinatum e. gr. Prorex in regno longiùs dissiro, Oeconomus in amplâ familiâ &c. Alia vicissim ratio est corporis mystici, ubi propter omnipræsentiam & omnipotentiam capitis, quod regendis membris abundè sufficit (Matth. XXI X. 18. 20) caput subordinatum sine causâ assumeretur. Accedit, quod in corpore morali sufficiat unio externa capitis & membrorum; cum in corpore mystico requiratur unio interna, ut caput membra inhabitet Eph. III. 17. & membra ceu palmites, capiti tanquam viti inserantur Joh. XV. 5, qualis unio inter Papam & Ecclesiam nequaquam intercedit.

4. Cum à Scriptoribus Ecclesiasticis Petro tribuitur primatus inter Apostolos, id intelligendum est de primatu ordinis, seu honoris; non jurisdictionis, seu potestatis. Idemque judicandum de Matth. X, 2. ubi Petrus ut *primus* anteponitur reliquis Apostolis; veruntamen ita, ut idem ille alibi Jacobo postponatur. Gal. II. 9.

5. Quod autem Christus promittit, se oraturum, ne deficiat fides Petri Luc. XXII. 31. eo non prædicitur Petri primatus; sed lapsus, & quidem horrendus lapsus.

6. Matth. XVI. 18, fertur Ecclesia ædificanda (*ὅτι τὸν τῇ πέτρᾳ*) *super hanc petra*, scilicet quam Petrus confessus erat v. 16, non super Petrum ipsum, de quo dicto pluribus actū est P. I. Art. 7. Th. 4. Prob. 3. p. 212.

7. Reliqua, ex quibus eminentia quædam resultare videtur, adscribuntur quidem Petro: non tamen soli. E. g. cum *claves* ei porriguntur Matth. XVI. 19. Conf. ib. XIX. 18, Joh. XX. 23; cum jubetur *pascere oves Christi* Joh. XXI. 15, 16. 17. Conf. 1. Petr. V. 2, cum ipse promittit, se daturum operam, ut Auditores post obitum ejus retineant, quæ hæcenus prædicaverat 2. Petr. I. 15. Conf. Act. XX. 28, 2. Tim. I. 13, Tit. I. 9.

8. Non tam disputabimus, an Petrus Romæ fuerit & docuerit? quod Chemnitius noster, in Harm. Evang. c. 50. propter tot antiquorum Scriptorum consensum, largitur: quàm an Cathedram Papalem, supra alias cathedras Episcopales erectam & eminentissimis prærogativis ornata, ibi erexerit, eidemq; ipse annos non paucos præfuerit? quod inficiamur. Inter ipsos Pontificios nondum constat, quo anno Petrus Romam venerit: Alii enim tradunt, hoc accidisse statim ab ascensione Domini; alii in principio imperii Claudii; alii anno hujus imperii secundo; alii quarto; alii sub prioribus annis Neronis; alii demum sub vitæ suæ finem, cui ultimæ sententiæ nos præ reliquis subscribimus.

9. Episcopatus in sensu generali, notat functionem quamcumque regendi Ecclesiam: quâ ratione Epiphanius Hæres. 27. scribit: *Res. fuisse Petrum & Paulum, eosdem Episcopos & Apostolos*: in sensu autem speciali, Episcopatus significat functionem certæ Ecclesiæ particulari alligatam 1. Tim. III. 1. Quâ ratione distinguimus inter Apostolum & Episcopum: Ille est Doctor catholicus seu universalis Ecclesiæ; hic Diœcesanus, seu cujusdam particulæ ex universali Ecclesiâ.

10. Si quærat, an Pontifices Romani, Petro ut Doctori ac Christi servo, succedere debeant? affirmamus: si autem quærat, an actu succedant? negamus.

11. Num quis successor Apostoli cujusdam haberi mereatur, rectius ex doctrinâ cognoscitur; quàm ex loco: juxta illud in Decreto P. I. dist. 4. Can. 2. *Non sanctorum filii sunt, qui tenent loca sanctorum, sed qui exercent opera eorum.*

12. In generali officio, quatenus Petrus spectatur ut Ecclesiæ Pastor, omnes alii Ministri legitimè vocati, ejus æquè ac Pauli & reliquorum Apostolorum successores fieri jubentur 1. Cor. XI. 1. Hebr. VI. 12. In speciali autem officio, quatenus Petrus ut Monarcha & Imperator totius Ecclesiæ concipitur, nullum successorem habet, quia ipse nunquam talis fuit, qvalis fuisse fingitur.

13. Sic quoque omnes Ministri rectè dicuntur Vicarii Christi, 2. Cor. V. 20. Eph. VI. 20. sed speciales, videlicet quisque in eo, cui per vocationem alligatur loco; non generales & universales.

14. Romano Episcopo olim primus locus inter Patriarchas concedebatur, ob urbis celebritatem; non ob singularem aliquam officii potestatem ac prærogativam.

15. Nec ex titulis honorariis Romano Episcopo, per aliorum comitatem, humilitatem, vel etiam adulationem, tributis, ad veritatem rei ipsius, argumentari licet, secundum illud Jctorum: *Verba curialia, ne bilum quidem obligant.* Accedit, quod Oecumenici Episcopi titulum Constantinopolitanus etiam Patriarcha gerat, imo prius quàm Romanus gesserit, Sic & Cyprianus, Carthaginensis Episcopus, olim vocabatur *omnium Christianorum Papa*, Idem judicium esto de aliis titulis, ut sunt, *Pater Patrum, Princeps Sacerdotum*, &c. qui Patriarchis promiscuè tribuebantur.

16. Istud penè ridiculum est, quod Roma, propter Petrum, qui ibi docuisse perhibetur, omnium Ecclesiarum Mater vocatur: quandoquidem

Quidem elogium hocce Hierosolymis potius competit, in quâ Christus, omnium Doctorum Doctor, certò certius docuit. Conf. Es. II. 3.

17. Præ cæteris observandum, quod cum Pontifices Romanos carpiamus, de recentioribus sermo sit, præsertim illis, qui Hildebrandi, seu Gregorii VII. vestigiis institerunt; non de antiquioribus, inter quos fuerunt sancti Martyres & fideles Ecclesiæ Doctores, qui verè Petrum & in Petro Christum imitati sunt.

18. Vocabulum Antichristi, in Scripturis vel generaliter vel specialiter accipitur. In priori sensu, quilibet Christum veramque Ecclesiam seu doctrinâ, seu armis oppugnans, *Antichristus* dicitur, 1. Joh. II. 18. 22. IV. 3. 2. Joh. v. 7. In posteriori sensu usurpatur pro insigni quodam & præ reliquis notabili Christi & veræ Ecclesiæ hoste, qui determinatè appellatur *ὁ ἀντίχριστος*, 1. Joh. II. 18. & *magnus Antichristus*.

19. Hic Antichristus, de quo nunc agitur, unus est; non tamen numericè; sed specificè; non ratione omnium temporum; sed ratione præsentis temporis; non quod nunquam sit alius; sed quod semper reperiatur idem cum alio. Prorsus uti in regno monarchico unus imperare dicitur, quamvis alter alteri succedat; vel uti Pontificii unum Petri successorem esse ajunt, quamvis mortuo Papâ iterum iterumque novus surrogetur.

20. Distingvimus inter Antichristi *initia*, à temporibus Apostolorum, usq; ad tempora Phocæ Imperatoris: *progressus*, à temporibus Phocæ (qui primus Romanum Episcopum declaravit œcumenicum) usque ad Lutherum; & *decrementa*, ab anno Christi 1517. (quo Lutherus Pontificem oppugnare cœpit) usq; ad secundum Christi adventum, quo plenè destruetur 2. Thess. II. 8.

21. Aliud ergo est, cum de nativitate & infantia; aliud cum de virili ætate Antichristi quæritur: illa in occulto cœpit & incrementa pedetentim sumfit, adeo ut tempora profectuum ejus, non satis accurate indicari ac distingui queant: hæc in aprico est, & ab Historicis clarissimè manifestata.

22. Non obstat, quod adventus Antichristi ad tempus *ultimum* referatur. Hoc enim non in sensu humano; sed divino sic dicitur. 2. Petr. III. 8. ita ut totum tempus Evangelii, per orbem divulgati, comprehendat. 1. Joh. II. 18.

23. Singulis Pontificibus, post Phocam Imperatorem, & magis ad-

huc post Hildebrandum seu Gregorium VII. Pontificem, competunt notæ Antichristi: si non semper in summo; saltem in aliquo gradu.

24. Ecclesia Romana non est Antichristiana materialiter; sed formaliter, quatenus scilicet Papæ, ut Doctores & Magistri adhaeret.

25. Nec tamen quæcumque doctrinam Papæ accosamus: quia in haud paucis articulis cum Orthodoxiâ convenit; sed tantum doctrinam Papæ propriam, à quâ scilicet Papismus, in oppositione ad verum Christianismum denominatur.

26. Etsi igitur Ecclesia vera potuerit & adhuc possit esse sub Papatu; non tamen potuit, aut adhuc potest esse ipse Papatus.

27. Hoc insuper notandum, quod propositio ista: Papa est Antichristus: non sit articulus fidei fundamentalis, cujus notitia & confessio, omnibus omnium locorum & temporum Christianis, ad salutem simpliciter sit necessaria; sed quod sit articulus fidei non fundamentalis, cujus notitia & confessio ad veram & solidam plurimorum vaticiniorum in Scripturâ dilucidationem, multum conferat.

28. Eademque propositio, non tam stringit Papistas, quorum seductionem deploramus & conversionem à Deo exoptamus; quam Papatum, cujus desperatam causam prævio Spiritu S. arguimus. Id quod injuria nulla est in Principes Papæ adhaerentes redundans; nisi etiam Christum in Phariseos, Apostolos in Ethnicos quoscunque, Johannem Apocalypseos scriptorem, in Reges cum meretrice Babylonicâ scortaturos, dicere velis injurios esse.

Βεβαίως Probamus, I. Pontificem Romanum non esse oecumenicum Episcopum & universalem Ecclesiæ caput, 1. ex Eph. I. 22. ubi Christus dicitur constitutus caput Ecclesiæ super omnia. Qui igitur Papam pro capite Ecclesiæ habet, Christi honoribus derogat. Sequeretur enim Christum aut nolle, aut non posse regere Ecclesiam suam; quod utrumque falsum est. Potest certe, quia pedibus ejus omnia subjecta sunt: vult etiam, quia hunc in finem se caput Ecclesiæ dedit. Exceptio Pontificiorum, quod Papa sit caput sub Christo; nulla est. Nunquam enim à Deo pro capite tali declaratus est. Conf. Hebr. V. 4.

2. ex absurdo. Nam si Papa esset caput Ecclesiæ, sequeretur, sede vacante, Ecclesiam esse ἀκεφάλων: sede à pluribus simul occupatâ, Ecclesiam esse πολικέφαλων: sede ad Diaboli aliquod mancipium, cujusmodi Sylvester I. Benedictus I. X. Gregorius VII. &c. fuerunt, devolutâ, Ecclesiam Diabolo regendam committi.

II. Pon-

& Pontificem Romanum, ex quo plenitudinem potestatis in Ecclesia-
 stica, imo & Secularia sibi arrogavit, esse magnum illum Antichristum à
 Daniele & Paulo quondam predictum, ex Dan. XI. & 2. Thess. II.
 Quia ei omnes notæ Antichristi magni conjunctim sumtæ competunt.
 Quod autem 2. Thess. II. de Antichristo Magno agatur, extra controver-
 siam est. Idem fieri Dan. XI. à v. 26. patet, Nam (1) postquam Daniel de
 Antiocho M. hujusdemq; Filio Antiocho Epiphane egisset, vaticinium
 his verbis concludit: *Adhuc aliud tempus erit.* v. 35. indicans, se non am-
 pliùs de Regibus Syriæ, sed de rebus planè novis, ad finem usque mundi
 duraturis, Dan. XII. 1.2. dicturum esse (2) Christus de ultimis tempo-
 ribus, in quibus Antichristus revelari debet, loquens, ad hoc Danielis va-
 ticipium provocat Mar. XXIV. 15. (3) quæ Paulus de Antichristo tradit,
 2. Thess. II. 4. desumpta sunt ex Dan. XI. 37. (4) nobiscum sentiunt Patres
 ad unum omnes, qui hoc vaticinium explicarunt, itemq; Lyra, Autor
 Glossæ ordinariæ & interlinearis, Bellarminus &c. Jam igitur per par-
 tes ibimus, & singulas notas Papæ applicabimus. Sunt autem sequentes:
 (1) ἀποστασία à verà doctrinà 2. Thess. II. 3. 10. II. 12. Dan. XI. 37. *Deum*
Patrum suorum non attendet. Hic legantur Doctores nostri, qui contra
 Papatum scripserunt. (2) arrogatio divinæ potestatis, 2. Thess. II. 4. Dan.
 XI. 36. *Magnum faciet seipsum super omnem Deum, etiam Deum Deorum.*
 Papa à suis vocatur Deus, teste Dn. D. Jo. Frid. Mayero, in Dissert. Anti-
 grotianà, num dogma Papistarum sit, Pontificem Romanum esse Deum,
 edit Lips. 1672. Quin & supra Deum se elevat, cum credere jubet, quæ
 Deo credere vetat, itemq; cum contra leges Dei aliquid imperat, aut
 circa eas dispensat. (3) introductio novi cultus, 2. Thess. II. 4. *Extollet se*
super id quod dicitur (σέβασμα) veneratio seu cultus Dan. XI. 38. *Deum*
Mausim venerabitur Iqq Sic Papa introduxit Sacrificium missaticum, in-
 vocationem Sanctorum, adorationem imaginum, variasq; ἑσθλοῦς γενέσεις
 e. g. peregrinationes, vigiliis, ordines monasticos &c. (4) primatus ju-
 risdictionis in Ecclesià 2. Thess. II. 4. *Sedet in templo Dei, tanquam Deus:*
 ubi per templum intelligi Ecclesiàm, docent Chrysostomus, Theodo-
 retus, Theophylactus & Oecumenius in h. l. August. de C. D. L. 20.
 c. 19 Hieron. Epist. 151. ad Algasiam qu. 11. *Sedere autem est dominari,*
 ex consuetudine loquendi Spiritui S. familiari P. CXIX. 23. Es. XXXVII.
 16. Idem indicatur Dan. XI. 37. *Supra omnia consurget.* Tale Dominium
 super omnia sibi vendicat Papa, cum se caput, sponsum ac fundamentum

Ecclesia, imo Ecclesiam representativam esse gloriatur. (1) Superstratum exaltatio, 2. Thess. II. 4. *Excollet se* (ὁτι πάντα λεγόμενον θεοῦ, super omnem, qui dicitur DEUS, i. e. super Magistratum. Conf. 1. Cor. II. 5. ubi θεοὶ λεγόμενοι mox dicuntur Domini, scil. Domini terrarum. Dan. XI. 37. *Ad ultimum Deum non attendet.* Ita Papa Imperatores & Reges non solum excommunicare, verum etiam imperio privare audeat. Celebre est dictum Nicolai Papæ: *Nec ab Imperatore Pontificem, nec à Rege judicari posse; quoniam non est servus supra dominum.* (2) Matrimonii prohibitio Dan. XI. 37. *Ad desiderium faminarum non attendet*, nempe ad desiderium honestum & voluntati divinæ conforme. Vid. 1 Tim. IV. 3. Papa certè Clericis conjugium interdicat (κ) Hypocriticæ sanctitatis ostentatio, 2. Thess. II. 7. *Mysterium iniquitatis aliquandiu occultum manet*; quamdiu videlicet sanctitatis specie iniquitas palliatur. Qualis sit Papa, cum affectis suis, optimè describitur Col II. 13. (3) Miraculorum factatio, 2. Thess. II. 9. *Quanta in Papatu de miraculis sit gloriatio*, constat ex Legendis Sanctorum (1) Vitæ impietas, 2. Thess. I. 3. Antichristus appellatur *Homo peccati & filius perditionis*. Inter extantiora Papæ peccata, præter ea de quibus jam actum est, referimus, quod Lupanaria permittit, Clericis Concubinarum concedit, per signum purgatorii, tot tantasque ditiones ad se traxit, fideles crudelissime persequitur &c. (κ) Libertatis Christianæ concuscatio Dan. XI. 36. *Faciet pro voluntate Rex iste*. Papa, instigante Diabolo, prohibet cibos certos à Deo concessos, 1. Tim. IV. 3. (λ) Blasphemia Dan. XI. 36. *Adversus Deum Deorum loquetur mirabilia*. Blasphemiis ejusmodi scatent libri Papistarum, e. gr. *Papam posse dispensare contra auctoritatem V. & N. T. eo quod major sit omnibus ejus autoribus: sine auctoritate Ecclesia, i. e. Papæ, non plus valere Scripturam, quàm Esopi fabulas: Idem esse Tribunal Christi & Papæ &c.* (μ) Asseclarum suorum ad honores erectio Dan. XI. 39. Ex hoc fonte scaturiunt Cardinalatus, Patriarchatus, Episcopatus, Abbatiz, Canonicatus, Præbendæ &c.

III. *Papam à nobis dici Antichristum citra ullam injuriam que in Magistratum, ab eo fascinatam, redundet*, ex Dan. XI. 2. Thess. II. Quia qui Papam Antichristum dicit, Scripturæ consentanea profert. Scriptura igitur cuique jus dat ita loquendi. Qui autem jure suo utitur, nemini injuriam facit. Legatur Nicolai Hunnii Liber, cujus titulus est: *Innocentia Lutheranorum in puueto injuriarum, ex asserto R. Pontificis Antichristianismo.*

Αντίθεσις est Pontificiorum, qui Papæ nihil non potestatis attribuunt: Eum verò Antichristum dicere, injuriam adversus Imperatorem ac Reges Papæ addictos redundantem; interpretantur. Quis ex illorum sententia magnus Antichristus futurus sit, vid. in Exploratione Papatus (Prüfung des Papstthums) cap. 43. p. 905. seq.

III. VINDICATIO.

Iepim

Accusamur,

I. Quod per Articulum hunc, sublatâ coercitione, quâ Episcopi in Papatu contra eos, qui obtemperare nolunt, utuntur, potestas legitima Sacerdotum oppressatur & in locum Christiani imperii, politica sacrilega introducatur. Sic Fabricius, Davenportia &c. Resp. A nobis legitimam potestatem, cum Ordinis, tum Jurisdictionis, Sacerdotibus relinqui; quod patet ex Apologiâ p. 267. 268. (294. 295) Potestas autem ita suos coercendi, quemadmodum Adversarii facere solent, e. g. per depositionem Imperatorum ac Regum, per multas impositas, per carceres, supplicia &c. nunquam à Deo Sacerdotibus commissâ est. Aliud docent Apostoli 2. Cor. X. 8. 1. Petr. V. 3.

II. Quod ab Augustanâ Confessione discesserimus, eò quod nunc statumamus Scripturam esse unicum judicem controversiarum religionis; cum tunc agnitum fuerit, Episcoporum esse, de ejusmodi controversiis judicare p. 62 (39) Sic Antiaugustana Confessio, jussu Episcopi à Colonitsch edita. Resp. No. cr-iamnum ministeriale & subdelegatum judicium Episcopis, nomine isthuc dñis, concedere; ut tamen principale & authenticum judicium, soli Scripturæ, per quam Spiritus S. loquitur, remaneat. Vid. D. Alberti in Refut. Antiaugust. Conf. P. 2, c. 3. Quæst. 24. s. 2. sqq. p. 260.

S. D. G.

INDEX I.

ARTICULORUM AUGUSTANÆ CONFESSIONIS

PROLEGOMENA

pagina 16

sequuntur in PARTE I. ARTICULI

I. DE DEO

pag. 17

II. DE PECCATO ORIGINIS

63

III. DE FILIO DEI

94

IV. DE JUSTIFICATIONE

129

V. DE MINISTERIO ECCLESIASTICO

161

VI. DE NOVA OBEDIENTIA

177

VII. & IX. DE ECCLESIA

190

IX. DE BAPTISMO

220

X. DE COENA DOMINI

235

XI. DE CONFESSIONE

251

XII. DE POENITENTIA

260

XIII. DE USU SACRAMENTORUM

293

A a a a

XIV. DE

XIV. DE ORDINE ECCLESIASTICO	
XV. DE RITIBUS ECCLESIASTICIS	
XVI. DE REBUS CIVILIBUS	326
XVII. DE REDITU CHRISTI AD JUDICIUM	358
XIIX. DE LIBERO ARBITRIO	378
XIX. DE CAUSA PECCATI	392
XX. DE BONIS OPERIBUS	402
XXI. DE CULTU SANCTORUM	423

IN PARTE II. p. 445. ARTICULI

I. DE UTRAQUE SPECIE	446
II. DE CONJUGIO SACERDOTUM	456
III. DE MISSA	466
IV. DE CONFESSIONE	497
V. DE DISCRIMINE CIBORUM	500
VI. DE VOTIS MONASTICIS	510
VII. DE POTESTATE ECCLESIASTICA.	542

INDEX II.

THESIUM PROLIXIUS EXPOSITARUM.

IN PARTIS I. ARTICULO

I. 1. DEUS est.	19
2. DEUS est unus in essentiâ, sive naturâ.	21
3. DEO attributa essentialia, quæ cum inter se, tum à subiecto suo, ratione rationali distinguuntur, verè & propriè competunt.	24
4. DEUS est æternus.	28
5. DEUS est Spiritus, & consequenter incorporeus.	30
6. DEUS est naturæ simplicis adeoque impartibilis.	32
7. DEUS est immensus.	34
8. DEUS est immensa potentia, sive quod idem est, Omnipotens.	36
9. DEUS est immensæ sapientiæ, sive, ut uno vocabulo exprimamus, Omniscius.	38
10. DEUS est omnibonus, sive ut Augustana Confessio loquitur, immensæ bonitatis.	42
11. DEUS, & quidem solus, est Creator omnium rerum.	44
12. DEUS	

12. *DEUS per providentiam est conservator omnium rerum.* 47
13. *In Divinitate tres sunt Personae quoad nos, sive unius ejusdemque essentia, & tamen realiter distincta, nempe Pater, Filius & Spiritus Sanctus.* 50
14. *Mysterium S. S. Trinitatis, uti in novo Testamento ad salutem creditu necessarium est; ita etiam in V. T. creditu necessarium fuit.* 57
15. *Qui S. S. Trinitatem non credit, idololatra & extra Ecclesiam Christi est.* 59
- II. 1. *Peccatum Originale duo complectitur, nempe carentiam justitiæ originalis, & concupiscentiam, seu vitiosum habitum, ac consequenter non merè privativum, sed etiam positivum est.* 66
2. *Peccatum Originale verè & propriè sic dictum Peccatum est.* 70
3. *Peccatum Originale meretur mortem, non solum temporalem, verum & æternam, & quicquid mortis nomine in Scripturâ venit.* 74
4. *Omnes homines, secundum naturam propagati, peccato originali insciuntur, ita ut ne Mariam quidem Deiparam excipere liceat.* 77
5. *Peccatum Originale in toto homine, primariò quidem in animâ, secundariò autem etiam in corpore residet; cujus propagatio nec explicari, nec intelligi potest, nisi in generatione, utramque partem essentialem hominis, è parentibus per traducem propagari statuamus.* 83
6. *Peccatum Originale, etiam post Baptismum, ad mortem usque reminet, regentisq; negotium facessit.* 90
7. *Vera cognitio Peccati Originalis necessaria est.* 91
- III. 1. *Jesus Christus, ut Filius DEI, ex essentiâ Patris ab æterno genitus, verè DEUS est.* 98
2. *Jesus Christus, in utero Mariæ Virginis, ex substantiâ matris suæ, assumpsit humanam naturam, veram atq; perfectam, quæ divinæ naturæ personaliter unita est.* 103
3. *Jesus Christus, pro hominibus solis atque omnibus in mundum venit, ut eos Deo reconciliaret.* 107
4. *Jesus Christus indebitâ suâ obedientiâ non tantum pro originali; sed etiam pro actualibus peccatis eorundemq; penis, temporalibus & æternis, justitiæ divinæ plenè satisfecit.* 111

5. *Iesus Christus, tertio die, virtute propria resurrexit, & clauso sepulchro, cum corpore glorificato, egressus est; ut proinde secundum humanam naturam se ipsum excitasse, rectè statuatur.* 118
6. *Iesus Christus ita ascendit ad cælos, ut tota persona, secundum humanam naturam, ex monte Oliveti, sese in sedem beatorum, virtute propriâ, initio sensibilibiter, hinc absq; locali successione & motu, nube tanquam vehiculo sublata, elevarit, nunquam adeo, cessante in terris visibili præsentia, conspectum corporis glorificati Beatis indulgeat, ac nihilominus omnia in omnibus impleat.* 122
7. *Iesus Christus ad dexteram DEI Patris sedere dicitur, quatenus post ascensionem in cælos, secundum humanam naturam, exercitio majestatis divinæ, dominioque in omnes creaturas, plenariè ac in æternum gaudet.* 126
- IV. 1. *Iustificare hoc loco in forensi sensu, significat reum absolvere & justum pronuntiare.* 137
2. *Iustificatio formaliter consistit in remissione peccatorum, Christo imputatorum, & in imputatione justitiæ Christi, obedientiæ ejus nobis acquisitæ.* 138
3. *Ad obtinendam Justificationem, à parte hominis, ut instrumentum apprehensivum requiritur fides salvifica, cujus tres partes sunt, Notitia promissionum evangelicarum, Assensus iisdem promissionibus præstitus & Fiducia in Christum promissum.* 143
4. *Iustificamur SOLA Fide, hoc est ita, ut nihil præter fidem, in actu hoc, coram tribunali DEI, ex parte nostri requiratur, neq; ullum aliud medium sit, quo gratia Justificationis apprehendi, nobisq; applicari possit.* 152
5. *Iustificatus de remissione peccatorum, & gratiâ fidem conservante, sibi perpetuò, nisi malitiosè eam rejiciat, adfuturâ, atq; adeo pariter de salute aternâ, certus esse potest ac debet.* 156
- V. 1. *Ministerium Ecclesiasticum, est peculiaris ordo hominum, à cæteris ordinibus in Ecclesiâ distinctus, ut adeo non promiscuè omnibus, qui se ipsos censent esse dignos, publicum, ordinariumque sacrorum munus, exercere liceat.* 164
2. *Spiritus S. ordinariè non datur, aut operatur, nisi per Verbum*

bum externum & Sacramenta, tanquam per efficacia instrumenta, sive media Dei: quæ cum a Ministris Ecclesiæ administrantur, ideo etiam bi, in effectus spirituales, ut sunt regeneratio, justificatio, conversio, &c. verè propriè loquendo, eæ causæ ministeriales, influere censendi sunt. 169

VI. 1. Lex, sive uti in August. Confess. appellatur, Mandatum Dei, est adequata bonorum Operum norma, ita ut nullum Opus verè bonum sit, nisi quod Deus mandavit. Proinde bonitas operis nec ex conformitate cum consiliis, quæ sic vocantur, Evangelicis, nec ex solâ intentione operantis &c. æstimari debet. 179

2. Opera, quæ non præsupponunt fidem, ut sunt Irregulorum & Christianorum nominetenus talium, qualiacumq; & quantacumq; in oculis hominum videantur, coram DEO non sunt verè bona. 182

3. Fides vera, tametsi necessariò fructus parere debeat, nec sine bonis operibus in Justificato existere queat, non tamen ipsa formaliter est obedientia legalis, sub spe vitæ æternæ, voluntati divini præstita. 187

VII. & IX. 1. Tametsi in hac vitâ, societas Ecclesiæ externa, malos bonis admittos complectatur, propriè tamen loquendo, & ratione societatis internæ, Ecclesiæ est congregatio Sanctorum. 193

2. Nota genuinæ & adequatæ, per quas Ecclesiæ vera nunc dignoscitur & à falsâ distinguitur, sunt pura Verbi prædicatio & legitima Sacramentorum administratio. Ex quo patet, notas quindecim à Bellarmino enumeratas & ex mente ejus intellectas, ut spurias rejici, nempe (1) Nomen Catholicismi, (2) Antiquitatem, (3) Durationem nunquam interruptam, (4) Amplitudinem, (5) Successionem Episcoporum ab Apostolis usque deductam, (6) Conspirationem doctrinæ cum Ecclesiâ antiquâ, (7) Unionem membrorum inter se & cum capite, (8) Sanctitatem doctrinæ, (9) Efficaciam doctrinæ, (10) Sanctitatem vitæ, maximè penes Clericos, (11) Gloriam miraculorum, (12) Lumen propheticum, (13) Confessionem adversariorum, (14) Infelicem exitum bestium, (15) Felicitatem temporalem. 196

3. Ut una dicatur Ecclesiæ, non requiritur identitas traditionum & ceremoniarum, ab hominibus institutarum; neq; unio mem-

unus
13

brorum cum Romano Pontifice, seu visibili Capite: sed iussu
si homines Ecclesiam constituentes à Deo per eadem salutem
media, nempe Verbum & Sacramenta, in idem consortii
Sanctorum adoptati, eadem fide inter se cohereant, atque au-
eundem finem, videlicet gloriam Dei, propriamque salutem
tendant. 207

4. Ecclesia in Paradiso cum genere humano capit, & si interval-
lum temporis à lapsu usque ad protuvangelium excipiamus, sem-
per duravit, ac ad consummationem usque seculi durabit: ita
tamen, ut sub respectu ad externum publicumque religionis vere
exercitium, vel visibilis, vel invisibilis esse, rectè statuatur. 209

5. Quamvis in Ministro Ecclesia deligendo, accurata ratio habenda
sit orthodoxia, probitatis & eruditionis; nihilominus Verbi
& Sacramentorum efficacia in Ecclesia, non dependet à fide &
sanctitate, vel etiam ab intentione, aut alià qualitate Ministris
proindeque Ministerio malorum, in externam Ecclesiam societate ad-
huc comprehensorum, uti licet, praesertim si boni nequeant
haberi. 215

IX. 1. Necessitas Baptismi duplex est, praecepti & medii; ut propterea omnes
quandocumque fieri potest, ad eum suscipiendum oburgentur. 222

2. Baptismus in Scripturâ S. non institutus est pro solis adultis,
verum etiam pro infantibus, utriusque sexus; qui proinde, nisi
illi, in quorum potestate sunt, dissentiant, possunt & debent
baptizari. 225

3. Baptismus non est mera ceremonia & nudum signum; sed ef-
ficax medium, per quod Baptizatis gratia adoptionis, id est
regeneratio, justificatio, renovatio, liberatio à morte & diabolo
aeternaeque salus offertur & nisi hypocritae fuerint, etiam actu
consertur ac veluti sigillo obfirmatur. 228

X. 1. Materia terrena Cœne Dominica est Panis verus, cujuscunque
frumenti, qualitatis ac quantitatis, & Vinum verum, cujus-
cunque coloris: Hoc ut non necesse est aquâ dilui; ita tamen,
si dilutum fuerit, propterea ad Sacramentalem usum non red-
ditur ineptum. 237

2. Materia caelestis in Cœnâ Dominicâ est verum corpus & verus
sanguis Christi, quoad substantiam praesens: cujus unio cum
Pane

Pane & Vino, non in transubstantiatione, nec in locali quadam coexistentiâ, nec in nudâ ὁμοιότητι seu analogiâ; sed in reali ac verâ conjunctione consistit: quâ fit, ut per os corporis, simul cum pane, per verba institutionis consecrato, corpus Christi & cum vino pariter consecrato, sanguis ejus dispenseetur & accipiatur. 242

XI. 1. *Confessio peccatorum coram Deo necessaria est: Confessio autem coram Ministro, & quæ huic respondet Absolutio privata, quamvis simpliciter necessaria non sit, utiliter tamen in Ecclesiâ retinetur.* 254

2. *In Confessione privatâ, neq; necessaria, neque possibilis est, omnium delictorum mortalium, & quidem cum circumstantiis suis; plena enumeratio.* 258

XII. 1. *Cum nemo in hac vitâ eam perfectionem consequatur, ut ex lege judicandus, absque peccato, etiam actuali sit; idcirco homines sine exceptione omnes penitentiam indigent: tamen si interim agnoscamus, quâ specialem modum, aliter comparatum esse, cum Penitentia lapsorum & relapsorum, quàm stantiû.* 272

2. *Qui post regenerationem in peccata, quamvis gravissima, incidunt, iis per Penitentiam, reditus ad gratiam Dei, usque ad extremum vitæ halitum patet, neque seria penitentia signa edentibus absolutio deneganda est.* 275

3. *Penitentia partes duæ sunt, Contritio & Fides, seu ut Apologia (in alio tamen sensu, quàm heterodoxi postea vocibus illis usi sunt) loquitur, Mortificatio & Vivificatio.* 278

4. *Contritionis nomine, intelligimus dolorem super peccata, ex lege agnita, quem terrores conscientia, pariter per Legem incussi, sequuntur: ut proinde Contritio, respectu hominis, non actio elicita, sed passio sit.* 282

5. *Contritio non est causa meritoria gratiæ divini, & remissionis peccatorum.* 283

6. *Nova Obedientia, quæ & propositum emendandi vitæ, & ipsam emendationem ac quacunq; opera bona, post Penitentiam præstanda, complectitur, accuratè loquendo non est pars, sed effectus Penitentia.* 284

7. *Confessio peccatorum coram Ministro, signum Penitentia dici potest; nequaquam verò pars.* 286

8. Cum remissa culpa, etiam reatus poena tollatur, neq. ullus minimum, praeter Christum *Ἰησοῦς Χριστός*, divina iustitia satisfacere queat; idcirco falsum est, quod Satisfactio, à Confessario dictanda, inter partes Penitentiae referri debeat. 287
9. Indulgentiae, quas pro poenis temporalibus huius aut futurae vitae, redimendis, ex thesauro abundantium meritorum Ecclesiae concredito, Pontificii se promere & dispensare jactitant, purum putum commentum sunt. 289
- XIII.** 1. Sacramenta specialissimè sic dicta, quae videlicet tum Verbum mandati, in Testamento illo ad quod pertinent, immediatè à Deo profectum; tum Verbum promissionis, de donis Evangelio propriis; tum Elementum externum & visibile, cum re caelesti unitum habeant, in novo Testamento tantum duò sunt, nempe Baptismus & Cæna: atq. ita juxta hanc vocis significationem, è censu Sacramentorum specialissimè sic dictorum excludimus Confirmationem, Penitentiam, Extremam Unctionem, Ordinem & Matrimonium. 295
2. Sacramenta non modò instituta sunt, ut sint notæ professionis inter homines, sed magis, ut sint signa & testimonia voluntatis Dei erga nos, ad excitandam & confirmandam fidem, in his qui utuntur, proposita. 303
3. Sacramenta non profunt ex opere, ut vocant, operato; sed ut usus eorum salutaris sit, in utente requiritur fides. 304
- XIV.** 1. Nemo publicè docere, & Sacramenta administrare debet, nisi qui à Deo, vel immediatè, vel mediante Ecclesiâ, utpote cui jus hoc divinitus concessum est, missus sive vocatus fuerit. 309
2. Vocationem in Ecclesiis nostris, sequitur ordinatio, tanquam ritus in praxi Apostolicâ fundatus, quò à Presbyterio, per manuum impositionem, inter adstantium preces, recens vocatus, solemniter à seculi negotiis segregatur, & postquam ille se publico voto, ad debitam fidelitatem obstrinxit, in ordinem sacrum cooptatur. 314
- XV.** 1. Ecclesia non habet potestatem instituendi Ritus, qui spirituales effectus edant, & sine peccato, etiam extra casum scandalì, omitti nequeant: proindeq. Ritibus ab Ecclesiâ institutis, nec absoluta necessitatis, nec cultus, aut meriti opinio, adscribenda est. 322
2. Qui

- Qui Ricus jam introducti sine peccato servari possunt, tranquillitatis causâ servandi, nec temerè, præsertim in gratiam hominum veritatis abrogandi sunt. 324
- XVI. 1. Magistratus est DEI ordinatio, & salvâ conscientia à Christiano geri potest. 330
2. Non Laici duntaxat, sed & Clerici, ut membra civitatis, sub potestate Magistratus sunt, eisdemq; nisi impia præcipiat, obedientiam præstare tenentur. 334
3. Quemadmodum Christiano de causis, tam criminalibus, quam civilibus judicare, sententiâq; etiam capitalem, exsequi; ita pariter coram judicio, jus suum prosequi licet. 336
4. Cum bella à Deo nullibi simpliciter prohibeantur, nihil impedit, quo minus Christianus bello iusto, salvâ conscientia intersit. 340
5. Tamen si juramenta temeraria prohibeamus, nihilominus in re gravi, præsertim si Magistratus postulet, jurare fas est. 342
6. Possessio proprii nullatenus cum pietate pugnat, falsumq; adeo est, quod in communione rerum aliqua perfectio Christiani consistat. 345
7. Contractus civiles, super rebus mundanis, juxta leges cujuscunq; Reip. inire, non adversatur officio Christiani. 346
8. Polygamia simultanea, morali eâq; positivâ & universali lege, inde à mundi principio prohibetur; contra quam nulli agere licet, nisi dispensatione à supremo Legislatore acceptâ: Hanc cum in V. T. apud Israëlitas, locum habuisset, Christus in N. T. simpliciter sustulit. 348
9. Haudquaquam necesse est, imo nec per omnia utile, ut abrogatis Romanorum aliarumve gentium legibus, leges forenses Judæorum, in Remp. Christianorum, introducantur. 355
- XVII. 1. In Consummatione sæculi, omnes creatura, præter Angelos & Homines, essentialiter interibunt. 359
2. Falluntur, qui Christum visibiliter reversuram, & ante judicium universale, cum sanctis, partim adhuc viventibus, partim è morte resuscitatis, per mille annos, in terris regnatum esse opinantur. 362
3. Ante extremum judicium, homines mortui omnes resuscitabuntur, ita quidem, ut corpora ratione substantia cum pristinis,

quæ olim deposita fuerunt, planè eadem, animabus redun-
atq; hoc modo resurgere debeant. 364

4. Christus gloriose venturus, juxta ipsam quoq; humanam natu-
ram, super omnes homines diabolosq; exactissimum judicium
exercebit. 369

5. Electorum quisq; in suo ratione graduum ordine, sanctis An-
gelis sociatus, vitam æternam consequetur. 373

6. Homines reprobati, unà cum diabolis, in infernum detrusi,
æternis pœnis, quisq; in suo, ratione graduum, ordine affici-
entur. 375

- XIX. 1. Homo irreginitus, post lapsum, habet aliquam etsi debilem li-
bertatem, ad bonum inferioris ordinis, quod rationi subiectum
est; nullum verò prorsus ad bonum superioris ordinis, sive in
spiritualibus: Hoc enim respectu, arbitrium ejus non liberum,
sed servum dici haberiq; debet. 380

2. Homo reginitus, post conversionem, novis gratiæ viribus instru-
ctus libertatem aliquam, ad bonum superioris ordinis, sive
spirituale accepit, ita ut Deo cooperari queat; non tamen in
præsenti hâc vitâ, absq; luctâ carnis perpetuâ. 386

- XIX. Tametsi Deus peccatorem creet & conservet; malumq; prævi-
deat & dum violenter haud impedit, fieri permittat; peccata
etiam peccatis puniat; ac impœnitentem, per ulterioris specia-
lisq; gratiæ suspensionem, vel ablationem, deserat; imo quan-
doq; Satana, à quo induntur, tradat: nihilominus ad ipsum
peccatum nequaquam cooperatur, adeoq; ejus nec causa per se,
nec causa per accidens, dici haberi potest, aut debet. 393

- XX. 1. Tantum abest, ut de bonis Operibus per se spectatis, contem-
ptim sentiamus, eademve prohibeamus; ut potius illa justifi-
cato, ad declarandam erga Deum obedientiam fideiq; verâ præ-
sentiam, necessaria esse statuamus. 404

2. Nemo post lapsum, tametsi renatus sit, operibus suis, Legem
Dei perfectè implere, multoq; minùs opera, ut vocant, super-
erogationis præstare potest. 407

3. Cum meritum strictè sic dictum sit opus agentis liberi, propriis
viribus præstitum, in commodum ejus, qui mercedem operi
proportionatam, secundum justitiam permutativam, retribuere
tenetur;

tenetur; falsum omnino est, bona opera ad remissionem peccatorum & salutem aeternam modo meritorio quicquid facere. 411

4. Bona Opera, sub respectu ad salutem, sive producendam, sive conservandam, aut noxia, aut necessaria dicere, forma sanorum verborum prohibet. 416

XXI. 1. Tamen si verisimile sit, Sanctos demortuos in Ecclesia triumphante, generaliter orare pro Ecclesia militante; atque nos insuper fateamur, eos gratia memoria, celebratione virtutum ac pia imitatione merito honorari; nullatenus tamen admittere possumus, vel ut mediatores seu propitiatores, aut adiutores, vel etiam ut intercessores seu deprecatores, invocandos esse; falsaque sunt, quae de procuratione certorum negotiorum, Sanctis singulis competente, in Papatu traduntur. 426

2. Quod Sancti demortui omnia, quae in toto terrarum orbe geruntur, aut in precibus ab iis expetuntur, ipsaque, etiam cogitationes hominum cognoscant, nec in Scripturam, nec in sanam rationem, ullum fundamentum habet. 432

3. Reliquias Christi, aut Sanctorum colere, gratiae impetrandae ergo, quocumque modo tractare aut adhibere, superstitio est. 434

4. Imagines pertinenter formatas, memoria, ornatus & doctrina; non autem cultus gratia, in templis habere licet. 436

5. Mariam Deiparam, uti praeter reliquis hominibus, gratiam apud Deum invenisse credimus, atque eo nomine, tanquam benedictam inter mulieres, magni facimus; ita religioso cultu veneriri, aut Christo aequare, vel etiam, ut magis propitiam, Filio antepone-re, idololatricum censemus, 438

6. Angelis creatis religiosum cultum deferre, nefas est. 439

IN PARTIS II. ARTICULO

- I. 1. Christus Eucharistiam, sub utraque specie, esculentam ac potulentam, instituit, & quidem eo fine, ut Sacramentum istud, ab omnibus fidelibus, qui illi utuntur, sine discrimine status, integrum, atque adeo sub utraque specie accipiatur. 449

2. Christus Eucharistiam semel tantum, nempe in ea nocte, quam traditus est, instituit ac celebravit; proindeque falsum est, quod Job. VI. & Luc. XXIV. institutio aut celebratio Eucharistica describatur. 453

- II. 1. Sacerdotes, æq; ac alii homines, matrimonium licite hant, nec voto quomodocunq; concepto, si dono continentie careant, hac in parte impediuntur. 462
2. Mortuâ priori conjuge, Sacerdotes æq; ac alii homines, ad secundas nuptias licite transeunt. 465
- III. 1. Quod Missa sacrificium propriè sic dictum verèq; propitiatorium sit, in quâ videlicet JESUS Christus, modo incruento, pro vivis mortuisq; ad impetranda omnis generis beneficia, Patri cælesti à Sacerdote offeratur, pernegamus. 473
2. Missa meritò in linguâ populo cognitâ, celebratur. 478
3. Missa, prouti apud Pontificios, juxta Missale Romanum, celebratur, ob plurimos enormesq; errores, probari nequit. 480
4. Actus formales, Sacramentum Eucharistie in esse suo constituentes & ad integritatem illius necessarii, tres sunt, nempe Symbolorum, per repetita institutionis verba, Consecratio; inter communicantes Distributio; & respectu eorundem Acceptio: ut proinde Missæ privata, seu, solitaria, in quibus nulla sit Distributio, rejiciantur; neq; Symbola, licet consecrata, extra usum, v. gr. cum reconduntur, aut ad cultum exponuntur, vel circumgestantur &c. pro Sacramento haberi debeant. 482
5. Sacrificia Veteris Testamenti absolūtè & per se non merebantur remissionem peccatorum, sed tantum relativè & per aliud, cujus typi erant, nempe per Christum aliquando sacrificandum, quando hic fide apprehendebatur: atq; idem ille adeò strictissimè loquendo, unicum Sacrificium propitiatorium & Veteris & Novi Testamenti est. 486
6. Receptacula animarum, à corporibus discedentium, non nisi duo sunt, videlicet Cælum & Infernus. Cætera verò, nempe Limbus Patrum, Limbus infantum & Purgatorium, ut figmenta se habent, proindeq; orationes pro mortuis, ex Purgatorio liberandis, frustra funduntur. 487
- IV. Formula absolutionis, in quibus confiteenti, merita seu propria seu aliorum, exceptâ solius Christi satisfactione, in remissionem peccatorum & vitam æternam cedere perhibentur, impie sunt. 499

quemadmodum Traditiones humane ad decentem ordinem in Ecclesiâ spectantes, apud nos, debito in pretio habentur; ita ferendum non est, ut ulla Traditio humana, sub opinione absolutæ necessitatis, cultûs aut meriti observetur, atq; adeo præceptis Dei æquetur, vel etiam præferatur. 502

2. Jejunium, quod in abstinentiâ à quibusdam cibis, humanâ auctoritate definitis, consistere, statiq; temporibus perpetuè recurrentibus, sub opinione necessitatis, cultûs & meriti, alligari putatur, meritò ex Ecclesiâ proscriptum est. 504

VI. 1. Quemadmodum vota DEO placencia etiam in N. T. dari atq; adeo à Christianis servanda esse agnoscimus & profitemur; ita illorum numero vota continentie, paupertatis & obedientie, qualia à Monachis hodie præstantur, contineri, negamus. 516

2. Monachatus est inventum merè humanum, nec pro cultu meritorio ac satisfactorio haberi, aut etiam reliquis vite generibus, tanquam status perfectior, anteferri debet. 521

VII. 1. Potestas Ecclesiastica Ministrorum differt à potestate politicâ Magistratus, nec utraq; eidem subiecto hodie committi debet. 530

2. Potestas Ecclesiastica Ministris jure divino competens, alia est ordinis, juxta quam Verbum & Sacramenta legitime dispensant, atq; ut omnia decenter in Ecclesiâ fiant, prospiciunt: alia autem Jurisdictionis, in convenienti sensu sic dicta, juxta quam clavibus Ecclesiæ concreditis, debitè utuntur. 531

3. Quamvis Ministri Ecclesiæ, quoad facultatem dispensandi media salutis æquales sint, neq; de jure divino, ulla inter Episcopos & Presbyteros distinctio, aut etiam casus peccatorum Episcopis vel Pontifici Romano reservati dentur; nihilominus quoad executionem actuum specialium officii, inæqualitas & quædam subalternatio Ministrorum, pro commodo Ecclesiæ, introduci potest. 535

4. Quæ Pontifici, de VII. Ordinibus Ministrorum, per quos usq; ad Episcopatum ascendatur, tradunt, nullum in Scripturâ, aut etiam in primæâ ac priori antiquitate, fundamentum agnoscunt. 537

5. Nullus Ministrorû, quocunq; nomine, aut titulo veniat, potestatem habet novos cultus introducendi, aut leges conscientiam directe obligantes ferendi. 539

6. Pontifex Romanus, tametsi se pro Petri successore venditet, non tamen propterea æcumenicus Episcopus & caput univêrsalis Ecclesiæ, verum ex quo plenitudinem potestatis in Ecclesiastica, imo & Secularia sibi arrogavit, magnus ille Antichristus est, à Daniele & Paulo quondam prædictus. 540

INDEX III. RESPONDENTIUM.

Horum partes obierunt,

- I. **Gottlieb Richter** / Gedan. Magnifici Senatus Alumnus, *de D E O*, 6. Decembr. Anno 1708. pag. 1
- II. **MICHAEL FRIDERICUS Sischer** / Mariæb. Bor. *de D E O*, 13. Decembr. — 33
- III. **CONRADUS Käseberg** / Ged. Nobil Dicast, Alumnus, *de Peccato Originali*, 31. Januar. 1709. 65
- IV. **ÆGIDIUS GLAGAU**, Gedan. *de Filio DEI*, 21. Febr. 97
- V. **PETRUS ELERT**, Gedan. *de Justificatione*, 28. Febr. 127
- VI. **NATHANAEL HENRICUS MOELLER**, Gedan. Alumnus Oelhasianus, *de Ministerio Ecclesiastico & Novâ Obedientiâ*, 9. Aprilis. — 159
- VII. **JOHANNES Sackersdorf** / Ged. *de Ecclesiâ*, 18 April. 191
- VIII. **CAROLUS Schmidt** / Gedan. Nobilissimi Dicastrii Alumnus, *de Baptismo & Ccenâ Domini*, 6. Junii. 223
- IX. **MARTINUS LUTHERUS Lademann** / Gedanens. Alumn. Oelhasianus, *de Confessione & Pœnitentiâ*, 27. Jun. 255
- X. **HENRICUS Kelg** / Ged. Alumnus Vœgedingianus, *de Pœnitentiâ, Ufu Sacramentorû & Ordine Ecclesiastico*, 11. Julii. 287
- XI. **JOHANNES ANDREAS Zabel** / Gedan. Alumnus Oelhasianus, *de Ritibus Ecclesiasticis & Rebus Civilibus*, 18. Julii. — 319
- XII. **JOHANNES JACOBUS Strobj** / Gedan. *de Reditu Christi ad Judicium & Libero Arbitrio*, 23. Julii. 351
- XIII. **JOHANNES ADAMUS Arzberger** / Ged. *de Libero Arbitrio, Bonis Operibus & Causâ Peccati*, 1. Augusti. 383
- XIV. **PAULUS MATTHIAS Wandsch** / Mævâ-Bor. *de Bonis Operibus & Cultu Sanctorum*, 27. Febr. 1710. 415
- XV. **GEORGIUS DANIEL SEYLER**, Spirâ-Palat. *de Ultrâg, Specie, Conjugio Sacerdotum & Missâ*, 22. Maji. 447
- XVI. **CAROLUS LUDOVICUS Zobeisfel** / Ged. *de Missâ, Confessione & Discrimine Ciborum*, 3. Julii. 479
- XVII. **PETRUS Tancf** / Ged. *de Votis Monasticis & Potestate Ecclesiasticâ*, 18. Septembr. — 511

EMEN-

EMENDANDA.

-208

P. 2. l. 20. *pro XLVII. leg. XLVI.* p. 11. l. penult. *pro Articuli*
leg. Articulis. p. 64. l. 7. *pro 23. leg. 50.* p. 70. l. 14. *pro 28.*
leg. 27. 28. p. 80. l. 15. *pro XXVI. 6. leg. XXIV. 16.* p. 81. l.
 30. *pro VII. 16. lege VII. 26.* p. 82. l. 21. *pro III. 15. leg. III. 5.*
Ibid. l. 24. pro quartam leg. quintam. p. 89. l. 14. *pro LI. 17.*
leg. LI. 7. p. 90. l. 5. *pro vata leg. fata.* p. 104. l. 26. *pro facta*
leg. factum. p. 108. l. 2. *pro Eph. leg. Hebr. Ibid. l. 9. pro 2.*
leg. 20. p. 130. l. 2. *pro 207. leg. 202.* p. 137. l. 10. *pro VI. 9.*
leg. VI. 7. *Ibid. l. penult. pro CXLIII 2 3. ponatur XXXII. 1. 2.*
 p. 148. l. 15. *pro V. 8. leg. V. 6.* p. 150. l. 23. *deleatur XII. 31.*
 p. 159. l. 4. *pro 141. leg. 143.* *Ibid. l. 16. pro XXII. leg. XXXII.*
 p. 161. l. 4. *pro 15. leg. 16.* p. 165. l. 3. *pro 5. leg. 4.* p. 167.
 (*quod custos pracedentis pagine indicat*) *omissa sunt hac, qua lineam*
primam constituere deberent, ut homini privato ob defectum ordi-
nariorum Ministrorum consentientibus. p. 169. l. 14. *pro n. 1.*
lit. l. & n. leg. th. 1. &. *Ibid. l. 29. pro 73. leg. 75.* p. 180. l. 2.
post eos add. quos. p. 216. l. 7. *pro III. leg. II.* p. 224. l. 26.
pro 37. leg. 38. p. 225. l. 4. *pro II. leg. XXII.* p. 227. l. 14. *pro*
VII. leg. XVII. p. 235. l. 20. *pro Joh. I. leg. Joh. II.* p. 248.
 l. 6. *pro 15. leg. 25.* p. 253. l. 16. *pro 146. leg. 246.* *Ibid. l. 18.*
post litteram p. add. (247) p. 258. l. 28. *pro 37. leg. 38.* p. 262. l. 6.
pro V. & VI. leg. XI. & XII. p. 267. l. ult. *pro necessarium leg.*
necessaria. p. 273. l. 29. *pro 3. leg. 2.* p. 277. l. ult. *pro gratam*
leg. gratiam. p. 281. l. 12. *pro XIII. leg. XII.* *Ibid. l. 23. pro 2.*
leg. 1. p. 289. l. 16. *pro 31. leg. 34.* p. 291. l. 5. *pro 3. leg. 5.*
 p. 298. l. 20. *pro exhibeant leg. exhibent.* p. 300. l. 7. *pro 13.*
leg. 18. *Ibid. l. 27. pro 36. leg. 63.* p. 313. l. 8. *pro 23. leg. 21.*
 p. 331. l. 23. *pro 22. leg. 25. seq.* p. 347. l. 13. *pro XXXIII.*
 5. 8. *leg. XXIII. 8. 9. 18.* *Ibid. l. 28. pro I. leg. II.* p. 350.
 l. 24. *pro 18. leg. 28.* p. 351. l. 8. *pro foeminam leg. foeminas.*
 p. 366. l. 26. *pro 13. leg. 30.* p. 368. l. 8. *pro II. Cor. V. 30.*
leg. 2. Cor. V. 10. p. 385 l. 7. *pro iustitia carnis quæ iustitiæ*
spiritus opponitur lege iustitia legis quæ iustitiæ fidei opponitur.

ibid. l. 10. *pro* XX III. *leg.* XXXIII p. 400. l. 29.
 p. 417. l. 13. *deleatur* II. 3. p. 427. l. 3. *pro* Joh. *leg.*
 434. l. 26. *pro* XXXIV. *leg.* XXIV. p. 436. l. 17. *pro* 201.
 Part. p. 437. l. 13. *pro* 5. *leg.* 8 p. 451 l. 27. *pro* 10. *leg.* 11. p.
 463 l. 16. *pro* 4. *leg.* 14. p. 473 l. 22. *deleatur* Psal XL l. 2. &
substituatur Hof. XIV. 13. p. 489. l. 15. *pro* agant *leg.* agunt.
 p. 492 l. ult. *pro* 15. *leg.* 25. p. 493 l. 3. *pro* XVII. *leg.*
 XXVII. *ibid.* l. 23. *pro* 29. *leg.* 28. p. 499 l. 21. *pro* Exod. II.
leg. III. p. 505. l. 14. *pro* Act. XXVII. 9. *leg.* Zach. VIII. 19.
 p. 522 l. 23. *post actum est.* add. P. 1. Art. 6. *ibid.* *pro* 282 *leg.*
 180. p. 529. l. 3. *pro* qui *leg.* quam. p. 531 l. 24. *pro* clavibus
leg. clavibus. p. 537. *pro* XXVI. *leg.* XXV. p. 539. l. 9. *pro*
 Matth. VI. *leg.* Matth. IX.

F I N I S.

